



BIBLIOTHECA
REGIA
MONACENSIS

فهرست لشرح البرکوی

| | | |
|-----------------------|----------------------|-------------|
| بیان الصفات السلیة | بیان الصفات الثبوتیة | ملائکة |
| ۸ | ۲۳ | ۴۳ |
| کتب الله | رسل الله | معراج |
| ۴۸ | ۵۰ | ۷۳ |
| ازواج محمد عم واولاده | کرامت اولیا | عذاب قبر |
| ۷۸ | ۸۰ | ۹۰ |
| علامت قیامت | یا جوج وما جوج | دابة الارض |
| ۹۱ | ۹۵ | ۹۶ |
| قیامت | میزان | صراط |
| ۹۷ | ۱۰۶ | ۱۱۱ |
| حوض | جنت و جهنم | قضا و قدر |
| ۱۱۲ | ۱۱۳ | ۱۲۰ |
| ایمان و اسلام | دین و ملت | ایمان اجالی |
| ۱۲۳ | ۱۲۴ | ۱۲۵ |
| مقلدک ایمانی | بیان مذهب | بیان فرض |
| ۱۲۵ | ۱۳۵ | ۱۳۷ |
| بیان واجب | بیان مباح | بیان حرام |
| ۱۳۸ | ۱۳۸ | ۱۳۹ |
| بیان مکروه | بیان سنت | بیان مستحب |
| ۱۳۹ | ۱۳۶ | ۱۴۰ |
| اخلاق ذمیه | اخلاق حمیده | تقوی |
| ۱۴۵ | ۱۵۹ | ۱۷۵ |
| آفات العین | آفات ید | آفات بطن |
| ۱۷۹ | ۱۸۴ | ۱۸۶ |

| | | |
|-------------------------|----------------------|-------------------|
| آفات فرج | آفات رجل | آفات اللسان |
| ١٨٦ | ١٨٧ | ١٨٨ |
| آفات كفر | الفاظ كفر | وصايا السالك طريق |
| ١٩٥ | ١٩٩ | الآخرة ٢١١ |
| مسبغات عشره | وصايا متعلقة بالمتضر | اسقاط صلوة |
| ٢٢٦ | والميت ٢٣٢ | ٢٤٨ |
| حفر قبر | كفن وغسل ميت | صلوة ميت |
| ٢٥١ | ٢٥١ | ٢٥٢ |
| قرأت على القبر | كفارت يمين | تلقين |
| ٢٥٥ | ٢٥٦ | ٢٥٧ |
| ذبل وصايا | ابدستك فرضلى | ابدستك سنتلى |
| ٢٥٩ | ٢٦٦ | ٢٦٦ |
| ابدستك مكروهلى | ابدستى بوزنلر | غسلك فرضلى |
| ٢٦٧ | ٢٦٧ | ٢٦٩ |
| غسلك سنتلى | غسلك موجبلرى | نمازك طشره سنده |
| ٢٦٩ | ٢٧٠ | ٢٧٠ |
| نماز ايجنده اولان فرضلر | نمازك واجبلرى | نمازك سنتلى |
| ٢٧٣ | ٢٧٤ | ٢٧٥ |
| نمازك مكروهلى | نمازك مفسدلى | تحيات |
| ٢٧٧ | ٢٨٠ | ٢٨١ |
| قنوت | مسبغات عشره | احوال حيض ونفاس |
| ٢٨٤ | ٢٨٤ | ٢٨٤ |



جوهره بیه اجدیہ * فی شرح الوصیۃ المحمدیہ

* * بسم الله الرحمن الرحيم * *

ججمع حد و ثنا واجب الوجود و کامل الاحسان والجلود اولان
الله تعالیٰ به مخصوص صدر که امت محمدیه بی اصولی دینیه و فروع
شرعیہ ده سائر ائم سالفه سابقه اوزرینه تفضیل ایلدی و اهل سنت
وجماعتی مذهب حقہ توفیق ایدوب زیغ و ضلالدن محفوظ ایلدی
وصلوات متوالیه و تسلیمات متالیه اول افضل مخلوقات و مغفر
کائنات شمس فلک نبوت و رسالت و فلک عالم سعادت و سیادت خاتم
انبیاء و مرسلین و سید اولین و آخرین محمد مصطفی صلی الله تعالی علیه
وسلم اوزرینه اولسونکه شمس دین متین و نور شرع مبینله جهاندن
ظلمات کفر و جهالتی محو ایدوب امتی احیا و تنویر ایلدی و دخی
آل و اصحابی اوزرینه اولسونکه ملت محمدیه و شریعت اجدیہ بی
نقل و روایت ایلدیلر و دخی علماء دین اوزرینه اولسونکه شریعت
مطهره بی اهل اسلامه تعلیم ایتدیلر * و بعد * بو عبد فقیر و حقیر
قاضی زاده اسلامبولی احمد بن محمد امین رحمهما الله تعالی دیر که علماء
دیندن اولان شیخ تقی الدین محمد بن پیر علی البرکوی علیه رحمة الملك
القوی تألیف ایلدیکی و صبت نامه ذاتنده برکزیده رساله شریفه

اولوب

اولوب اصول دینه دن اکثر عقائد اهل سنتی مشتمل و علم اخلاق دن
 امهات محاسن اخلاقی حاوی و فروع شرعیہ دن بلیسی اهم مهمات
 اولان مسائل نفیسه بی جامع اولغله طالب سعادت و سالک آخرت اولان
 اخوان دین و خلان مخلصین ایچون وسیله وصول سعادت اولوب
 اهل علم و ارباب صلاح عنندنه بالاتفاق مدوح و معتبر اولغله طالب دین
 اولنلر ائدن مستفید و مسترشد اولوب طریق حق و صوله سعی بلیغ
 و رغبت ایتمکله لکن بعض محلی حل و بعض مشکلی بی ایضاح ایتمکله
 بر مفید شرحه محتاج اولدیغیچون بو عبد فقیر دن بعض اخوان آخرت
 افاده بی متضمن بر شرح غذب البیان و فصیح اللسان تحریر بی التماس
 ایلدوب اخوان مخلصینه خدمت و طلب رحمت و مغفرت ایچون
 بعون الله تعالی شرح مذکورک تحریرینه شروع و بعد الاتمام
 جوهره بهیه اجدیه * فی شرح الوصیه المحمدیه * تسمیه اولندی
 اولام معلوم اولسونکله اهل تصنیف بیننده واجبد رک کابلرینک اولنده
 بسمله شریفه بی ذکر ایدوب تألیفلرینک طاعت مقبوله اولمه سی حقده
 اسم جلیل الشان وسیله سبله حق تعالیدن نصرت طلب ایدرلر بعده
 تألیف کتاب بر نعمت عظیمه اولوب اکاموفق اولدقلر ایچون حمله ایله
 بدأ ایدوب حق تعالی یه ثایدرلر و دخی فخر جهان رسول الله صلی الله علیه
 وسلم دین اسلامی تبلیغ ایلمکده حق تعالی ایله قوللر بیننده واسطه جلیله
 القدر اولوب ظلمات کفر و جهالتدن خلاصه وسیله عظیمه اولدیغیچون
 اکا صلوة و سلام ایدرلر و دخی ال و اصحاب رضوان الله علیهم اجمعین
 رسول الله ایله سائر اهل اسلام اراسنده دین اسلامی نقل و روایت ایتمکده
 وسیله اولدقلر ایچون انلری دخی ذکر ایدرلر مع هذا مصنف مرحوم
 رساله سنک اولنده بسمله و حمله بی ذکر ایلدی تا کیم کابی بر طاعت مقبوله
 اولوب نقصدن مبرا اوله و بویه بر تألیف جلیل القدره موفق اولدیغنه
 جد و ثنا ایلمه و قرآن عظیم الشانک اسلوب حکیمانه سنه موافق

وسلف صالحینک تألیفاتنه مطابق اوله بعده صلوة وسلامی ذکر
ایلدی تا صکم رسول الله صلی الله علیه وسلمک بعض حقوقنی ادا
وروز جزاده شفاعت عظیمه سنه وسبله اوله مصنف مرحوم اوله
بسم الله الرحمن الرحیم دیدی بسم الله یعنی بن بوکابک عبادت مقبوله
اولسند. حق تعالینک هر براسم شریفی استعانه سبله تألیفته شروع
ایده رم الرحمن اوله الله تعالی که کمال رحمت ایله موصوفدر رحمت
اهل لغت عندنده رقت قلب معناسنه کلور بومعنا الله تعالی حقتنه محالدر
سلف صالحین رضوان الله تعالی علیهم اجمعین اصلی معلومدر وصفنی
الله تعالی پیلور دیوب تفسیر ایتدیلر کذلک ظاهر معناسی حق تعالی
حقتنه محال اولان صفاتلر وسائر عقل ونقل ایله معناسی معلوم اولبان
آیات منشابهات واحادیث منشابهه نقدر وار ایسه جله سنک معنای
مرادینی حق تعالینک علمنه تفویض ایدوب تفسیر و تاویل ایتدیلر اما خلف
علماسی زمانلرنده مشبهه ومجسمه کی اهل ضلالت ظهور ایتدیکچون
هر بر منشابهه مناسب معنی ایله تاویل وتفسیر ایتدیلر انک ایچون رحمتی
انعام واحسان ایله تاویل ایدوب رحمن انعام واحسان ایدیچی دیمکدر
دیدیلر اگر عالم دنیا به جل اولنور ایسه مؤمنلره و کافرلره نعمت و یریچی
دیمک اولور الرحیم انجق آخرتده اهل ایمانه نعمت و یریچی دیمک اولور
یا خود رحمن ایکی جهانیه جل اولنور ایسه ایکی جهانک اولو نعمتلرنی
و یریچی دیمک اولور رحیم انک تمه سی کی اولوب ایکی جهانک کوچک
نعمتلرنی و یریچی دیمک اولور بو بایده دخی معنی چوقدر الحمد لله یعنی
هر بر حمد الله تعالی به مخصوصدر حمد دیو لسانلره تعظیم قصد ایله
ثنا و ذکر جیل ایتکه دیرلر بر جیل اختیاری نسنه اوزرینه
نعمت مقابله سنده اولق شرط دکالدر الذی شویله الله تعالی که
هدانا للاسلام بز مؤمنلری دین اسلامه هدایت و ارشاد ایلدی
هدایت ایکی قسمدر بریسی هدایت عامه در عقل تمیز و رسول

و کتاب و یرمک طریقه عامه مکلفه بود هایت اولشدر و بریسی
هدایت خاصه در علم نافع و عمل صالحه توفیق طریقه اولور ابدی مطلق
هدایتک معناسی اهل سنت عندندہ مطلوبک طریقه لطف ایلہ دلالت
ایمکدر اضلال انک ضدیدر بومعناجه هدایت حق تعالی به اسناد اولنور
الله الهادی کبی ورسوله دخی اسناد اولنور* وانک تہدی الی ممراط مستقیم
کبی یعنی ای رسول ذی شان تحقیق سن امتی حقہ دلالت ایدرسین
و قرآنہ اسناد اولنور* ان هذا القرآن یهدی للی هی اقوم* کبی یعنی
تحقیق شوقرآن کریم دلالت ایدر شول طریقه که اولجلہ طریقلردن
طوغریدر اما حضرت شیخ اشعرینک عندندہ هدایت قوللرده اہتدای
ورشدی خلق ایلک معناسنہ در بوضورتہ فی الحقیقہ هدایت ایدیچی
انجی الله تعالیدر ورسول و کتاب سبب اولور و دخی اسلام شرعہ ایمان
معناسنہ در امامدین الاسلام محمد مصطفی صلی الله علیہ وسلم الله تعالیدن
تبلیغ ایلدیکی احکامک اسمیدر تعریفی بودر وضع الہی سائق لذوی العقول
باختیارہم الحمود الی الخیر بالذات یعنی دین حق تعالیدن تعیین اولنمشدر
بوقبیدن عادتلر و قانونلر چیقدی سائق لذوی العقول یعنی عاقلاری
سوق ایدیمجیدر بوقبیدن حق تعالینک سائر افعالی چقدی نباتات
ایجاد ایلک یاز و قبش یراتمی و غیر یلر کبی باختیارہم الحمود یعنی
عاقلارک ارادہ جزئیہ لری سبیلہ سوق ایدیمجیدر الی الخیر بالذات
مقصود بالذات اولان خیرہ سوق ایدیمجیدر دیمکدر اما دین امام اعظم
رحمہ الله عندندہ یاکنز اعتقادہ متعلق احکامدرا کا اصول دبرلر واحکام
اصلیہ دبرلر نسخ و تبدیل قبول ایتمز جمیع انبیاء علیہم السلام دیندہ متفقلر در
و انمالہ متعلق اولانہ احکام شرع و فروع دبرلر واحکام فرعیہ و ظاہرہ در
و انبیاء کرامک علیہم السلام شرعفلری مختلف اولمشدر و اشاعرہ ہندندہ
دین و شریعت بر معنایہ در وجعلنا دخی الله تعالی بزى قبلدی من امہ محمد
محمدک امتدن قبلدی علیہ الصلوۃ حق تعالینک رحمت عظیمہ ہی

وملائكة كرامك انواع تعظيم ايله استغفاری و مؤمنك دعای خیری و ثناری محمدك اوزرینه در والسلام دخی جبع لائق اولیه جق نسنه لردن سلامت بولمق محمد علیه الصلوة والسلامك اوزرینه در معلوم اولسونكه بر پیغمبر بر طائفه به كلكده اول طائفه آنك امنی و جاعنی اولور ایمان كتورنلره امت اجابت دیرلر ایمان كتورمینلره امت دعوت دیرلر محمد مصطفی صلی الله تعالی علیه وسلم آخر زمان پیغمبری اولوب انسه و جنه مرسل اولمشدر نقدر انس و جن و ارایسه آنك امتیدر ایمان كتورنلر امت اجابتدر و ایمان كتورمینلر امت دعوتدر و امت اجابت بحسب الاعتقاد بر روایتده یمش اوج فرقه اولمشدر بر فرقه سی اهل نجاتدر که آنلره اهل سنت و فرقه ناجیه دینور ماعداسی اهل ضلالدر و الصلوة حق تعالینك رحمت کامله سی و ملائكة كرامك انواع تعظیم ايله استغفاری و مؤمنك دعای خیری و ثناری و والسلام دخی سلامت عظیمه علی جبع الانبیاء والمرسلین جله پیغمبرلر و مرسللر اوزرینه در نبی و مرسل معناری ان شاء الله تعالی محملنده ذکر اولنور خصوصاً منهم صلوة و سلام انبیاء و مرسلیندن مخصوصاً علی افضل المخلوقین جله مخلوقك افضل اوزرینه در که محمد اول محمد علیه الصلوة والسلامدر جله دن افضل اولمق محمد علیه الصلوة والسلامك صفات خاصه سندندر ان شاء الله تعالی محملنده ذکر اولنور و الله دخی صلوة و سلام محمد علیه الصلوة والسلامك آل اوزرینه در آل دیمك اهل قرابت دیمكدر آل عباس و آل علی و آل جعفر و آل عقیل و آل حارث بن مطلب کی یا خود ملت محمدیه به تابع اولنلر دیمكدر و صحبه اجمعین و دخی اصحابی اوزرینه در اصحاب شول مؤمنلر در که رسول الله صلی الله علیه وسلمك وقتنده بولنوب پیغمبری کور مشلر در یا خود پیغمبر علیه الصلوة والسلام آنلری کور مشلر در اما شول مؤمنلر که اول زمانده بولنوب کور شمك مبرسرا ولیه آنلره محضرم دینور بعض علما عندنده محضرمون اصحابدندر و بعض

علماء هندند کبار تابعیند در قول مختار بودر ابن حجر عسقلانی اصول
 حدیثند بونی تصحیح ایلدی امام بعد بسمله بی وجدله وصلوه له بی
 ذکرایتد کدنصرکه فهذه شورسالة شریفه وصية الفقیر
 حق تعالینک مغفرتیه ورجسته زیاده سبله محتاج اولان مصنف مرحومک
 وصبتی وامریدر که آخر عمرنده امور دینیه ده اهم اولان مسائل شریفه بی
 جمع ایدوب کندویه و اخوان دینه موحیه عمل ایتکی تنیه و اصمیر لشدر
 ابوحنیفه مذهبنده فقیر دیونصابدن اقل نسنه به مالک اولانه دیرل
 مسکین دیو هیچ نسنه سی اولیه نه دیرل امام مالک مذهبنده ده بودر امام
 شافعی و امام احمد مذهبنده بونک عکسیدر و ابوحنیفه دن برروایتده
 بویه در الحقیق اولیه فقیر که ذلیلدر مصنف مرحوم کندو نفسی
 هضم ایچون و حق تعالیدن زیاده مغفرت و رجحت طلبی ایچون کندوسنی
 فقیر و حقارت ایله و صفلدی نته کیم کا مللک عادتق بویه در
 المعترف بالجزع والتقصیر اولیه فقیر و حقیردر که مقام عبودیتده عاجز
 اولدیفنی و حق تعالینک و یردیکي نعمت جلیله لری مقابله سنده شکر
 ایتکیدن قاصر اولدیفن اقرار ایدیمیدر حق تعالی به شکر ایتکیدن
 عجز و قصور اظهار ایتک بیوک شکر اولدیفیمچون مصنف مرحوم
 کندوی عجز و تقصیر اعترافیه و صفلدی شاگردن اولوق ایچون
 محمد بن پیر علی مصنف مرحومک اسمی محمد در و باباسنک اسمی علی در
 عنی عنهما العفو العالی کندوسندن و باباسندن عفو و علو صفتلریله
 موصوف اولان الله تعالی عفو ایلسون لنفسه بو کزیده وصبت کندو
 نقسچون و لجمع الکلفین و سائر عاقل و بالغ اولان مؤمنلر ایچون
 بروصبتدر کتبه مصنف مرحوم دیو وصبتی جمع و تألیف ایدوب یازدی
 بالترکیبة ترکی لسانله یازدی که لیعم نفعها بو وصبتک جمله مؤملره
 نفعی شامل اولسون دیو اگر عریجه اولسه یا لکنز عالملا کلاما ترکیبه
 اولدقده سائر مؤمنلردخی انتفاع ایدرلر فی نفس الامر مرحوم پورسالة

شریفه بی بر اثر جلیل ایشدز که جمله بمالك اسلامیه ده مشهور اولوب
 صغیر و کبیر اندن دین و عمل او کرونور لر رحمة الله علیه بیان صفات سلبیه
 مصنف رحمة الله تعالی حق تعالی حضرت تریک صفات سلبیه سی بیاتی
 صفات ثبوتیه بیاتی اوزرینه تقدیم ایلدی زیر اناقایصدن تنزیه ایلک
 صفات کمال ایله توصیفدن مقدم اولور معلوم اوله که صفات اعتباریه التیدر
 بریسی وجود در وار اولق معناسنه دراکا صفت نفسیه دینور ذات جلیله
 انسر تصور اولمندیغیچون و بشینه صفات سلبیه دینور که بونلردر قدم
 بقا قیام بنفسه وحدانیت مخالفة للحوادث بونلرک معنارنده سلب
 ونفی بولندیغیچون صفات سلبیه دینور زیر اقدم معناسی وارلغنک اولی
 اولماق دیمکدر بقا وارلغنک آخری و نهایی اولماق دیمکدر قیام بنفسه
 ذات جلیله سی قائم و ثابت اولمقده بر مکانه محتاج اولماق دیمکدر وحدانیت
 بونک معناسی ایکی قسمدر بریسی وحدة ذاتیه عامه در که اجزاسی اولماق
 معناسنه در و بریسی وحدة وصفیه خاصه در که ذاتنده وصفاتنده
 واقفالنده نظیری و شریکی اولماق صفات کمالیه اکا مخصوص اولوب
 بر ذاتنده دخی اولیه صفة کامله اولماق مثلا واجب الوجود بالذات اولق
 و آنک حیاتی و علی و قدرتی و سایر صفات ثبوتیه سی کی بو صفاتلر بر ذاتده
 دخی بولنمبوب انجق الله تعالی به مخصوص اولمق وحدة وصفیه نک
 معناسیدر الله واحد دیمک معناسی لاشریک له ولا نظیر له دیمک معناری بودر
 و توحید شرعی و بو وحدة وصفیه بی بویلجه اعتقاد ایلکدر مخالفة
 للحوادث معناسی مخلوقاتنه مشابه اولماق حق تعالینک ذات جلیله سی
 وصفات جلیله سی مخلوقاتک بریسنک ذاتنه وصفاتنه بکرمز و اوصافی
 امکاندن منزهدر و دخی معلوم اوله که مصنف مرحوم بو مقامده صفات
 سلبیه و صفات نفسیه لری مبتدیلره تفهیمی آسان اولان اسلوب اوزره
 تعبیر و تفسیر ایلدی و دیدی اول و صبتیم اولدر که یعنی اخوان دینه
 جمله و صبتلردن اول و صبتیم و ارم و نصیحتیم اولدر که ایدم لر شهادت

یعنی آنرا قلیل علیه تصدیق ولساناً علیه اقرار ایدیه را ایدیه رمکه یعنی بن
 تصدیق و اقرار ایدیه رمکه عبادت لایق و مستحق یعنی کندویه تذلل
 و خضوع و التمغه و سائر عبادات قولیه و فعلیه و مالی علیه عبادت اولتمغه
 لایق دانسته مستحق کسسه بوقدر بر ذات اصلاً مغفود اولتمغه مستحق
 د کلدر الا الله تعالی وارد در جمله عبادت و طاعت را کما لا یقدر ز بر اول
 جمله بی خالق در اول مخلوقات کندویه تذللنی اقتضای در و عقلاً نیک انواع
 عبادات مستحق اولور حق تعالینک و ارلغنه جیع بمخاوقات دلیل در
 معلوم اوله که حق تعالینک معرفتی تحصیل ایچون مخلوقات نظر و تفکر
 ایلک عقلاً اوزرینه شرعاً واجبدر نه کیم حق تعالی بیورر * قل انظروا
 ما فی السموات و الارض * یعنی ای رسول خلقه دیکه نظر ایدیکر بوجه
 کوکلدره و برلدره اولان عجایب مصنوعات کور و خالق و ارلغنی
 و کالاتی تصدیق و اقرار ایدیکر دیک اولور و بر آیه کریمه ده دخی
 ان فی خلق السموات و الارض و اختلاف اللیل و النهار آیات لاولی الالباب
 یعنی تحقیق کوکلری بواسطه عجیب اوزره ایجاد ایدوب بری اوستنده
 قبه کبی ترتیب اولوب و بلور کبی شفاف و براق و نیچه کواکبه زینت
 و یریلوب و شمس و قمر علیه جهان منور قلمقه در که انده دریاز و ابره غلر
 ایجاد اولوب و نیچه مملکت و شهر لیر ایدیلوب هر برنده بنی آدم و سائر
 حیوانات ساکن اولوب و نیچه صحرا و مزرعه و باغچه و بوستانلر
 خلق اولوب و انلردن انسانه و حیوانه رزق ایجاد اولتمغه و جهان
 ایچنده کیچه اولوب جمله خلق قرانلقده قلوب کوندوز اولتمغه جهان منور
 اولوب خلق مطلوب بلرینه سعی ایدوب و مقصود لر بنی کسب ایدر لر و کیچه
 کاه اوزون کاه قصه و کوندز کاه اوزون و کاه قصه اولوب و بر برلری
 حقیقجه کلده عاقلار ایچون نیچه علامت و دلیل وارد در که حق تعالینک
 و ارلغنه و قدرتیه و علمیه و ارادته و رزاق اولدیغنه و وحدانیته دلالت
 عقلیه قطعیه علیه دلالت ایدر دیکدر بوایه کریمه نازل اولدیغنی وقتده

رسواله صلی الله تعالی علیه وسلم شویله پیوردیکه * ویل لمن قراها
ولم يتفكر فيها * یعنی ویل وهلاك شونلره که بوآیه کریمه بی قرأت ایدوب
مخلوقانده تفکرا یتیمه ایمدی بوآیه کریمه په وامثالنه نظر وتفکر الیمین کسه
حقنده اولان بو حدیث شریفده کی وعید شدید معرفه الله تخصیصی
ایچون نظر وتفکر ایلک واجب شرعی اولدیغنه دلیلدر معتزله عندنده
وجوب عقلی ايله واجبدردخی معرفدن مراد حق تعالی نیک وجودینی
وصفات کمالیه سنی تصدیقدر وبومعرفت نظر صحیحله حاصله اولور
استادک ارشادینه حاجت اولمزنه کیم بعضی اعرایدن معرفه الله سؤال
اولندقدیمشکی البعرة تدل علی البعير * و آثار الاقدام علی السیر * اقسامه
ذات ابراج واراض ذات ۲ فجایح لایدلان علی اللطیف الخیر * یعنی دوه آثاری
کار بانه دلالت ایدر یا قله آثاری یورغمش طریقه دلالت ایدر بورجلر صاحبی
کوکلر و اولو بولر صاحبی برز لطیف و خیر اولان الله تعالی په دلالت ایتیمی
اسماعلیه طائفه سنک امام معصوم ارشادینه محتاجدر دید کلری باطلدر
صاحب شریعتک تعلیم وتبلیغ ایتدیکی و قرآن کریمک بیانی کفایت ایدر
وعقائد اسلامیه شرع شریفدن اخذ اولنور معتبر اولور سبب نجات
اولسون ایچون ودخی بومعرفت جله واجبلر و فرضلردن مقدم فرضدر
واما حق تعالی نیک کسه ذات جلیلی بیلک ممکنیدر دکلدر اختلاف واردر
امام الحرمین و آنک امثال اهل تحقیق محالدر دیدیلرو بعضیلر ممکندر
لکن واقع دکلدر دیدیلرو بعضیلر دنیاده واقع اولمزن لکن جسته وقوعی
ظن غالبدر امام فخر الدین بعضی کابلرنده شویله ذکر ایلدیکه حق تعالی نیک
وارلغی آشکاره در تفکرا یتیمکه محتاج دکلدر نه کیم حق تعالی پیور
افی الله شک فاطر السموات والارض * یعنی برلری و کوکلری خلق ایدیچی
اولان الله تعالی نیک وارلغی شول قدر آشکاره در که اصلا شک اولمغنی
قبول ایتیمز دیمکدر شریکی یعنی ملکند و تصرفاتند و افعالند اورنغی
ونظیری یعنی ذات جلیله سنده و صفات علیه سنده مثلی واکابر بر بذات

بوقدر اولسی دخی ممکن دکلدرد بوکلام وحدانیت معناسنی افاده ایدر
 وحدانیتی اثبات ایلکده دلیل عقلی و دلیل نقلی ذکر ایده رز دلیل عقلی
 شویله در که اگر ایکی اله اولیدی یئتلرنده ممانعت و افعالرنده مخالفت ممکن
 اولور ایدی بوقدر برجه برنسنه تک بریسی وجودی و بریسی عد منی
 مراد ایلسه مثلاً ایکی ضد بر لحظه ده بولمق لازم کلور بوایس باطلدر
 و یا خود ایکبسنک دخی مرادی اولسه ایکبسی دخی عاجز اولمق لازم کلور
 عجز ایلسه اولوهیته منافیدر بودخی فاسد در یا خود بریسنک مرادی
 حاصل اولوب بریسنک اولسه عاجز اولمق لازم کلور عاجز اولان اله
 اولزاله فرض اولنان اله اولمق لازم کادی بودخی باطلدر حق تعالینک
 جیع افعالی و مخلوقاتنی نظام واحد اوزره اولوب اختلا لدن عاری اولدیغی
 دلیلی قاطعدر که اله العالمین بر در شریک و نظیر و معارضدن مزهدر
 بودخی غیردلیل عقلی واردر حق تعالینک وحدانیتی مسئله سی ضرور یانه
 ملحق اولدیغی چون علما رحیم الله تعالی اکثر تألیفاترنده دلیل ذکر
 ایتمزلر اما دلیل نقلی حق تعالی پیوردر * فاعلم انه لا اله الا الله * یعنی سن
 بلکه تحقیق شان الله تعالیدن غیری اله بوقدر * والهم اله واحد ای
 قوللرم سزک معبودیکز بر اله در * لا اله الا هو * اندن غیری اله بوقدر
 و دخی قرآن کریمده وحدانیت حقنده چوق آیات عظام واردر که
 رب العالمین جل شانہ بر در شریکدن و نظیردن مزهدر * ایس کتله شیء
 حق تعالینک مثلی بوقدر و اولمق دخی ممکن دکلدرد مصنف مرحوم
 مشرکری و مشبه طائفه لر نی زدا یلیدی امام مشرک لر ایکی قسمدر بر قسمی
 الوهینده مشرک لردر و بر قسمی عبادنده مشرک لردر الوهینده مشرک لردر
 بر قاج مصنفدر بریسی مجوسیدر ایلر شویله زعم ایندی لکه حاشا خالق ایکبدر
 بریسی خبری خالقدر! کا بزدا ن دیدیلر و بریسی شری خالقدر! کا اهرمن
 دیدیلر و بر صنی طبا یعنی وندر انلر شویله زعم ایندی لکه مؤثر درندر حرارت
 پرو دت رطوبت پیوست بونلر اشیا ده تأثیر ایدر دیوب صفات قدرت

فتکوننده مشرک اولدیلر و بر صفتی دخی افلاک بوندانلر شویله زعم ایتدیلر که
 جهانده مؤثریدیدر دیوب زخل و مشتری و مریخ و زهره و عطارد و شمس
 و قمر بیلدیرینی احوال عالمده مؤثر و متصرف اعتقاد ایلدیلر بونلرک
 مذاهب فاسده لری باطله اولدیغی اهل ایمان عندنده ظاهر در اما عبادتنه
 مشرک لرا صنایع طیاردر که کمال مرتبه جهاتندن ناشی کندی یابدقلری
 بونلره عبادت ایللیوب بونلر بزی حق تعالی یه قریب ایدوب عندالله بزره
 شفاعت ایدر لر زعم ایدر لر نصاری طائفه سنک مشهوری اوج فرقه در
 بونلر شویله زعم ایتدیلر که حق تعالی جوهر در که انک اوج اقنومی وارد
 جوهر دن مراد لری قائم بالذات دیمکدر واقنومدن مراد لری صفتدر یعنی
 وجود و حیوة و علم صفتلرینه اقایم دیدیلر و جوده اب دیدیلر و حیوة
 روح القدس دیدیلر و علمه ابن دیدیلر بونلرک بفرقه سی ملکاتیه در شویله
 زعم ایتدیلر که علم صفتی عیسی علیه السلامک جسدینه حلول ایدوب
 یاغله سود امتزاج ایتدکلری کبی امتزاج ایتشدردیدیلر و بفرقه سی
 یعقوبیه در انلر شویله زعم ایتدیلر که علم اقنومی حضرت مریم علیها
 السلامک قارننده ات وقان و سائر اعضا یله انسان صورته کیروب دنیایه
 کشدر که عیسی علیه السلامدر علم اقنومک عینی اولوب همان کندبسی
 اللهدر دیدیلر تعالی الله عن ذلك علوا کیرا و بفرقه سی نستوری در
 انلر شویله زعم ایتدیلر که حق تعالی عیسی علیه السلامده اشراق ایتشدرد
 کوفش بلور اوزرینه ضیا و یروب اشراق ایتدیکی کبی و بعض فرقه لری
 دخی شویله زعم ایتدیلر که ملک انسان شکلنه کیردیکی کبی حق تعالی دخی
 انسان شکلنه کیروب دنیایه ظهور ایتشدرد که اول عیسی علیه السلامدر
 دیدیلر اهل انجیلک ملا حدمتی بومذهب باطللری احداث ایدوب کابلیرینه
 یازوب اصحاب عیسیایه اسناد و بهتان عظیم ایتدیلر بونلرک جمله سی کافر
 اولدقلرینی حق تعالی قرآن کریمده ذکر ایتشدرد که کیم بیور * لقد
 کفر الذین قالوا ان الله ثالث ثلثة * یعنی تحقیق کافر لر اولدی شول نصاری

طائفه سی که الله تعالی اوج نسنه تک بریسی در دیدیلر بونلر ملکا شه در که
 وجود اقموی اللهدر حیوة اقموی روح القدسز یعنی جبرائیلدر علم
 اقموی عیساندر دیدیلر حق سبحانه و تعالی بونلری غایتده رد ایدوب
 و مامن اله الا اله واحد * دیو بیوردی یعنی هیچ اصلا الله تعالیدن غیر
 اله یوقدر و برآیت کریمده * لقد کفر الذین قالوا ان الله هو المسيح ابن مریم
 یعنی تحقیق کفر ایتدی شول یعقوبیه طائفه سی و انلر کیلر که انجیق الله
 تعالی مریم اوغلی مسیحدر دیدیلر زیر اعیانک کنده سی اللهدر دیدیلر
 و یمک یدی و صوابچدی و کیندی و قوشاندی و آنه دن طوغدی و صورتی
 و شکلی اولوب انسان اولدی و صفات انسانیه آنک حقنده موجود اولدی
 دیدیلر اما مشبهه و محسمه طائفه لریکه بونلردن بر طائفه رزیه در حق تعالی بی
 اتدن و دریدن و قاندن مر کبدر دیوب انسان صورتنده در دیدی کبسی
 کنج اوغلان صورتنده در دیدی و کبسی قوجه مش کشی صورتنده در
 دیدی و کبسی نور دندر لکن کندی قارشیه یدی قارشدر دیدی و کبسی
 یوقاری طرفده عرش اوزرنده در دیوب برنکاندن بر مکانه حرکت و انتقال
 ایلمسی جائز در دیدی و کبسی عرش اوزرنده او اوب عرشک هر طرفندن
 درت بر مق مقداری بیوکدر دیدی و عرش آنک آلتنده صدا و یروب یکی
 سمر اوزرینه آغریوک قونسه نیجه صدا و یروب غیچر دارایسه اوله جه
 غیچر دار دیدی و کبسی یوقار و طرفده در آنک ایچون دعا آنک قبله سی اوست
 طرفدر دیدی و شبعه طائفه سنک اشقیاری حق تعالی علی به رضی الله عنه
 و اولادینه حلول ایلدی دیدیلر و لاحده و اتحاد به و حلولیه طائفه لری
 حق تعالی وجود مطلقدر و اشیه ایله متحد در دیدیلر و کنج اوغلانله نظر
 ایدوب انلرده جمال الهی کور برز دیر انلرک دیدیکاری وجود مطلق امر
 موهومدر اصلی یوقدر غایتده باطل مذهبدر بو وجود مطلق دید کلری
 اجزادن مر کبدر حادثدن خیال فاسد صاحب لری بو مذهبی پیدا ایتدیلر اعمدی
 مصنف مرحوم بو ذکر اولتان طوائف رزیه لری را دیوب دیدی لباس کیمدن

و قوشاق قوشانمه دن و يمك يمه دن و صوابچمه دن و بونلرك لازمی
اولان اوبقو او بومقدن و آنه دن طوغندن و كنديسي قير واركل
اولاد طوغرمه دن و كنديسي عورتدن يعني زوجه سی اولدن
و قيردن و اوغلانندن مزهدر يعني قير و اوغلان اولادی يوقدر بونلرك
جمله سندن عاريدر و پریدرايمدی يعقوبيه و ملكا ئيه و مجسمه طائفه لرخی
مصنّف بوكلامله رد ايلدی و عبده اصنامی دخی رد ايلدی زير انصارادن
يعقوبيه طائفه سی عيسى عليه السلام الله تعاليدردیديلر و لباس كينور
و قوشانور و يمك بر و صوابچر و اوبقو او يوردیديلر زير احضرت عيسى ده
بو صفتلر وارد و آنه دن طوغدی ایدی و ملكا ئيه ايله يهود طائفه سی
دخی رد اولندی زير املكا ئيه طائفه سی عيسى عليه السلام حق تعالينك
اوغلیدر و مریم خاتونیدردیديلر و يهود طائفه سی عزیر عليه السلام
حق تعالينك اوغلیدردیديلر نه کیم قرآن كرمده ذکر اولنور
و قالت اليهود عزیر ابن الله * يعني يهود طائفه سی عزیر حق تعالينك
اوغلیدردیديلر * و قالت النصارى المسيح ابن الله * و ملكا ئيه نصاراسی
عيسى عليه السلام حق تعالی حضرتلر ينك اوغلیدردیديلر حق تعالی
بونلری رد ايدوب بيوردی * ما اتخذ صاحبة و لا ولدا * يعني حق تعالی
خاتون ايدنمدی و اوغل و قير اولاد ايدنمدی و عبده اصنام طائفه سی
ملائكه حق تعالينك قيرلر بدر دیديلر حق تعالی بونلرك جمله سنی
رد ايدوب بيوردی * قل هو الله احد * يعني رسولم حق تعالينك
وصفتدن سؤال ايدنلره ديكه الله تعالی ذاتنده بر در انقسام قبول ائمز
الله الصمد * الله تعالی به جمله كائنات هر حالده محتاجدر و جمله خلق
انك فقراسيدر * لم يلد * حق تعالی اركك و قير طوغورمدی * ولم يولد
و كنديسي آنه دن طوغندی بونلر نصاری ايله عبده اصنامی رددر نه کیم
مذهب لری ذکر اولندی * ولم يكن له كفوا احد * و دخی رشی حق تعالی به
كفو و شريك و نظير اولمدی بوكلام مشرك لری و مشبه و مجسمه طائفه سنی

رددرای عاقل نظرایت مصنف مرحوم بوقلیل کلامه بوقدر طوائف
 مختلفه باطله نك ردینه اشارت ایلدی رجه الله علیه رجه واسعه
 وحق تعالی بی بونلرك عقائد باطله سندن تنزیه ایدوب اعتقاد حق اهل
 ایمانه بیان ایلدی بویه جه نقصان صفاتلر حق تعالی حقنده محال
 اولدیغنی بیان ایدوب بیوردی بونسنه ل یعنی کیم و قوشاق
 قوشاق ویمک و ایچمک و او یومق و طوغمق و طوغورمق و عورت آلتق
 و اوغل و قیز اولادی اولق انده اولمز حق تعالیده بوصفاتلر
 بوقدر و اولق دخی ممکن دکدر زیرا بوصفاتلر بخلاف اولق
 صفاتلریدر مذهب اهل ستنده حق تعالینک ذات جلیله سی صفات
 جلیله سی سائر ذاتلردن و صفاتلردن بالکلیه ممتاز و مفاردر و اصلا برسنه به
 بکر مز و کائناتک صفاتندن و احوالندن منزهدر جمهور معتزله عندنده
 حاشا حق تعالینک ذات جلیله سی سائر ذاتلر کی اولوب واجب الوجود
 اولق و حی اولق و عالم اولق و قادر اولق صفاتلریله فرق اولتوردیدیلر
 و ابوهاشم معتزلی سائر ذاتلردن فرقی اولوهیتله در دیوزعم ایلدی
 حق تعالی قرآن کریمنده بیوردی * لبس کتله شیء * یعنی حق تعالینک
 هیچ مثلی بوقدر مثلی اولق ممکن دکدر کوکده و یرده دکدر مکانندن
 منزهدر زیرا ممکن دیوشول بعد موهومه دیرلر که جسم اکاد داخل اولور
 حق تعالی جسم و جسمانی اولقدن بریدر مکان و زمان انک شأنه محالدر
 و جسمک خواصندن منزهدر مصنف حق تعالی تنزیه مقاصفنده
 تفصیل ایدوب وجهت اثبات ایلین طئفه باطله بی ردایتمکده زیاده اهتمام
 و اعتقاد حق تفهیم ایچون بسط کلام ایدوب دیدی صاعده و صولده
 وارکده وارنده و اوستده والتده دکدر بونلره جهت و طرف دینور یعنی
 حق تعالی برکسه نك صاغ طرفنده یا خودصول طرفنده یا خود اولک طرفنده
 یا خود آرد طرفنده یا خود اوست طرفنده یا خود آلت طرفنده دکدر زیرا
 بواطراف اجسامک خاصه سندندر حق تعالی جسم و جسمانی اولقدن

مزه‌در و طرفه اولمقدن دخی مزه‌در ظاهر یون طائفه سی
 حق تعالی به جهت اثبات ابتدای حق این ابی تمه و تباہی شویله‌زع ابتدای که
 حق تعالی اوست طرفه در دیوب و اوست طرف دعا که قبله سیدر
 حق تعالی اوست طرفه اولد یغیون دعا اولد قدده اکا توجه اولور
 دیدیلر و شرع محمدی کعبه مکرمه بیت الله اولد یغنی اثبات و عبادت
 قبله اولد یغنی بیان و تعیین ابتدای کبی حق تعالی دخی اوست طرفه
 اولد یغنی بیان و تعیین ایلشدر دیدیلر و اهل سنت عندند عبادت
 و دعائ قبله سی کعبه مکرمه در حق تعالی جمله اطرافه اولمقدن بریدر
 جهندن مزه‌در حق تعالی‌نک صاغی و صولی و اوکی و آردی و اوستی
 والی بو قدر زیر بونلر جسمه اولور حق تعالی حقند محالدر و دخی
 مصنف رحمه الله علیه مجسمه و مشیم و حلولیه طائفه لرینی ردایلیوب
 دیدی صورتدن یعنی انسان و غیر مخلوق صورتند اولمقدن و سکلدن
 او زون یا خود قصه یا خود درت کوشه لی و یاغیری قیافتده اولمقدن
 و رنگدن بشل یا خود قرمزی و یاغیری طرزده اولمقدن و اعضادن مثلا
 باش و دماغ و قولق و یکاق و کوز و قاش و دیل و چکه و اغزو و دیش
 و طوداق و ال و قوللر و پر مقلر و ایاق و بالدر کبی نسنه لردن مزه‌در
 بو کلام ایله مجسمه و مشیم طائفه لرینی ردایلیدی زیر انلر صورت و اعضا
 اثبات ایدوب کبسی کنج اوغلان صورتند در و کبسی قوجه مش
 کسه صورتند در و کبسی یدی فارسدر دیدیلر نه کیم یوقاروده
 بیان اولندی معلوم اوله که آیات قرآنیده و احادیث نبویه و واقع اولان
 منشاهاث مثلا * الرحمن علی العرش استوی * و هو القاهر فوق عباده
 ید الله فوق ایدیهیم * و غیر یلر کیلری سلف صالحین رحمه الله تعالی
 تفسیر ایتوب معنای مرادینی حق تعالی‌نک علمه حواله ایدوب مرادینی
 الله تعالی یلور دیدیلر بو طریق اسلار نه کیم حق تعالی یوزر * و ما یعلم
 تأویلہ الا الله یعنی منشاهاث اولنلرک معنای مقصودینی انجق الله تعالی یلور

بکری

بکرمی طقوز سوره نك اولنده اولان کلمه که مثلاً * الم که بعضی س ح
 وغیر یلر منشاها تندر و خلف علماسی رحهم الله تعالی زمانلرنده فرق
 ضاله مجسمه و مشبه کیلر چوق اولد یغیچون منشاها نه ظن طریقله
 مناسب معنال ايله تأویل ابتدیلر اهل ضلالی رد و مؤمنلرک اعتقادلرینی حفظ
 ایچون مثلالد لفظنه قدرت و نعمت معناسیله تفسیر ایدوب استویه استیلا
 و محافظه معناسی و پردیلر بو طریق احکمدردخی معلوم اوله که بورایه
 کلتبییه دك مخالفت للمواد نك معناسیدر وارلقینک اولی و ابتداسی
 و آخری و نهایتی بو قدر وارلق دیمک وجود معناسنه در وصفات
 نفسیه در اولی و لملق قدم صفاتنک معناسیدر و آخری و لملق بقا صفاتنک
 معناسیدر وارلقی کند و دندر غیریدن دکلدر مصنف رجه الله تعالی
 بو کلامی دیمسه ایدی کوزل اولور ایدی یوقار و ده کی کلامندن حق تعالینک
 قدیم و باقی و واجب الوجود اولدیغی معلوم اولدی ایدی بو کلامه حاجت
 یوق ایدی و بو کلامدن بریا ککش نسنه اکلنور که حاشا حق تعالی وارلقی
 کند یسی پیدا ایتش اکلنوب وجودی صکره دن عارض اولمش معناسی
 خاطره کتور ربوایسه باطلدر زبرا حق تعالینک وارلقی ازلیدر و ذات
 جلیله سنک صفات نفسیه سیدر واجب الوجود در اگر مصنف وارلقی
 ذات جلیله سنک لازمیدر و ازلیدر ذاتندن ابرلمسی محالدر دیمسه ایدی
 کوزل اولور ایدی ذات شریفی بر حال اوزره ثابتدر بو کلام قیام بنفسه
 صفاتنک معناسیدر که قائم و ثابت اولقده مکانه محتاج دکلدر حال دیمبوب
 ذات شریفه سی دوام اوزره ثابتدر دیمسه ایدی کوزل اولور ایدی حال دیون
 عارض نسنه دیرلر مصنف رجه الله تعالی تنزیها تده اهتمام ایدوب خاطره
 کلن او هام و وسوسه بی بالتکلیه دفع ایچون بسط کلام ایدوب انسانک
 ایچر و سنه عارض اولان نسنه لردن حق تعالی بی تنزیه ایلدی و دیدی
 خسته اوله دن و سائر اغری و صانچی و خزن صکی نسنلردن
 و غصه لنه دن مرادی حاصل اولوب غم چکمه دن و بردشتمدن

ضرر اصابندن قورقه دن و تغیر اتدن الوهیت زوال کلمه دن وصفات
 کمالیه سنه نقصان و ضعف عارض اولدن و افعاله و امرینه و حکمنه
 معارض پیدا اولمده دن و خلل کلمه دن جمله سندن بریدر اکسکک
 صفاتلرندن جمله بریدر جمله کالاتی ازایدن عجز و قصور و جهل و ضعف
 و یوق اولوق و عیب و سائر الوهیت لایق اولیان صفاتلرندن مزهدر
 جمله عالم یوغیکن اول و ارایدی عالم دیو مخلوقاته دبرل علامت معناسه در
 مخلوقات حق تعالینک و ارلغه علامت اولدیغیچون عالم دینلدی مصنف
 رحمه الله تعالی بو کلامله فلاسفه مذهبی رد ایلدی زیرا انر هیولی
 و کوکلر و عقول عشره و نفوس تسعه قدیملر در دیدیلر اهل حق شویله
 تحقیق ایندیلر که حق تعالینک ذات جلیله سندن و صفات کمالیه سندن
 ماعدا قدیم یوقدر بو کائنات حق تعالینک ایجادیله مسکرمه دن وارا اولمشدر
 هیچ کسبه محتاج دکلدن حق تعالی ذاتنده و صفاتنده غنیدر مخلوقات
 محتاج اولدیغیچون خلق ایتمدی بلکه کالاتی اظهار و وارلغنی خلقه
 بلدرمک ایچون براتدی بعض ملاحده شویله زعم باطل ایتمشیر که حق تعالی
 مخلوقاته محتاجدر دیوب العیاذ بالله تعالی نقصان صفاتی اثبات ایندیلر
 و بعض کافرلر شویله زعم ایندیلر که حق تعالی فقیردر بزر اغنیایز دیدیلر
 بو کلامله مصنف رحمه الله تعالی انلری رد ایلدی و حق تعالی کلام
 قدیمده یوزدی * یا ایها الناس اتمم الفقراء الی الله والله هو الغنی الحمید
 یعنی ای انسان سرلر هر حالده حق تعالی به محتاجلر سر و اتمم فقرالری سر
 حق تعالی جمله دن غنیدر و ذاتنده صفات کمالیه ایله متصفدر و جد و ثنا
 اکا مخصوصدر برآیه کریمده * ان الله غنی عن العالمین * یعنی تحقیق
 الله تعالی جمیع کائناتدن غنیدر جمله عابدلرک عبادلرینک ثوابی کندیلر
 واصل اولور و عاصیلرک عصیان و عقوبتی کندیلر واصل اولور
 عجزدن بریدر حق تعالی قدرت کامله ایله متصفدر جمیع کائناته کوچی
 بنشور اصلارنسنه بی براتنده عاجز و ضعیف اولمز دیلمه بو جمله عالمی

برآنده یوق ایدر زیر بو کاشان وارا اولغنی و یوق اولغنی قبول ایدیجدر
 حق تعالی کمال ارادت و کمال قدر تله موصوفدر وارا اولغنی دیلدیکی البته
 وار اولور و یوق اولغنی دیلدیکی البته یوق اولور برنسنه اکا مخالف
 ایده مزجله اشیا ناک حکمنه مسخردر و دیلسه کبر و برآنده وارا ایدر بونلرک
 ذاتلری وارلغنی و یوقلغنی قبول ایدیجی اولد یغیچون حق تعالی انلری
 دیلسه وارا ایدر و دیلسه یوق ایدر مصنف رحمه الله تعالی فلاسفه بی رد
 ایلدی زیر دیدیلرکه برشی یوق اولد قد نصکره کبر و وار اولغنی محالدر
 دیو کاشانک ماده لری بالکلیه یوق اولغنی محالدر دیدیلر اهل حق شویله
 تحقیق ایندیلرکه کاشان ممکن الوجود اولوب وارلغنی و یوقلغنی قابلدر
 ذاتلری وصفاتلری هیچ یوق ایکن حق تعالینک براتمسبله وارا اولمشلردر
 حق تعالی دیلسه نیچه کبر بونلری وار و یوق ایلسه ممکندر واکا هیچ
 برنسنه کوچ کلز واکر برنسنه اکا کوچ و زحلی کلسه عاجز و ضعیف
 اولغنی لازم کلور اول ایسه حق تعالی حقند محالدر زیر عجز و ضعف
 و یورلق صفة تقصیر و مخلوق صفتیدر حق تعالی اندن مزهدر بعض
 مخلوقاتی تدر یجله براتدیغی عجز ندن و قدرتی نیز براتمغه بشمیدیکندن
 اوتوری دکلدر بلکه بوجهان عالم حکمتدر و حکمت الهی ده مصلحت
 تدر یجده اولدیغیچون تدر یجله برادر آخرت عالم قدرت اولغله آخرتده
 و جنتده حق تعالی اهل جنتک ایستد کلرینی نیز جک برادر کافر شویله
 زعم ایندیلرکه حق تعالی برلری و کوکلری خلق ایندکده یورلدی دیدیلر
 حق تعالی انلری رد ایلدی ننه کیم پیوردی * ولم یعی بخلقهن * یعنی
 حق تعالی مخلوقاتی براتمغه هیچ یورلدی و عاجز و ضعیف اولدی
 مصنف مرجوم رد اینکمه اشارت ایلدی بر سکجک بلکه برذره براتمغه
 یدی قات ~~کوکلری~~ ویدی قات برلری و نیچه بونلر مثللی عالم لری
 براتمی برابردر زیر احق تعالینک صفاتی کامله در و بو کاشان ممکناتدر
 برنسنه ناک ذاتی پیول مواعر اولدن اتی براتمی کوچ اولغنی لازم کلز

زیر احق تعالینک قدرتک و تکوینک تعلیق جمیع ممکناته بر ایدر و جله
 کائنات انک ایجادینه مسخر در کسه اکا حکم و امر ایتمز زیر اجله
 اشیا و وزینه غالبدر دبلدیکی کبی مخلوقاته حکمی اجرا ایدر و تصرفی
 نافذ ایدوب بر کسه انک اوزرینه برنسندهی فرض و واجب ایده مز اول
 جله به حکم ایدر زیر اجله نک خالق و مالک بدر و حاکم مطلقدر قرآن
 کریمه پیورر * یفعل الله ما یشاء و یحکم ما یرید * یعنی حق تعالی دبلدیکی
 ایشا و دبلدیکی حکم و امر ایدر معلوم اوله که حق تعالینک حکمی و امری
 ایکی قسمدر برسی امر تکویندر ارادت و قدرت و تکوین صفاتلرینک
 تعلقلرندن عبارتدر بو امره هیچ برنسنه مخالفت ایده مز جمیع ممکنات
 بو حکمه مسخر در و برسی امر تشریعیدر او امر شرعیه دن عبارتدر
 فرائض و واجبات کیلر بو امره بعض قوللر امثال ایدر لر مؤمنلر و مطیعلر
 کبی و بعض قوللر مخالفت ایدر لر کافر لر و عاصیلر کبی هیچ نسنه اکا واجب
 دکلددر اهل سنت مذهبده قوللر فائده لی اولان نسنلری و یرمک
 حق تعالینک اوزرینه واجب دکلددر بعض قوللر بنی ذنی و بعض قوللر بنی
 فقیر ایتدیکی کندی حکمیه و دیله سیله در مطیعلره حلالدن و یردیکی
 عین کرمددر فاسقلره و ظالملره حرامدن و یردیکی غضبنددر اهل ایمانی
 جتنه قود یغی فضلنددر و اهل کفری جهنمه قود یغی عدلنددر
 اوزرینه هیچ برنسنه واجب دکلددر قوللرک محتاج اولدقلری نسنلری
 برادر و انلردن بعض مضرتلری دفع ایدر مذهب مختارده افعال الله
 معالیه بمصالح العباددر مصنف رحمه الله تعالی معتزله مذهبلی خیرد ایتکه
 اشارت ایلدی زیرا انلر دیدیلر که قوللری طریق عبادته قریب و طریق
 عصیانیه بعید ایده چک لطافی و یرمک حق تعالی به واجبدر پیغمبر لر
 کوندر یرمک و کتابلر و یرمک و علملرا تمق کبی بغداد معتزله سی امور دینیه ده
 و امور دنیویه ده قوللر فائده لی اولان نسنلری و یرمک حق تعالینک
 اوزرینه واجبدر دیدیلر و بصره معتزله سی یکنز امور دینیه ده فائده لی

اولان نسنه لری و یز مک واجبدر دیدنلر اهل سنت طرفندن انلره شویله
 جواب و یریلور که اگر فائده لی نسنه بی و یر مک حق تعالینک اوزرینه واجب
 اولیدی کافر فقیری و دورلور ضلاره مبتلا اولان کیمسه لری یرا تمز ایدی
 و کناه اولان نسنه لری یرا تمیوب آخرتده جهنمی و سائر عقوبتلری یرا تمز ایدی
 و شیطانی و سائر مضرتلی نسنه لری یرا تمز ایدی چونکه بونسنه لری
 حق تعالی یرا تندی بوندن معلوم اولدیکه قوللره فائده لی نسنه لری یرا تمز
 اوزرینه لازم و واجب دکلدر همان کنیدیسی حکمت الهیه ایله دیلدیکنی
 ایشر بر نسنه نک فرض و یا واجب اولمسیله انک اوزرینه حکم اولتمز اول
 جله یه احکام شرعیه ایله حکم ایدر و دخی حق تعالی ظلمدن یریدرنه کیم
 قرآن کریمده یورر * ان الله لا یظلم مثقال ذره * یعنی حق تعالی هیچ
 برکسه یه ذره قدر ظلم ایتمز و براینه کریمده * و ما الله یرید ظلمنا للعالمین * یعنی
 حق تعالی خلقه ظلم مراد ایتمز و براینه کریمده * ان الله لا یظلم الناس شیئا
 یعنی تحقیق الله تعالی انسانه هیچ برشی ظلم ایتمز * و لکن الناس انفسهم
 یظلمون * لکن انسان عصیان ایتمکله کندی نفسلرینه ظلم ایدر لر معلوم
 اوله که ظلم اوج معنایه کلور بریسی غیرینک ملککنده اذن سیز تدبیر و تصرف
 ایتمکدر بومعنا حق تعالی حقنده محالدر زرا جله ملک و ملکوت انکدر
 شریکی یوقدر کندی ملککنده کنیدیسی دیلدیکی کبی تصرف ایدر برکسه
 اکافار شیمز و برمعناسی بر نسنه بی محالی اولین بره قومقدر بومعنا دخی انک
 حقنده محالدر زرا هرشی حکمت و مصلحت و فائده ایله ایشر برشی بر محله
 خوسه اول محل اوشیه کوره سائر محالدر دن اعلی و مناسب اولور حکمت
 ربانیه ایله تعین و وضع اولدیه چون حق تعالی عبت و سفهدن و مناسب سیز
 نسنه ایتمکدن یریدر و برمعناسی بر جانلی نسنه یه فائده سیز عذاب ایتمکدر
 بومعنا دخی انک حقنده محالدر زرا عذاب و عتاب ایتمسی و سائر ضرر لر
 یرا تمسی مصلحتدن و فائده دن خالی دکلدر فائده اولمسه عبت و سفاهت
 اولور حق تعالی عبتدن و سفهدن یریدر فقهار جهنم الله تعالی شویله

بیان ایندیله که برکسه مخلوقاندن برزده فائده سزیرا دلشدر دیسه کافر
 اولور حق تعالی بی عیب و سفاهتله صفاتلده یغیجون دیدیلر هر نسنه که
 یاردر انده حکمت وفائده وارددر هر بر فائده بی عقل اکلز بر نسنده بر ضرر
 جرئی بولنسه انده فائده کلبه بولنور و مصلحتله وسیله اولور مثلاً آتش یا قهر
 واندن ضرر حاصل اولور لکن نیجه مصلحتله وسیله اولور آتش بشورمک
 و یاش اثوابی قورتمق و صغوق اولدقده انسانی و حیوانی ایصتمق کپی
 ویلان زهرایله ضرر ایدر لکن اندن تریاق حاصل اولوب انواع امراضه
 معالجه اولور و الحاصل حق تعالینک هر برایشده نیجه حکمت بالغه
 و مصلحت کامله وفائده تامه وارددر برکسه دن نفع کورمدن و یا ضرر
 کورمدن بریدر فائده و ضرر قوللره راجعدر تنه کیم قرآن کریمده ذکر
 اولنور * ان احسنتم احسنتم لا نفسکم وان اساتم فلها * یعنی ای قوللر
 اگر ایلاک ایدر سکز کندی نفسکز ایچون ایلاک ایدر سز و اگر کلاک ایدر سکز
 نفسکز ایچون ایدر سز و برآیه کریمده * من اهتدی فانما یهتدی لنفسه
 یعنی هر کیمکه هدایتی و اسلامی قبول ایدر سه انجق کندی نفسی ایچون
 قبول ایدر * و من ضل * و هر کیمکه ضلالت و کفر کسب ایدر سه فانما یضل
 علیها * انجق کندی نفسی اوزرینه ضلالت کسب ایدر و ضروری
 و عذابی نفسنه راجع اولور جله کافرلر انس و جن مؤمن اولسدر
 و جله فاسقلمطیع اولسدر عبادته دور شسدر آکا بر فائده حاصل اولماز
 جله ایمانک و طاعتلرک فائده سی قوللره کلور معتزله طائفه سی شویله زعم
 ایتدیله که عالم دنیاده مؤمنلرک ایتدک لری ایمان و عبادتله آخرتده حق تعالینک
 احسان ایده جکی جتنه و درجه ره عوضدر قوللر اعمال صالحه بی
 حق تعالی به عوض ویرلر دیدیلر اهل سنت شویله تحقیق ایتدیله که
 بویمان و اعمال صالحه تک جله سی ادنی بر نعمت مقابله سنده عوض اولمز
 زیرا اعمال خلق ایدوب توفیق ورن انجق حق تعالیدر و اعمال صالحه بی
 اعتبار و قبول ایدن اولدر اگر اعمال صالحه بی اعتبار و قبول ایتمسه ایدی

همان ساز افعال کبی اولور ایدی اعمال صالحه برشی قلیلدر آخرت نعمت لری
اولو و باقیدر قوللرک عبادت لری سعادت ابدیه به عوض اولغنه قابل دکلدر
لکن حق تبارک و تعالی ایمانی و طاعتی کندی لطفله آخرت نعمت لری به
و سعادت ابدیه به سبب و شرط عادی قیلسدر و کندی فضلیله انلره قیمت
و اعتبار ویرمشدر آزل عمل مقابله سنده جوق اجر باقی ویردیک کندی
فضلیله در یوخسه عوض اولیق حسبیه دکلدر و اگر چه خلق کافر
اولسدر اکا هیچ ضرر کلز کفر و شرک و ساز کناهلرک ضرری و عقوبتی
قوللر کلور حق تعالی ازلده و ابدیه کمالا تله موصوفدر کندی به صکره دن
کمال حاصل اولز جمله کمالا تی ازلده در و نقصانلردن مزهدر بر کیمسه اکا
ضرر قصدا بده مزکفر و شرک و ساز کناهلر اوزرینه عقاب ایتدیک عین
عدالتدر یوخسه کندی به ضرر اولد یغندن اوتوری دکلدر معلوم اوله که
حق تبارک و تعالی قوللرینه پیغمبرلر کوندر و کابلر و شریعتلر ایله نیجه
عبادت تله امر و کناهلردن نهی ایتدیک همان قوللر ایمان و عبادت ایدوب
اخترده حق تعالینک فضلنه و جنات عالیاته کیرمکه مستعد اولسونلر
ایچوندر ز بر ایمان و طاعت جنته و درجه لره نائل اولغنه سبب عادیلر
ایمان و طاعت ایتمک سببه یا بشمقدر و دخی کفر و شرک و ساز کناهلر
عقابه سبب عادیلر انلری ایشلک سببه یا بشمقدر اللهم وفق لنا بالخیر
مصنف مرحوم صفات سلیمیه و حق تعالینک تزییهنی بیان ایلوب
صفات کمالیه ایله موصوف اولدیغنی بیان ایتمکه باشلدی بیان الصفات
الثبوتیه یعنی ذکر اولنه جق صفاتلر حق تعالینک ذات جلیله سنده
ثابتلردر و حق تعالی انلر ایله موصوفدر یونلر صفات ثبوتیه دینور معنای
سلب اولوب ثبوت اولدیغیچون و صفات حقیقیه دینور هر بر یسی امر
اعتباری اولوب حق تعالینک ذات جلیله سنله حقیقته قائمه اولدیغیچون
و صفات معنیه دینور هر بر یسی ذات جلیله نک عینی اولوب ذات جلیله سی
اوزرینه زانده برر صفت موجوده اولدیغیچون حیوة ساز صفا تلمک

صحیح و شوقی حیوة صفتنه توقف ایدر مثلا حیوة صفتیه موصوف اولانده
علم و قدرت و ارادت و سائر لری بولمق صحیح اولور اما موت ایله موصوف
اولانده بوصفا تترك بولمسی صحیح اولمز انك ایچون حیوة صفتی سائر
صفات تترك شرطی مثابه سنده در دیدیلر حیوة صفت حقیقه در ذات جلیله ایله
قائم در ازلیه و ابدیه در ذاتن آبرلسی محالدر بونك ضدی موندر حق تعالی
حقیقه محالدر الله حی در یعنی حیوة حقیقه ایله موصوفدر علم
صفت حقیقه در ازلیه و ابدیه در جمیع معلوماته متعلقدر علمیدر یعنی
علم حقیقی ایله موصوفدر هر نسنه بی یلور نسنه دیو و اراولانه و یوق
اولانه اطلاق اولنور کوکلرده اولانلری کوکلر کنیدیلرینی و انلرده اولان
ملائکه بی و یلدزلری و هر نه که وار ایسه جمله سنی و پرلرده اولانلری
انسانی و حیوانلری و پرلرک طیراقلری دانه لری و انلرده هر نه که وار ایسه
جمله سنی کیرلورلی و آشکاره لری یلور مصنف رحمه الله تعالی مذهب
اهل سنت اوزره علمک تعلقاتی تفصیل و بعض اهل ضلال مذ هبلرینی
رد ایتمکه اشارت ایلدی انما جلرک کنیدیلرینی و چچکلری و عیشلری
و یراقلرک صاغشی یعنی صابی سنی و جمیع بغدای و اربه و سائر دانه لرک
و یغمورلرک و در یارک هر برقطره سنی و قوملرک صاغشی یلور پرلرده
و کوکلرده هر نه که وار جمله سنی ذره ذره یلور اصلا تلدیکی نسنه بوقدر
یوقلری یوق ایکن یوق یلور و ازلری و ارا یکن وار یلور کندی ذات
جلیله سنی یلور دهریه طائفه سی حق تعالی کندی ذاتی بتلزدید کلری
باطلدر و معتزله طائفه سی حق تعالی یوقلری بتلزدید کلری باطلدر
ممکنلری و محاللری یلور اصلا بونلردن بر نسنه علمندن خارج دکادر
جزئیاتی یعنی ماده سی اولان نسنه لری علی حده علی حده و معین
ملاحظه اولنان نسنه لری معین اولمق طریقله و کلیاتی و دخی شول
معلوما تکه تعیین سز ملاحظه اولنوب فرد معینه صادق اولوب بلکه
تعیین سز هر نسنه به صادق اولان معلوماتی یلور بو کلام فلاسفه

مذهبی رد ایلدی زیرا انلر دیدیلرکه مادی اولان جزئیقی تعین اوزره
 بیلوب کلی وجه اوزره یلور دیدیلر زمان سابقده کچمشلری هر نسنه
 اولور سدا ولسون شمدیکی زماند نصکره وکله جکلری هر نسنه اولور سه
 اولسون یلور آدمک وملائکله وجن وسائر حیوانلرک ~~کوکله~~ کلنی
 فکرلرینی وملاحظه لرنی وقصدلرینی ودلی ایله سولیدلرینی وصوتلرینی
 وایچنی طمرلرینی وایچنده اقان قانلرینی وغیرلری وطاشنی کوده سنده
 اولان قانلرینی واعضالرینی ولباسلرینی جله سنی یلور شمدیکی
 حالده حاضرلری وغائبلری یلور غائبلری انجیق اول یلور نته کیم قرآن
 کریمده ذکر اولنور * ان الله لا یخفی علیه شیء فی الارض ولا فی السماء یعنی
 تحقیق الله تعالی برده وکوکده برشیء اکا کرلی اولمز وبرمخلده * عالم الغیب
 والشهادة * یعنی حق تعالی غیبی وحاضری بلجیدر علام الغیوبدر
 پیغمبرلر دن وملائکله دن وجندن وانساندن هیچ برکسه غیب یلنر
 غیب دیو حواسدن وعقلدن کیرلی اولان نسنه به دیرلر غیبلری بیلک
 الله تعالی به مخصوصدر نته کیم قرآن عظیم الشانده ذکر اولنور * لایعلم
 من فی السموات ومن فی الارض الغیب الا الله * یعنی کوکلرده اولانلر
 ورلرده اولانلر اصلا غیبی یلنر انجیق حق تعالی یلور مکر الله تعالی یلدره
 معلوم اوله که حق تعالی پیغمبرلره کله جک زمانده اوله جق نسنه لر دن
 نیجه لرنی وحی ایله یلدر مشدر احوال قیامت وامور آخرت کبی واستلردخی
 پیغمبرلر دن وکابلر دن اوکر نملر لدر لکن حق تعالی نقدر بیان ایلدی
 ایسه اولقدر یلنور وحی انجیق پیغمبرلره مخصوصدر اما الهام ورؤیا ایله یقین
 اوزره غیب یلنمز لکن بعض صالحلره کشف طریقله شمدیکی زمانده
 موجود اولان بعض غائب نسنه لری کوسترسه جائزدر نته کیم حضرت
 عمره رضی الله عنه عسکرینی کشف ایدوب کوستردیک کبی اما کله جک
 زمانده اوله جق غائبلری بعض ولبره الهام خاص ایله بلدر مسی واقعیدر
 دکلمیدر بردلیل قطعی بوله مدق الهام صاحبنه ظن کتورر یقین کتورر

و موجود اولیان نسنه کشف ایله کورنیز بوتقدیرجه کله جک زمانده
اوله جق نسنه لر ی یقین بلدرمک وحی ایله اولور و پیغمبر لره مخصوصدر
بعض نسنه بی اوتقمقدن و بعض نسنه لده غفلتدن یا کلمقدن
و سهودن یا کلوب ترك ایتمکدن بریدر بو کلام ایله مصنف رجه الله تعالی
یهود طائفه سنی رد ایلدی زیرا انلر شویله زعم ایتدیلر که حق تعالی بعض
نسنه ک احوالی صکره دن بیلور و بعض نسنه ده غفلت ایدوب صکره دن
واقع اولور دیدیلر تعالی الله عن ذلك علوا کبیرا و بلسی یعنی علم
صفتی و معلوماته تعلقی ازلیدر ابتداسی یوقدر بوسوز کرامیه طائفه سنی
رد ایدر زیرا انلر دیدیلر که علم صفتی و سائر صفاتلرک جمله سی صکره دندر
دیدیلر قدیمدر یعنی صکره دن اوله دکلدن و انک ضدی جهلدر
الله تعالی حقنده محالدر سمع صفة حقیقه در حق تعالینک ذات
جليله سبله قائمه در ازلیه و ابدیه در صوتلره و آوازله تعلق ایدر الله تعالی
سمعدر یعنی سمع حقیقی ایله متصفدر هر آوازی ایشیدر کیرنی آواز
اولسون قتی جهری آواز اولسون زیرا جمله آوازلری اول برادر برکشی نک
قولاغنه فسلده سک اول ایشتمسه الله تعالی سمع صفتیه ایشیدر بصر
صفة حقیقه در ازلیه و ابدیه در ذات جليله ایله قائمه در ماتر بده عندنده
جمله رنگره و ضیالره و هیئتله و مقدارله متعلقدر و اشاعره نک جهوری
عندنده سمع ایله بصر جمیع موجوداته تعلق ایدر هر شیئی بصیردر یعنی
موجودلری کورر کند و ذاتی و سائر موجودلری کورر قرا کو کجه لده قاره
و کو چک قرنجیه نک قاره طاش اوزرنده یور و دیکنی بصر صفتیه کورر
و ابائی طوشنی یعنی ابائی قلداد یغندن صدا حاصل اولور ایسه ایشیدر
لکن ایشیدنکی بزجلین و سائر مخلوقلر کی قولاغله دکل و کوردیکی
کوز ایله دکل زیرا بونلر مخلوقده اولور انلر کور مکده و ایشتمکده آله
و اعضابه محتاجلر در کوز دن و قولاقدن و سائر اعضادن بریدر سمع
صفتیه ایشیدر و بصر صفتیه کورر ارادت صفة حقیقه در ازلیه

وایدیه در حق تعالیٰ ذات جلیله سیله قائمه در ممکناته تعلق ایدر حدوث
 وقتنده وارا وله جقاری وارا ولغه تخصیص ایدر و یوق اوله جقاری یوق
 اولغه تخصیص ایدر بعض اهل تحقیق عندنده ازله تعلق ایتدی مریددر
 یعنی اراده صفتیه موصوفدر دیلدیکن ایشلر وجوده کلکسنی دیلدوکنی
 وارا ایدر ووجوده کلکسنی دیلدیکنی وجوده کلز نته کیم روایت اولنور
 ماشاء الله کان * یعنی اول نسنه که حق تعالی وجوده کلکسنی مراد ایدیه
 وجود بولور * و ما لم یشأ لم یکن * اول نسنه که حق تعالی ائک وجوده
 کلکسن دلیله اول وجوده کلز هیچ نسنه کالایم و واجب دکلدر بو کلام
 تکراردر زیر اویوقاروده یکدی برکسه اکا کوجله برنسنه ایتدر مکه قادر
 دکلدرزیرا حق تعالی جله به غالبدر برکسه اکا غالب اوله من عجزدن بریدر
 هر نسنه کیم عالمده وارددر یعنی هر شی که وارا ولور ائک دیله مسیله اولمشدر
 اول اگر خیر اولسون ایمان و طاعت کی و اگر شر اولسون کفر و عصیان
 کی جله سی حق تعالی ائک ارادتیله اولمشدر مصنف رجه الله تعالی
 مذهب معتزله بی رد ایتدی زیرا معتزله طائفه سی شویله زعم ایتدیلر که
 حق تعالی شرلی و معصیتلی دیله من ویرا تمز انلری شیطان و خلق
 یاردر دیدیلر و شبهه لری بودر که شرلی یرا تمق شر در حق تعالی اندن
 منزهدر دیدیلر اهل سنت شویله جواب ویردیلر که شرلی یرا تمق شر
 دکلدر شرلی کسب ایتک شر درو بر شه لری دخی بودر که اگر شرلی و کفری
 حق تعالی تقدیر و قضا ایدوب مراد ایتسه قولره کفره راضی اولتی لازم
 کلور زیرا قضا به رضا و اجبدرا اهل سنت شویله جواب ویردیلر که کفره
 کندوسی قضا دکلدر بلکه مقضیدر قضا به رضادن اکارضا لازم کلز
 بر شه لری دخی بودر که اگر حق تعالی شرلی مراد ایدیدی قولر کفر
 و عصیان ایتک ایل طاعت ایتش اولور لایدی زیرا مراد اللهی ایشلدیلر
 مراده امثال ایتک امره امثال ایتکدر دیدیلر اهل سنت جواب ویردیلر که
 اطاعت انجق اوامر شرعیه به امثال ایتکدر بو خسه اراده به امثال ایتک

دکدر حکایت اولور که معتزله علما سندن قاضی عبد الجبار الهمدانی
 وزرادن صاحب بن عبادک مجلسنه کلوب علمای اهل ستدن اولان
 حضرت استاد ابواسحق اسفرانی مجلسده حاضر بولدقده * سبحان
 من تیزه عن الفحشاء * دیدی یعنی حق تعالی شرری و معصبتلری مراد
 ایتمز و پراتمز انلری شیطان و عاصیلر یاردیر دیمکدر فی الحال حضرت
 استاد ابواسحق جواب و یروب * سبحان من لایحیری فی ملکه الامايشه
 ییوردی جمله خبرلری و شرلری الله تعالی یاردرا کر پراتمسه ملکنده بولماز
 ایدی قاضی معتزلی تکرار سویلیوب * ایریدر بنا ان بعضی * دیدی یعنی
 ربمزن کندویه عصیان اولتمی مراد ایدرمی دیدی فی الحال حضرت استاد
 جواب و یروب * افیعصی ربنا قهرا * دیدی یعنی معصیتی حق تعالی
 مراد ایتسه و پراتمسه قوللرا کاجبر و قهر و کوجله می عصیان ایدرل تحقیق
 بودر که قوللر معصیت و شرط رفنه اراده جزئیله رینی صرف و کسب ایدرل
 حق تعالی ده یاردیر تکرار قاضی معتزلی سویلیوب * ارایت ان منعی
 عن الهدی و قضی علی بالزیدی احسن الی ام اساء * دیدی یعنی برکسه بی
 حق تعالی هدایتدن منع ایلسه و اکاضلاته تقدیر و قضا ایدوب خلق ایلسه
 اکا ایلکمی ایتمش اولور یوخسه کوتولکمی ایتمش اولور حضرت استاد
 ابواسحق رحمه الله تعالی فی الحال جواب و یروب * ان منعک مالک
 فقدا ساء و ان منع ماله فیختص برجنه من یشاء * ییوردی یعنی اگر سنک
 حقکی منع ایدر سه اساءت اولور لیکن کندو حقنی منع ایدر سه کلاک اولماز
 زیرا حق تعالی علیدر حکمیدر دیلدیکی قولنی رحته نائل ایدر و هدایت
 ایدر برنشه اکا واجب دکلدرنه کیم قرآن کریمده ییورر * یضل من یشاء
 و یهدی من یشاء * یعنی دیلدیکی کسه لری ضلالتده قور و دیلدیکی
 کسه لری هدایت ایدر صاقن بوندن جبر اکلمسون زیرا ضلالت
 و هدایت قوللرک اراده سیله و کسبلریله یاردیلور اراده جزئیله شرط
 عایدیر انک سببیلله اولور و الحاصل مؤمنلرک اراده جزئیله لری سببیلله

ایمان و مطیع لک طاعت حق تعالی دیشدر اکر دیله مش
اولیدی برکسه مؤمن و مطیع اولماز ایدی و کافر کفرنی و فاسق
فسقنی دیشدر و اکر دیله هیچ برکسه فاسق و کافر اولماز ایدی
قوللر مجرد اراده جزیه لر بنی صرف ایتمکله نسنه حاصل اولماز حق تعالی
دیلمنجه و معزله طائفه سنک حق تعالی شرری دیلزدید کاری
باطلدر اهل سنت مذهبی شویله در که حق تعالی شرری دیلر و برادر
لکن سومن و راضی اولماز و خبری و طاعتلری سور و راضی اولور
و دیلر و برادر هیچ برشی اراده سندن خارج دکلدر حتی بر سکجک
قتادنی قیلداده من الله تعالی قیلداسنی دیلمنجه هر نسنه کیم خبر
و شرایشلر انک ارادتیله ایشلر یعنی قوللر اراده لری ایله هر نسنه که
کسب ایدر لرایسه مجرد قوللرک ارادتیله وجوده کلز بلکه حق تعالینک
قوللرک ایشلرینک وجوده کله سنه ارادتی تعلق ایدر و قدرت و تکیون
تعلق ایدر وجوده کلور وجوده کلسنی دیلمیکی نسنه وجوده کلز
وازا اولماز یوقلقده فالور زیرا وجوده کلسنی دیلمیکی نسنه وجوده
کلک علامت عجز در حق تعالی حقیقه محالدر زیرا ملکندهر نسنه
اراده سنه مخالف بولنسه و وجوده کلسنی مراد ایندیکی شی وجوده کلسه
حق تعالی عاجز اولیق لازم کلور حق تعالی عجز دن بریدر هر نسنه که
وجوده کلور انک ارادتیله وجوده کلور دیلسه جله بی یعنی انسانک
و جنک جله سنی مؤمن و مطیع ایدر ایدی نه کیم قرآن کریمه پیور
ولو شاء لهدیکم اجمعین * یعنی ای قوللر اکر حق تعالی سزک هدایتکری
مراد ایدیدی جله کری هدایت اوزره ایدر ایدی و اکر دیلسه جله بی
کافر ایدر ایدی زیرا اراده سی تعلقندن نسنه تخلف ایده من بو کلامدن
برسؤال وارد اولور که چونکه هر نسنه حق تبارک و تعالینک اراده سیله
اولور و اندن خارج و مخالف نسنه اولماز کافر لک کفر بنی و فاسقلرک
فسقنی دیشدر و انلر اراده یه مخالف ایده من بو تقدیر جه انلر مجبور اولیق

لازم کلور وانلری کفردن وفسقدن نهی وایمان واطاعت ایله امر ایملک
 محال ایله تکلیف ایملکدیر زیرا اراده به انلر مخالفت ایملک محالدر چونکه
 انلری اسلام واطاعت ایله امر ایتدی نیچون انلرک ایمان و طاعتن مراد
 ایتدی دیو اکر سؤال ایدرسک که یانیچون جله نك مؤمن اولسن
 دیلدی بعضک کافر اولسن دیلدی جواب اجالی اولدر که اکا یعنی
 حق تعالی به دیله دیکی وایشلیدیکی یعنی برانیدیغی نسنه دن اعتراض
 طریققبله سؤال اولنار ننه کیم قرآن کرمینده بیورر * لایسل
 عما یفعل * یعنی حق تعالی به ایشندن اعتراض وجهی اوزره سؤال
 اولنار اول جله به سؤال ایدر * وهم یسلون * یعنی قوللر سؤال اولنورلر
 معلوم اوله که بومقامده تفصیل کر کدرنا کیم قبلره کلن اوهام ووسوسه لر
 دفع اولوب نور علم و ضیاء حقله منور اوله لر اولایملک لازمدر که حق تعالینک
 علمی معلوماته تابعدر یعنی مخلوقات نه وجه اوزره ونه صفت اوزره اوله جق
 ایسه اوله جه تعلق ایتشدر علم صفتی معلومه جبر و تأثیر ایتز کذلک
 ارادت صفتی دخی علمک تعلقنه موافق تعلق ایدر قدرت و تکوین
 صفتلری دخی ارادته موافق تعلق ایدر لایمیدی قوللرده اراده جزیه
 واردر ماتریدی مذهبی اوزره اراده جزیه خارجه موجوده دکلدیر
 قدرت الهیه اکا تعلق ایتز وارايله یوق اراسنده واسطه بر ایمدی
 حق تعالی فلان کسه اراده سنی کاهلره صرف ایده جکنی ازلده بیلور
 ایدی اول کسه کاهه اراده سنی صرف ایتدکده حق تعالی دخی
 اراده سنی و قدرتی و تکوینی صرف ایدوب کاه حاصل اولور بوتقدیر جه
 قوللرک اراده جزیه لری حق تعالینک قضاسته و تقدیرینه و ایجادینه
 سبب اولور ککتاب کلامیه ده شویله تفصیل اولندیکه قوللر طاقت
 کتوره میچک نسنه ل اوج قسمدر بری ذاتنده محال اولنلر در ایکی ضدی
 برآنده بر مکانه جمع ایتک کی و بریسی ذاتنده ممکن لکن عاتده قوللره کوره
 ممکن دکلدیر بر طاعنی برندن قالدر مق کی اولکی محال ذاتیدر ایکنجی

محال عاید در و بریسی ذاتند و عادتند قوللر ایچون حصولی ممکندر لکن
 خلافتنه علم الله تعلق ایندی بکیچون قوللر اتی کسب ایدمه مرز ایکی اولکی
 قسملرایله تکلیف واقع دکلدر لکن اوچخی قسمله تکلیف واقعدر ننه کیم
 ابو جهل ایمانله امر اولندی خلافتنه حق تعالینک علمی و ارادتی تعلق ایتمش
 ایکن اشاعره عندند بودخی تکلیف مالایطاقدر لکن ماتریدیه عندند
 اوچخی قسم عادتند ممکن بلکه واع اولدیغیچون تکلیف مالایطاقدر
 عد اولندی و الحاصل حق تعالی قوللری فاعل مختار براندی و انلرک اراده
 جزیه لرینی کندی براتمه سنه شرط عادی ایلدی قوللر خیره اراده بی
 صرف ایدرلر ایسه خیری برادر شره صرف ایدرلر ایسه شری برادر کسه بی
 کوج ایله کافر و فاسق ایتمز حق تعالی هر شئی سبیلری اوزرینه ترتیب
 ایدر اراده جزیه خیره و شره ثوابه و عذابه مدارد و سبیدر قوللری خیر
 و ثواب جائنه ارشاد ایچون پیغمبرلر و شریعتلر کوندر مشدر ایمان و طاعتله
 امر ایتمشدر و کفر و معاصیدن نهی ایتمشدر و قوللره عقل و پروب آتی مدار
 تکلیف ایلمشدر هر کس ارادتیله فاعل مختاردر نه شیشه اراده بی صرف
 ایدر سه حق تعالی برادر فاعل مختاردر دیلدیکی و ایشلدیکی نسنه زده
 نیچد فائدهلر و حکمتلر واردر یعنی مصلحتلر و منفعتلر واردر لکن ماتریدی
 مذ هبنده حق تعالینک ایشلسی قوللر بنک مصلحتیه معللدر یعنی
 قوللر بنک مصلحتلری و منفعتلری ایچون ایشلر اشاعره مذ هبنده
 شویله در که قوللرک فائده سی ایچون ایشلمز لکن ایشلسی اوزرینه
 فائده لر حاصل اولور دیدیلر آدم اوغلاننک عقلی اکابر شمز بر عقل
 هر شئی بیلز بلکه مالوفی اولان نسنه لر یاور کافر لر براند یفتند
 و انلره عمرو رزق و یردیکنده و کفر لر بی دیلدیکنده و پوتلری و سائر کفر
 و شرک ایشلرینی براند یفتند و ییلا لری و عقر بلری و خنزیرلری و غیر
 شرلری آدم اولدر لک کپی و آتشد باق کپی ضرر لرلی براند یفتند نیچد
 حکمتلر و مصلحتلر و فائده لر واردر بو یلجه ایناغق جمله یه واجبدر

بزه املری بظک یعنی بزه اول فائده لری و حکمت لری تفصیل اوزره بظک
 لازم دکادر همان بزه لازم اولان بویلمه اجمال اوزره هر بر مخلوقده فائده
 و براتمقده حکمت وارد در دیو اعتقاد و اینسانمق و اقرار ایتکدر
 فائده سز نسنه یشک سفاقتدر حق تعالی اندن مزهدر ارادتی
 صفة حقیقه در قدیمدر ابتداسی یوقدر ازلیدر حق تعالینک ازلده
 ذاتی ایلله قائمدر صکره دن اولمه دکدر اگر صکره دن اولسه ازلده حق تعالی
 فاعل مختار اولماق لازم کلور و محل حوادث اولق لازم کلور و ازلده
 کامل اولوب صکره دن کامل اولق لازم کلور یونلرک کلپسندن حق تعالی
 مزهدر جمیع صفات لری ازلیه وابدیه در کرامیه طائفه سی ارادت
 و غیر بیسی صکره دن در دیدیلر و کافر اولدیلر ارادتک ضدی ایجاب
 و جبر واضطراردر حق تعالی حقند محالدر قدرت صفة حقیقه
 و ثبوتیه در ازلیه وابدیه در حق تعالینک ذات جلیله سیله قائمه در اراده
 صفتک تعلقته موافق ممکناته تعلق ایدوب حصوله قریب قیبلر
 قادردر یعنی قدرت حقیقه ایلله حق تعالی موصوفدر هر ممکن اولانی
 دیلرایسه برادر قدرتیله وجوده قریب ایدوب تکوین صفتیه برادر
 دیمکدر دیلرایسه محال اولانلر غایتده ناقص اولوب قدرتک تعلقته
 قابلیتی اولدیغیچون انلره تعلق ایتز اولوبی دیرلتمکه و طاشی و اغاجی
 سوبلتمکه و یورتمکه و اوچورمغه قادردر زیرا بونلرک جله سی ممکنات
 جنسند ندر انلره قدرت تعلق ایتمکه قابلدردر معجزه طریقیله بعض
 پیغمبرلر زمانلرنده نیچه اولولری دیری ایدوب و نیچه طاشلری و اغاجلری
 سوبلیدوب یورتمشدر و یوم بعثده جله اولولری دیری ایده جکدر
 کوکلری و کرسی بی و عرشی و برلری و جمیع کاشانی آزمانده یوق
 ایتمکه و کبر و وار ایتمکه قادردر زیرا بوایشلرک جله سی ممکنات دندر
 نیچه بیک بو کولرکی بلکه دخی بیک کولر و برلکی بلکه دخی کوزل
 برلر براتمغه قادردر و کوبی بشور بو جله یری و در یاری التون

و با کش و با قوت و زبرد ایتمکه قادر در صوبی و جله دریاری
 یوقاری افغنه و آقرا بکن التون و جواهر و کش ایتمکه قادر در زیر
 بونلرک جله سی ممکنات قیلندندر و قدرت انلره تعلق ایلمک قابلدر
 بر قولنی انساندن و غیریدن بر ساعتده شریعتده ساعت دیو
 سبحان الله دیه جک مقداری وقته دیرلر مشرقدن مغربه یورتمکه
 و مغربدن مشرقه ایلمتمکه قادر در سرعت ایله یوریمک برانمغله یا خود
 اوچورمق طریقله و بر قولنی بر ساعتده یروزندن یدنجی کوکه و عرشه
 ایلنوب کیر و کتورمکه قادر در ممکناتدن برنسنه قدرته قرشو طوره در
 یراری یوقاری و کوکلی اشاغی ایتمکه انسانی و سائر حیوانلری باشی اشاغی
 یورتمکه قادر در دریاری عنبر و طاغلی زبرد و طاغلی مسک
 و اغاجلری التون ایتمکه قادر در قدرتی صفة حقیقه در قدیمدر
 اولسزدر ازلیدر مخلوقات بوغیکن قدرت و ارایدی ابدیدر آخرسزدر
 یوق اولیق محالدر صکره دن اولد دکلدر کرامیه طائفه سی صکره دندر
 دیدی قوللری باطلدر و کفر در و شمدن کیرود و کنور و ضعف و نقصان
 اولور دخی دکلدر حق تعالینک ذاتنده و صفاتنده تغیر و تبدل و حرکت
 و سکون اولماز جله کالاتی ازلیه و ابدیه اولد یغنه جمیع عقلا اجماع
 ایتملر در بویلمه اعتقاد ایلمک و اجیدر کلام صفة حقیقه در
 ازلیه و ابدیه در حق تعالینک ذات جلدیه سیله قائمه در معلوم اوله که کلام
 صفتی حقیقه مذاهب کثیره وارد اهل علم عندنده شویله در که بو بحث
 جله دن زیاده کوچدر و ارباب فنونک هر رییسی بر کونه مذهبه ذاهب اولوب
 یینلرنده اختلاف اولوب و هر بر طائفه بر کونه تحقیق و بیان ایلملر در
 و تألیفلرنده نیجه دلیللر و جخلر بسط ایتملر در و نیجه لری عقل ادراک
 ایتمه جک مرتبه اقوال ذکر ایتملر در و فن عقائدک مباحثندن کلام مجع
 زیاده کوچ و حقیقه چوق کلام اداره و ایراد اولد یغیچون و بو بحث سائر
 بحثلردن زیاده مشهور اولد یغیچون فن عقائده علم کلام تسبیحه اولندی

ایمدی بو بحثی تقریر واستماع ایدنلره لازمدر که اول عقلاری سائر نسه
 ملاحظه سندن تخلیه ایدوب اذعان و اهتمام وجه اوزره توجیه ذهن
 ایدوب توجه نام ایله طالع ایله بمقامده طغوز قدر احوال ذکر اولنور
 ان شاء الله تعالی اولکی کلام الله شول معنادر که قلبه فیض طریقله
 کلور بوفلاسغه مذهیدر دخی صائبه قولیدر ایکجی کلام الله دیمک
 حق تعالی الفاظیر ادوب جبرائیل و بعض تکلم ایتدیکی پیغمبرزه ایشتر در
 ذاتنده کلام صفی یوقدر بومعترله مذهیدر اوچجی کلام الله تعالینک
 ذاتنده بر صفتدر انکله قائمدر ایلدر ایدیدر لکن اول صفت امر و نهی و خبر
 امثالندن عبارتدر اندن عربیه ایله تعبیر ایدر ایسه قرآن اولور و اگر عبرانیه ایله
 تعبیر ایدر ایسه تورات اولور بوشیخ اشعری و ابن کلاب و اتباعی مذهبلریدر
 دور دنجی کلام الله اصوات و حر و قدر و از لیدر ذات جلیله سیله قائمدر
 بو اهل کلام و اهل حدیثدن بر طائفه نک مذهیدر بشجی کلام الله حروف
 و اصواتدر و صکره دن حادثدر بو کرامیه مذهیدر التنجی کلام الله علم
 و اراده صفتلرینه راجعدر بو بعض علما مذهیدر دنجی کلام الله بر صغه
 حقیقه در ایلدر ایدیدر صوتدن و حرفدن مزهدر حق تعالینک ذاتیله
 قائمدر بوشیخ ابو منصور ماتریدی مذهیدر سکرنجی کلام الله ایکجی قسمدر
 بر بسی صغه حقیقه در ازایه در و ابده در حق تعالینک ذات شریفه سیله
 قائمدر صوت و حرف و کلدر و بر قسمی صوت و حرفدن عبارتدر اتی
 حق تعالی غیریده خلق ایدر و اول ترتیب ایدر ذات جلیله ایله قائمدر کلدر
 غیر ایله قائمدر بو اهل کلامدن ابو المعالی و غیر یسینک مذهیدر طغوزنجی
 کلام الله حق تعالی دائما متکلمدر نه زمان دیلسه سویلر و صوت ایله
 سویلر و قدیمدر زبراکلام نوعندن کلام الله قدیمدر غیر یلرینک کلاملری
 حادثدر بو بعض اهل کمال مذهیدر جمله اقوالدن معقول و معتبر اولان
 قول سعد الدین التفتازانی و ملا خیالی چلیپنک تحقیق و بیان ایتد کلری
 قولدر و اکثر علما دخی اتی اختیار و مذهب ایدنمشر شرح مقاصده

و خبریده شویله تحقیق ایلدیکه کلام الله ایکی قسمدر بریسی کلام نفسیدر
 و بریسی کلام لفظیدر و کلام نفسی صفة حقیقه در ارادت و قدرت
 صفتلری کی ازلده حق تعالی ایله قائمدر صوت و حرف اند و یوقدر و حق تعالی
 کلام نفسی ایله ازلده متکلمدر و موصوفدر و کلام لفظی اولدر که اتی انبیاء
 علیهم السلام اوزدینه جبرائیل واسطه سیله تنزیل ایتشد و الفاظ
 و حروفدر هر بر حرفی خلق ایدوب مناسب اولان مرتبه به وضع و ترتیب
 ایدیجی انجیق الله تعالیدر و کلام لفظی مخلوق اولوب اتی قرأت ایدنلرک
 لسانیله قائمدر ذات جلیله ایله قائم دکلدرو کلام لفظی توریة و تاجیل و زبور
 و قرآن اسملریله مشهوردر و یواسملرکا هیجه کلام نفسی به دخی اطلاق اولور
 کلام نفسی حق تعالی به اضافت اولند قدده صفة حقیقه سی معناسنددر
 و قدیمدر و کلام لفظی اضافت اولند قدده الله تعالینک تألیف و ترتیب
 ایلد یکی الفاظدر دیمکدر بو مذهب کوزل تحقیق اولمشدر علماء
 متأخریندن چوغی بو مذهبی تحسین ایلشدر و استادلریمزدن اکثری بویلمه
 تعلیم ایدوب بو مذهبی قبول ایله دیو تنبیه ایلوب تألیفلرنده دخی اختیار
 ایلشدر و اما صاحب مواقف قاضی عضدالدین وسید شریف مذهبلی
 شویله در که الله تعالینک کلام صفتی بر در و قدیمدر اصوات و حروفدن
 منزهدر کلمات ازلده در و ذات جلیله ایله قائمدر و حق تعالی انک ایله
 ازلده صوتسز و حرفسز متکلمدر کیفیتی بزم معلومز دکلدرو انبیاء علیهم
 السلامه تنزیل اولمشدر ذاتندن آیرلمسزین لیکن قوللر قرأت ایتدکده
 اصواته و حروفه و سائر آلات مخرجیه به محتاج اولدقلری ایچون الفاظله
 و حروفله اوقورلر اما حق تعالی الفاظله و حروفه و آلا نه محتاج اولوب
 صوتسز و حرفسز تکلم ایدر بو مذهب قواعد عربیه دن خارجدر
 زیرا کلمات الفاظ و حروفدن عبارتدر اگر هر بر کلمات الفاظدن و حروفدن
 مرکب دکلدردنورایسه بر اصطلاح خاص اولوب فاعده دن خارج اولور
 و دخی امام احمد بن حنبل و تابعی شویله دید یلر که کلام صفتی انجیق

لفظ بیدر اصوات و حروفدن مرکبدر و قدیمدر و کرامیه سفهایسی عندند
 کلام اصوات و حروفدن مرکبدر و حادثدر ازلدۀ ذات جلدیده کلام
 صفتی و مبارک صفاتلریوق ابدی جله سی صکره دندر دیدیلر انک ایچون
 بوطائفه نك کفریله حکم اولندی حق تعالی متکلمدر یعنی صفة حقیقه
 اولان کلام صفتیله موصوفدر سویلر کلام لفظی بی برادوب مخاطبه
 ایشتردر لکن سوبله سی بزجلین دل ایله دکل زیر اعضادن و آلاتدن
 بریدر انیادن بعض قوللرینه کند یسی واسطه سز سویلر ایدی
 جبرائیل واسطه اولوب همان حق تعالی کلام لفظی بی خاق ایدوب
 ایشتردر بعض قوللردن موسی علیه السلام کی طور طاغنه موسی
 علیه السلام کلوب حق تعالی بالذات کلام لفظی بی ایجاد ایدوب اکا
 سویلشدر و بزیم پیغمبریمز محمد علیه الصلوٰۃ والسلام لیلۀ معراجده
 وغیریده واسطه من سویلدیکی کی لیلۀ معراجده وغیریده
 سویلدیکنی کابیری مطالعه ایلدک برمشکل حل اوله حق کلام بوله مدق
 مکر حدیث قدسی اوله ز بر احادیث قدسینک معناسی بالذات اللهندن در
 و لفظی پیغمبردن در و اق حق تعالی سویلش اولور پیغمبر علیه السلام
 روایت ایدیمی اولور و بعضنه جبرائیل واسطه سیله سویلر اتبایه
 اکثر زمانده بویه جبرائیل واسطه سیله وحی اولشدر قرآن کاهیمه
 کلام نفسی اوزرینه قرآن اطلاق اولنور اللهک کلامیدر یعنی صفة
 حقیقه سیدر قدیمدر جله صفاتلری قدیمدر در حادث و مخلوق
 دکلددر اما کلام لفظی اللهک کلامیدر تالینی اللهندن معناسی صفة
 حقیقه سیدر معناسنه دکدر معلوم اوله که ما تریده عندندۀ صفات
 ثبوتیه سکر در تکوین صفة حقیقه در قدرته داخل دکدر شیخ
 اشعرینک عندندۀ صفات ثبوتیه بشدر سمع و بصر علمده داخلدر و تکوین
 قدرته داخلدر همان حیوة علم ارادت قدرت کلام صفا تلریدر
 و جمهور اشاعره عندندۀ یدیدر سمع و بصر علمده داخل دکدر لکن

تکون قدرتده داخلدر دیرلر والحاصل تگوبنده اختلاف وانیدیچون
مصنف اتی تأخیر ایلدی پس حق تعالینک بویدی صفاتی حیوة علم
سمع بصیر ارادت قدرت کلام قدیملردر ذات شریفله قائملردر زوالدن
وتغیردن بریلردر حق تعالینک ذات جلیله سنده وصفات حقیقه سنده
اصلا تبدل وتغیر اولماز لکن صفاتک تعلقلرنده تبدل اولور مثلاً
بر یوق نسنه بی یوق ایکن علم صفتی اکا یوقدر دیو تعلق ایدر اول نسنه
وار اولدقده واردر دیو تعلق ایدر کذلک ارادت وقدرت دخی یوق
اوله جق نسنه نک یوق اولسنه تعلق ایدر واول نسنه وار اوله جق
اولسه وار اولسنه تعلق ایدر بو محل ایوجه تأمل اولنه تگوبن
ما تریدیه مذهبده صفة حقیقه در قدرتده داخل دکلدر ازلبه
وایدیه در حق تعالینک ذاتیله قائمدر ارادتک وقدرتک تعلقلرنه
موافق نسنه بی واریق ایله موصوف اولغه تعلق ایدر ودخی الله تعالی
خالقدر یعنی مخلوقلری تگوبن صفتک تعلقله واراید یحیدر هر شبئی
نقدر وار اولمش شیء واریسه برلده وکوکارده اعراض وجواهر دبناده
وآخرنده قوللرک ایشلرنی پارادان اولدر اندن غیری برادیجی یوقدر
نته کیم بیور * الله خالق کل شیء * یعنی الله تعالی هر شبئی برادیجدر
وبر محله * الاله الخلق والامر * یعنی یراعی وامر الله تعالی به
مخصوصدر وبر محله * وهو الخلاق العليم * یعنی الله تعالی انجیق
برادیجدر وزیاده سیله بلجیدر جله کائناتی برادن اولدر حیوانلرک
کرک فرده وکرک دریاده و آدملرک وملکک و جنلرک ایشلرنی
طور مق و یوریمک و اوجق کبی و حرکتلرنی قیلدادقلرنی
وسکونلرنی طوردقلرنی و عبادتلرنی و کاهلرنی و خیرلرنی
وشرلرنی و کفرلرنی یعنی عقائد کفرلرنی و ایمانلرنی برادن اولدر
بو کلام ایله مصنف رحمه الله تعالی معتزلهک مذهب باطلنی رد ایلدی زیرا
انلر دبدیلرکه قوللر ایشلرنی کندیلری برادر حق تعالی قولره چوق

قدرت و بروب کندی حرکتلری و عمللری کندلری برادرلر حیوانلر
 دخی بویله در دیدلر اهل سنت شویله بیان ایتدیلر که قوللر و حیوانلر
 اراده جزئیة لر یله ایشلری کسب ایلوب حق تعالی برادر قوللر ده
 یراتقی یوقدر و ارادتلرنده تأثیر یوقدر الحق تأثیر و یراتقی حق تعالی یه
 مخصوصدر بو محل بزم اراده جزئیة حقنده اولان رساله زده تفصیل
 اولمشدر الک فیلداد یغنی و آیفک یورید یکنی و سائر اعضاده اولان
 حرکتلری و د بک سویلد یکنی و اغزک و کوزک آجدیغنی و یومدیغنی
 و اغز یله نفس الدیغنی و کوز یله کورمسنی و سائر آجق و او یومق کپی
 ایشلری برادن اولدر و سککلرک و او چوچی مخلوقلرک قناد آچوب
 او جدیغنی و آیفک و سائر اعضا یکنی فیلداد یغنی و او آزی برادن
 اولدر مصنف رحمه الله تعالی حق تعالیکن صفات افعالیه سندن
 تفصیل مراد ایدوب تکرار دن اجتناب ایلدی تا کیم مؤمنلرک قیلرنده
 هر نسنه یی برادیجی حق تعالی اولدیغنی ثابت اولوب قوللرک اراده لرنده
 و سببلرنده تأثیر اولدیغنی معلوم اوله بزی انسانک و بزم عمللری عیسی
 یمک و ایچمک او تورمق و قالتمق عبادت و نگاه کپی نسنه لر و جمله حیواناتی
 و ملائکه و جنلری و شیطا نلری و هر برینک عمللری و کولکری
 و عرشی و کرسی و لوحی و قلمی و جنتی و جهنمی و بونلرک ایچنده
 اولنلری و پرلری و ایچنده و او سندن اولنلری برادن اولدر ز بر بونلر
 مخلوقدر و الله تعالی دن غیر برادیجی یوقدر جمله نک انسان و حیوان
 و جنلرک رزقن ینه جک و ایچینله جک نسنه لر ی و یرن اولدر
 اهل سنت مذهبنده حلاله و حرامه رزق دیرلر معتزله مذهبنده حرام
 رزق دکابلر و مذهبلری باطلدر حق تعالی بیورد * ان الله هو الرزاق
 تحقیق الله تعالی رزقلری برادیجیدر و بر محله * و ما من دابة فی الارض
 الا علی الله رزقها * یعنی یرده بر حیوان ذکل الارض حق تعالی اوزر یته در
 رزقلری اول و یرر هر کسینک رزقی دو کمنده جکه اجلی کلز و بر کسه

بركسه نك رزق يه مزور زق عباد تله چوق اولماز و كاه ايله ازا اولماز
حق تعالى هر كسك رزقي و عمر يني تقسيم و تقدير ايتشدن زياده و اكسك
اولماز اولولري اولدرن و ديزلدن و صاغ اولنلري خسته ايدن و كيرو
صاغ ايدن اولدر جي و سائر مرضلر خسته لكه سيبدر و علاج اولان
مجهولر صاغله سيبدر و سيبدره تاثير اولماز اود آتش دكديكي
وقتك لك و سائر نسنه نك اسي و صيحي اولسن و يا غمسن و آشي
يشورمسن يردن اولدر آتش سبب ظاهري و شرط عاديدير قار دكديكي
وقتك صوغوق اولسن و او شته سني يردن اولدر قار سبب ظاهريدير
اهل ضلالت شويله زعم ايتديلر كه آتش و قار مثاليير طبيعتلر يله يافر
و او شودر ديدلر اهل سنت شويله تحقيق ايتديلر كه سبب اولانلر ده اصلا
تاثير يوقدر بواشيلار اسبايدر حق تعالى اسبايده آثاري يردر بويجه
عادت ايتشدن اكر آتشد ياقق براتمه اصلا ياقق زقارده صوغوقلق
براتمه اصلا صوغوق اولماز و قار در كه بر كسه يي اوده قويسلر
اني اوده ياقدر ميه بوندن معلوم اولديكه اشبايك كندى ذاتلرنده
خاصه يوقدر و سيبدرن ظهور ايدن خاصه لري و اثر لري حق تعالى يردر
و اكر ديلسه براتمز ديلرسه قارده صيحاقلق و آتشد صوغوقلق يردر
وقبل كسد يكي يردن اولدر و صو ايچنه دوشن كسه يه بوغوقلق يردن
اولدر اكر ديلسه بوغو لمبوب صاغلق يردر و هوا يوزنده قوشلرده
اوچق يردن اولدر اكر ديلسه قوشلرده اوچق براتمبوب يره دوشرلايدى
و بعض نسنه رده طوقلق و بعضلرده آچلق يردن اولدر و سائر لري
ديخي بوكا قياس ايت نه كيم ابراهيم پيغمبر عليه السلام نمرودك اودينه
اوتوردى هيچ ياقدى اكر آتشد ياقق خاصه سى و طبيعى اويدى
ابراهيم پيغمبري ياقرايدى ياقدرمق حق تعالى نك ايشيدر آتسك دكلدر
قرآن كريمده شويله ذكر اولنديكه ابراهيم پيغمبر عليه السلام كافرك
يوتخانه سنه كيروب جله بوتلري پاره ليوب بيوك بوتى انجتمدى كافرك بو حال

کور وب قاقدیلر بونی هرکیم ایتدی ایسه قتی ظلم ایتش دبدیلر صکره
 ابراهیم علیه السلام ایتدی یکنی خبر الوب حضرت ابراهیمی
 چاغروب دبدیلرکه با ابراهیم بزم معبود لر بزمه یوایشی سمنی ایتدک دبدیلر
 حضرت ابراهیم علیه السلام سؤال ایدیکیز پوتلره اکر سویلر ایسه
 وسوئلکه قادر اولور لر ایسه دیدی کافر لر فکر ایدوب بررلرینه
 دبدیلرکه سز لر کندی نفسلر بکره ظلم اید یجیلر سز دیوب باشلرینی
 اشاغی صالوب حضرت ابراهیم دبدیلرکه سن بلر سین که شو پوتلر
 سوئلر لر حضرت ابراهیم علیه السلام دیدیکه اف اولسون سز
 والله تعالیدن غیری طابدی فکر پوتلره دیوب انلری اسکات والزام ایتدی
 کافر لر دبدیلرکه ابراهیمی آتشه یافکرز و معبود لر بکره یاردم اید یکن
 اول وقتده نمرود مردود کافر لرک سلطانی ایدی کافر لر بر عظیم آتش
 یاقدیلر و حضرت ابراهیمی ایچنه آتدیلر حق تعالی آتشه یورب صوغوق
 اول و ابراهیم سلامت اول دیوب آتشده یاقق بر اتمدی ابراهیم
 علیه السلام آتشک اوزرنده طوردی هیچ یانمادی و ائدن سلامت چیقدی
 بوندن معلوم اولدیکه اصلا اشیا ده خاصه واسباده تأثیر یوقدر جله
 اشیا بی برادن اولدر و تدبیر و تصرف ایدن انجق حق تعالیدر شر یکن
 و واسطه دن بریدر و بر حکایه عجیبه دخی شویله نقل اولنور که نمرود
 حضرت ابراهیم علیه السلامی آتشه بر اقدقده حق تعالی آتشی کلستان
 ایلدی و باغچه لر پیدا اولوب انا جلر حاصل اولدی و انا جلرده قوشلر
 و بلبلر اوندی و حوضلر پیدا اولوب بالقدر حاصل اولدی و بونقل اولنان
 حکایه غریبه ده دسپسه واردر اکر آتش محو اولوب یا خود کلستانه
 تبدیل اولسه آتش یاقدی دیمک کذب اولور صحیح بودر که کافر لر
 حضرت ابراهیم ایچون آتش یاقدیلر و حضرت ابراهیمی اکا ایتدیلر
 حق تعالی آتشده یاقق بر اتمدی صوغو جق سلامت اوزره اولدی
 ابراهیم علیه السلام آتشک اوزرنده طوردی و یوردی اصلا یاقدی

وصیحق

و صبیح دخی اولدی نه کیم قرآن کریمده حق تعالی پیور * قلنا یا ناکوت
بردا و سلاما علی ابراهیم * یعنی بزید ککه ای آتش صوغوق اول
وابراهیم اوزرینه سلامت اول او شتمه دیمک اولور و قادر در که قار ایچنده
اوتورانی او شتمه بلکه درلیه و یا خود یانه قارده صوغوقلق براتمی
ممکن اولدیغی کبی صیحاقلق و یا تمق دخی ممکنر حق تعالی اشیا ده
واسپایده هر نه یراتسه اشیا آتی قبول ایدر لکن عاده الله یعنی الله تعالی نیک
ایشی و یراتسی بویله جاری اولمشکه اوده دگدکده با تمق برادر
وقاره دگدکده اوشومک برادر و قلیچده کسمک و صوده بو غلق برادر
وسا تراشایی سبیلرند برادر اکثر زمانده و اشایی برزله سبب بفلمسدر
بغدادی تخمندن بغدادی و آریه دن ینه آریه برادر انساندن ینه انسان
و حیواندن ینه جنسنی برادر اعا جلزده یمش برادر باقنی برادر اودد کلر
واوشمکی برادر قار دکلدر بلکه تحقیق الله تعالی در قارین طوی یعنی برادر
الله تعالی در اگر طوی می یراتسه و طولوسی طعام یسک طوی عزمک و ساثر
علا جلزده شفا و عافیت برادر اولدر آجقمقده بویله در اگر حق نالی
آجقمق یراتسه هیچ طعام یسک قار نمز طوق اولور ایدی صو ایچمکده
قائمق یراتسه دریالری ایچسک قائمز ایدک و صو سزلق یراتسه هیچ
صو ایچمسک صوصا مز ایدک و غیر یسین دخی بوکا قیاس ایله اگر
او بقو یراتسه او بومز ایدک و بالجله و الحاصل اندن غیری مؤثر بو قدر جلله
اشیا هر نه که واریسه بالذات انک محاقبدر فلا سفه نیک دیناده متصرف
و مؤثر عقل فعلا در دید کلری باطلدر بوسکر صفات حیوة علم
سمع بصر ارادت قدرت کلام تکوین قدیمدر در حق تعالی نیک ذات
جلله سیله قائمدر ذاتندن ایرلسی محالدر و تبدل و تغیردن بریلدر
واکسلکدن منزله در معتزله طائفه سی بوضفاتلری انکار ایدر * تنبیه
معلوم اوله که مازیده مذهبده مجموع صفات یکر می ایکبدر آتیشی
اعتباریه در که بونلدر وجود قدم بقا قیام بنفسه وحدانیت

مخالفة لموادث و سكرى صفات ثبوتيه و حقيقه و معانيه در كه
 بونلردر حيوه علم سمع بصر ارادت قدرت كلام تكوين و سكرى
 دخی بونلرك لازم لريد انلره صفات لازمه و مغنويه دينور كه بونلردر
 حى اولق عليم اولق مسميع اولق بصير اولق مرید اولق قادر اولق متكلم
 اولق مكنون اولق اما صفات افعاليه تكوينك تعلقات اولوب اكرا جعدر
 مثلاً يراقى و يوق ايتك و اولدرمك و درى ايتك و رزق و يرمك و غير يلركي
 بونلر تكوين صفتنه راجع لردر شيخ ابوالحسن الاشعري مذهبنده
 تكوين قدرته داخلدر سمع و بصر علمده داخل اولوب صفات ثبوتيه
 بش اولور و بونلرك لازم لرى دخی بش اولوب مجموع صفات اون اللى
 اولور و جمهور اشاعره عندنده سمع و بصر علمده داخل دكلدر لكن
 تكوين قدرته داخل اولوب يدى اولور و بونلرك لازم لرى دخی يدى
 اولوب مجموع صفات يكرى اولور بو محل ابوجه ملاحظه و حفظ اولنه
 و دخی معلوم اوله كه حق تعالى تكوين صفتيله دائماً علمده تصرف ايدر
 نسنه ل يرادر و بعض شيلرى يوق ايدر و بعض شيلرى برمكادن برمكانه
 قور و بعض شيلرى برزماندن برزمانه نقل ايدر و بعض شيلرى برحالدين
 برحاله تبديل ايدر و دخی عقلاره حيرت و يره جك نسنه ل ايجاد ايدر مثلاً
 برقطره منيدن كامل انسان يرادر و ياش يشل آغا جده آتش يرادر و قاش
 ايجنده شكر يرادر و برضعيف سگكده نازك بال يرادر و بردانه بغدادين
 نيجه دانه يرادر و جانسز يمور طرده جاني حيوان يرادر و صوغانده و تخمده
 كوزل فوق و او چيكلر يرادر و قورى آغا جده نيجه رنگين بيراقلر و چيكلر
 و لذيد ميوه ل يرادر و صو ايجنده مرجان آغاجى يرادر و ابجى صو ايجنده
 طالتو صو يرادر و يغمور قطره سندن انجور يرادر و بيراقدن قاش يرادر
 و دخی نيجه عجائب نسنه ل يرادر كه عاقلل حيران اولوب قنبارك الله
 احسن الخالقين ديرل و دخی معلوم اوله كه صفات ثبوتيه تك ضد لرى
 حق تعالى حقنده محالدر لكن صفات افعاليه تك كند بلربله

و ضد لرله حق تعالی موصوفدر مثلاً دیری ایتک ایله موصوف اولد یغنی کبی
اولدر مک ایله ده موصوفدر * هو یحیی و میّت * کبی ودخی حق تعالی نك
اسماء حساسی واردر انلر ایله ندا و ذکر اولنور غیر بلر ایله ذکر و ندا اولنمغه
اذن شرعی یوقدر اسماسی توفیقیه در ودخی بو محله اهل علمک کلامری
چوقدر یوقدر ده مؤمنلره کفایت واردر مصنف رحمه الله تعالی
الو هیته متعلق اولان مسائلی یسان ایدوب ملائکه به متعلق اولان
مسائلی ذکر ایتمکه باشلدی و دیدی ملائکه یعنی بو کلامی ملائکه به
متعلقدر ودخی شهادت ایده رم یعنی قلم ایله تصدیق و لسانم ایله اقرار
ایده رمکه الله تعالی نك ملکری واردر معلوم اوله که ملائکه حقیقه اوج
صفتی بیلک لازمدر اولکی انلر جسم لطیفلر در و نور دندر درلودر او
شکله و بقاء کبرمکه قایلدر ایتکینی لوازم انسانیه دن بریلدر مثلاً بیک
و ایچمک و او یومق و یورلق وارکک اولمق و دیشی اولمق و طوغمق
و طوغورمق کبی نسته لردن مزهدر او چینی ایمان و طاعتدر یعنی جمله
ملائکه مؤمنلر و مطیعلر در و فرشتهلر سو کلودر و مؤمنلری و مطیعلری
سورلر انلرده اصلا خطا و عصیان اولماز حق تعالی ملائکه نك جمله سنی
برزمانده یراتمشدر و حق تعالی نك امر یله عامللر در بعض انسان
و جن کبی انلر الله تعالی به عاصی اولمازلر تنه کیم قرآن کریمده ذکر اولنور
لا یعصون الله ما امرهم و یفعلون ما یؤمرون * یعنی انلر حق تعالی به
امر ایتدی نسته ده عصیان ایتزلر و مأمور اولدقلری ایشلرل
مصنف رحمه الله تعالی بو کلامله یهود طائفه سنی رد ایتدی زیرا انلر
شویله زعم ایتدیلمکه ملائکه نك نیچه لری عاصی اولور و حق تعالی انلرک
صورتلرینی تبدیل ایدر دیدیلر ودخی شول حکایت باطله که نقل اولنور
بابل قریه سنک خلقی چوق فسق و عصیان ایتدیلم کوکلرک ملائکه سی
انلر طعن ایتدیلمحق تعالی اول ملائکه به دیدیکه اگر سز لر بنی آدم کبی
نفس اماره و شهوت صاحبی اولسه کز عصیان ایتز می ایدیکز المر

دیدیلر که ایتمز ایدک حق تعالی دیدیکی سزک زیاده سیله عابدلر یکن دن ایکی
 ملکی بره ایندی بره انلرک بریسی هاروت و بریسی ماروت ایدی بره ایندی لر و انلرده
 شهوت حاصل اولدی اول مملکتده بر فاحشه عورت و ار ایدی آدی زهره
 ایدی اول ملکر اول عورته عاشق اولوب میل ایندی لر و اول عورت انلره خیر
 ایچمک تکلیف ایندی انلر ده خیر ایچوب اول عورته زنا ایندی لر و آدم
 قتل ایندی لر و پوته طاب دیلر و اول عورت انلردن اسم اعظمی او کر نوب
 کوه که چقدی و حق تعالی ائی یلدز ایلدی و اول ایکی ملکاری حق تعالی
 دنیا عذابا ایله آخرت عذابا اراسنده مخیر ایندی و انلر دخی دنیا عذابا
 اختیار ایندی لر قیامتده ک معذب اولورلر دیونقل و انسان حکایت باطله
 یهود طائفه سندن منقوله در و ملائکه به افترا در بلکه حق تعالی به دخی
 افترا در اهل سنت مذهبنده بالاتفاق شویله در که اصلا ملائکه جنسندن
 کیره و صغیره و خطا صادر اولماز جمله سی مؤمنلر و مطیعلر در ملک
 ییزلر و صوابچمز لار ککلک و دیشلیک انلر ده اولماز بو کلام پوت
 برستلری رد ایلدی ز بر انلر دیدیلر که ملائکه حق تعالینک قزلر یدر دیدیلر
 اهل سنت مذهبنده شویله تحقیق اولنمشدر که ملائکه ارکک و دیشی
 دکلدر ییزلر و ایچمز لر و ایومز لر و یورمز لر و جمله سی نور دن خلق
 اولنمشدر ابن عمر رضی الله عنهما روایتله ابوالشیخ تخریج ایدوب کتاب
 لمطیبه ده ذکر ایندیکه * خلق الله الملائكة من نور * یعنی الله تعالی
 ملائکه بی نور دن براندی و عکرمه روایتله * خلقت الملائكة من نور العزة
 یعنی ملائکه نور عزتدن برادلدی دیمک اولور و حضرت عایشه رضی الله
 عنهما روایتله امام مسلم تخریج ایلدی * خلقت الملائكة من نور * ملائکه
 نور دن برادلدی * و خلقت الجن من نار * جن طائفه سی آتشک
 علوندن برادلدی * و خلق آدم مما وصف لكم * و آدم علیه السلام سزله
 وصف و بیان و انسان بالحقدن یارادلدی دیمکدر انلرک ایچنده ملائکه
 کرام جنسندن حق تعالی به مقرر بلر و حق تعالینک امرنی ملائکه به

و بر یوزنده اولان انسان پیغمبر لینه خبر و پرچی پیغمبر ل واردر
 ملائکه ده رسالت واردر * جاعل الملائکه رسلا * آیت کریمه سنده بیان
 اولتمشدر لکن ظاهر بودر که ملائکه نکرسلاری واسطه و وسیله معناسته در
 انسان پیغمبر لری کچی بر قومی ایمانه دعوت و حق تعالینک امرینی و نهی
 تعلیم و عبادت و طاعت کیفینی بیان معناستجه دکلدر زیر اجمع
 ملائکه ایمان اوزره خلق اولنوب مأمور اولدیغی طاعتی ادا ایدوب وانلردن
 ذره قدر عصبان صادر اولماز حقه تعالی ملائکه نکر هر برینی برخد مته
 قومشدر کیمی یرده خدمت ایدر و کیمی کوکده خدمت ایدر و کیمی دائم
 قیامده طاعت ایدر و کیمی دائم رکوعده عبادت ایدر و کیمی دائم
 سجودده رب العالمینه تدلی ایدر و کیمی دائم کوزل صوت ایله تسبیح
 ایدریدی فات کوکلرده و عرش اعلاده هر بری برکونه طاعت ایدر لرانلره
 اصلا اوصاف کلمز و کیمی یرده آدم اوغلترینه کرک مؤمنلره و کرک
 کافر لره مؤکلدر عملارنی یزار لرانلره کراما کاتبین و حفظه دیرلر
 بعض علما رحیم الله تعالی شویله بیان ایتدیلر که هر کسک یاننده بش
 ملائکه واردر بریسی صاغ جانبنده حسنات یزار و بریسی صول جانبنده
 سبئات یزار و بریسی قارشوشنده خیراتی الهام ایدر و بریسی آرندده
 غضرقی دفع ایدر و بریسی آکنی قارشوشنده صلوات شریفه کتوردکده
 رسول الله صلی الله علیه وسلم کو تورد و بعض اهل العلم شویله بیوردیلر که
 هر کسک یاننده الشمس ملائکه واردر و بعضیلر یوز الشمس ملائکه واردر
 دیدیلر و سائر اقوال دخی واردر بعض اهل حدیث شویله بیوردیلر که
 صاغ طرفده اولان ملک صول طرفده اولان ملک بکدر اول کشتی کاه
 ایتسه صول طرفده اولان ملک صاغ طرفده اولان ملک بزیامی دیو
 مؤال ایدر اول دخی بره مقدار توقف ایت یازمه بلکه توبه و استغفار ایدر دیر
 اگر توبه و استغفار ایت یازمه یا زدیو امر ایدوب حق تعالی بزی یوله عاصیدن
 خلاص ایله خیش کسمه به مقارن اولدق حق تعالینک عذابنی خامرینه

کتورمز و او تا من ادب سز کسه در دیر نعوذ بالله تعالی من شرور انفسنا
 ومن سببات اعمالنا جبرائیل پیغمبره وحی و کتاب کتورن اولدر
 و حق تعالی بعض ملکارتینه عظیم بیوک جشه و جسد و قوت
 و پر مشدر جبرائیل علیه السلام کبی التي بوز قنادی واردر بر ساعتده
 باذن الله تعالی یدی قات کوکدن بره اینز و بر طاعی قنادینک بر توکی ایله
 قالدیر و طاغیدر و بر ملکتی هلاک ایدر و صبیحه سیله نیچه بیک کسه لری
 هلاک ایدر زلزله به و بر ملکتی بره بکزمکه و سائر فتنه و مصیبتنه مؤکلد
 یهود طائفه سی جبرائیل علیه السلامه عداوت ایدر لر و قزلباش طائفه سی
 دخی عداوت ایدوب دیر که حق تعالی جبرائیله امر ایتدیکه نبوتی علی به
 کتور دیدی جبرائیل خطا و غلط ایدوب محمده کتوردی دیدیلر نعوذ بالله
 تعالی بو طائفه رذیله حق تعالی به و حضرت جبرائیل و رسول الله صلی الله
 علیه و سلمه عظیم پتان ایدر و عزرائیل و حق تعالی عزرائیل علیه السلامی
 جان المغه مؤکل قتلشدر جله جابلری کرک انسان و کرک حیوان و کرک
 جن و کرک ملائکه اچلری کلد کده باذن الله تعالی جله سنک جابلری
 قبض ایدوب الان اولدر اسرافیل و حق تعالی اسرافیل علیه السلامی
 سمور اورمغه اوفورمکه مؤکل قتلشدر صیور بر بیوک بوینوز کبی نسنه در
 بر اعرابی رسول الله صلی الله علیه و سلمه صوردن سؤال ایتد کده جوابنده
 پیوردیکه بوینوز کبی نسنه در که اکا اوفوریلور اسرافیل علیه السلامک
 شمعی النده در صوری بر ایتدیغی زمانده اسرافیل علیه السلامه و بر دی
 اول دخی اغرتی صورک دلکنه و بر مشیدر اغرنده لقمه بطور کبی
 طوتوب و قولاغتی حاضر ایدوب حق تعالی بدن صوری اوفورمکه اذنه
 منتظر اولوب کو پروا دن کوزه در قیامت زمانی اولوب الله تعالی اسرافیله
 صوری اوفور دیو امر ایدوب اذن و بر دیکی وقتده اول دخی صوری
 اوفورسه کر کدر نته کیم حق تعالی قرآنده پیوردی * وفتح فی الصور
 یعنی صوره اوفور لسه کر کدر * فصعق من فی السموات ومن فی الارض

الامن شاء الله عقبه کوه کرده اولتر و بر رده اولتر هر کس نه حاله
ایسه یی قلوب جان ویرسلر کر کدر مکر شونلر که حق تعالی انلرک جانلرینی
المحق مراد ایلسه انلر اولزلر جبرائیل و عزرائیل و اسرافیل اولزلر دیمشدر
و بعضی علما فی سبیل الله شهیدلر دیمشدر و بعضی علما حور عین و جهنم
زبانلری و حله عرش اولزلر دیمشدر بوافورمکه نفخه الفزع و خراب
عالم دیرلر اندن صور غایتده بیو کدر حتی بعضی اثرده وارد اولدی که صور
یدی قات کوکلردن و بتون دنیادن بیو کدر دیمشدر اسرافیل علیه السلام
اکا افورد کده اندن بر برك آوز چیقسه کر کدر تا که یدی قات کوکلره
ویرله وارسه کر کدر ایشیدن لر جله یر رده و کوکلرده اولسه کر کدر
و صبت ایتمکه قادر اوله مرز چار شوده اولانلر اولرینه کله مرز اسرافیل
علیه السلام باذن الله تعالی ایکی کره صور اورسه کر کدر اولنده جله
جانلور اولسه کر کدر نه کیم ذکر اولندی قیامت اول پراوزون و کونلری
چوق زمان در قو پوب صحیح مسلمده ابوهریره رضی الله عنه روایتله
ذکر اولتوب و امام فخر الدین ابن عباس رضی الله عنهما دن نقل ایلدیکی
روایتله کوره قرق ییل بو عالم خراب اولوب ایسمز و جانلور میت
اولوب بتون عالم خالی یاتسه و قالسه کر کدر اندن صکره قرق ییل تمام
اولدقدن صکره حق تعالی اسرافیلی دیرلدوب بر کره دخی صور اورسه
اوفورسه کر کدر جله جانلر صورک ایچندن جیقوب هر کس جسد لرینه
کبر و ب جله اولولور بده و کوکده دیرلسه کر کدر بوا یکنجی اوفورمکه
نفخه البعث دیرلر نه کیم قرآن عظیم الشانده ذکر اولتور * ثم نفخ فيه
اخری فاذا هم قیام بنظرون * یعنی اولکی اوفورمکدن صکره صوره بر کره
دخی اوفور یلور تا که جله خلق قبرلرندن قالقوب عالمک تغیر اولدیفینه
وقیامت حاللرینه حیران قالوب باقبشدر معلوم اوله که جمهور اهل سنت
مذهبنده ملائکه دن رئیس اسرافیل و جبرائیل و عزرائیل و میکائیلدر
و بعضی اهل حدیث رضوان و مالک و حله عرش و مقر بون و کرو بون

وورحانیون ملائکه ز بی دخی ذکر اینمشدر مصنف مرحوم رساله ده
 میکائیل علیه السلامی دخی ذکر ایدیدی کوزل اولور ایدی یغور و نباتات
 کی نسنه ره میکائیل علیه السلام مؤکل اولمشدر کتب الله تعالی یعنی
 بمقامده حق تعالی بنک پیغمبر ره تنزیل ایندیکی کابلره متعلق مسائل
 ذکر اولنور و دخی حق تعالی به و ملائکه به عقینده شهادت و قلمبله
 تصدیق و سائنله اقرار ایده رم که الله تعالی بنک کابلری و صحف لری
 واردر جبرائیل ایله کوکدن ایندر مشدر پر یوزنده کی بعض پیغمبر لینه
 و پر مشدر پیغمبر لردن غیری به کوکدن کاب اینمز زیر صاحب شریعت
 و صاحب کاب اولق پیغمبر لکه مخصوصدر و جبرائیل و حبله پیغمبر لردن
 غیره کلز زیر وحی انجیق پیغمبر ره مخصوصدر اما وحی کتور یلوب
 بر غیری نسنه ایچون بعض ولبلره کلسه جائز در تنه کیم حضرت مریم
 رضی الله عنهما به کلدیکی کی و بعض روایتلرده مؤمنلره موت وقتنده کلور
 دیوز کر اولمشدر و حضرت محمد علیه الصلوٰۃ والسلام الله تعالی
 امر لیه جبرائیل واسطه سیله قرآن اینمشدر مصلیت اقتضا ایندی که آزار
 یکر می اوج یلده تمام اولمشدر زیر رسول کائنات علیه الصلوٰۃ والسلام
 عمری تمام اولوب دار بقایه انتقال اینمکله وحی دخی منقطع اولدی
 و حضرت موسی علیه الصلوٰۃ والسلام تویزه اینمشدر کوکدن نازل
 اولان یولک کابلرک اولی اولدر و حضرت عیسی علیه السلامه انجیل
 و داود علیه السلامه زبور اینمشدر بو کابلر آزار کلیموب جمله سی بتون
 کلمشدر و بوتلرک غیر سن صحف لری دخی غیری پیغمبر لینه جبرائیل ایله
 ایندر مشدر پر روایتده جمله حق تعالی بنک پیغمبر لینه و یردیکی
 کتابی یوز در تدر آدم علیه الصلوٰۃ والسلامه اون صحیفه شبت
 غلبه السلامه الی صحیفه ادریس علیه السلامه او توز صحیفه ابراهیم
 علیه السلامه اون صحیفه اینمشدر لکن آخر روایتده تور اتدن اول
 موسی علیه السلامه اون صحیفه و ابراهیم علیه السلامه اونوز صحیفه

و شبت علیه السلامه الشمس صحیفه ایتمشدر دیو بیان اولتمشدر بور وایته
 کوره کلب ووز فرق دیرت اولور وایتلر مختلف اولدیغیمون عدد تعیین ایتمک
 مناسب دکلدرد بلکه کوکدن نازل اولان کابلرک جله سی کلدیکی منوال
 اوزره حقدر دین حق بیان ایدیجیدر دیمک کرکدر صکره کلان کلب
 وشریعت اول کلان کلبک وشریعتک حکمی وزمانی تمام اولدیغین بیان
 ایتمشدر اکن قرآن عظیم جله دن مؤخر و آخر زمانده ایتمشدر حکمی
 و مقتضاسیله عمل ایتمک قیامته دکن باقیدر حدیث شریفلردخی بویله در
 نسخدن یعنی حکمی وزمانی تمام اولوب بشقه برکلب نازل اولقدن
 و تبدیلدن چوق زمان کچوب بعض حکمیه عمل ترک اولمقدن بریدر
 مصنف رحمه الله تعالی بو کلامه اهل ضلالتدن بر طائفه ردیله بی ردایلدی
 زبرا قزلباشدن بر طائفه واردر که انلر شویله زعم باطل ایتدیلر که شمدیدن
 صکره عجمدن بر پیغمبر ظهور ایدوب شریعت محمدیه بی نسخ ایلسه
 کرکدر دیدیلر و ختم نبوی انکار ایتدیلر و کافر بالله اولدیلر نفوذ بالله تعالی
 بالاجماع اعتقاد حق شویله در که بزم پیغمبر بمن محمد علیه الصلوٰه والسلام
 جله پیغمبرک خاتمی و آخریدر اول این کابلرک اعماله متعلق اولان
 بعض حکمن نسخ وزمانلری تمام اولدیغین بیان ایتمشدر انلرایله شمعی
 قرآن عظیم الشان نازل اولدیغی وقتدن قیامته دک عمل جائز دکلدرد
 یازمسی و اوقومسی دخی جائز دکلدرد اعتقاده متعلق اولان احکام جله
 کابلرده بزدرد نسخ و تبدیل انده اولماز و دخی معلوم اوله که قرآن کریم سائر
 کوکدن این کابلردن افضلدر حق تعالی اتی مدح ایدوب نیچه مبارک
 و کوزل اسملرایله و کوزل مقتلرایله اوکشدرد کلب الله کلام الله
 قرآن عظیم قرآن عربی فرقان هدی جبل الله کلب مبین
 کلب مبارک نور الذکر موعظه شفاء رحمة تبیان بشری قیم
 غیر ذی عوج الذکر الحکیم قرآن حکیم تنزیل العزیز الرحیم قرآن کریم
 قرآن مجید ذکر للعالمین قول فصل احسن الحدیث کلب منسابه

ثانی کتاب عزیز ودی رسول کائنات صلی الله علیه وسلم حدیث
 شریف کرده مدح ایشود شافع مشفع و ما حل مصدق مادی به الله
 جل الله المتین نور عین شفاء نافع عصمة نجاه الذکر الحکیم
 صراط مستقیم کتاب الله خیر الحدیث و غیر یزکی اسمک چوق
 اولسی قرآن عظیم الشانک فضیلتی چوق اولدیغیچوندر رسول الله
 تعالی بومقامده پیغمبره متعلق مسائل ذکر اولوز ودی قلبم
 ولساغله شهادت ایدرم الله تعالینک یروزنده انساندن پیغمبری
 واردر هر بریسی زماننده دنیا به کلوب امتی حق دینه دعوت ایشود
 شرعهده پیغمبر شول انساند که انی حق تعالی سائر خلقه کوندر اکاوی
 ابتدکی احکامی خلقه تبلیغ ایچون اول خلق اول پیغمبرک امتی اولور
 انلردن ایمانه کلنره امت اجابت دینور کلنره امت دعوت دینور پیغمبرک
 صفتلری بیلیمک کر کدر ایمان تفصیلی پیغمبرک ایمانی تفصیلدر و علوم
 دینیه و شرعیله بی تفصیل بلورل و بعض احکامده اجتهاد لری واردر
 پیغمبره الله تعالین خبر کلور خطا اوزره قالمزل اما سائر مجتهد لر خطا
 اوزره قالمق عفو اولمشدر امانت پیغمبرلر امین لردر برکسندک عرضنه
 و یا خود ماله و یا خود جائنه خیانت ایشکدن مزهلردر حق تعالی انلری
 وحیه و نبوته امین ایشود صدق امور شرعیهده و امور دنیویهده
 صادق لردر اصلاً بالاجاع انلردن کذب صادر اولمشدر تبلیغ حق تعالینک
 وحی ابتدکی احکامی تبلیغ ایدر اصلاً کتم ایشور و حق سونلر برکسندک
 خاطری ایچون مداهنه ایشور الله تعالینک امرینی یرینه کتورل عدالت
 پیغمبرلر عاد لردر و حق اوزره بعث اولمشدر انلرده اصلاً ظلم یوقدر
 عصمت پیغمبرلردن کفر و کذب و فسق و زنا و لواطه کی نفعنه لرنیوتدن
 اول و صکره بالاجاع صادر اولمشدر و مذموم و خبیث اولان نسنلردن
 و انسان نفرت ابتدکی نسنلردن مزهلردر عدالت مخالف ایشلردن
 معصوم لردر و جله سی غالمرو عاملر و کامل لردر امن العزل پیغمبرلر نبوت

منصبندن دیناده و آخرتده عزل اولمز نبوت صفتی انلرک ذاتلرندن دیناده
 و آخرتده ابرلر اول ککن پیغمبرلرک شریعتلری نسخ اولغله نبوتدن عزل
 لازم کلر زیرا نبوت انلرک سفتلریدر و حق تعالینک موهبه سیدر کسی
 دکلدر ولایت کسبیدر و هر پیغمبرده ولایت وارد رقول صحیحده نبوتلری
 ولایتلرندن افضلدن زیرا نبوتله جبرائیل علیه السلامه وحی اولماسنه
 و ملک مشاهده سنه و سائر کالانه نائل اولمشلردر فطانت پیغمبرلرک عقللری
 کاملدر انلر جنوندن و حیاقتدن و عتهدن منزهلردر و دخی کوله دن ونسبی
 معتبر اولیان جنسندن پیغمبر ظهور ایتمشدر و کویلو اترک و بابانی کسلردن
 و خلق اراسنده حقیر اولان کسلردن پیغمبر ظهور ایتمشدر و قصورلی
 کسلردن اعمی اولق و جولاق و طوپال و صاغر و سائر عیالروقه صالحلر
 یولتان کسلردن پیغمبر ظهور ایتمشدر جله پیغمبرلر خلقک کاملاریدر
 و حسب و نسب شریف صاحبلریدر و اخلاق حیده و خصال جله
 صاحبلریدر و زهد و تقوی و صلاح صاحبلریدر و خلقتلری و صورتلری
 کوزلدر شفای شریفده انس رضی الله عنه روایتله ذکر اولندی
 ما بعث الله نبیا الا حسن الوجه و حسن الصوت * یعنی حق تعالی بر پیغمبر
 کوندر مدی ایویزی کوزل و صوتی کوزل کوندردی دیمکلدر پیغمبرلرک
 مرتبه لری جله مرتبه لردن اعلی در و حق تعالینک مقر بلری و سوکا و قوللریدر
 انلرده عییلونسنه اولمز هر وجهله خصائللری و عمللری و عادتلری کوزلدر
 حق اوزره کوندرلشدر عادلر و مرسللردر بوللری و نفوطلری طاهر در
 و احتلام اولمقدن بیلدر شفای شریفده و غیر یسنده ذکر اولندی که چنانکه
 پیغمبر یمز علیه الصلوٰة والسلام قضای حاجت ایتسه ایدی بر آچلوب
 بول شریفی و تعویطی بر ایچنه کوروب غائب اولور ایدی و اول محلدن رایحه
 طیبه ظهور ایدردی حضرت عایشه رضی الله عنها پیغمبر یمز سوال
 ایتدی که * یا رسول الله انک تأتی الخلاء * تحقیق سن بیت الخلاءه قضای
 حاجت ایدر سین فلایری منک شیء من الاذی * سزدن اصلا اذایه و قضای

حاجته متعلق بر سنه کورنمز * فقال رسول الله * جوابنده پیوردیکه
 با عایشه اما علمت * سن یکن مېسنکه * ان الارض تبلى ما يخرج من الانبياء
 تحقیق انبیاء کرامدن چیقان فضلاتی پر یودر وروایت اولندیکه صحابه دن
 برخاتون پیغمبر یرک بولنی ایجدی و پیغمبر یر علیه السلام اکا قارن اغریسی
 کورمز سین اصلا دیدی عبدالله بن زبیر رضی الله عنه پیغمبر یر
 علیه السلامی حجامت ایندر دکرده مبارک قانتی ایجدی بونلر شفای شریفده
 مذکوردر و دخی پیغمبر ل انجی حق تعالیدن خشبت ایدر لر غیر ی کسه دن
 خوف و خشبت اینزلر نه کیم قرآن کریمده ذکر اولنوراعوذ بالله * الذین
 یبلغون رسالات الله * شول پیغمبر ل که الله تعالینک رسالاتی واحکامنی
 خلقه تبلیغ ایدر لر ایدی * و یخشونه * والله تعالیدن خشبت ایدر لر ایدی
 و لا یخشون احدا الا الله * و حق تعالیدن غیر ی برکسه دن خشبت اینزلر
 ایدی معلوم اولدیکه خلقی حقه دعوت اینمکده شجاعت اظهار ایدوب
 دوشمنک چوقلغندن خوف اینمدیلر باخصوص نمرو دبتون دنیاه مالک
 اولوب تکر بلک دعواسی زعم ایدوب بویله بولکدوشمن زماننده حضرت
 ابراهیم علیه السلام ظهور ایدوب طایدقلمری پوتلرینی قیروب آشکاره
 انلری توحیده دعوت ایندی هیچ اناردن قورقدی وفرعون زماننده
 حضرت موسی علیه السلام ظهور ایدوب فرعونو و سائر خلقی آشکاره
 ایمانه دعوت ایندی هیچ قورقدی و بزیم پیغمبر یر محمد علیه الصلوٰة والسلام
 ظهور ایدوب مشرکلمری و اهل کابی و بتون دنیا خلقنی و جن طائفه سنی
 و قیصر و کسری و نجاشی کی نیجه عسکر صاحبی و مملکت ضابطلمرینی
 و قبیلله باشلمرینی دین اسلامه آشکاره دعوت ایدوب اصلا قورقدی بر مقدار
 صحابه ایله قانقوب نیجه عسکر صاحبلمری اوزر لرینه واروب محاربه ایله
 انلری قهر و اسیر ایدوب مملکتلمرینی ضبط ایدر ایدی اصلا قورقر ایدی
 و الحاصل پیغمبر ل مخلوقاتدن برکسه دن قورقر لر همان الله تعالیدن
 قورقار لر لکن بوقور قودخی ایکی بلوکدر بریسی بودر که کشتی کاهی

چون ایتمکله آخرته کندویه عذاب اولنمقدن قورقار بوکا عذاب خوفی
 دیرلر بویه خوف پیغمبرلده اولماز غیر یلرده اولور و بریسی دخی بودر که
 حق تعالی بی یلوب کمال معرفتن حق تعالینک هیبت و عظمت و کبریاسندن
 ناشی قلبه خشبت حاصل اولور بوکا خشبت معرفت دیرلر پیغمبرلده کی
 خشبت بودر زیرا انلر حق تعالینک الوهیتنی و عظمتنی و کبریاسنی و سائر
 کالاتی یلورلر انک ایچون خشبت ایدرلر برآیه کریمده شویله درکه * اتی
 لایخاف لدی المرسلون * معنای شریفی تحقیق بنم عندمده پیغمبرلر
 قورقز دیمکدر عذاب خوفی انلرده اولماز معناسته در ودخی پیغمبرلر
 ارککدن اولور ارککلاک شرطدر لکن شیخ ابوالحسن الاشعری مذهبده
 ارککلاک شرطدکلدر انک ایچون دورت خاتون پیغمبرلکنه قائل اولدی
 بریسی مریم و بریسی آسیه و بریسی ساره و بریسی هاجر سراج الدین منتقن
 و حواء و حضرت موسی نک والدہ سنی دخی زیاده ابتدی امام قرطبی اشعری
 مذهبده اذهب اولدی ودخی انساندن اولان پیغمبرلرک جله سی اهل سنت
 مذهبده اسرافیل و جبرائیل و میکائیل و عزرائیل و جله عرش و سائر
 خواص ملائکه دن افضلدر و معزله طائفه سی مذهبده بو ملائکه
 پیغمبرلر دن افضلدر مذهب لری باطلدر و اهل سنت عندنہ بو ملائکه
 مؤمنلرک خواصندن افضلدر و مؤمنلرک خواصی سائر ملائکه دن افضلدر
 و مؤمنلرک عامه سی سائر ملائکه دن افضلدر و دخی جن طائفه سندن پیغمبر
 کلمه شدرا امام قرطبی تفسیرنده و ابوالسعود تفسیرنده یا معشر الجن و الانس
 آیه کریمه سنده رسوللر انجیق انساندن اولغه مخصوصدر دیدیلر و دخی
 نبی ابله رسولک بعض علما عندنہ فرقی واردر یاننده کتاب منزل اولانه
 رسول دیرلر کرکسه اولاکا نازل اولسون و کرکسه اندن اولکلن رسوله نازل
 اولمش اولسون اما نبی یاننده کتاب اولقی لازم دکلدر رسول یاننده شرع
 جدید اولقی لازمدر برروایتده رسول اوجیوز اون اوجدر و دخی جله
 پیغمبرلرک عددی معلوم دکلدر برروایت ضعیفه ده یوز یکرمی دورت یلک

و بر روایت ضعیفه ایکی یوز یکریمی دورت بیک بیان اولمشدر لکن حق
بودر که عدد تعیین اولماز و دخی قرآن کریمده اسمی ذکر اولتان پیغمبرلر
یونلر در آدم نوح هود ادریس صالح ابراهیم اسمعیل اسحق یعقوب یوسف
موسی هارون شعیب زکریا یحیی عیسی داود سلیمان الیاس الیسع ذوالکفل
ایوب یونس لوط محمد صلوات الله وسلامه علی رسولنا وعلیهم اجمعین
یونلر بالاتفاق پیغمبرلر در اما ذوالقرنین و عزیر و لقمان یونلرک نبوتنده
اختلاف وارد تبع حقه دخی اختلاف وارد و خضر حقه دخی
اختلاف اولندی بعضیلر یونلر پیغمبرلر در دینلر و بعضیلر صالحلر در
دیدیلر و دخی جله پیغمبرلر نبوت صفتنده برابر اولوب سائر فضائل و در جائده
بعضیسی بعضیسندن افضل اولدیغیچون ایچلرنده اولو العزم وارد
مشهور اولانلری بشدر محمد نوح ابراهیم موسی عیسی علیهم الصلوات
والسلامدر و بعض علما رحیم الله تعالی شویله ییورمشلر که نوح و یعقوب
و یوسف و ایوب و موسی و داود و اسمعیل یا خود اسحق و عیسی و محمد
صلوات الله وسلامه علی رسولنا وعلیهم اجمعین و جله پیغمبرلرک و جله
انسانک اولی آدم علیه السلامدر اتی الله تعالی قوزی بالحقندن یارتمشدر
حق تعالی قرآن کریمده ذکر ایتمشدر * و لقد خلقنا الانسان من صلصال
من جاء مسنون * یعنی بز انسانک اصلی اولان آدمی صویه قارشمش
واوز زندن نیجه باللر کچمش و قورمش چاموردن یار تندق و برآیه کریمده
اتی خالق بهرامن طین * یعنی بن تحقیق چاموردن بشر برادیجیم دیمشدر
روایت اولاندیکه حق تعالی آدم علیه السلامی یار تندق مراد ایتدکده جله
یرلردن بوکسکلردن و دوزلردن بر قبضه طیارق جمع ایدوب صوابله
قارشدر و بو چاموز ایتدی طیارق هر طرفدن جمع اولدیغیچون انسان
درلودر لو اولدی کیمی سیاه و کیمی اسمر و کیمی بیاض و کیمی اطفیف و کیمی
خشین و کیمی خبیث و کیمی طیب و دخی آدم علیه السلام بر اولدیغی
مخنده اختلاف اولندی امام السدی دنیا کوکنده بر اولدی دیدی منذر بن

سعید البوطی و علمادین برجاعت دنیا با نچه لزند بر با نچه ده برادلدی
دیدیلر بهجة النفس صاحبی جمهور علمادن نقل ایدوب جنت عدنده
برادیلوب دنیا به چیقدی دیدی و بعضیلر مکة ایله طائف اراسنده برادلدی
دیدیلر برروایتده جعه کوننده بالخی یوغوریلوب انسان صورتده اولدی
یونک اوزرینه نیچه زمان کجدی برروایتده قرق ییل کجدی اول قالب قوریدی
شویله که اگر انکار کسه برنسنه ایله اورسه صوت چیقارایدی صکره حق تعالی
اکاجان و یروب انسان اولدی قامتی التمش ارشون ایدی جله انسانک
اولی واصلی و باباسی اولدر اندن اول وجوده انسان کلمشدر شیعه
طائفه سنک آدمدن اول نیچه آدملر کجدی دید کلری باطلدر ودخی
حق تعالی آدمه حوق علم تعلیم ایدوب اشیانک هر لفته اسهلاری تعلیم
ایتمشدر و حق تعالی آدمه امر ایدوب اول اسمایی ملائکه به خبر و بر دیوب
اولدخی خبر و بر دکه حق تعالی ملکوره سجده و تواضع ایدک آدمه دیمشدر
سجده ده اختلاف اولمشدر بعض علما سجده دن مراد تواضع ایتمکدر
دیدیلر مصنفک کلامندن ظاهر اولان بودر چونکه آدم علیه السلام
علمی و فضلی ظاهر اولجه حق تعالی امر ایدوب ملائکه به آدمه تواضع
و تعظیم ایدیکر دیدی و بعض علما سجده دن مراد نمازده کی کی یوزی
یره قومقدر دیدیلر بر صورتده سجده حق تعالی به در آدم قبله اولمشدر سجده
ایلهمأ موراولان بعض اهل تفسیر جله ملائکه در دیدیلر و بعضیلر
یوزنده کی ملائکه در دیدی و بعضیلر ابلیس ایله جن محاربه سنده اولان
ملائکه در دیدیلر معلوم اوله که آدم علیه السلام اناسی و باباسی یوقدر
حوادخی بویله در زیر آدمک ایکو کو کندن برادلمشدر ودخی ابلیس جن
طائفه سندن ایدی ملائکه اراسنده اولوب انلر ایله عبادت ایدر ایدی انک
ایچون ملائکه ایله ییله آدمه سجده ایله امر اولندی جله ملائکه آگاسجده
ایتمشدر در امر اولند کلری کی الا ابلیس سجده ایدنلردن دکل ابلیس
کندی نفسی آدم علیه السلامدن یونک کوردی و شویله زعم ایتدیکه

بن آتشدن خلق اولندم آدم ایسه بالحقدن خلق اولندی آتش بالحقدن
 یوقار پدر بن اندن خیرلویم دیوب حق تعالینک آدمه سجده ایت دیو امر
 ایتدی کی مناسیب کور میوب بو امری قبیح کوروب اول سجده ایتدی کی چون
 حق تعالی ابلهسه لعنت و دنیا ده و آخرته رجحتدن اوزاق ایدوب
 ملائکه اراسندن و کور کوردن و جشتدن چیقاروب قومشدر صکره ابلهس
 حق تعالیدن قیامت ده مهلت ایستدی و حق تعالی اکابر و ایتده قیامت
 دکن مهلت و یرمشدر و بعض علما اول مهلت نفخه اولی زمانه دکندر
 دیدیلر و بعض علما دابة الارض چیقدی فی زمانه دکندر زراد دابة الارض
 ابلهسی قتل ایتسه کر کدر دیدیلر معلوم اوله که ابلهس مجرد سجده بی ترک
 ایتدی کی چون لعنت اولندی بلکه سجده ایله امری قبیح کوروب معارضه
 ایتدی کی چون لعنت اولندی مصنفک کلامنده مسامحه واردر و دخی
 حق تعالی ابلهسه چوق اولاد و یرمشدر اولادی باباری کی شیطاند
 جله اولادیه هر بریسی مسلط اولوب آدم اوغلا نلری و عورتلری
 دخی اغوا و ضلالتیه براقعه سعی ایدر لر زدن اغوا ایتک کر کسه ادمک
 جسدنک ایچنه کیر لر صوسونکر ایچنه کیر ر کبی یا خود و سوسه سنی
 و حله سنی انسانک کوکله کتور لر هر بر انسانک باندیه بر شیطان واردر
 قلبک صول قولاشندن دور لو و سوسه لر ایدوب کاهلری انسانه کوزل
 کوستر لر و دنیایی شوکلو ایدر لر و دورلو شرله و فتنه ره دعوت ایدر لر
 مؤمنلری کافر ایتکه و صالحلری عاصی ایتکه چالشور لر لکن بر مؤمن کسه بی
 جبر ایدوب کونخله کافر ایتکه و صالح کسه بی عاصی و درجه سنی ناقص ایتکه
 قادر کلدردا کر بر کسه کنندی ارادتیله شیطانک اغوا سته تابع اولور ایسه
 عصیان ایدر اگر تابع اولر ایسه شیطانا کاشر ایدمز غایتی و سوسه
 ایدر لر مؤمنه فرض لازمدر اتی دوشمن طوته و دایما و سوسه سته اویمیه
 قرآن کریمه یورلشدر که * ان الشیطان لکم عدو * ای قولر تحقیق
 شیطان سرززه یولر دوشمند * فاتخذوه عدوا * سرزله شیطانن بیوک

دوشمن

دشمن طونکنز امض اهل علم نفس اماره یتش شیطاندن اشددر دیمشدر
 ودنیاه حرص و محبت ایتک جله کاهک باشیدر دیمشدر محمد علیه السلام
 ودخی شویله اعتقاد ایتک فرض عین در که جله پیغمبر لک خاتمی
 و آخری محمد علیه السلام در و آدم پیغمبر ایله بویا کبسنک ارا سنده چوق
 پیغمبر لک کاشدر بعضی ذکرا ایتک جله سنک صاغشنی وصایسنی
 الله تعالی بیلور جله سی شوقدر در دیو یقینا معلوم دکلددر و حضرت
 محمد علیه السلام جله پیغمبر لردن وجیع مخلوقاتدن افضلدر و ثوابی
 و درجه سی جله دن اعلادر و حق تعالی ک حیییدر جله خلقدن افضل
 اولق محمد علیه السلامه مخصوصدر معلوم اوله که محمد علیه السلام
 فضائلی چوقدر حق تعالی ایتک نورنی و روحنی جله خلقدن اول بر اتمشدر
 بر حدیث شریفده * کنت نبیا و آدم بین الروح والجسد * بیور لمشدر
 دیمکدر که بن پیغمبر ایدم دخی آدم روح ایله جسد ارا سنده ایکن مآلی بودر که
 آدم علیه السلام خلق اولنمزدن مقدم بنم روجه نبوت صفی و ارایدی
 ایتک نبوتی سائر پیغمبر لک نبوتک اصلیدر ارا مانیاده جله پیغمبر لردن نصکره
 کلوب نبوتی ختم و تمام و تکمیل ایتمشدر ایمدی دنیایه نبوت ایله کلوب قرق
 باشنده مبعوث اولدی بویله اینانمق لازمدر یو خسه قرق باشنده پیغمبر
 اولدی دیمک خطادر ودخی محمد علیه السلام ک امنی جله امتلردن
 خیر لودر و ثواب لری چوقدر و علمانی سائر امتلرک علما سندن علم لری و ثواب لری
 چوقدر جله امتلرک آخریدر و آخرتده جله امتلردن اول بوا تمک مصلحت لری
 کوزاسد کر کدر و سائر امتلره شهادت ایتسه لکر کدر و جسته سائر امتلردن
 اول کیرسه لکر کدر و یرم پیغمبر یمز حق تعالی ک احکامنی و شریعتنی
 بزره تبلیغ ایدچی اول محمد علیه السلام در بوندن اول کلان پیغمبر ل
 زمانلرنده هر بریسی بر طائفه یه طوغری بولی بیان ایچون کوندراشدر اول
 طائفه ل ایلرک امتلریدر اول پیغمبر لک کیمی کتاب ایله و کیمی کتابسز همان
 وحی ایله و کیمی صحفله مصنف نبی ایله رسول برابر اولق قولنی اختیار ایلدی

و پیغمبر را انجق انسانه پیغمبر اولوب کوندر لشدن لکن محمد علیه السلام
 جله انسه و جنه کوندر لشدن رسول ثقلین اولق بزم پیغمبر یمزه مخصوص صدر
 اما حضرت سلیمان علیه السلام جنلره حکم ابتدکی سلطنت جهتیه در
 جنلره پیغمبر اولق طریقله دکلدن و حضرت نوح علیه السلام طوفان
 زمانده کیده کی حیوانلره حکم ابتدکی ضابط اولق حبسیله در نبوت
 جهتیه دکلدن اما بزم پیغمبر یمزه محمد علیه السلام انسه و جنه و جله خلقه
 و پیغمبر لره دخی پیغمبر اولشدن رسول کاشاندر جله نک سیددر شرعی
 قیامده دکن و محشرده دخی باقی و دائمدر * تنبیه * خلق اراسنده پیغمبر لره
 متعلق بعض حکایه باطله شایعه اولشدن که اصلی یوقدر بریسی بود که
 حضرت داود علیه السلام اوریا ناعنده برکسنه نک عورتی کوروب عاشق
 اولدی اوریا بی جنکه کوندردی معرکه ده مقتول اولدقده داود علیه السلام
 مسرور اولوب عورتی تروج ابتد دیونقل اولنان حکایه خبیثه بی حشویه
 طائفه سی روایت ایدر اصلی یوقدر داود علیه السلامه بیوک افترا در جتی
 حضرت علی رضی الله عنه بو حکایتی نقل ایدنلره یوز التمش دکنک اورورم
 پیغمبر لره افترا ایدنلرک حد تعزیری بودر دیمشدر تفسیر ابو السعودده و شرح
 موافقه مذکوردر و بر حکایه باطله شویله نقل اولنور که حضرت سلیمان
 علیه السلام بلوکدن بریسی خبر الوب اوزرینه غرا ابتد و قتل ابتد
 انک برکوزل قزی واریدی اکامحت ابتد و اول قز باباسی ایچون اغلردی
 حاقبت سلیمان علیه السلام جنلره امر ایدوب باباسنک صورتی یابدیلر
 و قزی اولادیه اول صورتیه طابدیلر بوکاه سببیه سلیمان علیه السلامدن
 مهر زائل اولدی ملکندن عزل اولوب چیقدی بر مدت اغلیوب نضر علر
 ابتد دیونقل اولنان حکایه کاذبه نک اصلی یوقدر حشویه طائفه سی
 نقل ایدر دیو شرح موافقه مذکوردر بعضیلر دیدیلر که بر دیو حضرت
 سلیمانک مهر نی آلوب ملکینه مالک اولدی و عیالنه واصل اولدی دیو
 سلیمان پیغمبرک عرضنه طعن ایدر نهوذ بالله تعالی حق تعالی پیغمبرک

عرضلری و کندی وجود لری حفظ ایتشد و پیغمبرل معصوملردر
و محفوظلردر اهل اسلام اولان بویه حکایه خبیثه بی لسانه کتور مز
و بر حکایه باطله شویه روایت اولنور که حضرت ایوب علیه السلامی
قورتیدی یون جسمی قوری مک قالدی دیو نقل اولسان حکایه
اسرا بیلتدند رغایتی بر مدت خسته اولدی بعده دعا ایتدی تنه کیم قرآنده
ذکرا و لنور* و ایوب اذ نادى ربه انى مسنى الضر وانت ارحم الراحمین
دیمکدر که ایوب ربی سنه ندا و دعا ایدوب بکا ضرا صابت ایتدی یارب سن
ارحم الراحمین سن دیدی اهل تحقیق ضرردن مراد خسته لکدر دیدیلر خسته
اولق نقصان صفی دکلدر ز بر اطمینت انسانیه احوالنددر و ضرورات
بشریه دخی عیب اولان نسته لردن دکلدر بمک و ایحکم و تجارت ایتک
و تزوج ایتک و او یقو و غیر بلری کچی ایمدی هر نسنه که انده نقصانلق و عیب
و خبسات و شرعه مخالفه اوله و مروت و عدالت و مغایرت اوله پیغمبرل
اوله نسنه لردن مزهدر پیغمبرل حقیقه مناسبت اولیان حکایتلردن احتراز
لازمدر و انلره هر حالده تعظیم و اجبدرا اهل اسلام اولانلره بو خصوصده
بضیرت اوزره اولوب اهل سنت عقایدینی تحصیل ایتکه سعی و اهتمام ایتک
و اجبدر هر بر قیل و قاله اعتماد ایتمه ل پیغمبرل طعن اوله جق نسته لردن
غایتده حذر کرکدر و دخی پیغمبر بمک مجزه لری چوقدر معلوم اوله که
خارق عاده بونلردر معجزات ارهاصات کرامات معونت استدراج اهانت
بعضیلر سحر دخی خارق عاده قیللنددر دیدیلر لکن خیالی چلی شویه تحقیق
ایتدیکه سحر خارق عاده قیللندن دکلدر ز بر اسحر اسباب اوزره مرتب
اولان امور دندر که برکسنه اول اسبابه مباشرت ایتسه اتی حق تعالی
عقبده ایجاد ایدر دیدی ارهاصات شول خارقدر که مبعوث اولردن اول
حق تعالی اتی پیغمبر لرده برادر و پیغمبر اوله جفته علامت اولور معجزات
اولدر که حق تعالی اتی پیغمبر لرده نبوت دعواسنه قازن برادر پیغمبر لری
دعوا لرنده تصدیق ایچون ارهاصاتله معجزات پیغمبر لره مخصوصدر

کرامات شول خار قدر که حق تعالی ائی صاحب ولایت اولانلرده یرادر
 انلره اکرام ایچون و مرتبه لری عالی اولدیغنه علامت ایچون علمده و علمده
 قوتلری و متانتلری زیاده اولسون ایچون معونت شول خار قدر که عمل
 صالحی غالب اولان مؤمنلرده حق تعالی ائی یرادر محنتدن خلاص ایچون
 استدر ارج شول خار قدر که حق تعالی ائی یرادر محنتدن خلاص ایچون
 حق تعالی ائی یرادر ضلالتی و طغیان زباده اولسون ایچون اهانت شول
 خار قدر که دشمنده مرادینه مخالف حق تعالی ائی یرادر ائی تکذیب ایچون
 و رذالت و حقارت و اهانت ایچون معلوم اوله که معجزه نیک شرطلری
 واردر اولکسی حق تعالی ایمجاد ایلیه ایکنی عاده مخالف اوله اوچنی
 اکا معارضه ایتمک محال اولوب عالم خلقی عاجز قاله دوردنچی خلقک طلب
 ایتمکینه مقارن اوله طلبده صراحت شرط دکلدیر بلکه قرینه کافیدر
 بشنچی ایستد کلمینه موافق اوله النبی نبوت دعواسندن اول اولیه و حق
 صکره اولیه بر مقدار تأخیر متعارف مانع دکلدیر یدنجی معجزه پیغمبری
 دعواستده تکذیب ایتمه کرامتده نبوت دعواسی اولیب و لیک کندی
 قصدیله اولدیغیله معجزه دن فرق اولنور و دخی حق تعالی پیغمبر لره
 معجزات باهرات و یردی تا کیم پیغمبر ل اول معجزاتله نبوت دعواسنی اثبات
 ایدوب بعث اولندقلری امتلر پیغمبر لری بیلوب تابع اولهل و اهل تحقیق
 شویله پیوردیلر که خلق اراستده معتبر و مرغوب هر نه ایسه معجزات اکا
 مشابه اولور حق تعالی حضرت صالح پیغمبر علیه السلامه طاش ایچنده ناقه
 یراتدی و حضرت ابراهیم علیه السلامه نمرود آتشی صوغیجی سلامت
 اوزره ایتدی کلستان اولدی دیونقل اولتان حکایه باطلدر و حضرت
 موسی علیه السلامک عصاسی بر یوک آژدها اولور ایدی وانی جینه
 صوقوب چبقار دقده ییضا ونور اولور ایدی و حق تعالی حضرت موسی
 علیه السلامه بر طاشدن اون ایکی ایرمق آقدوب امتی اندن ایچر ایدی
 و حضرت داود علیه السلامه حق تعالی دهوری یومشق ایدوب اندن

درع لباسی ایدر ایدی و طاغری و قوشلری حق تعالی حضرت داوده
 مسخر ایدوب انک ایلہ تسبیح ایدر لر ایدی و حضرت سلیمان علیه السلامه
 حق تعالی جنلری و قوشلری مسخر ایدوب و روز کاری دخی مسخر ایلدی
 روز کار اوزرینه پنبوقدن دوشکار دوشبوب اوزرینه تختلر قور دبروب
 برکونده بر آلیق بول و بر کیچه ده بر آلیق بول کیدر ایدی و قوشلر و قرنجہ لر
 لسا نلری ییلور ایدی و حضرت عیسی علیه السلام چاموردن قوش
 صورتی ایدوب اکا و فورد کده حق تعالی اکاجان ویر ایدی و ائادن کوز سز
 طوغانلره و برص مرضنه مبتلا اولانلره حضرت عیسی ائده انلره حق تعالی
 شفا و کوز خلق ایدر ایدی و اولوی حق تعالی حضرت عیسی سبیلہ دیری
 ایدر ایدی و دخی پیغمبر لده حق تعالی نیچه معجزه لر خلق ایلدی و بزم
 پیغمبر یمزک بعض معجزاتی دخی ان شاء الله تعالی بوفصلده ذکر ایدہ روز
 و دخی بعض پیغمبر لر کوچکلکده و قشندن اول سويلشدر حضرت ابراهیم
 علیه السلام کی امام بغوی نقل ایتدی احکام الدلاله کابنده مذکور در
 و حضرت یحیی علیه السلام دخی سويلشدر قاضی زکریا الانصاری بیان
 ایتدی احکام الدلاله ده مذکور در و حضرت عیسی علیه السلام دخی
 سويلشدر امام احمد و حاکم و ابن حبان و ابن ابی شیبہ و البراز و ابو یعلی
 و طبرانی و امام بیهقی سعید بن جبیر دن نقل ایتدیلر و امام نسائی و ابن ماجه
 ابی بن کعب دن نقل ایتدیلر در مشورده مذکور در شویله نقل اولندیکه
 حضرت عیسی بی والدہ سی قومنه کنور رایکن یولده سويلبوب دیدیکه
 ای والدہ سکامژده اولسونکه بن حق تعالی نیک قولی یم و سچیم دیدی و قرآن
 کریمده سورہ مریمده حضرت عیسی نیک سويلدیکي ذکر اولتور و بزم
 پیغمبر یم محمد علیه الصلوٰۃ و السلام دخی سويلشدر دارقطنی نقل ایتدی
 امام واقدی نقل ایلدیکي شویله در پیغمبر یم علیه السلام هنوز طوغد قده
 جلال ربی الرفیع * دیمشدر بونی شیخ سہلی ذکر ایتدی و شیخ عاندر و ایتندہ
 الله اکبر کیرا و الحمد لله کثیرا و سبحان الله بکره و اصیلا دیمشدر امام مناوی

فیض القدر برده ذکر ابتدی و بر روایت طوع دینی ساعته سجد به واروب
 اتم اتم دیمشدر و سجده دن قالقدقه لسان فصیح ایل * اشهد ان لا اله
 الا الله وانی رسول الله * دیمشدر ملاک الشفاعه ده مذکور در بزم پیغمبر
 علیه السلام معجزاتندن بریسی بود که مبارک پرماعندن بر قاج کره
 صور اقمشدر نته کیم کتاب الوفا ده و غیر یسنده ذکر اولندیکه قتاده
 حضرت انس بن مالک دن روایت ابتدیکه رضی الله عنهم تحقیق پیغمبر
 صلی الله علیه وسلم مدینه منوره ده زور نامنده محله اولوب حضور
 سعادترین بر صوفای کتوردیلر ایچنده پرمقلمی اورتیمه جک صو وار
 ایدی پیغمبر بر علیه السلام احباب کرامته ابدست المال بنی امرایوب
 مبارک آیه لرینی اول صویه قویدیلر همان مبارک پرمقلمی ارا سندن
 و اوچندن صو چیغمه باشلیوب و اول صحابه لر ابدست الدیلر قتاده دیدیکه
 بن انس دن سزل قاج کشی ایدی کزدیو صور دیغمزده اوچیز کسنه ایدک
 دیدی ابن مسعود رضی الله عنه دن روایت اولنوب دیدیکه شول ائشاده که
 بزل رسول الله صلی الله علیه وسلم ایله اولوب و یاغمزده صو اولماغین
 بزه کیمک یا ننده صو و ارایسه طلب ایدک بیوردی بزه بیوردقلمی
 احبابه افاده ابتدیکمزمده بر مقدار صو کتوردیلر اول صوی بر قابه دو کوب بعده
 آیه لرینی اول صویه قویدیلر همان مبارک پرمقلمی ارا سندن صو چیغمه
 باشلدی بعده بومبارک و پاک ایدی صویه کلک و برکت حق تعالی دندر
 بیوردی راوی دیر که بن دخی اول صودن قلمی طولدر دم و ناس دخی
 قابلرینه صو الدیلر بو حدیث شریفی امام بخاری اخراج ایلدی ابن عباس
 رضی الله عنهما دن روایت اولندیکه پیغمبر بر علیه السلام بر کون عسکرده
 صو بولمیب بر کسه کلوب دیدیکه بار رسول الله عسکرده صو یوقدر
 دیدی پیغمبر بر علیه السلام اول کسه به سنک یا نکهده برشی وارمیدردیو
 بیوردقده اول دخی واردردیوب پیغمبر بر علیه السلام اتی بکا کتوردیو
 بیوردی اول دخی بر قاب کتوردیکه ایچنده صودن ازا جق نسنه و ارایدی

پیغمبر عز علیه السلام پرمقلری اول قایلک اغزیند طو توب پاردقلری آچدی.
 پرمقلرندن صوارماقلری اقغه باشلدی و دخی بلاله امرایدوب عسکره ندا
 ایله مبارک ابدست صوبینه کلسونلر پیوردی عبدالله دن روایت اولنوب
 دیدیکد بر سقرده بزل دخی پیغمبر علیه السلام ایله یله ایدک که صوبوله مادیلر
 همان بر چناق صوکتوردیلر پیغمبر علیه السلام مبارک اللری اقا قویوب
 مبارک پرمقلری اراسنی آردی دیر که رسول الله صلی الله علیه وسلم مبارک
 پرمقلری اراسندن صوچیق دیغنی کوردم دیدی و پیغمبر علیه السلام صوبه
 کلک و برکت الله تعالیدندر پیور ایدی سالم بن ابی الجعد خبر و یروب
 دیدیکه بن جابر بن عبد الله صوروب اول کونده ناس نه مقدار کشی ایدیلر
 دیدیکمه یک بشوز کسسه ایدی دیدی بو حدیث شریفی امام بخاری
 اخراج ایلدی سالم جابردن روایت ایتدیکه حدیثیه کوننده عسکر
 صوصایوب و پیغمبر علیه السلام اوکنده بر مطره وار ایدی اندن
 ابدست الوب بعده اصحاب جانب سعادت لرینه توجه ایتدیلر پیغمبر
 علیه السلام دخی انلر نه اولدیکزونه استر سزدیو سوال ایتدکده یار رسول الله
 ابدست المغه و ایچمکه صومیز یوقدر سنک مطره کزده کی صودن ماعدا
 دیدیلر پس پیغمبر عز علیه السلام اول مبارک اللری مطره نک اوزرینه
 قویوب مبارک پرمقلری اراسندن پکار کی صول قایمغه باشلدی راوی
 دیر که بزل دخی اول صودن ایچوب و ابدست الدق بو حدیث شریفی جابردن
 و روایت ایدن سالم دیدیکه بن جابره صوروب اول کونده قاج کسد ایدیکز
 دیدیکمه جابر دیدیکه یوز یک دخی اولسه ایدک یتشور ایدی لیکن یک
 بشوز کشی ایدک دیو جواب و یردی و بو حدیث شریفی امام مسلم اخراج
 ایتدیلر و دخی نیچه سفر لده بویله پرمقلرندن صول اقتقلری روایت
 اولنمشدر جمهور عسکر اسلام مشاهده ایدوب نقل ایتمشدر در بالاتفاق
 رسول الله صلی الله علیه وسلم مبارک پرمقلرندن اقان صول دنیاده
 و آخرنده اولان صول دن افضلدر بعض علما زمزم کوثر دن افضلدر

دیدیلر و بعضی کورتر زمندن افضلدر دیمش لودخی پیغمبر علیه الصلوة
والسلامک معجزاتندن بریسی دخی بودر و کوه آبی شهادت پارمغیله
اشارت ایدوب ایکی پاره ایتشد رتته کیم حق تعالی بیوردی اقتربت الساعة
وانشق القمر * یعنی قیامت یافشدی وقر منشق اولدی دیمکدر
و بو بر معجزه عظیمه در که بر پیغمبره و برلمدی بزم پیغمبر بزدن غیر و تواتر
ایله ثابت اولوب روایت کثیره ایله روایت اولندی بکار اهل تفسیر و اهل
حدیث بیان ایدوب وقوعی آیه کریمه ایله ثابتدر دیدیلر ابن عباس رضی الله
عنهما دیدیکه مشرک لر جمع اولوب پیغمبر علیه السلامه کلدیلر و دیدیلر که
اگر سن دعوا کده صادق ایسک بزه آبی ایکی بلوک شق ایله دیدیلر پیغمبر
علیه السلام دخی اگر آئی ایلرایسم ایمان کتورر مبرسز دیدی انلردخی
ایمان کتورر یز دیدیلر پیغمبر علیه السلام الله تعالی یه دعا ایتدی آی همان
ایکی پاره اولدی و رسول الله صلی الله علیه و سلم نداء ایدوب یافلان یافلان
شاهد اولک بیوردی و بو معجزه هجرتدن مقدم مکه ده واقع اولدی بمجاهد
دیدیکه قرایر یلوب بفرقه سی برنده فالوب و بفرقه سی طاع اوزرنه
کندی ابن زید دیدیکه وقتا که آی منشق اولوب ایرلقدنه نصی قبفعان
طاغی اوزرنده و نصی ابو قیس طاغی اوزرنده کورینور ایدی محمد بن جبیر
باباسندن روایت ایدر که پیغمبر بزم علیه السلام زمانده قر منشق اولوب
و ایکی بلوک اولدی بر بلوکی برطاغ اوزرنده و بر بلوکی برطاغ اوزرنده
ایدی مشرک لر محمد بزه سحر ایتدی دیدیلر یس محمد سزه سحر ایلدیه
جمع ناسد سحر ایتکه قادر اولماز دیدیلر ابن مسعوددن مرویدر که قر
پیغمبر بزم زمانده آیر یلوب ایکی پاره اولدی حتی اکانظر ایتدیلر رسول الله
صلی الله علیه و سلم شاهد اولک بیوردی بو حدیثی امام بخاری و مسلم اخراج
ایلدیلر و روایتده بر پاره سی طاغ اوزرنده و بر پاره سی طاغی اورتمش ایدی
و پیغمبر علیه السلام شاهد اولک بیوردی انسندن روایت اولنور که تحقیق
اهل مکه پیغمبر علیه السلامدن کندیلر بر معجزه کوستر مکلاکنی طلب

ایندیلر

ایتدیلر پیغمبر علیه الصلوٰۃ والسلام دخی انلره آبی ایکی پاره کوستردی
 حتی حرا طاعنی ایکی پاره نیک اراسنده کوردیلر ابن عباس رضی الله عنهما ندی
 مرویدر که قری پیغمبر علیه السلام زماننده ایکی پاره اولدی بو حدیث شریفی
 امام بخاری و مسلم ذکر ایتدیلر و عبدالله دن مرویدر که قری پیغمبر علیه السلام
 زماننده ایکی پاره اولدی مشرکلردن بر طائفة دیدیلر که بو بر سحر در که اول
 سحری سزما ایلدی دیدیلر اطرافدن کلن یو لیلره سوآل ایدک کر انلردخی
 سزک کوردیک کز کی کودیلر ایسه محمد صادق قدر والا اول سحر در دیدیلر
 اطراف ملک کلردن کلن یو لیلره صور دیلر انلردخی قری ایکی پاره اولدیغنی
 کوردک دیدیلر و انسدن بر روایتده شویله مذکوردر که اهل مکة بر کون
 رسول الله صلی الله علیه و سلمدن بر معجزه طلب ایتدیلر پیغمبر علیه السلام
 مبارک شهادت پر مغیله اشارت ایدوب قری ایکی شق ایلدی و دخی معجزاتی
 قتی حوق واقع اولمشدر و حیوان بقتلر و اغا جملر و طاشلر اکا سلام و یروب
 سویلشدن و نبوتنه شهادت ایدوب حق رسولین دیمشدر امام ترمذی
 و دارمی و حاکم تصحیح ایتدیلر حضرت علی رضی الله تعالی عنه شویله
 یوردیکه بن رسول الله صلی الله علیه و سلم ایله مکة مکرمه نیک بعض
 اطرافنه چیقدق براغاج و بر طاش قارشومره کلدکده پیغمبر علیه السلامه
 سویلوب سلام و یروب السلام علیک یا رسول الله دیر ایدی حضرت
 عایشة صدیقہ رضی الله عنہا روایتله مرویدر که رسول کائنات صلی الله
 علیه و سلم یوردیکه و قنا که جبرائیل بکا حق تعالیدن رسالت کتوردکده
 بر طاش یا براغاج بکا قارشو کلدکده السلام علیک یا رسول الله دیر ایدی
 امام بخاری اخراج ایلدی ابن مسعود رضی الله عنه شویله یوردیکه
 بر رسول الله صلی الله علیه و سلم ایله ییله طعام یردک طعام تسبیح ایدر ایدی
 بر دخی تسبیحی ایشیدیر ایدک امام ترمذی و بیهقی اخراج ایتدیلر رسول
 کائنات صلی الله علیه و سلم بر مقدار خسته اولدی ایدی جبرائیل علیه السلام
 بر طباق ایچنده رمان و یاش اوزوم کتوردی و پیغمبر بیز علیه السلام اندن

بر ایدی وانلر نسبح ایدر ایدی ابن عمر رضی الله عنهما بیوردیلر که بر کون
 بر اعرابی پیغمبر یمزه کلدی و پیغمبر علیه السلام اول اعرابی به سوال
 بیوروبنه محله کیدر سین دیدی اول اعرابی دخی اهلله وقومه کیده رم دیدی
 پیغمبر یمز علیه السلام بیوردیکه سنده بر خبر وارمیدر اول اعرابی اول خبر
 نه در دیدی رسول الله صلی الله علیه وسلم بیوردیکه اول خبر بودر شهادة
 ان لا اله الا الله وحده لا شریک له وان محمدا عبده ورسوله در بیوردی
 اول اعرابی یوسوزیکه شاهدک وارمیدر دیدی پیغمبر یمز علیه السلام
 واردر بیوروب اول محله بر یوک اغاج وار ایدی پیغمبر یمز علیه السلام
 اول اغاجی دعوت ایتدی همان اول اغاج چفت سورر کبی بری شق
 ایده رک حضور سعادتلرینه کلدی فصیح لسان ایله شهادت ایدوب
 حق تعالینک رسول سین وحق پیغمبر یسین دیوب رینه کتدی اول اعرابی
 فی الحال ایمان کتوردی عقیل بن ابی طالب رضی الله عنه شویله بیوردیکه
 پیغمبر یمز علیه السلام ایله بیله بر سفره کتدم بر محله قضای حاجت مراد
 ایتد کده بکا بیوردیکه شو محله اولان اغاجلری دعوت ایت و دیکه
 ای اغاجلر سزی رسول الله دعوت ایدر قضای حاجت ایده جکدر کلک
 پرده اولوک دی بیوردی بن دخی اغاجلره بویله سویله دم همان جله سی
 برلندن قوبدی کوکلی اوزرینه یور یوب بری شق ایده رک کلوب
 پیغمبر یمزک اطرافنه جمع اولوب پرده اولدیلر قضای حاجت نصبره
 هر بریسی مکانلرینه کتدیلر یعلی بن مرة الثقفی رضی الله عنه شویله نقل
 ایتدیکه سفرده بر محله رسول الله صلی الله علیه وسلم اویقویه یاندی
 همان بر یوک اغاج بری شق ایده رک پیغمبر یمزک یانته کلدی وینه محله
 کتدی پیغمبر یمز علیه السلام اویاندقده بونی نقل ایتدم پیغمبر یمز علیه
 السلام بیوردیکه اول اغاج ربسندن بکا سلام ویرمه اذن طلب ایتدی
 ربی دخی اذن و یروب کلدی بکا سلام و بردی بو حدیث شریفی امام
 بغوی ذکر ایتدی واهب لدنیه ده مذکوردر که رسول الله صلی الله علیه

و سلم بر محمد صحابه دن بر جا عتله بيله ایدی بر اعرابی بر کمر صید ایدوب بيله
 کتوردی بعده اول اعرابی صوروب بوذات شریف کدر دید کده
 رسول الله در دیدار اول اعرابی صید ایندی کی کلری مبدانه قیوب
 بو کمر شهادت ایندی که اینانام دیدی رسول الله صلی الله علیه و سلم کلره
 سؤال یوروب ای کلر دید کده همان کلر فصیح لسان ایله لیک و سمدیک
 دیدی بعده رسول الله صلی الله علیه و سلم سؤال ایدوب سن عبادتی کجه
 ایدرسک بیورد قده کلر جواب و یروب دیدیکه شول حق تعالی به عبادت
 ایده رمکه انک عرشی کوکده در تصرفاتی رده در ودر یا اینجند طریقی
 ایجاد ایدر و انک رحمتی جشده در و عذابی جهنمده در دیدی رسول الله
 صلی الله علیه و سلم سؤال یوروب ای کلر بن کیم بیوردی کلر فصیح
 لسان ایله جواب و یروب سن رب العالمینک حق رسو اینسن و خاتم الانبیاسین
 سکا ایمان کتورن افلاح اولدی انکار ایدن خائب و خاسر اولدی دیدی
 اول اعرابی فی الحال مسلم اولدی ابو سعید الخدری رضی الله عنه شویله
 روایت ایلدیکه بر کسه قیون کودر کن بر قورد کلوب بر قیون قایدی اول
 کسه قورتدن قیونی خلاص ایدوب قورد ایله قیون اراسنده طور دی
 قوردی فصیح لسان ایله سو یلیوب دیدیکه یا چوبان سن الله تعالی دن
 قورقز مېسک بو قیون بنم رز قدر حق تعالی شو قیونی بکار رزق و یردی
 سن بنم رزقه مانع اولور سین دیدی اول چوبان تعجب ایدوب قورد انسان
 کبی سو یلیور دیدی قورد سو یلیوب دیدیکه یا چوبان آگاه اولکده بوندن
 انجیب نسنه سکا سو یلیه یم شو ارا کزده اولان محمد علیه السلام
 حق رسولدر که خلقه یکم شده بیلد کلری خبر لری بیان ایدر دیدی
 چوبان فی الحال قیونی الو رب رسول کائنات صلی الله علیه و سلمک حضور
 سعادت لرنه کلوب کند یسوله قورد اراسنده اولان ماجرای و قورد که
 کلامنی خبر و یرد که رسول الله صلی الله علیه و سلم بیوردیکه قورد کر چک
 سو یلیدی و حیوان لرنک انسان کبی سو یلسی قیامت علامت لرنندر بیوردی

ام سلمة رضي الله عنهما من مرويد كه رسول الله صلى الله عليه وسلم
 صحرا ده كبد را يکن بر منادی او چ کره يار رسول الله ديوندايتدی يغمبر عز
 اول طرفه نظر ايند كده كورد بکه برا عرابي ياننده بردشي كيك با غلو طور
 اول كيك ديد بکه يار رسول الله بكا يقين كل سكا سويليه جكم وار ديدى
 رسول الله عليه السلام اكا سوال ايدوب سوزك نه در بيورد فده كيك ديد بکه
 شو اعرابي بنى طوتدى شو طاغده بنم ايكي قوزم واردر بنى قو يو و پرو و ارام
 آنرى امز ره يم و كله يم ديدى يغمبر عز عليه السلام كر چك كلور مبسين
 ديد كده كيك اكر كلز ايسم حق تعالى بكا كومر بكي لك عذابى كى عذاب
 اينسون ديدى بعده كيكي قو يو و پردى كيك كتدى سود و پردى و كلدى
 رسول الله صلى الله عليه وسلم كيكي ينه با غلدى و اول اعرابي ياتور ايدى
 او ياندى و رسول الله ياشي او چنده كورد كده ديد بکه يار رسول الله
 بر مراد يكر و ارميدر ديد كده يغمبر عز عليه السلام بيورد بکه شو كيكي
 قو يو و يره سن ديد كده اعرابي دخی قو يو و پردى كيك سكر دوب كبد را يکن
 اشهد ان لا اله الا الله و انك رسول الله * ديرايدى اعرابي اهل اسلام دن
 ايدى و دخی و ايت اولند بکه بر دوه صاحبك ايو لكنه شهادت ايدوب
 و الذى بعثك بالكرامة يار رسول الله ان هذا ما سرقنى و ما ملكنى احد سواه
 ديدى يعنى يار رسول الله شول خدا يه يمين ايدى رمكه سنى كرامت ايله كوندر دى
 شو صاحب بنى چالمدى و اندن غيرى بكا كسه مالك اولمدى و بو مثل و نيچه
 حيوانلر و جادات لسانه كلوب رسول الله صلى الله عليه وسلم رسالتنى
 و نبوتى تصديق و شهادت ايتملر در بخارى و مسلم و سائر كتب حديثه
 و شرحلرنده مذ كوردر و سائر معجزاتى دخی چوقدر از جمله اوزن بو يلو
 ياننده اوزن بو يلو كور نمك و اورتى بو يلو ياننده اويله كور نمك كى لکن كندى
 قامت شريفى اورتى بو يلو دن اوز نيچه ايدى اوزون بو يلو د كل ايدى
 و دخی رسول كائنات صلى الله عليه وسلم علومى و مكاشفه سى قى چوقدر
 اولين و آخريك علومى آند جمع اولشدر حق تعالى اكا وحى ايدوب

و یلدر و ب مخلوقاتك اولندن خبر و پروب آدم و حوا علیهما السلام
 احوالندن خبر و یردی و سائر پیغمبرلر احوالندن خبر و یردی نوح
 پیغمبرك و طوفان احوالندن و هود و صالح و ابراهیم و لوط پیغمبرلر احوالندن
 و کعبه مکه بی بنیاد ایندیکی احوالندن و ثمود حکایتی و اسماعیل و اسحق
 و یعقوب و یوسف و موسی پیغمبرلر احوالندن خبر و یردی کی
 و فرعون قصه سندن و عبسی پیغمبر احوالندن و سائرلر احوالندن
 خبر و یردی کی و کورکدن نازل اولان کابیرلر احوالندن خبر و یردی کی
 و دخی صکره ظهور ایدیه جک امور دن خبر و یرمشر علامت قبامت کبیرلر
 مثلا حضرت مهدینک ظهوری و عبسی علیه السلام کورکدن نزولی
 و دجالک خروجی و یاجوج و ماجوجک و دخانک و دابة الارض و کونشک
 مفر بدن طوغمه سی و قیامتک شرارناس اوزرینه قومعه سی و جله جانلورلر
 دیر یلوب میدان عرصاته جمع اولسی و حساب و سؤال و دفترلر خلقه
 و یرلسی و کافرلر جهنمه ابدی قالمسی و صراط و میزان و حوضلر و اهل
 جنت ابدی جنتده قالمسی کی و سائر آخرت احوالندن و خلقک احوالندن
 خبر و یرمسی کی و مکاشفه طریقله جنتی و جهنمی و امور ملکوتی و ملائکه بی
 و جنیاری کوروب خبر و یرمسی کی و پیغمبرلر ایل کوریشوب و لبله معراجده
 حق تعالی بی کوروب مکالمه اینده سی کی و حق تعالینک احکامنی بونجه
 اوامر و نواهی و مواعظ و نصایح و عبرت الناجی حکایات واقعه بی خبر
 و یردی کی و الحاصل رسول کائنات صلی الله علیه و سلم علمی و معجزاتی
 و فضائی کمالک نهایتده و مرتبه علیاسنک غایتده در امام بهی و فاضی
 زکریا الانصاری رحمهما الله تعالی مستدلنده اخراج ایندیلمه عقیق
 یمانی رضی الله عنه شوبله یوردیکه حجة الوداع ایتدم صکره مکه مکرمه ده
 برخانه یه کیردم و رسول الله صلی الله علیه و سلم آنده ایدی و آنده عجب
 نسنه لر مشاهده ایتدم اهل یمامه دن برکسه ایجری کلدی آنک یاننده اول
 کونده دنیاه کلش بر غلام واردی رسول الله صلی الله علیه و سلم اول

غلامه خطاب ایدوب یا غلام بن کیم پیوردی پس غلام سن رسول الله سین
 دیدی رسول الله صلی الله علیه وسلم * صدقت باریک الله فیک * پیوردی
 یعنی یا غلام سن کرچک سویلک الله تعالی سنده برکت و خیر قیلسون
 دیمکدر صکره! وک غلام وقتی کلنجیه د کین سویلدی واکا مبارک الیامه
 دیو تسمیه اولنوب واسمه مشهور اولدی تفسیر قرطیده شوله مذکور در که
 رسول الله صلی الله علیه وسلم اصحاب کهفی کورمک مراد ایتدی حق تعالی
 وحی ایتدی که عالم دنیاده انلری کوره مز سین لکن اصحابندن درت کیسینه
 کوندروب انلره نبوتی خبر ویر سین و اسلامی تبلیغ ایلسون پس رسول کاشات
 صلی الله علیه وسلم جبرائیل علیه السلامه مشورت ایتد کده جبرائیل
 علیه السلام دیدیکه یار رسول الله کسوه شریفه بی دوشه یوب بر طرفنه
 ابوبکر و بر طرفنه عمر و بر طرفنه عثمان و بر طرفنه علی رضی الله عنهم
 اوتورسونلر و حق تعالی به دعا ایت سلیمان پیغمبر علیه السلامه مسحر
 اولان روز کاری سکا مطیع ایدردیدی رسول الله صلی الله علیه وسلم دخی
 دعا ایدوب معهود روز کار کلوب انلری کتوردی تا کیم مغاره قاپوسنه
 واردیلر بر یوک طاشی قوباروب ایجری کرد کلرنده قطمیر دیر یلوب بونلره
 قارشو کلدی تبصص ایده رک اصحاب کهف سمتنه کتوردی حق تعالی
 اصحاب کهفی اویاندردی صحابه لسلام و یروب السلام علیکم ورحه الله
 و برکاته دیدیلر و انلردخی و علیکم السلام ورحه الله و برکاته دیدیلر صکره
 صحابه لر رضی الله عنهم دیدیلر که ای اصحاب کهف وای یکتلتر تحقیق
 نبی الله محمد بن عبدالله سزله سلام ایلدی دیدیلر و انلردخی دیدیلر که
 رسول الله اولان محمد سزله سلام اولسون و سزله دخی اسلامی بزره تبلیغ
 ایتدی بکزر سبیلله سزله دخی سلام اولسون دیدیلر دین اسلامی قبول ایدوب
 بزدن محمد علیه السلامه سلام ایدیکز دیوب همان او بقوبه واردیلر بر دخی
 حضرت مهدی زمانده اویانورلر پس بو کیفیتی جبرائیل علیه السلام
 رسول الله صلی الله علیه وسلمه خبر ویر ایدی اول اصحاب رضی الله عنهم

روز کارایله کلدیلر پیغمبر یمز علیه السلام انلره سؤال ایدوب اصحاب کهنی
 نیچه بولدیکنر بیوردقده انلردخی کیفیتی وسلامرینی خبر ویردیلر پس
 رسول کائنات صلی الله علیه وسلم دعا ایدوب یار بی بئله اصحابی آرمه
 بکاواهل بیت نبوته محبت ایدنلره مغفرت ایت دیدی بو معجزه باهره سلیمان
 پیغمبر علیه السلام کوشکنی روز کار کنوردیکی معجزه به نظیره در
 دیمش لرر وایت اولنور که ابو جهل کفار عسکر یله مکه دن بدر محله کلدی
 ورسو الله صلی الله علیه وسلم اوچو اوجوز اون اوچ مقداری اصحاب یله مدینه دن
 چیقوب اول محله واردی بر مکانه مقابل اولدیلر رسول الله صلی الله علیه
 وسلم دعا ایدوب بیوردیکه شوقریش کفاری کبر و فخر یله کلدیلر سنک
 رسولکی نکذیب ایدر لر یار بی بکا و عدا یتدیکک یار دمی سندن استرم دیو
 بیوردقده حضرت جبرائیل علیه السلام نازل اولوب دیدیکه یردن برقبضه
 طپراق آلوب کفاره طوغری آت دیدی پس رسول الله علیه السلام یردن
 برقبضه اوافق طاشلرایله یله قار یشق طپراق آلوب کافر لره طوغری آتدی
 جمله کافر لر کوز لرینه مشغول اولدی اصحاب انلرک اوز لرینه هجوم
 ایدوب نیچه لرینی قتل و نیچه لرینی اسیر ایتدیلر بو معجزه دخی متواتر در انک
 حقتنده * و ما رمیت اذ رمیت و لکن الله رمی * نازل اولمشدر حضرت انس
 رضی الله عنه دن روایت اولندیکه رسول الله صلی الله علیه وسلم بنت ملحانک
 خانه سنه واروب برنسنه یه طیانندی بعده تبسم ایتدی پس بنت ملحان سؤال
 ایدب نیچون تبسم ایتدیکنر یار رسول الله دیدی پس رسول الله علیه السلام
 بیوردیکه بنم امتدن براز کسه لر بحر اخضرده سفینه لره بنوب ملوک لر کی
 سریر لر اوزرنده فی سبیل الله جهاد ایتسه لر کر کدر بیوردقده بنت ملحان
 رضی الله عنها دیدیکه یار سو الله دعا ایله الله تعالی بنی انلردن ایتسون
 دیدی پس رسول الله دعا ایتدی براز زماندن صکره تبسم ایدوب بنت ملحان
 تکرار سؤال ایتدکده رسول الله علیه السلام بیوردیکه سن اولکی غزاده
 انلرایله یله سن صکره کی غزاده دکلسک بیوردی بوندن صکره عبادت بن

صامت رضی الله عنه بنت ملحانی تزوج ایدوب اولکی غزاده اصحابه یله
 غزایه کندی ابو موسی الاشعری دن رضی الله عنه روایت اولندیکه برکون
 رسول الله صلی الله علیه وسلم بر بستانه کیروب بکافوینی حفظ ایت دیدی
 بعده قیویه برکسه کلوب کیرمکه اذن ایستدی رسول الله علیه السلام
 یوردیکه اذن و یردم کیرسن واکارزده ایله که اول اهل جنتدر یوردی ناکاه
 کوردمکه اول کلن ابو بکر در رضی الله عنه برکسه دخی کلوب کیرمکه
 اذن ایستدی پیغمبر علیه السلام اذن و یردم کیرسن و مرزده ایله که اول اهل
 جنتدر دیدی ناکاه کوردمکه کلن عمر الفاروق در رضی الله عنه و برکسه
 دخی کیرمکه اذن ایستدی پیغمبر علیه السلام اذن و یردم کیرسن و مرزده
 ایله که اول اهل جنتدر واکارمصببت اصابت ایتسه کرکدر یوردی ناکاه
 کوردمکه اول کلن عثمان ذوالنورین در رضی الله عنه وعدی رضی الله
 عنه دن روایت اولنور که رسول الله علیه السلام یوردیکه یاعدی اگر سنک
 ایچون حیات و عمرک اوزون اولور ایسه کسرانک خزینهلرینی کورر سین
 و مالک اولور سین یوردی عدی حضرتلری یوردیکه برمدن نصکره
 یوردیغی کبی کسرانک مملکنه غزاولنوب فتح اولندی و خزینهلرینی صحابه
 رضی الله عنهم بر برلینه تقسیم و اتفاق ایتدیلر و جوق بلدلر فتح اولندی دیو
 یوردی معلوم اوله که کسری دیو فرس پادشاهنه دینور و قیصر دیو روم
 شاهنه دینو و نجاشی دیو حبش شاهنه دینور و فرعون دیو مصر شاهنه
 دینور و خاقان دیو ترک شاهنه دینور و دخی رسول الله علیه السلام
 معجزاتی فتی چوقدر بر مقدارنی ذکر ایلدک جمله سی ذکر اولمغه بو کلبک
 تحمیلی بو قدر علوم الاواین و الاخرین پیغمبر مرزده جمع اولمشدر قصیده ده
 ذکر اولنور * وان من جودک الدنیا و ضربتها و من علومک علم اللوح و القلم
 یعنی یار رسول الله سنک چومر دلککدن و شرفکدن ناشی دنیا و آخرت وجوده
 کلاری و جمله کاشانک وجوده کله سنه سبب اولدک و جمله اهل کمال
 سنکله کمال یوادلر و سنکله هر بریمنی مقصودینه نائل اولدیلر و اوح محفوظک

وقلم

الحمد

وقلم اعلالك على سنك علمكدن بعضردیمكدر امام بیهقی اخراج وامام
 حاکم تصحیح ایندیلر عمر بن الخطاب رضی الله عنه دن روایت اولندیکه
 حق سبحانه وتعالی آدم علیه السلامه شویله بیوردیکه * یا آدم لولا محمد
 ما خلقتك * یعنی یا آدم اگر محمد علیه السلامی خلق ائجه جك اولیدم
 معنی خلق ائمزایدم دیمكدر ابن عسا کر رجه الله تعالی اخراج ایندی
 حضرت سلمان فارسی رضی الله عنه بیوردیکه * هبط جبرائیل علی النبی
 صلی الله علیه وسلم فقال انذرك يقول ان كنت اتخذت ابراهيم خلیلا فقد
 اتخذتک حبیبا و ما خلقت خلقا اکرم علی منك و خلقت الدنيا و اهلها
 لا عرفهم کرامتک و میزتک عندی و لولاک ما خلقت الدنيا * یعنی جبرائیل
 امین برکون رسول کائنات صلی الله علیه وسلمه کلوب بیوردیکه سنک
 ربک شویله بیوردیکه ابراهیمی خلیل ایندیسیم سنی حبیب ایندم بنم عندمه
 سندن مکرم کسه براندم دنیا بی و اهل البنی ایجاد ایندم که بنم عندمه اولان
 سنک کرامتکی و درجه علیا کی خلقه یلدرمک ایچون براندم اگر بن سنی
 برانجه جق اولیدم دنیا بی برانمزایدم دیمكدر روایت صحیحیه ده شویله بیان
 اولندیکه رسول الله صلی الله علیه وسلمک مبارک کو کسی درت کره شق
 اولمشدر بر کره کوچک ایکن و بر کره اون باشنده ایکن و بر کره قرق باشنده
 ایکن و بر کره معراج کیجه سنده واقع اولمشدر حدیث کابلزنده و مواهب
 لدنیه ده و غیر یسنده مذکوردر معراج معجزات باهراندندر و معراج
 شویله روایت اولندیکه رسول الله صلی الله علیه وسلم او بانی ایکن
 بر کیجه ده مکه دن براقه بنوب جبریل امینله بیله قدس مبارک و ازوب
 مسجد حرامدن مسجد اقصایه و کیجه ایچنده وارد بیغی آیه کریمه ایله نابتدر
 انکاری کفردر براقه بندیکی حدیث شریف ایله نابتدر و اندن پیغمبر ایله
 کوریشوب مسجد اقصاده انلره امام اولوب نماز قیلوب صکره یدی قات
 کوکله چقبوب نه کیم مشهور حدیثلرده بیان اولمشدر انکاری
 بدعندر جنتی وجهنمی کوروب بعض حدیث شریفلرده بویله وارد

اولمشد بعض علما رَحِمَهُمُ اللهُ تَعَالَى پیغمبرِ یز علیهِ السَّلام عَرَشِ
اعلیایه واردی دیدیلر و بعض علما عَرَشِدَن یوقار و واردی دیدیلر و بعض
علما عالمک بر طرفنه واردی دیدیلر خیر و احدا یله ثابتدر انکاری خطا در
مصنف رَحِمَهُ اللهُ تَعَالَى معراج کو کلره اولدی دیوزعم ایلین طائفة
ردیله بی رد ایلدی و دخی پیغمبرِ یز علیهِ الصَّلوة و السَّلام لیلَه معراجده
حق تَعَالَى ایلَه بالذات سوبلشوب و کورمشد و نماز اول زمانده فرض
اولمشد لکن اندن غیری پیغمبر لردن هیچ بر کسه دنیاده او یانقلق
حائنده حق تَعَالَى بی کورمشد و سمدن کیر و دخی بر کسه دنیاده کورمز
معلوم اوله که پیغمبرِ یز علیهِ السَّلام اول کیچه ده حق تَعَالَى بی کور دیک
اختلافیدر باش کوز یله می کوردی یو خسه قلب کوز یله می کوردی اختلاف
ایتدیلر قلب کوز یله کوردی صحیح بودر دیو شرح عقائد ده مذکور در
و بعض اهل علم پیغمبر علیهِ السَّلام حق تَعَالَى بی ایکی کره کوردی دیدیلر
شفای شریف کی کتابلره مذکور در و دخی معلوم اوله که معراج تکرار
اولمشد حافظ ابو نعیم شویله بیورمشد که او توز درت قدر معراج روایتنه
واقف اولدم ماعدای حق تَعَالَى یلور دایمشد بر یسی جسمانی ماعدایی
روحانیدر و بعض علماء کرام رَحِمَهُمُ اللهُ تَعَالَى عندنده معراج جسمانی
ایکیدر بر یسی مکه دن قدس مبارک اندن کو کلره کتمشد مشهور بودر
و بر یسی خانه سندن جسمیله کو کلره کتمشد و الله اعلم و دخی حال حیاته
او یانق ایکن حق تَعَالَى بی مشاهده اتمک بالاتفاق رسول کائنات علیهِ
و علی آله و صحبه افضل التحیات و اکمل التسلیماته مخصوصدر انبیاء
و مرسلیندن بر کسه به واقع اولمشد حتی کلیم الله موسی علیهِ السَّلام
حق تعالیدن نمئی ایدوب مضمون نظم جلیل فحوا سجد * رب ارنی انظر الیک
یعنی یارب العزة ذات عظیم الشانکی بکا کشف ایله و کوستر سکا نظر ایده یم
دیونیز ایلد کده حق جل و علادن لن ترانی * خطاب هیئتد بانیه و فرمان
عظمت محمدانیه صادر اولمشد و الحاصل سلف و خلف علمایی رَحِمَهُمُ اللهُ

تعالی نیجه کابلر تألیف ایلوب شویله تحقیق ایلشردر که مشاهده انجق
 ليله معراجده سید کائنات علیه الصلوٰه والسلامه عطیه واحسان اولمشدر
 واکا مخصوص فیلمشدر هر کیمکه بود عیوایی ایدوب حال یقطه ده بکا واقع
 اولدی دیرسه اول کسه ضلالت و غیوایت مهلهکه سنه واقع اولمشدر
 و بر باطل اعتقادید ایتمشدر و حق تعالی بی بیلامشدر حاکم الوقت اولانلرک
 اوزرینه لازمدر که اول کسه فی تعزیرشدید ایلله تأدیب و اصلاح و اول زعم
 فاسدین توبه و رجوع ایتدیره ل امارؤ یاده حق تعالی بی کورمک حقدده
 اختلاف واردر بعض علما بیورمشدر که هر کیمکه بن حق تعالی بی رؤ یاده
 کوردم دیرسه اول کسه مجوسیدن اشدردیمشدر لکن صحیح بودر که رؤ یاده
 کورمکده منع یوقدرزیرا سلف صالحیندن نقل صحیحله منقولدر حتی
 حضرت امام اعظم ابوحنیفه رجهم الله تعالی وارضاه دن نقل صحیحله
 منقولدر که عالم منامده رب العزتی جل شانہ طقسان طقوز کره کورمشدر
 بر کره دخی آخر عمرنده واقع اولوب یوز تمام اولمشدر و امام احمد رحمه الله
 تعالی شویله بیورمشدر که رب العزۃ جل وعلایی دوشمده کوردم و سؤال
 ایدوب دیدمکه یارب العزۃ سکا تقرب ایدنلر نه سبیلله تقرب ایدز ل جواب
 ویروب بیوردیکه یا احمد کلامله تقرب ایدر ل بن سؤال ایدوب دیدمکه
 یاربی معناسنی فهم ایده رک می یوخسه مجرد تلاوتله می جواب بیوردیکه
 معناسنی فهمله ده و فهم ایلدن قرأت ایلده تقرب ایدر ل دیو بیوردی و سایر
 صالحلردن دخی منقولدر لکن اهل علم و اهل تقوی اولانلر و زهد و صلاح
 اربانه در اهل جهالت و اهل معصیت اولانلر بو منصبدن معز و لدر
 اللهم ثبت قلوبنا علی دینک معلوم اوله که اهل سنت مذهبنده حق تعالی بی
 کورمک ممکندر اخرتده اهل جنت کورسه ل کرکدر دیو شریعتده
 بیان اولمشدر و انک اوزرینه اجاع منعقد اولمشدر آیه کریمه ده شویله در که
 وجوه یومئذ ناضرة الی ربها ناظرة * یعنی اهل جنت آخرتده نضرت
 و بهجت و سرور صاحب لیدر و ربیلرینه نظر ایدیمشدر و بر حدیث شریفده

سترون ربکم کاترون القمر لیلہ البدر * وارد اولشد یعنی ای مؤمنان سز
 آخرتدہ بر بکری کور سز آیک اون دردنجی کیجہ سنده شکسز و از دحام سز
 آیی کور دیککنز کی دیمکندر بو حدیث شریفی بکرمی بر بکار صحابه روایت
 ایندیلردخی سار دلایل چوقدر معتزلہ طائفہ سی مشاهده فی انکار ایدوب
 حق تعالی بی کورمک محالدر دیدیلربوک شہہ لری بودر کہ برنسنہ بی
 کورمکدہ مکان و جهت و فارشودہ اولقی زیادہ اوزاق و زیادہ یقین اولمقی
 و کوزدن شعاع حیقوب اکامنصل اولقی بونلر شرطدر بونلرایسہ حق تعالی
 حقندہ محالدر دیومعتزلہ بویله زعم ایند کلرینہ مصنف رجہ اللہ تعالی
 جواب ویروب پیوردی لکن آخرتدہ جنتدن مؤمنلر حق تعالی بی باش
 کوزلریلہ کورسہ لر کرکدر بونک اوزرینہ اجاع منعقد اولمشدر
 لکن حق تعالی مؤمنلرک اوکلرنده و یا اوسئندہ و یا برمکاندہ و یا قریب
 و یا بعید و یا شعاع اتصالی اولقی شرطلری ایله دکل زیرا بونسنہ لر
 عالم دنیادہ برجسمی کورمک خصوصندہ شرط عادی اولمشدر نفس الامردہ
 بونلر شرط دکلدر و آخرتی دنیایہ قیاس ایتک حاجت و جہالتدر معتزلہ
 طائفہ سنک حق تعالی بی کورغز دید کلری باطلدر حق بودر کہ مؤمنلر
 جنتدن حق تعالی بی نتہ لکسز کورر لر حق تعالی رنکدن و شکلدن
 و صورتدن منزہدر انک ایچون کورد کدہ کیفیت سز کوروب برکسہ یہ افادہ
 ایتککہ قادر اولہ مزلر اگر سؤال اولنورسہ کہ بومشاهدہ امت محمدیہ یہی
 مخصوصدر یوخسہ سائر امتلردہ مشاهدہ ایدرمی جواب اولدر کہ امت
 محمدیہ حقندہ اتفاق واردر و سائر امت حقندہ اختلاف واردر لکن
 ظاہر بودر کہ انلردخی مشاهدہ ایدر لر سؤال اولنورایسہ مشاهدہ انسان
 مؤمنلرینہ می مخصوصدر یوخسہ جن مؤمنلری و ملائکہ سی دخی مشاهدہ
 ایدرمی جواب اولدر کہ امام ابو الحسن الاشعری و امام بیہقی و حافظ علامہ
 ابن القیم ملائکہ مشاهدہ ایدر لر دیدیلر صحیح بودر و امام بلقینی جن
 مؤمنلری دخی مشاهدہ ایدر دیدی سؤال اولنورایسہ کہ جنتدن عورتلر

مشاهده ایدر می جواب بود که اختلاف واردر بعضیلر عورتلر ایچون
 مشاهده یوقدر دیدیلر بوسورضعیفدر بعضیلر عورتلر رجال کی مشاهده
 ایدرلر بوظاهر درو بعضیلر بیرام کونلری مثالی اولدقده مثالیله ایکی کره
 عورتلر مشاهده ایدرلر دیدیلر والله اعلم واحکم والخاصل لیلہ معراجده
 پیغمبر یمز علیه السلام ملکوتی سیر و مشاهده و عجائب مصنوعات و غرائب
 ملکوتی کورمشدر و اندن صکره کیر و مکه یه اینشدر بر کیچمه ده دخی صباح
 اولدن بوا مریمکندر قدرت الهیه اکا تعلق ایتمسی ممکندر کونکده نیچه
 بوبرلر مقدار نیچه اولان کونشی بر دقده دن آزوقده غروب ایندیرن تکرری
 بذات شریفی بر کیچمه ده کوکلری سیر ایندیروب ینه خانه سنه ایندیر مکه
 قادردر ودخی پیغمبر یمزک مجزه لری چوقدر جله سی بو کابده
 زکرا و لیمغه تحمیلی یوقدر جله سنک اعظمی وجیع مجزاتک اولوسی
 قرآندر قتی قصه سوره سنک نظیر بن کنورمه دن یوقدر فصحاء و بلغاء
 جمعیت ایدوب نظیره کنورمه حر یض اولمشلر ایکن جله عالم خلقی
 عاجز قالمشدر زرا قرآن کریم الله تعالی کلامیدر مخلوق عاجز کلمظیره
 کنورمه مکه قادر دکلدر ننه کیم حق تعالی بیورر قل لئن اجتمعت الانس
 والجن علی ان یأتوا بمثل هذا القرآن لایأتون بمثله ولو کان بعضهم لبعض
 ظهیرا * یعنی رسولم خلقه دیکه اگر جله انسان و جن جمع اولسه بوقرآن
 مثلی کنورمه مکه مثلی کنوره مزانه قدر بر برلر ینه یاردم ایدرلر ایسه دخی
 دیمکدر وجه اعجاز بعض اهل سنت عندنده نظم عربیدر مطلعده
 و مقطعه و ختامده عرب عندنده متعارف اولان نظمه غایتده مخالفدر
 و بعض اهل سنت عندنده غیب خبرلر ینه مشتمل اولدیفیدر و بعض اهل
 سنت عندنده دقایق علومی و انواع حکمتی و مصالح دنیویه و اخر ویدی
 متضمن اولدیفیدر و معتزله و شیعه مذهبلینده صرف ذهن ایله در یعنی
 عرب نظیره کنورمه مکه قادرلر ایدی لکن حق تعالی انلرک عقللر بی منع ایلدی
 انک ایچون کنوره مدیدر دیدیلر مذهبلیر باطلدر و الحاصل قرآن کریمک

نظمی معجز و اطائی حساب سر و قیامتہ د کین باقیدر آخرتده اهل قرآنه
 شفاعت ایدہ جکدر بویله بر معجزه یوقدر ازواج محمد و اولاده علیه السلام
 بو مقامده پیغمبر یمن محمد علیه الصلوٰۃ والسلام ازواج مطہرہ و اولاد
 مکرمہ لرینہ متعلق کلام ذکر اوانور و دخی محمد علیه السلام عورتلر
 نکاح ایتشد و جاریہ دخی اید نمشد در خدیجہ و عایشہ و غیرہ و حفصہ
 و زینب بنت خزیمہ و ام سلمہ بنت امیہ و زینب بنت جحش و سودہ و میمونہ
 و جویریہ و صفیہ و ام حبیبہ رضی اللہ عنہن بونلر اهل حدیث و اهل
 سیرت افاقیلہ رسول اللہک دخول ایتدیکی ازواج مطہرہ لر درو بریسی دخی
 ریحانہ مرضیہ در لکن بعض علما یونی جویریہ دن صکرہ در دیدیلر
 و بعضیلام حبیبہ دن صکرہ در دیدیلر و بعضیلسریہ و جاریہ در دیدیلر
 و جاریہ لری بونلر در بریسی ماریہ مصریہ و بعض علما عندندہ بریسی
 ریحانہ جبیلہ و بردخی زینب بنت جحش باغشلدینی جاریہ و سائر
 روایتلر دخی وارد در و دخی پیغمبر یمن علیه الصلوٰۃ والسلام اوغلانلری
 اولمشدر قاسم و عبدالله و ابراهیم عبداللہک براسمی طاهر و براسمی
 طیب در صحیح بودر و بعضیلطیب و طاهر عبداللہک بشقہ سیدر دیدیلر
 زوایت اولندیکہ قاسم مکہده طوغدی اون یدی آی تمام اولدقده بعثدن
 اول آخرتہ کندی و عبدالله دخی مکہده طوغدی کوچک ایکن مکہده
 آخرتہ کندی و ابراهیم بمش کونلک یاخود دخی زیاده جه ایکن آخرتہ کندی
 و دخی پیغمبر یمنک قزلری اولمشدر انلر فاطمہ و رقیہ و زینب و ام کلثوم
 جبیلہ اولادی خدیجہ دن اولمشدر ابراهیمدن غیرہ شویله مرویدر کہ
 رسول اللہ صلی اللہ علیہ وسلم بکرمی بش یااشندہ ایکن حضرت
 خدیجہ بی نکاح ایتشد و اندن الی اولاد اولمشدر ابراهیم دن ماعد اول
 ماریہ ادلو مصرده تربیہ اولمش بر جاریہ دن اولمشدر و جبیلہ اولادی
 رسول اللہ صلی اللہ علیہ وسلم اوکجه وفات ایتشد فاطمہ رضی اللہ
 عنہادن غیرہ اول پیغمبر یمن دن الی آی صکرہ وفات ایتشد آتی

پیغمبر عز حضرت علی به تزویج ایتشدر امام حسن و امام حسین
رضی الله عنهما اندن اولشدر آنه لری حضرت فاطمه و باباری حضرت
علی و یوک باباری رسول کائنات صلی الله علیه و سلمدر سادات کرام
انلردن ظهور ایتشدر حضرت فاطمه پیغمبر عزك جمله قزلرنك افضلیدر
اصلاحیض و نفاس کور ممشدر و ایکی رکعت نماز قضایه قومغه باعث
اول جق عذر ظهور ایتشدر انك ایچون فاطمه زهراء تسمیه اولمشدر
و عبادتده خضوع و خشوع اوزره دوام ابتدیکی ایچون بتول تسمیه اولمشدر
و رسول اللهك سوکلسیدر بر حدیث شریفده شویله در که فاطمه بدن
بر قطعه در کیکه انی غضبه کتوره بنی غضبه کتورر کیکه انی راضی اید
بنی راضی ایتش اولور دیو وارد اولمشدر رضی الله عنها وقت محبی الوحی
وسنه و مولده و هجرته و وفاته علیه السلام بو محله پیغمبر عز علیه السلامه
وحی کلدیکی و یاشی و طوغد بنی و مدینه منوره به هجرت ابتدیکی و وفاتی
زمانی بیان اولنور هر ر اهل ایمانك اوزرینه رسول الله صلی الله علیه
وسلمی بیلک فرض عیندر و پیغمبر عزه فرق یاشنده وحی کلشدر قرآن
کریم تنزیل اولنغه باشمشدر التمس اوج یاشنده وفات ایتشدر اصح
روایت بویله در بعض روایتده التمس بش یاشنده و بعض روایتده التمس
یاشنده وفات ایتدی دیومذ کور در بالاجاع مکه ده طوغمشدر وحی
کلد کدنصره مکه ده اون اوج ییل مکث ایتشدر صکره مدینه منوره به
بامر الله تعالی هجرت ایتشدر اون ییل مقداری توطن ایدوب انده
وفات ایتشدر قبر شریفی بالاتفاق انده در سائر پیغمبرك قبر لری بقینا
معلوم دکلد و اندن صکره اصلا پیغمبرك یوقدر زیر اخاتم الانبیادر
بویله جه ایمان کتورمك فرض عیندر انکاری کفر در حدیث شریفدره
و ختم بی النبون * وارد اولمشدر یعنی پیغمبر لرنم ایله تمام و ختم اولندی
دیمکدر آیه کریمه ده * ما کان محمد اباحد من رجالکم و لکن رسول الله
و خاتم النبیین * دیو واقع اولمشدر یعنی محمد سزك رجالکزدن برکسه نك

باباسی اولمادی لکن الله تعالیٰ نیک رسولی اولدی وچله پیغمبر لک خاتمی
 اولدی دیمکدر واجاع بوئک اوزرینه منعقد اولمشدر و پیغمبر من
 علیه السلام عربدر قریشیدر هاشمیدر مکی در مدیندر بر حدیث شریفده
 شویله در که * ان الله اصطفی من ولد آدم اسمعیل * تحقیق الله تعالیٰ آدم
 اولادن اسمعیل پیغمبری اصطفی و اختیار ایلدی و اصطفی من ولد اسمعیل
 بنی کانه اسمعیل ذریندن بنی کانه بی اختیار ایلدی و اصطفی من بنی کانه
 قریشا * بنی کانه دن قریشی اختیار ایلدی * و اصطفی من قریش
 بنی هاشم قریشدن بنی هاشمی اختیار ایلدی * و اصطفی من بنی هاشم
 بنی هاشم بنی اختیار ایلدی دیمکدر و بر حدیث شریفده * انادعوه ابراهیم
 و بشارت عیسی وارد اولتدیر یعنی ابراهیم پیغمبر لک دعا ایدوب حق تعالیٰ دن
 طلب ایلدی کی پیغمبر بنم نته کیم قرآن کریمده ابراهیم پیغمبر دن حکایه
 اولنوب ذکر اولنور * ربنا و ابعت فیهم رسولا منهم * یعنی ای بزم ربم
 بونلره بر رسول عظیم بعث ایله دیمکدر و بشارت عیسی که عیسی پیغمبر لک
 مرده ایتدی کی پیغمبر بنم نته کیم عیسی پیغمبر دن حکایه اولنوب قرآنده ذکر
 اولنور و بدشرا بر رسول یاتی من بعد اسمع احر * یعنی حضرت عیسی علیه
 السلام قومنه دیدیکه بن سزه مرده ایدیمجیم بر پیغمبری که بندن صکره
 کلسه کرکدر و انک اسمی اجد در صلی الله علیه و سلم کرامت اولیاء معلوم
 اوله که ولی شول کسه در که حق تعالیٰ به وصفاته معرفت تحصیل ایدوب
 و سائر عقائد لازمه بی معتقد اوله و طاعات اوزرینه مداومت ایلله سبئاتدن
 اجتناب ایدوب لذات و شهوات مباحهیه اشتغالندن احتراز ایلده اهل سنت
 مذهبده شروط معتبره غالب ادرتدر اولکی عقائد صحیحجه بی دلیلی ایله مهمما
 امکان تفصیلا یلوب اعتقاد ایلله ایکنی احکام شرعیه لازمهیه عالم اوله
 و نوافل شرعیه ایله عامل اوله اوچنجه اخلاق حمیده ایله مهمما امکان
 متصف اوله با خصوص سخا و نله موصوف اوله در دنجی اخلاق ذمیه دن
 اجتناب ایلله با خصوص جهل و کبر و عجب و حسد و ریاض و حق ددن عاری

اوله بویه اولان مؤمنلره ایا الله ومقر بون وصالحلرو ابرار و اخیار و زاهدلر
 و متقیلر و صدیقلر دینور بونلرده حق تعالی عاده مخالف کرامت یراقمسی
 واقعدر مثلاً از وقتنده اوزاق مسافه یه کتمک وهوا اوزرنده و صوا اوزرنده
 یوریمک و حاجت زمانده طعام و صوپدا اولق و غیر یلر کبی معتزله
 طائفه سی کرامتی انکار ایتدیلمصنف مرحوم انلری رد ایچون بیوردی
 ودخی شهادت ایدرین کرامت اولیاء حقدر و اولیادن ظهوری واقعدر
 صحابه عظام رضوان الله علیهم اجمعین بونک اوزرینه اتفاق ایتشلردر
 معتزله مذهبی باطلدر کرامت حقنده دلیل نقلی وارد و تواترایله ثابتدر
 ننه کیم روایت اولنور سلیمان یغمبر علیه السلامک وزیر آصف حضرتلری
 بلقبسک کوشکی اوج ایلق بولدن دعا ایدوب حق تعالی از وقتنده کتوردی
 و حضرت مریم علیها السلامده ظهور ایدن کرامت که قبش وقتنده یاز
 میوه سی و یاز وقتنده قبش میوه سی یاننده حاضر و حاصل اولدیغی آیت
 کریمه ایله ثابتدر ودخی ابوالدرداء ایله سلمان فارسی طعام ایدرکن اوکلرنده
 طعام قانی تسبیح ایدوب ایشندیلر و روایت صحیحده شویله منقولدر که
 حضرت عمر بن الخطاب رضی الله عنه ایام خلافتنده ساریه حضرتلری
 سرعسکر ایدوب دیار بکر جابنه کوندردی ایدی انلردن برمدت خبر
 کلمدی برکون حضرت عمر مدینه منوره ده خطبه اوقور ایکن
 علی طریق المکاشفه کوردیکه حضرت ساریه عسکر ایله بیله برطاغک
 قربنده قومشلرد و شمن طاغک اردنده اوزرینه چیقوب هجوم ایده جکلر
 یو جالی حضرت عمر منبرده خطبه اتناسنده کوروب همان * یاساریه
 الجبل الجبل * دیدی یعنی ای ساریه طاغدن حذر ایت دوشمن کلپور
 دیمکدر فی الحال ساریه حضرتلری مکاشفه طریق اوزرینه حضرت عمری
 کوردی و سوزنی ایشندی همان عسکر ایله بیله دوشماندن مقدم طاغده
 چیقوب دوشمنی قهر ایتدی باذن الله تعالی ودخی کرامتک حصری و حسابی
 یوقدر سلفدن و خلفدن شولقدر کرامتلر تواترایله نقل اولنور که اصلاً انکاره

وشكه مجال قلم رودخی اولیاده اولان كرامت تابع اولدیغی پیغمبرك معجزه سی
 اولور امام ابوحنیفه و امام شافعی رحمهما الله تعالی شویله بیور مشلرکه
 اگر اولیا علمدان اولسه هیچ ولی بولنمق لازم کلور یعنی علوم شرعیه ولایت
 شرطدر ولایت کسیدر هر بر مؤمن عبادتی قدر ولایت کسب ایدرودخی
 بعض ملاجده طائفه سی شویله زعم ایدرلر که کاهیجه اولور که ولی اولان
 کسه بعض پیغمبردن افضل اولور دیدیلر مصنف مرحوم انلری رد
 ایدوب بیوردی وولیلرک درجه سی نیلر درجه سنه یشمز زیرانوبت جله
 کالاتک اعلا سیدر انبیاء کرام علیهم الصلوٰۃ والسلام حق تعالی نیک
 وحینه امین اولوب شرع الله تبلیغ ایدیجیلر در واملرینی ارشاد و تربیه ایدرلر
 واتلرک ارشاد یله و تربیه سبله املرندن نیجه ولیلر ظهور ایدر و بر ولی پیغمبرک
 دعواسی ایتسه ایمانندن چبقار اولیاء الله اولنلر صاحب حیا و اهل حق
 اولور کتاب و سننه تابع و اولور و اهل شفقت و مرحمت اولور و سخاوت صاحبی
 اولور و اهل ایمانه نصیحت ایدیچی اولور کندن برکاه صادر اولسه عقینده
 توبه ایدر چوق استغفار و شکر و ذکر ایدر حق تعالی دن خشبت ایدر و آخرت
 خصوصنده خوف و حزن ایدیچی اولور لغو و فحش کلامدن احتراز ایدر
 حب فی الله و بغض فی الله ایدر توکل و صبر ایدوب امر معروف و نهی
 منکر ایدر خلقله حسن معاشرت ایدر اما بعض سوز واردر که خلق ارا سنده
 سوزیلنور که اولیا خلقدن قجار اولیا کبرنی اولوب اگر معلوم اولسه اول
 مملکتدن نقل ایدر و اگر کرامتی کورلسه آخرته کیدر و بونک کی سوزلر انجق
 جاهل سوزیدر صحیح دکلدر پیغمبرلر و اصحاب علیهم السلام خلق ارا سنده
 اولدیلر هیچ کبرنی اولدیلر و کرامت لری ظاهرا ولدی بر ضرر اولدی اجل لری
 کلدی بی وقت آخرته کندیلر و دخی برکسه بر ولی یه عداوت ایتسه حق تعالی
 اتی هلاک ایدر و بعض علماء کرام رحمهم الله تعالی شویله بیور مشلرکه
 برکسه اصلی بوقدن ولایت دعواسی ایلسه العباد بالله تعالی آخرته ایمانسنر
 کیدر دیمشلر شیخ شاذلی رحمه الله تعالی شویله بیور دیلر که اگر سرلر

برکسه بی کورسه کرکه انک حالتی کندوی شرعدن طشره چبقارمش اوله
 اکا قریب اولمکز بیورمشدر ابو بکر رضی الله عنه جله ولبرک افضلی
 ابو بکر در اسمی عبدالله در دورا دمدن قیامته دکین کلش وکله جک
 ولبرک جله سنک افضلیدر رسول الله صلی الله علیه وسلم انی مدح
 ایتشد رنه کیم بیورمشدر * والله ما طلعت الشمس ولا غربت بعد النبین
 والمرسلین علی احد افضل من ابی بکر * یعنی والله انباء ومرسلین دن
 ماعدا ابو بکر دن افضل برکسه اوزرینه کونش طلوع وغروب ایتدی
 دیمکدر ورسول الله کاین اتاسیدر زیر ابو بکر کندی قری عایشه بی
 رضی الله عنهما رسول الله علیه السلامه نکاح ایله ویرمشدر ورسول الله
 وفات ایتدکده ابو بکر پیغمبر یمزک یرینه خلیفه اولمشدر معلوم اوله که
 دین اسلامی محافظه واهل اسلامی صیانت ایچون مؤمنلر اوزرینه برامام
 نصب ایتک شرعا واجبدر جمهور اهل سنت عندنده اکثر معتزله وشیعه
 مذهب لرنده عقلا واجبدر و بعضی سنک عندنده عقلا وشرعا واجبدر
 وخواج مذهبنده واجب دکلدر جاژدر و بعضی لرنده دن خوف زماننده
 عقلا واجبدر و اکثر شیعه و بعضی معتزله مذهب لرنده الله تعالی اوزرینه
 واجبدر عقلا بومسئله فر وع شرعیه دندر لکن حقنده مذاهب مختلفه
 اولد ییچون مسائل اعتقادییه الحاق اولندی شاننه اهتمام ایچون زیر
 بر حدیث شریفده * من مات ولم یعرف امام زمانه مات میتة جاهلیة
 واردا اولمشدر یعنی هر کیمکه زماننک امامنی بیلدن اولسه جاهلیت اولومیله
 اولور دیمکدر چونکه اهل سنت مذهبنده مؤمنلر اوزرینه شرعا واجب
 اولدیکه بر خلیفه نصب اولنوب اندن ییعت ایدله ل واکا شرع شریفده
 موافق اولان اموره تابع اوله ل ایتدی رسول کائنات صلی الله علیه وسلم
 سرای عقبایه انتقال ایتدکده اصحاب کرام رضوان الله تعالی علیهم
 اجمعین بنی ساعده نک سقیفه سی نامنده محله جمع اولوب خلافت امورنده
 مشاوره ایتدیلر اجتهاد ایتدکلرنده جله سی حضرت ابو بکر ی تقدیم ایدوب

اکا متابعت و بیعت ایندی بلر لکن ابو بکرؓ خلافتی حقندہ نص وارمیدر
 یو خسه اشارتله می ثابتدر اختلاف اولندی جهو راشاعره و بعض معتزله
 و خوارج تصریح یوفدر دیوب اشارتله ثابتدر دیدیلر و بعض علما
 تصریح واقع اولدی دیدیلر حتی حسن بصری رحمه الله تعالی پیوردیکه
 رسول الله صلی الله علیه وسلم نص خفی ایله نص ایندی حتی آخرته انتقالندن
 مقدمه نمازده امام ایدوب خلفنده نماز قیلدی و بعض اهل حدیث نص
 جلی روایت ایندی بلر و بر حدیث شریفده اخراج ایندی بلر که رسول کائنات
 صلی الله علیه وسلم آخرته تشریفندن مقدمه کبار صحابه یه امر ایدوب
 اثونی بدوایه و قرطاس لاکتبن لابی بکرؓ کا بالاینختلف فیه اثنان * پیوردی
 دیمکدر که بکاردویت و کاغد کنورک ابو بکر ایچون برکاب و فرمان یزایم که
 ایکی کسه اختلاف ایتمسون دیمک اولور و الحاصل ابو بکر رضی الله عنه
 ایکی ییل و دورت ای یا خودالتی ای قدر حق و عدالت اوزره خلافت ایلدی
 شبعه طائفه سی حضرت ابو بکرؓ خلافتی حق اولدی یعنی انکار ایندی بلر
 مصنف مرحوم انلری رد ایچون و مذهب حق بیان ایدوب و ابو بکرؓ
 خلافتی حقدر دیدی زیرا خلافتی اوزره جله صحابه اجماع و اتفاق
 ایتمشدر و اصحاب کرام حاشا باطل اوزره اتفاق ایتمز قزلباشلرک مذهب
 مذهب بلری باطلدر عمر رضی الله عنه و اندن صکره جله ولیرک افضل
 حضرت عمردر نقل ثابتدر روایت اولنور که حضرت علی رضی الله عنه
 شویله پیور مشلدر که خیر الناس بعد النبیین ابو بکرؓ عمرؓ عثمانؓ ثم الله اعلم
 یعنی انبیادن غیر جله ناسک خیر لمسی ابو بکردر صکره عمردر صکره
 عثماندر صکره کنی الله بیلور دیمکدر عبد الله بن عمردر رضی الله عنهما
 شویله روایت اولنور که * کا نقول و رسول الله صلی الله علیه وسلم حی
 افضل امه النبی بعده ابو بکرؓ عمرؓ عثمانؓ یعنی پیور که رسول اکرم دخی
 حیاتده ایکن یزدر ایدک که رسول اللهک امتک افضل ابو بکردر صکره
 عمردر صکره عثماندر حضرت عمرؓ افضلیتی حقندہ نیچه اثرلر و خبرلر وارددر

ابو بکرؓ

ابوبکر اردبجه خليفه اولمشدر ابوبكر وفاتی قریب اولدقده حضرت
 عثمان رضی الله عنه دعوت ایدوب خلافت فرمائی یازدیروب حضرت
 عمری خلیفه نصب ایتدی صکره خلقه بیعتله امر ایتدی جمله مهاجرین
 وانصار رضی الله عنهم بیعت ایدوب خلافتنه اتفاق ایتدیلر اون ییل مقداری
 خلافت ایدوب عدالت واستقامت اوزره اعدایی قهر و دین اسلامه زیاده
 یاردم و شریعت مصطفویه بی خلقه تفهیم ایتدی مشرق جا بنده
 نیجه مملکتلر فتح ایدوب کسری عسکر لرینی قتل و قهر ایلدی و قبصر
 مملکتلرندن خراج اخذا ایدوب و دولتارینی هدم و اموالرینی غارت و غنیمت
 ایلندی و کدیلرینی و اولادلرینی اسیر ایلدی امور اسلامیه بی حسن انتظامله
 ترتیب و فقراء و مساکین اوزر لرینه غایبده مرجت ایدر ایدی و دنیا
 مزخرفاتندن غایبده احتراز ایدوب و شجاعت صاحبی ایدی امر معروف
 ونهی منکر ایتمکده متانت و صلابت صاحبی ایدی و خلافتی حقدر و دخی
 حضرت عمر رضی الله عنه قرنی حصصه بی رسول الله ترویج ایتشد
 وقاب آنه اولمشدر عثمان رضی الله عنه و اندن صکره و لیلرک افضل
 حضرت عثماندر عمر اردبجه خلیفه اولمشدر حضرت عمر رضی الله عنه بی
 ابولؤلؤ نامنده بر غلام عجمی خنجر ایلده اوردقده مجروح اولوب خلافتی الی
 صحابه نك رأینه تفویض ایتدی که انلر عثمان علی زبیر طلحه عبدالرحمن بن
 عوف سعد بن ابی وقاص رضی الله عنهم بونلر دخی عبدالرحمن بن عوفک
 رأینه تفویض ایتدیلر اول دخی حضرت عثماندن بیعت ایدوب اختیار
 ایتدکده جمله سی حسن رضال یله بیعت ایتدیلر و خلافتی اوزرینه اتفاق
 ایتدیلر اون ایکی ییل مقداری خلیفه اولدی عدالت واستقامت اوزره
 اولوب عسکر اسلامی تجهیز ایدوب چوق بلده لر فتح ایتدی و معصف
 شریقی چوق یازدیروب اطرافه شایع ایلدی اما شول حکایتکه نقل ایدر لر
 قرآن کریمک سوره لرینی حضرت عثمان ترتیب ایدوب بونظامه قودوی
 حتی برکسه سوال ایدوب سوره اخلاص اوزرینه سوره بتی نیچون یازدک

دید کده حضرت عثمان جواب و رب اوح محفوظده بویه کوردم سندی
 نظر ایت دیوب اکا دخی لوجی کشف ایتدی اول دخی کورد کده الزام
 اولدی دیو نقل اولنور فاسد در اصلی یوقدر صحیح بودر که قرآن کریمک
 آیتلری و سوره لری ترتیبی توقیفدر برایت کریمه نازل اولدقده بامر الله تعالی
 رسول اکرم امرایدوب فلان محله کاتب ایدیکز دیرایدی رسول الله صلی الله
 علیه وسلمک زمان سعادته ده صحابه دن بر جاعت قرآنک جمله سنی حفظ
 ایتدیلرایی بن کعب و معاذ بن جبل و زید بن ثابت و ابوالداراء رضی الله عنهم
 کیلر لکن قرآن کریم اول زمانده بره صحفده جمع اولوب هر کس بر مقدار
 یازمش ایدی حضرت ابوبکرک خلافتی زمانده حضرت عمر ایله مشورت
 ایدوب بر مصحفده جمع اولسنی خبرلی کوردیلر صکره ابوبکرک امر ایله
 زید بن ثابت صحیفه لدن و حافظ لدن اخذ ایدوب بر مصحفه یازدی صکره
 حضرت عثمان خلافتی زمانده زید بن ثابت و عبدالله بن زبیر و سعید بن
 العاصه و عبدالله بن الحارثه امرایدوب بر روایتده یدنی مصحف یازدیلر
 بر یسنی مدینه ده الی قویوب و بر یسنی مکه یه و بر یسنی بحرین جانبته و بر یسنی
 شامه و بر یسنی کوفه یه و بر یسنی یمن جانبته و بر یسنی بصره جانبته کوندردی
 ننه کیم کتب حدیثده بویه مذکور در رسول الله اکایعنی عثمان ایکی قرین
 تزویج ایشدر بری وفات ایتد کد نصکره بر یسنی دخی تزویج ایشدر
 اولارقیه بی تزویج ایتدی وفات ایتد کد نصکره ام کلثومی تزویج ایتدی
 اول دخی وفات ایتد کد نصکره بر قزم دخی اولیدی انی دخی عثمانه تزویج
 ایدر ایدم پیورمشدر بر پیغمبره ایکی کره داماد اولق حضرت عثمان دن
 غیر بر کسه دن منقول دکلدر خلافتی حق قدر قنبلشدرک انکار لری باطلدر
 علی رضی الله عنه و اند نصکره و لیلرک افضلی حضرت علی در عثمان
 اردنجه خلیفه اولمشدر خلافتی الی ییل در پیغمبر عز قزی فاطمه بی اکا
 تزویج ایتدیکی یوقاریده ذکر اولمشدر حضرت عثمان رضی الله عنه
 سرای بقایه کتد کده جمله صحابه جمع اولوب حضرت علی دن بیعت

ایتدیلر

ایتدیلر و خلافتی اوزره اجماع ایتدیلر خلافتی زماننده عدالت واستقامت
 اوزره احکام شرعییه بی بین المسلمین اجرا ایدوب اعداء دینی قهر و اهل
 اسلامه نصرت ایتدی خلافتی حقدور خوارج طائفه سنک مذهب
 انکارلری باطلدر معلوم اوله که رسول الله صلی الله علیه وسلم بر حدیث
 شریفده * الخلافة بعدی ثلثون سنة ثم یصیر ملکاً عضوضاً * یورمشدر
 یعنی بند نصکره خلافت او توز سنه در صکره ملک عضوض اولور
 دیمکدر او توز سنه حضرت علی نك خلافتیه تمام اولمشدر بعض علما
 امام حسن رضی الله عنه التي ای مقداری خلافت ایتکله تمام اولدی
 دیمشدر لکن خلافتدن مراد خلافة کامله در یونلرد نصکره اولان اماملره
 خلفا تسمیه اولور فقهها رحهم الله تعالی فی زماننا اسلام پادشاهلرینه
 خلیفه اطلاق جائدر دیدیلر و دخی ابو بکر ایله عمر رضی الله عنهما قاین
 اتالدر انلره شیخان دیرلر عثمان ایله علی دامادلر در انلره ختاندیرلر ایتدی
 ابو بکر ایله عمری سائر اصحابدن افضل اعتقاد ایدوب عثمان ایله علی یه
 محبت ایتک اهل سنت علامتیدر یونلر سائر صحابه نك یکاریدر یونلرد نصکره
 سائر عشره مبشره در انلر ابو بکر عمر عثمان علی زبیر طلحه عبدالرحمن بن
 عوف ابو عبیده بن الجراح سعد بن ابی وقاص سعد بن زید یونلرد سائر
 اهل بدر یونلرد نصکره سائر اهل احد یونلرد نصکره اهل بعة الرضوان
 یونلر صحابه نك یوککدر و جله اصحاب رسول الله مهاجرین و انصار
 اللهم یا الله بزره رحمت ایت و کاهلر بمنزلی مغفرت ایت پیغمبریمزک
 و اصحابک شفاعت لر دخی بزره نصیب ایت انلر ایله یله جد حشر ایت انلرک
 جله سی عدلر در ظلمدن و باطل نسنه اوزره اتفاق ایتکدن بریلر در
 حق اوزره در بر حدیث شریفده * خیر القرون قرنی * جله زمانلرک
 خیر لیبسی صحابه لر در حق تعالی جمیع اصحابی عموماً مدح ایتمشدر ننه کیم
 بعض آیه کریمه لره * لقد تاب الله علی النبی و المهاجرین و الانصار
 و بعض آخرده * و الذین معه اشداء علی الکفار رجاء ینهم تربهم رکما

سجدات ینفون فضلا من الله ورضوانا سببهم فی وجوههم من اثر الجود
 و بعض آخرده * واصبر نفسك مع الذین یدعون ربهم بالغداة والعشی
 یریدون وجهه * و بعض آخرده اهل بیعة الرضوان حقنہ یورر
 لقد رضی الله عن المؤمنین اذ یابعونک تحت الشجرة * و بعض آخرده
 ان الذین یابعونک انما یابعون الله * کپی آیه کریمه لده حق تعالی انلری
 مدح یتشدد و رسول الله صلی الله علیه وسلم دخی نیجه حدیث شریفه
 مدح یتشدد رتبه کیم بر حدیث شریفه * اصحابی کالجود * بنم اصحاب
 ظلمات جهات الی ازاله ایدوب طریق حق نور علمه اضائه یتکده نورانی
 یلذله بکزرل * باہم اقتدیتم اقتدیتم * ای مؤمنرا اصحابدن قانغبنه
 اقتدا ایدر سکز هدايت بولور سرزو بر حدیث شریفه * لا تسبوا اصحابی
 ای ناس بنم اصحابه طعن و شتم یتکزن * فلوان احدکم اتفق مثل احد ذهابا
 تحقیق بودر که اگر سرزدن بر یکز احد طاعی قدر التون صدقه و بر سه
 ما بلغ مداحدهم ولا نصفه * انلرک بر بسنک ایکوز التمش درهم بلکه
 انک نصفی قدر نسنه صدقه ابتدکی ثوابنه بالغ اولمازو بر حدیث شریفه
 اکرموا اصحابی فانهم خیارکم * بنم اصحابه اکرام ایدیکر زبرا انلر سزک
 خیر لولر یکز در * الله الله فی اصحابی * حق تعالی دن قور فکز اصحاب
 حقنہ بر الحق سوز و ید اعتقاد یتکزن * لاتخذوهم غرضا من بعدی
 بند نصرکم غرض طوعتکم * فن احبهم فحبی احبهم * هر ککه اصحابه محبت
 ایتسه بکا محبت یتکله انلره محبت یتمش اولور * ومن ابغضهم فیبغضی
 ابغضهم * هر کیکه انلره بغض ایتسه بکا بغض یتکله انلره بغض یتمش
 اولور * ومن اذاهم * و هر کیکه انلره اذلو طعن و یره جک و لائق اولیان
 سوز سوبلسه * فقد اذانی * بکا اذا یتمش اولور * ومن اذانی * هر کیکه
 بکا اذا قصد ایتسه * فقد اذی الله تعالی * حق تعالی بی اغضاب یتمش
 اولور * ومن اذی الله هر ککه حق تعالی به غضب و یره جک نسنه به تعرض
 ایلسه * یوشک ان یاخذہ * حق تعالی نیک اکا عقوبت یتیمی قریب اولور

دیمکدر و بالجمله اصحاب کرامک مدحی و کثرت فضائلی و عند الله مکرم
 و محترم اولدقلری حقده نیجه آیات ربانیه واحادیت نبویه صادر و وارد
 اولوب و بونک اوزرینه اهل سنت اجاع ایتدکلری اجلدن مصنف
 مرحوم جله سنک اوزرینه استقامت و عدالت و حقانیتله حکم ایدوب
 و بویه حکمک نبوتی کتب و سنت و اجاع ایله محقق و مؤکد اولدیغنه
 اللهم لفظیله اشارت بیوروب و جله اصحاب رسول بالا اجاع عدلردر
 حق اوزره در حق تعالی انلری اختیار ایدوب افضل مخلوقات و اشرف
 موجودات و رسول کائنات اولان حبیبی محمد علیه الصلوٰه والسلامه
 اصحاب و احباب و یاران ایتشدراکر انلرده استقامت و عدالت اولسه
 عیبا عدل و کمال کیلرده بولنور حق تعالی دین اسلامی و شریعت مطهره بی
 انلر ایله قائم و شایع ایلدی نور نبوتله قلبلری پر نور و اخلاق حمیده ایله
 جله سی معصوم و اعمال صالحه ایله موصوف و مشهور اولدیلر و نیجه لری
 حضور رسوله فی سبیل الله جهاد و دین حقده جام شهادتی نوش
 ایتدیلر و نیجه لری کفار مملکتلرینی اهل اسلامه مسکن ایدوب ظلمات کفر
 و جهالتده قالمشلری نور ایمانه هدایت ایتدیلر و نیجه لری مجالسده
 و مساجدده عباد الله تعالی تعلیم دین مبین و تفهیم آیات واحادیت شریفه
 ایتدیلر انلرک علومی و روایتلری اهل ایمانک سبب سعادت کونینی
 و باعث فلاحلری اولشدر رضوان الله تعالی علیهم اجمعین انلری سومین
 اعتقادده مبتدع و اهل سنت مذهبندن خارج و فاسقدر رافضی
 و قزلباش طائفه رذیله سندندر جله سین سوز و شفاعتترین اومارز
 ایمدی قزلباش طائفه سی حضرت ابو بکر و حضرت عمر و حضرت
 عثمان رضی الله تعالی عنهم ره طعن ایدرلر و حضرت عایشه صدیقہ
 رضی الله عنها به قذف ایدرلر و سایر مذاهب باطله اهل بسندن نیجه
 گروه مکروه واردر که صحابه کرام ذوی الاحترامه اطاله و ذم ایدرلر
 مصنف مرحوم اجمالاً بو کلامله انلری رد ایدوب مذهب حق بیان ایلدی

صحابه عظام با جمعهم انجی خیرایله و ثنای جیل ایله ذکر اولمق لازمدر
 و اهل سنت شعاریدر انلره طعن ایتمک دلیل قطعی به مخالف اولور ایسه
 بلاشک کفر در حضرت عایشه صدیقه نك نزاهتی و برائی حقنده نیچه
 آیات قرآنیه بیورلمش ایکن شائنده * سبحانک هذا بهتان عظیم * و یونک
 امثالی آیات قاطعه و بینات ساطعه صادر و باهراولمش ایکن قرلباشلرک
 قذف ابتدیکی کبی و اگر دکل ایسه اعتقاد خصوصنده بر باطل و بدعت
 نسنه اعتقاد ایدوب اهل سنت مذهبندن چیقمش اولور عاقبتنده سوء
 خاتمهدن قورقولورهر براخوان مؤمنینه و اجیدرکه یوقاریده ذکر اولنان
 آیات بیناتی و احادیث شریفه لری فکر و ملاحظه و مضبوطی تصدیق
 و اعتقاد ایدوب جله اهل ایمانک اولورلی و افضلاری اولان صحابه
 اولوا الاحترامه خلوص ایله محبت ایدوب انلره ذکر جیل و رضا و ثنا اوزره
 اولوب * فبھی احبهم * مرتبه سنه وصول بولوب روز قیامتده انلرک
 شفاعتنه نائله اوله یارب بزی اول زمره اصحابه رفیق ایت شفاعتترین
 جله مزه نصیب ایت قوله تعالی * ومن یطع الله واز رسول فاولئک مع الذین
 انعم الله علیهم من النبین و الصدیقین و الشهداء و الصالحین و حسن
 اولئک رفیقا عذاب قبر معلوم اوله که دار اوچدر بری دار دنیا بری دار
 برزخ و بری دار آخرت که اکادار جزاء دخی دینور و بعض اهل علم دار
 برزخی دار آخرته ادخال ایدوب ایکی اعتبار ایلدی بری دنیا و بری آخرت
 و الحاصل دار برزخدن مراد اولدر که موت زمانندن قیامت زماننه و ارنجیه
 دکن اولان زمان و مکاندر هر کیمکه شمدیکی حالده روح تسلیم ایتدکده
 دار برزخه انتقال ایدر ایمی دی آدم اوغلانی جان تسلیم ایتدکده بشقه
 برحاله انتقال ایتمکله انده برکونه حیوة حاصل اولور سؤال اولنوب جواب
 و یرمکه قابلیتی اولوب لذت نعمتی و الم عذابی ادراک ایتمککه محل و مستعد
 اولور معتزله طائفه سی بواحوال قبری و سؤال منکر و نکیری انکار ایتدیلر
 اهل سنت شویله تحقیق ایتدیلر که قبر احوال حقنده شول قدر

حديث شريفلو آثار كثيره واردر كه اصلا انكاره بحال يوقدر و صحابه
 كرام رضوان الله عليهم اجمعين دخی انك اوزرينده اتفاق ايتشدر در دخی
 قبرده ثواب و نعمت اولور و عذاب و نعمت اولور و اهل قبورك اكثری كفار
 و عاصيلا ولد يغيچون عذاب قبرديو ذكر اولتور بر حديث شريفده
 استتر هوا من البول فان عامه عذاب القبر منه * واردا و لمشدر يعني بولدن
 احتراز ايد يكرز بر تحقيق عذاب قبرك اكثری اندن اوتوري اولور ديمكدر
 و بر حديث شريفده شويله در كه قبر آخرت منزللرينك اوليدر كيچكه انده
 نجات بولور ايسه صكره كي منزللر آسان اولور كيچكه انده نجات بولسه
 صكره كي ر دخی زياده شديد اولور و الحاصل احوال قبرمكتنا دندر و وقوعيله
 مخبر صادق خبر و ير مشدر ايمان كتور مك لازمدر كيغبني حق تعالى
 بيلور و دخی شهادت ايدرين عذاب قبر حقدر و اققدر نعمت قبر دخی
 و اققدر آدم و خلایق بوندن مراد نوع انساندر اركك اولسون عورت
 اولسون اولوب قبره وارد قده منكر و نكير ادلو ايكي هيتلوسياه و كوزلري
 كوك ملك كلوب سوال ايتسه لكر كنز تكریدن و پيغمبردن و ديدندن
 و قبله دن مؤمنلر نقدر عاصي دخی اولور ايسه ده ايماني اولق سببيله
 جواب و ير مكه موفق اولور و مطيعلر بالطريق الاولى جواب و يره ل
 بعون الله تعالى تكریمز و خالقیمز و معبودیمز الله در واحد در
 پيغمبریمز محمد عليه السلامدر و ديمز دين اسلامدر قبله منكبده در ديهل
 انلره قبرده روضه ل خلق اولنوب دورلو ذوقلر و نعمتلر ايله تلذذ ل
 و تعمير ايدلر بفضل الله تعالى اللهم بسر لنا هذه النعمة العظمي
 كافرل و كفرلنده متمر دو معاند اولان فاسق فرعون و ابو جهل و سائر
 منافقلر كي جوابه قادر اولوب متخير اولوب هاي هاي بزبوسواللر يكری
 بيلوز ديهل انلره دورلو عذابلر ايدلر مؤمنلك عاصيلرينك بعضيسته
 عذاب اولور لكن دائم اولماز بر مدت نصكره رفع اولنوب عودت ايلز
 قيامته دكين روايت صحيحه ده قبرده سوال بر كره اولور كشي عالم دنيا ده

نیچه عاقل ایسه قبرده دخی او یله در قبره کیرمبوب آتشد یاتمش یا صوده
 بوغولمش یا صحراده قورد و قوش یمش کسه ره دخی سؤال واردر و اولکی
 کونده اولورو بعضیلر یوردیلر که اول کونده اوج کره اولور و غیره اقوال
 دخی واردر و دخی قبرده سؤال امت محمدیه به می مخصوص صدر بوخسه سائر
 املرده اولدی می اختلاف واردر و دخی منکر و تکیه بالکز ایکی ملکیدر
 بوخسه چوقیدر اختلاف واردر و دخی قبره صبقه سی حقیدر
 پیغمبرلردن غیر بی قبر صبقه مؤمنله محبت ایند بکیچون کافرله عقوبت
 ایچوندر و دخی سؤال انجیق تکریدن و پیغمبردن و دیندن اولور صحیح بودر
 و بعض علما عندنده جمیع عقائدن اولور و بر قولده بعض عقائدن
 اولور و بر قولده عقائدن و بعض اعمالدن اولور و بر قولده انجیق
 توحیددن سؤال اولور اطفال مؤمنین ایچون سؤال یوقدر صحیح بودر
 بر قولده واردر و اطفال کافرین حقند دخی اختلاف واردر و دخی پیغمبرله
 علیهم السلام قبرشر یفلرنده سؤال وارمیدر اختلاف اولندی اگر سؤال
 واریسه تعظیم و تکریمله اولور نته کیم سائر مقر بلرک حالی بویه در شهدا
 ایچون بالاتفاق سؤال یوقدر و علماء صدیقون دخی بویه در دیمشدر
 مملکت اسلامیة حدودنده نیت خالصه ایله مرابط اولانلره سؤال یوقدر
 و هر کیچه سوره ملک تلاوت ایدنلره و جمعه کیچه سی یا خود کوننده دار
 بقایه کیدنلره و اسهال و اسنسقا مرضندن کیدنلره و طاعوندن کیدنلره
 سؤال یوقدر بعض اهل علم یور مشلر که طاعون زماننده بشقه برسیدن
 کیدر ایسه ده سؤال یوقدر جاهلیت زماننده کیدنلر و مجنونلر و زیاده سیله
 احق اولانلر حقند اختلاف اولندی ملائکه و جن روح تسلیم ایند کده
 قبر سؤالی وارمیدر اختلاف اولندی مرض موندن سوره اخلاص تلاوت
 ایدنلره قبرده سؤال اولماز دیمشدر و الله اعلم بالصواب و الیه المرجع و المآب
 علامت قیامت معلوم اوله که قیامت علامت لری قتی چوقدر و نیچه لری
 ظهور ایتشد بر قدرانی بعون الله تعالی ذکر ایده لم تا کیم عاقللر یلموب

عبرت الوب دنیا حالی وناسک کیفیتی نیجه اولدیغنی اکلیوب آگاه اوله
حق تعالی پیورر * اقترپ للناس حسابهم وهم فی غفلة معرضون * یعنی
ناس ایچون حسابلری قریب اولدی حال بوکه انلر غفلت ایچنده اولمغله
نصیحتدن و طاعتدن اعراض واجتناب ایدیجیلردر امام بخاری اخراج
ایدربن عمر دن رضی الله عنهما رسول کائنات علیه الصلوة والسلام
شویله پیور دیلر که * انما اجلکم فی اجل من خلا من الامم مابین صلوة
العصر الی غروب الشمس * یعنی یکمیش امتلرک زمانلرینه قیاس ایله سزک
زمانکرایکندی وقتندن غروب زماننه دکن اولان وقت کییدر مثلاً بتون
عمر دنیا برکون فرض اولنسه صباحدن ایکندی زماننه دکن سائر
امتلرک زمانلری ایدی ایکندی دن اخشامه دکن امت محمدیه نک زمانیدر
اخشام وقتی قیامتک اولیدر ایرته صباح وقتی قبردن بعثک اولیدر دخی
قیامتک قریب اولدیغنه دلیل چوقدر جهل چوق اولوب علوم آزا اولوق
جاهل باش اولوب جهالتلریله خلقه حکم ایتک خیر ایتک امانت
شرعیه ر قضا و تدیس و قنوی کی اهلنه ویرلمک علما ده ظلم و فسق اولوب
عابدلر ده جهل اولوق شرعی دفع ایچون کشتی یه اکرام اولنوق کشتی خاتوننه
انقیاد ایدوب اناسنه و باباسنه مخالفت و عصیان ایتک لعب و لهو آلتلری
استعمال اولنوق دیوئلر چوق اولوق ادنی کسنه لر مجلسلر ده سوز باشی اولوق
ادنی اوغلی ادنی دنیاده صدره مکبوب بین الناس معتبر اولوق بیولک و یوکسک
بتار یا پاماق صکره کلنلر اول کینلری تجهیل ایتک امین کسه لر آزا اولوب فلان
محمده برامین کسه و ارایمش دیوسو یلنک فلان کسه عاقل و ظریف چایی
کشیدر دیدکلری آدمده ذره قدر ایمان بولنمق قتل و فتنه چوق اولوق
حریر کینک بدعت ظهور ایدوب سنت ترک اولنوق دجال و کیلای ظهور
ایدوب خلق اضلال ایتک کوشه بکوشه ظالم لر و جبار لر ظهور ایدوب
جبار و قهرا خلقک اموالنی الموق خلقندن محبت محو اولوق حق سویلینی
ناس بغض ایدوب دفع ایتک سعی ایتک کجبلر فاسق اولوب عورتلر

طغیان ایتک امر معروف ونهی منکر ترک اوائوب معصیتله امر خیردن
 نهی اولمق امور شرعیه عیب عدا وائوب ترک اولمق وکاه اولان نسنه لر
 مستعمل وعادت اولمق وعورتلر دورلودورلو باش باغلیوب صیغه لباسله
 طشره چیمقاق زنا ولواطه چوق اولمق همان اسلامک اسمی وقرآنک
 رسمی قالمق علمایی خلق قویوب جاهلله تابع اولمق والحاصل بنی اسرائیل
 زماننده اولان احوال قبیحه ظهور ایتک ودخی بونلرکی علامتله چوقدر
 حدیث شریفلرده بیان اولمشدر ایمدی بونلرک چوغی شمدی شایع
 اولوب عادت اولمشدر العباد بالله تعالی بومقامده مصنف رحمه الله تعالی
 قیامتدن مقدمه اولان بعض بیوک علامتلی ذکر ایتک مراد ایدوب
 پیوردیکه ودخی شهادت ایده رین حضرت محمد علیه السلام هر نه کیم
 بعض آیه کریمه ایله وبعض حدیث شریف ایله خلقه خبر و برمشدر
 قیامت علامتلرندن حقدر قیامتدن اول ظهور ایدوب اولسه کرکدر
 انلر ظهور ایتدیکجه قیامت قویماز بویله جه اینامق لازمدر دجالک
 خروجی کبی بروایتده خرساندن چیقوب امام مسلم روایتده اصفهان
 یهودیلرندن یتیم بیک طیلسانلی یهودیلر تابع اولسه کرکدر عالم دنیاده
 دجال کبی بر بیوک فتنه ظهور ایتمشدر هر بر پیغمبر امتلرینه دجالی خبر
 و بروب آنک شرنیدن انداز ایتمشدر مدتی قرق کوندر اولکی کونی بریل
 قدر اولوب ایکنجی کونی برآی قدر و اوچنجی کونی بر هفتد قدر و سائر
 کونلری سائر کونلر قدر اولسه کرکدر هر مملکتی کزوب مکّه ایله مدینه یه
 کیرمه کرکدر قتی چوق استدر اجل راظه ایدوب تکر بلیق دعواسی
 اینسه کرکدر بانشده جنت و جهنم مثالی نسنه لر کوسترسه کرکدر بر کوزی
 کور بر یهودیدر ایکی کوزی اراستنده کافر بالله دردیو یازلشدر و هر مؤمن
 اول یازوبی اوقوسه کرکدر و حضرت عیسی علیه السلام اول زمانده
 کوکدن اینوب بر حربه ایله دجالی اولدوروب اگر اولدرمه دجال اندن
 قور قوسندن طوز کبی اریوب محو اولور ایدی و عیسی علیه السلام

محمد علیه السلام شریعتیله عمل ایتمی و خلقه اجرا ایتمی کی
 و مهدی سلسله سی آل رسولدن حضرت فاطمه زهرا اولادندن
 اسمی محمد در باباسی اسمی عبد الله در بر کامل و عالم ولی الله در خلافتله
 خروج ایدوب حضرت عیسی ایله بر زمانده جمع اولسی کی کفاردن
 جزیه المی مدتی حضرت عیسی کو کدن ایندکده نهایت بولوب مسلمان
 اولیان کافرلردن جزیه المیوب قتل اینسهلر کر کدر و حضرت مهدی
 کندیسکی مجتهد اولوب سائر مذاهب القوب همان مذهب بر اولسه کر کدر
 و بتون دنیایی عدالتله طولدروب ایکی کشتی و ایکی ضد حیوان ارا سنده
 عداوت قالمیوب انصاف و حسن معامله ایله خوش حال اولسهلر کر کدر
 بروایتده حضرت عیسی قرق ییل و برروایتده بدی ییل دنیاده دورسه
 کر کدر مغربه و مشرقه حکم اینسه کر کدر هدی زمانده اصحاب کهف
 او یانوب مهدینک خد متنه اولملری روایتلرده مذکوردر و یومحمله
 کلام چوقدر تفصیلی بیوک کابلرده طلب اولنسون یا جوج و مأجوج
 بولنر بنی آدمدن ایکی نوعدر برنوعی کوچکدر و برنوعی بیوکدر شمدر یکی
 حالده ذوالقرنین حضرت نرینک یابدیغی سدک ااردنده اولورلر شول قدر
 چوقدر که سائر بنی آدمدن طفوزات زیاده اوله برروایتده شویله در که اقل
 مرتبه بریسنک اولادی یک اولور دنیانک خرابات محللرینه د کین وارسلر
 کر کدر فرات و دجله و طبریه صولر بنی ایچسهلر کر کدر و حضرت عیسی
 علیه السلام مؤمنلری الوب حق تعالی امریله صحیح مسلم روایتی اوزره
 طور طاغنه و امام ترمذی روایتده بیت مقدس طاغنه اشارت اولنمشدر
 اول طاغده مکث اینسهلر کر کدر یا جوج و مأجوج بتون دنیاده
 اولانلری قتل ایندک وارهلم کوکلرده اولانلری دخی قتل ایدلم دیو بیت
 مقدس طاغنه واروب کوکلره اوقلر آتسهلر کر کدر حق تعالی اوقلرینک
 اوچلر بنی قان ایلیوب بره دوشسه کر کدر اول وقتده حضرت عیسی ایله یله
 اولان مؤمنلره براو کوکوز باشی یوزالتوندن قیبتلو اولسه کر کدر عیسی

علیه السلام مؤمنرا یله بیله حق تعالی یه دعا ایدوب یا جوج و ما جوج
 بیولم رننه بر مرض جیغوب جله سی بر وقنده آخرته کئسه لر کر کدر
 حق تعالی دوه بوی نی کبی قوشلر کوندروب یا جوج و ما جوج ک
 لاشه لر بی الوب مأمور اولدقلری محله کوتوروب مؤمنلر طاعدن
 اشاعی اینوب انلرک اولقلری ویایلرینی و سائر آلاتلرینی یدی ییل مقداری
 اودون برینه یا قسه لر کر کدر حق تعالی بر مبارک یغور یا غدروب بتون
 بری یا یغوب قایغان طاش کبی پاک اولسه کر کدر و شول قدر برکات ظهور
 ایلنه کر کدر که بر زمان بر جاعنه بر بشور رانک سودی بر محله به کفایت
 ایلنه و یولک علامت لک بر یسی دخی دابة الارض کعبه مکرمه ده
صفالشدن چیغناسی کبی بو بر یولک حیواندر ابوهریره ر و اینله ایکی
بوی توری اراسی بر فرسخ راولور حضرت علی رضی الله عنه
 بیور مشلر در که اوج کون قدر جیغره خلق نظر ایده لر دخی هتوز اوج بلو کدن
 بر بلوکی چیغمش اوله هر دور لورنک انده بولنه و هر بر حیوانه مشاهبت بولنه
 شویله روایت اولندی که مؤمنلر بیت اللهی طواف ایدرکن بر عظیم زلزله
 اولوب مکة مکرمه قنبدیل کبی حرکت ایده همان صفایکی شق اولوب
 اندن چیغمه ده باشلیه موسی علیه السلامک عصاسی ایله سلیمان
 علیه السلامک مهری انده اولوب مؤمنک الله عصا ایله اوروب بر ریاض
 نور حاصل اولوب یوزنی بتون نور قایلنه یا فلان سن اهل جنتدن سن دبه
 و کافرک بورننه خاتمله اوروب بر سیاه نسته حاصل اولوب بتون یوزی
 قره و له یا فلان سن اهل جهنمدن سن دبه فصیح لسان ایله سوبلیوب قصد
 ایندیکنه ایریشه بتون دنیایی سیر ایدوب اهل جنتی و اهل جهنمی فرق
 ایلنه حق تعالی بیورر * و اذا وقع القول علیهم اخرجنا لهم دابة من الارض
 تکلمهم ان الناس كانوا بآياتنا لا یوقنون * بوایه کریمه دابة الارض
 حقننه در ایمان کتور مک لازمدر و علامت لر جو قدر بر یسی دخی
 کولک مغربدن طوغه سی کبی و دخی غیر یسی کبی بر کیجه سار کیجه لر دن

اوزون اولوب صباح یری مغرب جانبندن اغاروب کونش مغربدن طوغه
 خلق بونی کورد کده ایمان کتوره لر لکن فائده و یرمه ایمدی بونلردن
 غیره علامتلا وارد درخان ظهور ایتمسی و مغربده و مشرقده و جزیره
 عربده بعض محللایره کچمه سی و کعبه مکرمه بی اینجه بمحافل کسه لر
 یقماسی و قرآن صکریم رفع اولماسی کبی و حق تعالی بربارک روزگار
 کوندر و ب جله اهل ایمان آخرته کیدوب دنیا ده الله دیه جک کسه قالسه
 کر کدر همان کانی لر قالوب حیوانلر کبی در لو فساد لر و ظلم و طغیان ایلسه لر
 کر کدر انلره شرار ناس دینوز جله علامتلاک آخری بر آتشدنر که مسلم
 روایتنده حجازدن جبقلار و بر غیره روایتده عدن در یاسی دینندن چیقوب
 خلقی برارایه جمع ایسه کر کدر و بونلردن غیره علامتلا وارد در قانغیسی
 اول ظهور ایتماسی حقنده اختلاف وارد بر یسی ظهور ایند کده ساتری
 بر بری عقبجه ظهور ایسه کر کدر علامتلا ظاهر و تمام اولما دجه قیامت
 قویماز و شرار ناس اوزرینه قویسه کر کدر قیامت معلوم اوله که
 قیامتک زمانی فلان ییلده و فلان آیده دیو تعین اولماز انک علی حق تعالی به
 مفوضدرند کیم قرآن کریمده ذکر اوانور * یسئلونک عن الساعة قل انما
 علمها عند الله * و بر محله * الیه یرد علم الساعة * و بر محله * ان الله عنده
 علم الساعة * و الحاصل قیامتک علمی مولای متعالیه مخصوصدر بعض
 روایتلرده برجهه کونی قیامت قویسه کر کدر دیو وارد اولمشدر و حدیث
 شریفلرده ذکر اولمشدر که دنیاک عمری بدی ییک یلدر و پیغمبر یمن
 علیه السلام الی ییک ییلاک آخرنده مبعوث اولدی بوامت محمدیه نک مدتی
 ییک ییلی تجاویز ایدر لکن ییک بشیوز ییله و ارماز دیو امام سیوطی کشف
 نامنده رساله ده ذکر ایلدی و بالجمله قیامتک وقوعی و جله حشر اجسادک
 ثبوتی و عرصه محشرده خلائقک جزا لربنک حصولی اوزرینه جمیع انبیاء
 و مرسلین اجناح و اتفاق ایدوب مبعوث اولدقلری امتلرینه خبر ویر شلردر
 و جله کتب منزله احوال قیامتی و حشر اجسادی و جنت و جهنم

جسمانی اولدقلری پسان ایتشد و جیع اهل ملل بوتك اوزرینه
 اجماع و اتفاق ایتشد و عقل دخی و قوعنی فهم ایدرزیرا دنیاده نیجه
 حاصل و اوردرد که عمری رفاهیتله کچر عصبانك عقوبتی کورمز و نیجه
 صالح و اوردرد که عمری مشقت و زحمت و محنتله کچر طاعتك اجرینی و ثوابی
 کورمز ایمدی حکمت اقتضا ایدر که دنیادن غیریری بر محل اوله که آنده هر کس
 جزا سنی کوره پس بو طریقله ده عاقل استدلال ایدوب دیه که ودخی
 شهادت ایدر ری جمله حیوانلر یولك کرك کوچك قره ده ودر یاده نه قدر
 جانلو و ارایسه ملائکه و جن اولوب اصلا جانلو کسه قالماسه کر کدر
 برآیه کریمه ده * کل نفس ذائقة الموت * یعنی هر نفس اولوم آجستی
 طاقسه کر کدر دیمك اولور ایمدی حق تعالی یره برشدید زلزله و یروب نقدرد
 بنار و یوکسك نسنه و ارایسه ییقلوب طاغیر هواده قوش کبی اوچسه
 کر کدر و یری برینه هواده طوقشوب طوز کبی اولوب یره دوکسه کر کدر
 و برآیه کریمه ده * و تکون الجبال کاله من المنفوش * یعنی طاغیر حلاج
 یایی ایله آتیش رنکلی یولك کبی اولسه کر کدر و برآیه کریمه ده * و بست
 الجبال بسا * یعنی طاغیرا نیجه طوز اولوب * فکانت هباء منبثا * یعنی
 دنیا طاعیری طوز اولوب یر یوزینه طاعیرسه کر کدر و برآیه کریمه ده * و تری
 الجبال تحسبها جامدة و هی عمر مر السحاب * یعنی سن طاعیری کوروب
 یرلنده قرار ایدیمی ثابت صانور سن حال بوکه انلر بولوت کبی هواده کچر
 ز برابولک جسم یورید کده حرکت ایتز کبی کورینور و برآیه کریمه ده * یوم
 نسیر الجبال و ترا لارض بارزة * یعنی قیامت کوننده طاعیری مکانلریدن
 ازلله ایدره رزن نظر ایتد کده یری آشکاره کورر سن طاعیرك آلتنده یرلر
 آشکاره ظاهر اولور ویدی قات  و کلر زیتون یانگی کبی اربوب
 دوکسه کر کدر و برآیه کریمه ده * اذا السماء انفطرت * و برآیه کریمه ده
 اذا السماء انفطرت * یعنی ذکر ایت اول وقتی که کولک منشق اولسه کر کدر
 انشقاق و انفطار پاره لنتق معناسنه در و اذا الکواکب انتثرت * بلد زلز

پریشان اولوب بره دوکلور * واذ النجوم انکدرت * بومعنايه کلور و برآيه
 کریمه ده * فاذا انشفت السماء فکانب ورده کالدهان * یعنی کولک پاره لور
 کول کی قزاروب زیتون یاغی کی از یوب دوکله کرکدر معلوم اوله که
 حشر و لوح و قلم و جنت و جهنم و ارواح و انسانک قور و ق محلنده اولان
 کوکی و جتده اولان حورعین و غلمان مخلصین و صور بونلر اول زمانده
 فنا بولماسه کرکدر و دخی معلوم اوله که پیغمبرلر علیهم السلامک جسد
 شریفلری چوریمز بر حدیث شریفده * الانبیاء اخیاء فی قبورهم * یعنی
 پیغمبرلر قبرلرنده صاعدر و بعض اهل العلم عندنده شهداک جسدلری
 چوریمز و امام قرطبی ذکر ایتدی که بر مؤمن زیاده صبر ایدیچی اولوب آخرته
 سلک اوله انک جسدی چوریمز و بعضیلر دیدیلر که بر جسد که کلاه
 ایتمش اوله چوریمز و عالم عامل اولانلرک جسدلری چوریمز و حافظ قرآن
 اولانلرک جسدلری چوریمز و حسبه لله مؤذن اولانلرک و اهل ولایت
 اولانلرک جسدلری چوریمز دیمش لر و الله اعلم بالاضواب و الیه المرجع و المآب
 ابدی عالم خدایا اولوب بونظام تبدیل اولسه کرکدر بونک اوزرینه
 بر نیجه زمان کجده کد نصکره بر روایتده قرقیل وارد اولمشدر نه کیم
 امام فخر الدین بویله ذکر ایتدی ابن عباسدن رضی الله عنهما لکن عدد
 تعیین اولتماق اولی در ابدی بعث زمانی کلد کده کبر و حق تعالی یری بیوک
 و دوز بر میدان ایدوب بیاض کوش کی اولور بعض اهل العلم بیور دیلر که
 برک صفاتی تبدیل اولنوب طاعلزو یوکسک نسنه لر زائل اولوب بر بیوک
 میدان اولور و قتاده رضی الله عنه روایتده کوره یدی فات کوکلر قزل
 التون کی اولور و الحاصل حق تعالی یری و کوکی دیلدیکی کی دوزلدوب
 جله اولنلری دیرلنسه کرکدر و برآیه کریمه ده * ثم اذا دعا کم دعوة
 من الارض اذا تم تحرجون * یعنی ای قوللر حق تعالی سزلی بر کره بر دن
 دعوت ایتدیکی زمانده تا کاه سزلی بر دن طشره چیقار سزلیمکدر و برآیه
 کریمه ده * ان الله یبعث من فی القبور * یعنی تحقیق حق تعالی قبورده

اولنری دبرلسه کرکدر برآیه کریمده * یوم تشفی الارض عنهم سراعاً
 ذلک حشر علینا سیر * ودخی حشر حقنیده چوق ایات کرام واحادیث
 صحیحجه وار در اوین و آخرین کوجک و یوک قره ده ودریاده حیوانلر
 یا جوج و ما جوج جن و شیاطین ویدی قات کوکلرده اولان ملائکه و جله
 عرش و غیر یلر جله سی اول میدان کلسه لر کرکدر جله ناس چلاق
 و یالین ایاق و باشی قیق قیبرلر دن قوپسه کرکدر هر کس دنیاده کی قامتی
 و صورتی اوزره یردن چیقسه کرکدر بجه دن اول پیغمبر بمن محمد
 علیه السلام قبرش یفتدن قالقسه کرکدر بعده سائر پیغمبرلر بعده
 مدینه ده اولانلر بعده مکده اولانلر صکره سائر یرلده اولانلر قالقسه لر
 کرکدر آخرتی انکار ایدن کافرلر متحیر اولوب بزلری قیبرلر بمن قالد یروب
 بعث ایدن کیمدر دید کلرنده شویله جواب و یریلور که شو یوم البعث
 حق تعالینک وعد ایتدیکی روز قیامتدر و بر سائر خبر و یروب صدق لری
 ظهور ایتدیکی یوم الجزا در یوروز جزا شویله هیتلوشدید کوندر که جله
 کوک اهلی و یراهلی اندن خشیت و حذر اوزره در واک شدت و هیئت
 دلالت ایدر نیجه اسملر ایلر تسمیه اولنمشدر یوم القیمه یوم الواقعة یوم الرجفة
 یوم الرادفة یوم الغاشية یوم الزلزلة یوم العاصفة یوم الآزفة یوم الحاقدة
 یوم الطامة یوم الصاخة یوم التلاق یوم الفراق یوم الميثاق یوم القصاص
 یوم التناد یوم الاشهاد یوم المعاد یوم المرصاد یوم السؤال یوم الحساب
 یوم العذاب یوم الفرار یوم القضاء یوم الجزا یوم البكاء یوم البلاء یوم الحشر
 یوم النشر یوم الجمع یوم البعث یوم العرض یوم الخلق یوم الوزن یوم الحکم
 یوم الفصل یوم عقیق یوم عظیم یوم عبوس یوم التغابن یوم قطر یر
 یوم المصیر یوم الدین یوم البقیع القارعة الحاقدة یوم النبا العظیم
 یوم الغضب یوم الرحة یوم المغفرة یوم الوعد و دخی یولردن غیر
 اسملری واردر هر بریسی اول کونده ظهور ایدجک احواله دلالت ایدر
 حق تعالی اول زمانده مقرب قوللرینه اکرام ایتسه کرکدر پیغمبر لره

واولیای وعلایه وصالیه جنتدن حله لرو بر قار کلوب کینوب وینوب عرش
 کولکه سنده او تور سه لکر کدر امام ترندی اخراج ایدر ابوهریره
 رضی الله عنه روایتله پیغمبر میز علیه السلام شویله بیوردیکه روز قیامتده
 انسان اوج صنف حشر اولنور بر صنفی اناغیله یورر بر صنفی را کبلردر
 و بر صنفی یوزی اوزرینه یورر حضرت علی رضی الله عنه دن روایت
 اولندیکه بیورمشد که حق تعالی یه عین ایدر مکه تحقیق مقبلر
 قبلزدن قالدقاری ساعته انلره بتاض ناقه لرو بنکر کتور یلور واول
 بنکرک وناقه لک قنادری وارد و التوندن اکدری وارد یور وایمی امام
 فخرالدین نقل ایتدی حق تعالی نیک * یوم نحشر المتقین الی الرحمن و قدا
 آیه کریمه سی تفسیرنده یعنی روز قیامتده مقبلری رجائک حضور
 معنوسنده را کب اولدقاری حالده حشر ایدر زعلای کرام شویله بیان
 ایتدیلر که اهل تقوی و اهل زهد اولانلر بونقل اولنان کیفیت اوزره حشر
 اولنور ننه کیم حضرت علی دن نقل اولندی اما شول مؤنلر که اعمال
 صالحه بی قلیل و عصبانی و ظلمی کثیر ایتدیلر انلر پلده یور و یوب محشره
 اولیه کلسه لکر کدر اما کافر یوزلری اوزرینه سورینوب حشر اولنور
 ننه کیم حق تعالی یورر * و نحشر هم یوم القیمه علی وجوههم عیا و صما و نکما
 یعنی کافرلری روز قیامتده یوزلری اوزرینه حشر و جمع ایدر رز کورل
 و صاغرلر و دلسزلر اولدقاری حانده بخاری و مسلم حدیثلرندن بر حدیث
 شریفده ابوهریره رضی الله عنه روایتله واقع اولدیکه بدی طائفه یه
 حق تعالی عرش کولکه سنده اکرام ایتسه کر کدر بر یسی عادل پادشاهلر
 و بر یسی کینکلر کونده عبادت ایدر رک حاصل اولانلر و بر یسی مسجدلرده
 جماعتله نماز قیلنلر و قبلری مسجدلر کتمکه مر بوط اولوب وقتی کوزه در
 اولانلر و بر یسی حق تعالی رضا سیمون بر برلینه محبت ایدوب اول حالده
 افتراق ایدنلر و بر یسی بر حسن و جمال صاحبه سی عورت کندی نفسنه
 دعوت ایتدکه حق تعالی دن قور قوب فاحشه دن اجتناب ایدنلر

و بریسی صاغ الیه فقرایه صدقه و برد کده صول الی بطنه یعنی ریادن
 و امتناندن زیاده سیله حذر ایدنلر و بریسی تنهالزنده حق تعالی بی ذکر
 ایتد کده قورقوب بکا ایدنلر و بونلردن غیری اهل صلاح و اصحاب خیر
 مؤمنلر واردر که عرش اعلی کولکه سنده راحت و ذوق ایتسه لر کر کدر
 امام مسلم اخراج ایتدی عبدالله بن عمر رضی الله عنهما روایتله رسول
 کائنات صلی الله علیه و سلم بیوردیار که دنیا ده عدالت ایدنلر روز
 قیامتده عرش الرحمن کولکه سنده نوردن منبرلر اوزرنده اولسه کر کدر
 انلر حکم لرنده و اهل لرنده و سائر حکمی آلتنده اولانلر عدالت ایدنلر در
 ودخی اهل سعادت حقنده ابن عباس رضی الله عنهما دن مرویدر که
 انلر ناقه لر کتور یلور اوزرنده آتوندن اگر لر وزیر چندن زما ملری
 واردر انلرک اوزرنه بنزل و حضرت علی دن رضی الله عنه منقولدر که انلر
 یایان حشر اولنمازلر بلکه ناقه لر اگر لر آتون و یا قوت اگر لر نکلر اوزرنده
 حشر اولنور لر مراد ایدلر ایتسه یورر و مراد ایدلر ایتسه اوچار وانلردن
 ماعدا کبیر و قلان خلایق آج و صوبسز و عریان باقی اوزره صفتی خوب
 برار ایه جمع اولوب درسه لر کر کدر روایتلرده ثابت اولدیکه * آدم و منی دونه
 تحت لوانی * یعنی آدم پیغمبر و اتدن غیری نه قدر پیغمبر نوح و ابراهیم
 و اسمعیل و اسحق و موسی و عیسی و غیر یلر و سائر ناس حضرت خورشید
 اسمان رسالت و بدر عالم نبوت و سیادت مغیر انبیا و مرسلین و مجتاهدین
 و مذهبین صلوات الله و سلامه علیه و علی اله و اصحابه اجمعین حضرتلر بنک
 لواء الحمدی سایه سنده حشر و جمع اولسه لر کر کدر و بعض روایتلرده
 وارد اولدیکه بواست اسلامیه بنک ایدست اصابت ایدن اعضا یی بیاض
 و منور اولوب و بالغ اولمادن اول اخرته کیدن اولاد لر اوکارنده حشر
 اولسه لر کر کدر و دخی صحیح مسلم حدیثلرندن حضرت عایشه ام المؤمنین
 رضی الله عنها روایتله ثابت اولدیکه رسول ثقلین صلی الله علیه و سلم
 بیوردیکه روز قیامتده ناس یالین باقی و جیلاق امام ماری شریحه کوره

ختاسنر یعنی سنسز حشر اولور حضرت صدیقه رضی الله عنهما سؤال
 ایدوب یار رسول الله رجال ونسوان جمله سی حبلا قیدر حضرت کان رسالت
 وسند اهل سیادت علیه افضل الصلوة والخبیه جواب مستطاب بیوروب
 یا عایشه اول زمانده اضطراب احوال اشد اولوب ناس بر برینه نظار اتمکه
 مجاللری واقدارلری اولساز ایمدی بوشدت واضطراب اتمحق غریق
 عصبان اولان زمره کفار وفساقه اولور عرش اعلا سایه سنده اولان
 پیغمبر لر وصدیق لر و شهید لر و صالح لر و سائر بونلره ملحق اولانلره مزده لر
 و بشارت لر اولوب * یا عباد لا خوف علیکم الیوم ولا انتم تحزنون * خطاب
 کرم انجامله مخاطب اولسه کر کدر دیمکدر که ای رختمه مظهر اولان
 قولرم بونده سزله قورقو ویره جک عذاب یوقدر وسزک مطلوب بکر
 حاصل اولمازی دیو محزون اولیه سز زرا خوفدن امان و مطلوبه واصل
 اولسه کر کدر نته کیم * ادخلوا الجنة انتم وازواجکم تحبرون * بو کلام
 جلیل الشانک مضمونجه انلره دینور که ای غریق دریای رحمت اولان
 قولر سز لر وازواج کر خشت عالیه به مسرور داخل اولیکز دیمک اولور
 و برآیه کریمده * الاخلاء یومئذ بعضهم لبعض عدو الا المتقین * واقعدو
 خفای اطمینی بودر که دنیاده دوست اولوب بر برینه محبت ایدنلر وز قیامتده
 بری برینه دشمن اولور اهل تقوی دن غیری زرا آخرتده دوسلفلری دخی
 زیاده اولسه کر کدر و برآیه کریمده * فمن اتقى واصلح فلا خوف علیهم
 ولا هم يحزنون * واقعدو یعنی کیمکه تقوی ایدوب اعمالی اصلاح ایده انلر
 اوزرینه خوف یوقدر وانلر محزون اولساز لر ایمدی معلوم اوله که امام
 بخارینک اخراج ایلدیکی حدیث شریفک حاصلیکه اهل محشره عرصه
 عرصه شدت وثقلت حاصل اولدقده کندیلره بر شفع طلب ایده لر آدم
 ونوح و ابراهیم وموسی وعیسی علیهم السلام حضر تلرینه کلوب شفاعت
 ایستد کلرنده بو پیغمبر لر دخی نفسی نفسی نفسی دیوب بونموا ل اوزره
 جواب وروب بونلر د نصکر آخر زمان پیغمبری محمد علیه الصلوة والسلامه

کلوب شفاعت طلب ایدر ل پیغمبر عز علیه السلام دخی فصل قضای
 تعجیل ایچون شفاعت کبری ایده جکدر بوروایت ثابتدر لکن بو پیغمبر لک
 نفسی نفسی دیمه لی حاشا کندیلره بر عذاب قورقوسی یاخود محشر
 شدقی اولدیغیچون دکلدر زپرا یوقاریده ذکر اولنان آیه کریمه ده اهل
 تقوی اولانلره آخرتده خوف حزن اولما یوب انلره امن و راحت و بشارت
 و کرم و نعمت و اصل اولور پیغمبر لایسه جله دن زیاده حق تعالی نیک
 مقبوللری و مقرر بلر یدر نعمتک و رحمتک اولوسی انلره و اصل اولسه
~~کرکدر~~ و بر آیه کریمه ده شویله درکه * ان الذین قالوا ربنا الله
 ثم استقاموا * تحقیق شول قوللرکه اعتقاد ایدوب بزم ربمزالله در دیدیلر
 و عمر لری تمام اولنجیه دکن ایمان اوزره استقامت ایتدیلر * تنزل علیهم
 الملائکه الاتخافوا و لا تحزنوا و ابشروا بالجنة الی کتم توعدون * انلره
 ملائکه نزول ایدوب مزده ایدلرکه سزل خوف ایتمکز و محزون اولمکز و وعد
 اولندیقکز جنة کیرمکله فرج ایدیکز امام و کعب رجه الله تعالی شویله
 یوردیکه بو بشارت اوج محله اولور بریسی موت زماننده یعنی مؤمنلره
 اولوم کلدکده و بریسی قبره واردقده و بریسی قبردن قالقدقه بونک کی
 بشارت لور دیدی ایمدی بو محله دخی تفصیل چوقدر یولک کابلرده
 مسطور در و الحاصل میدان عرضانده مشقده اولان اهل کفر و اهل
 فسق حاللری مشد اووب کونش باشلرینه بر میل قدر یقین کلوب
 هر کس کاهمی قدر در لسه لکرکدر کیمی دیزنه دیکیمی یوفازنه دیکیمی
 دپه سنه دکر ایچینه باتسه کرکدر و در لری یتش ارشون ر ایچینه کچسه
 کرکدر نیچه روایات صحیحده ثابت اولدیکه کونش بر میل قدر یقین کلور
 سلیم بن عامر شویله یوردیکه نلم که میلدان مراد برمه افه معهوده اوله یاخود
 سورمه دانلق میلی قدر یقین اوله کیمی طو بوغنه دکن و کیمی دیزینه دکن
 و کیمی اغزینه و کیمی قولاغنه دکن و کیمی در ایچنده غائب اولسه کرکدر
 الی بیک یول بو حال اوزره اولسه کرکدر بر آیه کریمه ده * تعرج الملائکه

والروح

والروح اليه في يوم كان مقداره خمسين الف سنة * واقع اولشدر محشر
 زمانی الی بیک پیل و آخرتک برکونی دنیاتک بیک پیلی قدر او اور بعض
 روایت کرده کلدیکه حق تعالی قوللر و برده صاغه حق قدر زمانده حساب
 ایتسه کر کدر ابن عطیه شویله نقل ایتدیکه حضرت علی ابن ابی طالب
 رضی الله عنه دن سؤال اولندیکه جله اهل محشره بروقتده نیجه حساب
 اولنور جوابنده شویله بیور دیکه حق تعالی جله خلقه برکونده رزق
 و پردیکی کبی کنلک بر زمانده جله به حساب ایدر حق تعالی هر نسنه به
 قادر در دنیاده ملکرک یازدیغی کابلی انده ویرسه لکر کدر روایتلرده
 شویله در که سؤالدن و حسابدن عفو اولنیا کسه له درت نسنه دن
 بر روایتده بش نسنه دن سؤال اولنور بریسی عمرندن نه نسنه به صرف و افنا
 ابتد بریسی جوانلق حالتدن قانغی عمله صرف ایتدی بریسی دخی مالندن
 نه وجهله کسب ایتدی و نه نسنه حقنده صرف و انفاق ایتدی و بریسی
 علمی ايله عمل ایتدکی دیو سؤال اولنسه کر کدر و دخی حق تعالی کنک
 و اذا الصحف نشرت * و دخی * و کل انسان الزمانه طاره فی عنقه و نخرج له
 يوم القيمة کتابا یلقاه منشورا اقرأ کتابک کنی بنفسک اليوم علیک حسبا
 و دخی * و وضع الکتاب * کبی آیه کریمه لده اهل تفسیر رحهم الله تعالی
 شویله بیان بیور دیلر که قوللرک دفتر اعماللری آخرتده انلره و بریلوب
 حسنلت و سیئاتلری اوزر بنه حساب اولنسه لکر کدر مطیعانه بوندن
 مراد مؤمنلر در زیر انلره کابلی صاغندن و بریلوب شاد و مسرور
 اولسه لکر کدر نته کیم برآیه کریمه ده * فاما من اوتی کتابه بیمنه فبقول
 هاؤم اقرؤا کتابیه * واقعدر دیمکدر که شول قوللر که صاغندن کابی
 و بریله سرورندن یاننده اولانلره بنم کابجی آلت اوقبولک دیه و برآیه کریمه ده
 و اما من اوتی کتابه بیمنه فسوف یحاسب بحساب سیرا و یقلب الی اهله
 مسرورا * واقعدر دیمکدر که شول قوللر که کابی صاغندن و بریله آسان
 حساب ايله حساب اولنور و اهله مسرورا رجوع ایتسه کر کدر و کافرله

صولندن و یا خود ارقاسی اردندن و پرسه کرکدر نته کیم برآیه کریمه ده
 و اما من اونی کتابه بشماله * و برآیه کریمه ده * و اما من اونی کتابه و راه
 ظهره فسوف یدعو ثورا و یصلی سعیرا * و اقعدر دیمکدر که شول
 کسه رکه کابری صولندن و ارقه سی اردندن و یریله شدید حساب ایله
 حساب اولنوب سعیره داخل اولسه کرکدر و وجهه خلقه حق تعالی
 واسطه سز سؤال اینسه کرکدر و دخی حق تعالی عدالت ایله حکم
 ایدوب مظلومک حقنی کرک ماله متعلق کرک عرضه متعلق کرک بدنه
 متعلق نه مقدار حق و ارایسه بهتان و غیبت و ضرب ایتمک و مالی بغیر حق
 آلتی و بغیر حق قتل ایتمک و غیر کی حقاری ظالمدن البورسه کرکدر
 اکر دنیاده حلاللشمدی ایسه اکر ظالمک خیر عملی و ارایسه حق قدر
 آلوب مظلومه و برسه کرکدر و اکر بوغبسه مظلومک کاهنی حق قدر
 آلوب ظالمه بوکلنسه کرکدر مظلومک حق مال اولغسه مخصوص
 دکلدر مثلاً قتل و ضرب و شتم و استهزاء و اجرت سز خدمت ایتدرمک
 کیلره حق تعلق ایدر دنیاده بر وجهه حلاللشمدی ایسه آخرتده حق
 صاحبی طلب اینسه کرکدر باخصوص حق صاحبی حیوان یا خود
 کافر اولور ایسه حل مشکدر زیر حیوانه ثواب و یرلر و کافره ثواب و یرلر
 و کاهنی مؤمنه و یرلر بوا یکبسندن حذر زیاده اولمالیدر دیمشلمیران
 خیرلر و شرلر انکله وزن اولنوب مقدار لری معلوم اولنه حق نسنه در
 معتزله طائفه سی میران انجیق عدالتدن عبارتدر دید کلری باطلدر حق
 بودر که میران محشرده قوریلور بعض روایتلرده شویله در که جبریل
 علیه السلام عملاری میران ایله طارنسه کرکدر میراث کیفتنی حق تعالی
 ییلور بعض قولده هر بر مکلف ایچون بر میران وارد و بعض قولده دنیا
 میرانی کیدر بعض علماء کرام شویله بیوردیلر که دفتر اعمال وزن اولنور
 و بعض اهل معرفت بیوردیلر که اعمال صالحه کوزل نورانی صورتلر اولوب
 و اعمال سبته قره و خبیث صورتلر اولوب وزن اولنور برآیه کریمه ده

حق تعالی بیوردی * والوزن یومئذ الحق فن ثقلت موازینہ فاولئك هم المفلحون * ومن خفت موازینہ فاولئك الذين خسرو انفسهم بما كانوا بآياتنا يطمنون * یعنی قیامتہ وزن حق در هر کیملر که حسنائی آغراوله انلر فلاح بولوب سعادته نائل اولورلر بونلر مقبوللر و مقر بلره اصحاب یمن اولان مؤمنلر در و هر کیملر که سبتائی آغراولوب حسنائی خفیف اوله یا خود هیچ اولمایه انلر کند و نفسلرینه خسرا ن ایدنلر در زم آیات عظامی انکار ایتمک سیبیلده دیمکدر بونلر اصحاب الشمال اولان کافرلر در ودخی بز لازم اولان شویله اعتقاد ایتمکدر که محشر برنده تراز و قورولوب خیبرل و شرلر چکلسه کرکدر خیر زی آغرا اولانلر شرلری یوغیسه یا خود عفوایله و یا شفاعت ایله محو اولدیسه جتنه داخل اولسه کرکدر نته کیم برآیه کریمه ده * فن ثقلت موازینہ فهو فی عیشة راضیة * یعنی کیمکه حسنائی آغرا اولسه راضی اولدیغی معبشتده اولسه کرکدر یعنی سعادته نائل اولور دیمکدر و شرلری آغرا اولانلر جهنمه کیرسه کرکدر الاممکم الله تعالی مغفرت ایده کاهلر بی محو ایدوب مقابله سنده عذاب ایتمسه و یا شفاعت ایریشه اول کاهلرک خلاصلری ایچون حق تعالیدن رجا اولتوب عذابدن نجات بوله لر اول رجا دخی پیغمبرلر دن یا اولیادن و علمادن شهیدلر و سائر صالحلر دخی شفاعت اینسه لر کرکدر اگر اول کاهلرک آخرته ایمانله کتدی اینسه اکا مغفرت و شفاعت ایرشمک جائزدر محشرده کی اشفاعتی معتزله انکار ایدوب شفاعت انحق جتنده رفعت درجه ایچون اولور دیدیلر اهل سنت نصرهم الله تعالی شویله بیان ابتدیلر که میدان عرصاتده اهل ایمانک کاهلرک لری ایچون شفاعت اواسه کرکدر و جتنده دخی رفعت درجه ایچون اواسه کرکدر جمله دن اول پیغمبرلر صکره شهدا شفاعت اینسه لر کرکدر ودخی سائر صالحلر و متقیلر و قرآن کریم تجوید ایله اوقیانلره شفاعت اینسه کرکدر قرآن کریمک حقنه رعایت ایمانوب تجوید سزلحن و خطایله تلاوت ایدنلر دن شکوی اینسه کرکدر و صبیان

اناسنه و باباسنه شفاعت ايلسه لکر کدر حتی دوشوکه اولانلری دخی اناسنه
 و باباسنه شفاعت ايلسه لکر کدر و دخی معلوم اولسونکه جله دن اول
 پیغمبر عز علیه السلام شفاعت ايلسه لکر کدر نته کیم * وانا اول شافع واول
 مشفع * یعنی روز قیامتده بن جله شفاعت ایدیمچیلردن اول شفاعت
 ایلوب و جله شفاعتلردن اول بنم شفاعتم مقبول اولسه لکر کدر دیو
 بیور مشدر و دخی پیغمبر یمرک شفاعتی بر قاج بلو کدر اولکی جیع اهل
 محشر دن شدتی دفع و فصل خصوصتی تعجیل ایچوندر بوکا شفاعت کبری
 و مقام محمود دینود که پیغمبر عز علیه الصلوة والسلامه مخصوص صدر ایکنجی
 بر طائفه بی بغیر حساب جنته ادخال ایچوندر نته کیم صحیح ر وایتلرده
 شویله در بنم احمدن یتش بیک کسه بغیر حساب جنته کیرسه لکر کدر
 امام احمد حضرت ابو بکر الصدیق رضی الله عنه دن اخراج ایتدیکه
 بو یتش بیکدن هر بیکسه یاننده یتش بیک کسه دخی اولسه لکر کدر بونلرک
 یوز لری لیلته بدرده آی ضیا و پردیکی کبی منور اولسه لکر کدر او جنجی
 بر طائفه یه حساب اولنوب جهنمه مستحق اولدقدنصرکه عفو اولنوب
 جنته ادخال ایچوندر در دنجی جهنمه کیرمش مؤمنلری چیقارمق ایچوندر
 بشنجی جنته مؤمنلر کیرد کدنصرکه درجه لری اشانی اولانلری درجه لری
 یوکسک و عالی اولق ایچوندر التبی ابوطالبک عذابنی تخفیف ایچوندر
 زرا نیچه حدیث شریفلرده وارد که ابوطالبی آتشک شدید برندن
 چیقاروب خفیف یرینه قودرسه لکر کدر لکن فخر کاشات علیه الصلوة
 والسلامک اناسی و باباسی حقنده سکوت مناسب اولدیغی کبی ابوطالب
 حقنده دخی سکوت مناسبدر دیمشراحبا و لفق روایتی بونلرک حقلرنده
 منقولدر دنجی اهل مدینه ایچوندر و اهل مکه ایچون و اهل طائف ایچون
 و بر شفاعت دخی قبر شریفلرینی زیارت ایدنلر ایچون و بر شفاعت دخی
 مؤذنلره اجابت ایدنلر ایچوندر دیمشرا لکن صواب بودر که شفاعتک
 اقسامی منحصرا و لمقدر زرا ر وایتلرده ثابت اولدیکه رسول کاشات

صلی الله علیه وسلم پیور دیکه یرده اولان شجر و مدر عددندن چوق عدد
 کسه ره قیامتده شفاعت ایتکی مأمول ایده زم دیو پیور مشلردن و دخی
 حق تعالی قیامتده یوز قات رحمت ایله اهل ایمان قوللرینه رحمت ایتسه
 کر کدر اکر آخرته ایمان سر کندی ایسه نعوذ بالله تعالی من ذلك
و کلاصلا مغفرت و شفاعت اولماز و هیچ داخل اولدیغی جهنمدن
چیقماز جله کافر لر بویله درزیرا حق تعالی کفری یار لغز آندن ماعدا
 کاهلری دبلدیکی مؤمنلردن یار لغزار و اکر آخرته ایمانله کیدوب
 کاهی میرانده آخر کلوب حق تعالی دن مغفرت و شفاعتلردن
بر شفاعت ایرشمدی ایسه جهنمده اوست طبقه ده کناهی مقداری
 یانوب صکره باذن الله تعالی چیقوب چنته کیرسه کر کدر امام شیوطی
 کشف نامه رساله سنده نقل ایتدی حکیم ترمذینک نوادر اصول کاتبنده که
 ابوهریره رضی الله عنه روایتله رسول کائنات صلی الله علیه وسلم پیور دیکه
 شفاعت انجق قیامتده امتدن کباری ارتکاب ایدوب توبه سر کبار
 اوزرینه آخرته کیدنلر ایچوندن اهل کبار اولان جهنمده اولکی قبوده
 اولور لائلک یوزلری قره اولماز و کوزلری کولک اولماز و بوقاغوا یله باغلو
 اولمازلر و شیطانلر ایله بغلنلر و قامچی ایله ضرب اولنلر و جهنمده اولان
 در که ره طرح اولنلر انلردن یکسی بر ساعت مکث ایدوب چیقار و یکسی
 برای مکث ایدر چیقار و یکسی بر ییل مکث ایدر چیقار جله دن زیاده مکث
 ایدن دنیا خلق اولنوب فنا اولدیغی مدت قدر مکث ایدر چیقار اول مدت
 بدی ییل ییلدر دیو پیوردی ایمدی دنیا حسایله بدی یک ایدر آخرت
 حسایله بدی کون ایدر و اولکی قابو دیمک اولکی طبقه دیمکدر و دخی امام
 مسلم اخراج ایتدی ابو سعید الخدری رضی الله عنه دن رسول الله
 صلی الله علیه وسلم شویله پیور دی که اما اهل النار اولانلر که انلر نارک
 اهلبدر انلر اولمازلر و بر فائده لی حیاة ایله حیاة بولمازلر لکن مؤمنلرک
 عاصیلرندن بر طاقه کاهلری سیبیله آتش اصابت ایدر حق تعالی انلره

موت و بر تا کیم انرا آتشده کومر کی اولدقده حق تعالی شفاعته اذن
و یروب انرا آتشدن جماعت جماعت کتور یلوب جنت ایر مقاری
اوزرینه قونوب صکره اهل جنته ندا اولتور که ای اهل جنت بونلرک
اوزرینه صواقیدیکر فی الحال سنبله ده جبه حاصل اولور کی انلرک وجودلری
تازه ات و دری ایله حاصل اولور ایمدی حق تعالی انلره موت و یر
قولنده علما نیجه دورلوو جه یسان ایندیلمر بریسی بودر که فی الحقیقه
حق تعالی انلرک روحلری قبض ایدر آتشک عذابنی دویماسونلر دیو و انلر
اوست طبقه ده محبوس قالور لر زندانده محبوس اولان کسه لر کی ایکنجی
بودر که حق تعالی انلردن شعوری وحسی سلب ایدر انلره لطف ایچون
و ایمان شرفی اظهار ایچون اوچنچی انلره بر اویقو عارض اولور
و بر حدیث شریفده دخی وارد اولدیکه حق تعالی اهل توحید دن
بر طاقه بی جهنمه ادخال ایتدکده انلره موت و یرر صکره چیققلری
ساعتده عذابک المنی انلره دیورر دیو بیان اولندی ایمدی اهل سنت
شویله اجاع ایندیلمر که مؤمنلرک عاصیلرندن بر طاقه یه اول وهله دن
مغفرت و شفاعت اولما یوب جهنمک اوست طبقه سنده کاهدن تطهیر
ایچون مکث اولسه لر کر کدر صکره چیقان یدی یک ییل مکث ایدر
ذره قدر ایمان ایله اخرته کیدن البته جهنمدن چیقسه کر کدر و جنته کیرسه
کر کدر یدی یک ییلدن زباده جهنمه مکث ایدر بر عاصی بو قدر بو یلجه
اعتقاد ایلک و اجدر ذره قدر ایمان دیمک غایته ایمان اجمالیدن کتایه اوله
یا خود هیچ عمل صالح ایمان کسه نک ایمانندن کتایه اوله مثلاً بر کسه اسلامی
قبول ایلسه و بر خیر عمل ایتمدن اجل کلوب اخرته کیتسه نک ایمانی سائر
اعمال صالحه ایلین مؤمنلرک ایمانی یاننده کویا ذره قدر اوله صراط
اهل سنت مذهبنده صراط فی الحقیقه جهنم اوزرینه جنته دوغرو
بر کو بریدر معتزله طاقه سی نونی انکار ایندیلمر و بدیلر که بومکن دکدر
واکر ممکن اولسه بویله اینجه نسنه ن مرور ایمک عذابدر صالحلره خصوصاً

پیغمبرزه اذیت و الم حاصل اولور بویله اولیحق بوصراط جنت و جهنم
 طریقلریدر دیدیلر و بعضیلر دیدیلر که صراط ظاهر و باهر دلبلدن
 عبارتدر و بعضیلر عبادت و استقامتدن کایه در دیدیلر و بعضیلر شول
 کاهلرذن عبارتدر که کشتی اندن سوال اولنور و حوق سوال و حساب
 اولنق اندن مرور ایتک کییدر دیدیلر اهل سنت رحیم الله تعالی شویله
 جواب و یردیله که بوصراط نمکندر و اندن مرور ایتک دخی نمکندر عالم
 دنیاده مشاهده اولنور که هواده قوشلر هیچ برنسنه یه طیانمادن اوجوب
 ایستدکلی جانبه کیدر و هواده جسم بولونلر یوریدیکی مشاهده اولنوب
 برکسه نك انکار ایتککه محالی یوقدر کذلک حق تعالی قادر در که بویله
 قیلدن اینجه و قیلدن کسکین صراطدن قوللری کپوره باخصوص
 نیچه احادیث صحیحه ایله بیان اولنوب کبار صحابه رضوان الله علیهم اجمعین
 وقوعنه اتفاق ایتشلر در بویله شرع شریفده وقوعی ثابت و اوزرینه
 صحابه کرام اتفاق ایتدکلی نسنه لری انکار و تأویل ایتک دین اسلامی
 و شرع حق استخفاف ایدوب و لعب ایلکندر نعوذ بالله تعالی و فی الحقیقه
 صاحب شریعتی تکذیب ایلکندر ابعدی اهل سنت علماسی رحیم الله
 تعالینک * و ان منکم الا واردها * نظم کریمنی صراط اوزرینه و غرامق
 ایله تفسیر ایتدیله و دخی نیچه حدیث شریفده صراط کور بربسی که
 ادق من الشعر * یعنی قیلدن اینجه * واحد من السیف * یعنی قیلدن
 کسکندر * یضرب علی جهنم * یعنی جهنمک اوزرینه قورلسه کر کدر
 دیو بیان اولمشدر امام مسلم روایتله شویله در که جمله دن اول بن و بن
 اتم کچه کر کدر و صراط اوزرندن کچر ایکز برکسه برسوز سوبیله من
 پیغمبر لدن غیری انلر دخی اللهم سلم سلم دیسه لر کر کدر دیمکدر که یارب
 سلامت احسان ایله امتلریمزه سلامت و یردیمکدر و الحاصل جمله خلق
 مکلفلر انک اوزرندن کچه لر کر کدر کیمی طرفه العین یعنی کوز آجوب
 یومه حق قدر زمانده کچر * و کالبرق الخاطف * یعنی کیمی یلدرم کچی کچر

و کیمی روز کار کبی و کیمی قوش کبی و کجواد الخیل یعنی و کیمی سکر در
 آن کبی و کیمی بوزرات کبی و کیمی امکلو و امکلو و ارفاسنده کاهنی بو کلشمش
 و کیمی دوشوب جهنمه کیرسه کر کدر امام مجاهد و امام ضحاک شویله
 بنان ابتدیلر که صراطک اوزنلغی اوج بیک یلق یولدر بیک ییل اشاعی
 و بیک ییل یوقارو و بیک ییل دوزدر و بعضی علما یوردیلر که جهنم خلق
 اولندیغی زمانده صراط خلق اولندی و بعضیلر و قیامتده خلق اولنور
 دیدیلر وایتلرده شویله در که کافر لک ایاقلری صراط اوزرنده طیانمایوب
 جهنم ایچینه دوشسه ل کر کدر اما منافق لرم مقدار مؤمنلر ایله کیدوب
 حق تعالی انلره بر ظلمات و یروب مؤمنلر لک اوکلرنده و صاغ جانب لرنده
 اولان نور لرنیک ضیالرندن کندولره آیدنلق اولسون دیو مؤمنلره ندا
 ایدوب دیلر که ای مؤمنلر بزه انتظار ایدوب مکث ایدیکز سز لک نور بکزدن
 نور اخذ ایده لم پس مؤمنلر دیلر که بزبونور لری دنبادن الوب کتوزدک
 سز لدخی کیرو دنیا به رجوع ایدیکز و نور طلب ایدیکز دیلر بو ائانده
 حق تعالی مؤمنلر ایله منافق لرا راستنده بر دیوار چکر که ایچ طرفی جنت
 و طشرسی جهنم اولور منافق لر طشره طرفده قالوب ایاقلری طیانمایوب
 اسفل سافلینه دوشسه کر کدر اعیاذ بالله تعالی حوض روایت مشهوره لرده
 میران اولدر صراط صکره در و حوض لرم صراطدن مقدم اولق اقتضا
 ایدر ایدی و دخی هر بر پیغمبرک میدان حشرده بر حوضی وارد صالح
 پیغمبرک ناقه سی میدان عرصاتده ائک حوضی اولور بعضیلر عینده
 و بعضیلر حوضی ناقه دن بشقه در دیمش لر جسته کیرمدن اول هر بر ییسی
 امتیله اندن ایچسه ل کر کدر بزم پیغمبریم لک حوضی جیبسندن بیو کدر
 زیر امتی سائر لرندن چوقدر هر پیغمبرک حوض بتک بیو کلکی امتیه
 کوره در بعض حدیث شریف لرده * حوضی مسیره شهر و زیاده سواء
 واقع اولمشدر یعنی بر جانندن بر جاننده بر ایلق یولدر و سائر جانب لرنی
 بونوال اوزره در * و آیه الحوض اکثر من نجوم السماء * یعنی کارنده

باردقلری کونکه کی یلذر دن چوقدر * فن شرب منه لا یظلم بعده
 ایدا * یعنی اندن برکزه ایچن ارتق صوصاماز معذب اولور ایسه اکا
 صوصامعلق عارض اولماز یاخود عذابدن خلاص اولانلر ایچر * ماؤه
 احلی من العسل * یعنی صوی بالدن طاتلودر * واشد بیاضا من اللبن
 یعنی سود دن اقدر ودخی بویله حدیث شریفلر دخی چوقدر
 بعضیلرنده رایحه سی مسکدن کوزلدر جله دن اول فقراء مهاجرین
 ایچسلر کر کبر دیو واقع اولمشدر و بعض حدیث شریفلرده واقعدر که
 برطائفه حوضدن منع اولنورلر پیغمبر علیه السلام بیوره که یارب بونلر
 بنم امتحندردیه جواب ویریه که سن یلر سین سندن صکره بونلرنه کونه
 ایشلر ایندیلر کیرومرتد اولمقدن زائل اولدیلر دیسه کر کدر بونلر
 اسلاملرینی تبدیل وتغیر ایدوب دورلوبدعت نسنلر ایله عمل ایدنلردر
 دیمشلر فعوذ بالله تعالی جنت وجهنم ودخی شهادت ایده رنکه
 جنت وجهنم حقدر ثابتدر شمدیکی حالده موجوددر زیرا حق تعالی
 آدم ایله حوایی علیهما السلام بر مدت جنتده اسکان ایلدی صکره
 دنیا یه چیقاردی وآیه کریمه ده * اعدت للثقین * واقع اولدی یعنی
 جنت اهل تقوی متقیلر ایچون حاضر لندی دیمکدر ولیله معراجده
 رسول کا ثبات علیه الصلوة والسلام جنتی کوردی بونلرک جله سی
 جنتک وجهنک موجود اولدیغنه دلیلدر وآدم علیه السلام دن مقدم
 خلق اولنمنسه دلالت ایدر اهل سنت مذهبی بودر معتزله طائفه سنک
 حق تعالی جنتی وجهنمی یوم قیامتده برادر دیدکلری باطلدر ودخی
 معلوم اولسونکه مؤمنلرک جنته کیرملری حق تعالینک فضلیله در
 ودرجهلر هرکس علی وعلی قدر نائل اولور امام مسلم اخراج ایندیکی
 حدیث شریفلردن بر حدیث شریفده جابر رضی الله عنه روایت ایدوب
 بیوردیکه بن ایشتم رسول الله صلی الله علیه وسلم شو یله بیورر که
 لایدخل احدا منکم عمله الجنة ولا یحیره من النار ولا انا الا برحمة الله تعالی

یعنی ای مؤمنان سرزردن بریکری عملی جنته ادخال ایتمز و بنم علم دخی بخ
 جنته ادخال ایتمز و عمل عذاب جهنم نجات و یرمز دخول جنت وجهنم
 خلاص انجیق حق تعالی نیک رحمتیه اولور دیمکدر و بومعنایه دلالت ایدر
 چوق حدیث شریفلر وارد رجله پیغمبرلر دن اول بزم پیغمبریمز جنته کیر
 و جله امتلردن اول امت محمدیه کیر و بوامندن اول کیره جک ابو بکر در
 رضی الله عنه ایمدی میدان عرصاتده هر امور تمام اولد قده اهل سعادت
 اولنره اذن اولوب جنته دوغری کیدر کن اوکلر بنه برمفرح اغاج کلور
 الشدن ایکی ارماق افار برندن غسل ایدرلر قاتلری التمش ارشون اولوب
 یوزلرنده بهجت ونور حاصل اولور و بریستدن ایچرلر ایچلرنده اذیته متعلق
 نسنه لک جله سی محو اولور و نقدر کوتو خویلو و ارایسه جله سی محو اولور
 و ملائکه انلره قار شو کلوب سلام و یررلر و بعض اثرلرده شویله در که جنتدن
 غلمانلر و خادملر قار شو کلوب انلره احسان اولنان سعادتلری و درجه لری
 و سائر ذوق و صفای انلره مژده ایدوب حق تعالی سرزله شویله درجه ل
 و نعمتلر احسان ایدوب کونا کون نعمتلر و لذتلر حاضر ایتمشدر و ملک دائم
 و نعمیم مقیم صفا ایتمشدر دیو تعریف و توصیف ایدرلر و هر نه کم ایسترسکر
 حاصلدر و نظر ایندکده سرور و یره جک سلطنت و حور عین و غلمان
 مهیا اولمشدر دیو مژده ل و بشارتلر ایدرلر و بشیوز یلاق یولدن جنتک
 مبارک قوقوسنی قوقلیوب سرور و نشاط و ذوقله جنت قابولرنه دوغری
 کنسه لک کدر اللهم یسر لنا هذه النعمة العظمی بفضلک العظیم و بحرمه
 رسولک الکریم آمین ایمدی معلوم اوله که بعض اهل علم عندنده جنت
 سکزدرو و بعضیلر عندنده یدیدر جنت عدن جنت فردوس جنت نعیم
 دارالخلد جنت المآوی دارالسلام علین بونلر بر برینک جاببنده اولور
 جله سنک اولوسی جنت عدنر وسیله درجه سی انده در که پیغمبریمز
 علیه السلام درجه سی اولدر امام طبرانی رواینده پیغمبرلر و صدیقلر
 و شهیدلر عدنه کیرسه لک کدر و جنت فردوس سائر جنتلرک اوسطلدر

واندۀ بوستانلرقتی چوقدر امام مسلم اخراج ایتدی ابو موسی الاشعریدن
 رضی الله عنه روایت ایلدیکی حدیث شریفکه * جنتان من فضة
 آیتهما وما فیهما * یعنی ایکی جنت وارد اریق وکاسه وباردق و سائر
 قابیری وایچنده دخی نه واریسه جله سی کومشدندر * و جنتان من ذهب
 آیتهما وما فیهما * وایکی جنت دخی وارد که قابیری وایچنده اولان
 نسنه لری التوند ندر بو نلر فردوس جنتلریدر دیمشدر اند نصکره
 جنة الخلد اند نصکره جنة نعیم اندن جنة المأوی برآیه کریمده * عند
 سدره المنتهی عندها جنة المأوی * واقعدر امدی سدره المنتهی یدخی
 قات کوکده بر اولو اغاچدر که بیوکلوکنی حق تعالی بیلور بوآیه کریمه یه
 کوره جنة المأوی اول اغاچک یاننده در * سقف الجنة عرش الرحمن
 روایتنه کوره بتون جنتلر عرش اعلی التندۀ اولق کورینور لکن بعض علما
 رجهم الله تعالی جنتلرک مکانلرخی تمین ایتامشدر در امدی صحیح
 روایتلرده ثابت اولدیکه اول جنته کیرن طائفه نک یوزلری بدرکی منور
 اولسه کر کدراردنجه کیرن طائفه نک یوزلری کوکده بیوک براق یلدز کی
 منور اولسه کر کدر او تو زواج یاشنده جوانلر او ب صفال و بیق و بدنلرنده
 قیل اولسه کر کدر و کوزلری قدریدن سورملو هر بریسی حسن و جمال
 صاحب لری اولسه کر کدر و هر بریسنده یوز آدم قوق اولسه کر کدر
 ودخی جنت اهل جنته کیرد کدنصکره ایدا انده قالورلر هیچ طائره
 چیقمز ل اهل حق بونک اوزرینه اتفاق ایتمشدر قرآن کریمده اهل
 جنت حقندۀ * خالدین فیها ایدا * دیونجه آیه کریمدرده واقع اولمشدر
 یعنی اهل سعادت جنتده ایدا قالسه کر کدر دیمکدر انده اولمک وار ککلرک
 یاشلری زیاده اولق وقوجق و عورتلرخی تازه لکلی کیمک وقاریق
 اولساز جله ارلر و عورتلر و حوریلر و غلمانلر بر حال اوزره اولوب
 تازه لکلرینه و جاللرینه و ذوق صفالرینه زوال و تغیر کلسه کر کدر
 بعض ملاحده طائفه سی جنت وجهنم وایچلرنده اولان نسنه ل قاتی

اولسه لکر کدر دید کلری باطلدر و کفر در زیر جنت وجهن
 واهلاری باقیلدر وابدیلدر دقانی اولمقدن بریلدر و ققتانلری اسکمز
 سندس واستبرق وحریردن یشل حله لکینوب باشلرینه تاجلر وبلکلرینه
 التوندن وکومشدن وانجودن ییلزکلر و یوزکلر و سائر زینت لرایله مزین
 اولسه لکر کدر کرک ار و کرک عورت جله انواع زینت ایله مزین اولوب
 هر زمانده جمالری و ذوقلری زیاده اولسه لکر کدر جفایه و زجته متعلق
 نسنه انده یوقدر ایاق یولته وارمق و او یومق و یورولمق و درمائی ازالق
 و برونده و قولاقده مر دار نسنه اولمق یوقدر و دخی جنت شول قدر
 لطیف و پاکدر که اصلا انده غبار اولماز و برکسه ده بد خوی یوقدر
 جله سی قرنده اش کبی بر برلرینک دیزارینه مشتاق و کمال محبت اوزره بر برلرینه
 دوست اولوب بد کلامدن و لغودن بریلدر و انده اولان حور یلر بونلر
 جنتده خلق اولمشدر لطافتده بیاض انجویه و یاقوته بکرزر و صفاده
 مرجانه بکرزر و کوزلری قدرته سورمه لی و بیوجک غایتده جال اوزره
 اولوب داتما اهلرینه نظر ایدوب انواع ناز و صفا ایله تکلم ایدوب حد
 شول حق تعالی یه اولسونکه بزی سکا و سنی بزه نصیب و مبسر
 ایلدی دیوب خد متلرنده سعی واهلاری رضالرنده اولورلر و عورتلر
 بونلر انساندن دنیا خاتونلریدر که حور یلردن ایمانلری و عبادت لری
 سببیه اعلی و افضلدر حبضدن و تقاسدن و پرامن خلقدن قسقامق
 و تکبر و سائر اخلاق ذمیه لردن بریلدر اهل جنتک جله خوی لری و سوزلری
 کوزلدر جله سی بر برلرینه محبت ایدوب حسددن و بغضدن و بهتاندن
 و سائر مذموم اولان نسنه لردن بریلدر بر آینه کریمده حق تعالی پیور
 و زعنا مافی صدور هم من غل اخوانا * یعنی بزاهل جنتک صدر لرنده
 اولان غلی و کین طومق صفتی چیقار برز بر برلرینه قرنده اش اولورلر هر نه
 دورلو طعام و شراب ایستلر سه حاضر اوکارینه کلور زحمت و مشقت
 انده اولماز اجلاق و صوصادق اولماز طعامی و شرابی همان لذت ایچون

یوب ایچرل و ذوق ایچون وزینت ایچون دورلو لباسلر و زینت لرایله مزین
 اولورلر حق طعام یوب و شربت ایچسدر وجودلرندن برکوزل قوقولو
 درکلور و جانلری ایستد کلری قوش اتی و دورلو میوهلر ایله تنم و تلذذ
 ایدرلر و جسته بشرمک و قوترمق اولماز همان ایستد کلری بشمش
 و قوتلش برادیلوب او کلرینه حاضر کلور ایستد کلری طعاملردن
 و شر بلردن منع اولمازلر و دخی جنتک طیراغی مسکندر ادنی مرتبه
 بناسنک برکریچی التون و برکریچی کومشدر و دخی جسته دورت دریا
 وارد بری صودن و بری بالدن و بری سوودن و بری خردن و بونلردن
 ازماقلر حاصل اولوب اهل جنتک درجه لری التندن و اغاجلر التندن اقلر
 و پکارلر وارد بری کافور و بری تسنیم و بری سلسبیل و برایت کریمه ده
 فیهماعینان نجران * واقعدر بعض اهل تفسیر پیورده شلر که بوا یکی عین
 حق تعالینک امر یله اهل جسته نیچه کرامتلر ایله جریان ایدرلر امام مکی
 شویله پیوردیکه انلرک اوفاق طاشلری یاقوتدن و زبرجددن و طیراغی
 مسک ایله کافوردن در و اطرافلری زعفران ایله بنیان اولمشدر مسکدن
 طاغلر و نورانی صحرالردن برواقلرو برایت کریمه ده * فیهماعینان نضاختان
 واقعدر اهل تفسیر شویله پیورلر که بوا یکی عین فواره لدر که
 غایتده سرعت ایله ظهور ایدرلر حضرت عبدالله بن مسعود رضی الله
 عنه پیوردیلر که انلر مسک و کافور شر بلریدر و حضرت انس رضی الله
 عنه پیوردیکه اهل جنتک خانه لینه بوا یکی عیندن مسک و عنبر اقلر
 شاد روان فواره سی کبی و دخی جنت ایچنده کوثر ارماغی وارد اطرافنی
 التوندن و صواقد بیغی محل انجور و یاقوتدر و طیراغی مسکدر و صوبی بالدن
 طاتلو و قاردن بیاضدر و جسته مؤمنلر ایچون چادر مثالی لطیف خیمدر
 واردر که بر محوف انجودن برادلمش اوزونلغی التمش میل و انجی اوتوزمیل
 مقدار نیجه اوله و دخی اهل جنتک جمله سندن اشافی اولان کسه تک
 اون دنیا قدر منزلی اوور و سکسان یلک خدمتکاری اولور و تمش ایکی

زوجه سی اولور و انجودن و یا قوتدن و زبرجدن قبه لودرجه سی و کوشکری
 اولور و اول خد متکارلر نیک باشلرنده شویله تاجلر اوله که هر برانجوسی
 ضیا و پر و جنتده هیچ زوجه سرکسه یوقدر ایکی دنیا خاتونی ماعداسی
 حور عین یمش قات حله دن بدنلر نیک لطافتلری کورینور بوسعدت ادنی
 مرتبه سیدر و دخی جنت ایچتده مؤمنلر برلرینه شفاعت ایدرلر مثلا
 برکسه نیک باباسی اعلی اولسه اولادنه شفاعت ایدوب اول دخی اعلی اولور
 حق تعالی اولاد حقنده بابا لک شفاعتی و بابا لک حقنده اولاد لک شفاعتی
 قبول ایدر و پیغمبرلر و سایر صالحلر دخی شفاعت ایدرلر درجه لری
 عالی اولور و دخی جنتده کوزلر کوریمش و قولقلر ایستمش و برکسه نیک
 خاطرینه کلمش نعمتلر و ذوقلر حاضر اولمشد و دخی حق تعالی جلّه
 اهل جنتدن راضی اولوب ایدا غضب ایتسه کرکدر و دخی جنتده کونش
 یوقدر عرش اعلی نیک نوری ایله ایدنلق اولور ایمدی یوقدر درجه اختصار
 اوزره بیان اولندی تفصیل مراد ایدن بزم امنیت بالله شرحی فرائد الفوائد
 نامنده رساله مزه مراد ایت ایلسون و دخی معلوم اوله که دارعقاب
 بدی قاندر اولکی جهنم ایکنی لظی اوچنی حصه دوردنجی سعیر
 بشنجی سفر التنجی بحیم بدنجی هاویه امام فخرالدین بویه روایت ایلدی
 بعضیلر عندنده اولکی جهنم ایکنی سفر اوچنی لظی دوردنجی حصه
 بشنجی سعیر التنجی هاویه بدنجی بحیم بو ترتیب اوزره در بو طبقه لر
 بربری التده اولوب التده کی اوسنده کینک شدتدن اشد در اوست
 طبقه که اکا جهنم تسمیه اولور اهل ایماندن برعاصی طائفه کیروب جلّه
 دنصکره چیقان بدی نیک ییل مکث ایدر و جیقوب جنته کیردکده اول
 طبقه ده برکسه قالمسه کرکدر اندن ماعدالری طایفه ایمانسرلر ایدا
 قانورلر و کافرلر کودنری شولقدر یولک اولور که بالکیر بر آطودیشی احد
 طایغی قدر اوور و در یسی قانکلغی قرق ایکی ارشون قدر اولور براومزندن
 براومزنده وارنجه سرعتله آت یور و مسیله اوج کونلک یول اولور یوزلری قره

کوزلری

کوزلی کوک و کور آج و صوسز و هر بریسی بر شیطان ایله بیله یتش ارشون
 زنجیر ایله بغلو و بوغرلنده بو قاغوار قه لرنده قطرانندن لباس ایله فریاد
 وفغان ایده رک جهنم قابولندن ایچزو سوریلوب جزا زینی بولسه لر
 کر کدر ایمدی امام فخرالدین و سائر اهل تفسیر شویله بیان ایتدیلر که
 ایکنجی طبقه ده یهود اوچنجی طبقه ده نصاری دوردنجی طبقه ده
 صابئین بشنجی طبقه ده مجوس النبی طبقه ده مشرک لریدننجی طبقه ده
 منافق لر معذب اولور لر و الحاصل جهنم کیرن کافر لر و شیطان لر انده
 قالور لر هیچ ابد اچیقمازلر اولم و راحت اولماز و بر مقدار عذاب لری
 ساکن اولما یوب کیتدیکه شدید اولور و آتشک شدتی دنیا آتشدن یتش
 قات زباده شدید اولسه کر کدر اکر بر کافری بر مقدار جهنم آتشدن معذب
 اولدقدن صکره دنیا آتشنه قوسه لر راحت بولوب تن درست اولوب
 ذوق ایدر ایدی العیاذ بالله تعالی بسرک بیوک دوه بوینو کی ییلان لر
 و سمرلو قاطر لر کی عقرب لر ایله عذاب اولنور لر و تیور دن قاه چیلر ایله
 عذاب اولنور لر و بعض علماء کرام اولی الاحترام رحه الله تعالی شویله
 بیوردیلر که جهنمک هر گوشه سنده نیچ اژدر هالر و بیوک ییلان لر و اژدر
 و بیوک عقرب لر و اژدر که دیشلری خورما اناجنه بکزر کافر لر ایچون
 حاضر اولمشدر و دخی قوری دوه دیکنی و زقوم کافراک طعامی اولسه
 کر کدر و اود ایله شدید آتش ایله و اسی قینار صوایله زبانه ملائکه سی
 کافر له عذاب ایدر لر هر نه زمان صوایسته سار صیحا ق صو و یر بلور
 چان یوز لر ینه یقین کتور سه لر یوز لری پشوب ایچد کلری وقتده
 ایچرولر نی یا قوب طمر نی پاره پاره ایده و باشلرندن اشانی قینار صود و کر لر
 بعض اهل تفسیر شویله بیور دیکه کافر لرک دهلر نی دلوب ایچر و سته
 صیحا ق صود و کر لر و دخی جهنمده کافر لر کندولر نی اضلال ایدن
 بطریق و پاپازلر ایله و سائر بیوک لری ایله مجادله و محاصمه و نزاع ایدر لر
 و جهنمده اون طقوز زبانه ملائکه سی واردر بعض علما بیور دیلر که

بو اون طقوز زبانه ملائکه سی باشلردر یونلرک اتبای قتی چوقدر
 وجهه سنک باشی مالکدر کافرلرک کوده لری آتشد یانوب کومر
 کبی بریان اولدقده حق تعالی کبروتازه اتلرودر یلر بتیروب عذاب
 ایتسه لر کر کدر نته کیم قرآن کریمده ذکر اولندی * ان الذین کفروا بایتنا
 سوف نصلیهم نارا کما نضجت جلودهم بدلناهم جلودا غیرها لیدوقوا
 العذاب * یعنی تحقیق شول کسه لر که بزم ایتمزه کفر و تکذیب ایتدیلر ایدی
 البتده اتلری نار جهنمه ادخال ایده رز هرنه زمانکه انلرک در یلری بریان
 اولوب یاندقده آخر در یلر صورتیه تبدیل ایده رز یا اثر احرافی ازاله ایدوب
 تازملک براتمغه تبدیل ایدم رز عذابی دوام اوزره طاتسونلر ایچون بومنوال
 اوزره هیچ عذابلری دو کتمز کتد کجه عذابلری زیاده اولسه ککر کدر
 وانلره دخی اولوم یوقدر برآیه کریمه ده * لایموت فیها ولایحیی یعنی
 کافر جهنمده اولمز و بر فائده لی حیوة ایله دیری اولماز برآیه کریمه ده
 و یأبیه الموت من کل مکان و ماهو عبث * یعنی هر بر عتاد ایدیجی جبار
 کافره اولومک سبیلری اولان عذابلر و شدت لر کلور هر جائیدن لکن اولمز
 و مستریج اولماز و حنت انلرده اولانلر و جهنم انلرده اولانلر باقیلر در
 ابدیلر در یونک خلاقی کفر در العیاذ بالله تعالی قضا و قدر بو محمله
 قضا و قدره متعلق مسائل ذکر اولنور و دخی قلم ایله اعتقاد ایلیوب
 لسانم ایله شهادت ایدم رن خیر و شر و هر نسنه که وار اولور الله تعالی نیک
 قضا سبیل حکمی و ارادتیله و قدریله در وهر اولوب و اوله جغنی ازلد
 یلری و کوکلری براتمزدن بر و ایتده الی بیک ییل اول تقدیر و هر نسنه نیک
 مقداری و زماتی و مکانی و نوجهله اوله جغنی تعیین و تخصیص ایتمشدر
 و قلمه امر ایدوب لوح محفوظه یازمشدر هیچ اکا مخالف نسنه اولماز و اهل
 سننک اکثری لوح محفوظ تبدیل و تغیر قبول ایتزدیمشدر بعضی قبول
 ایدر دیمشدر مؤمنک ایمانی و مطیعک طاعتی و تقدر خیرل وار ایسه
 حق تعالی نیک بتلسیله و دیلسیله و تقدیری ایله و لوح محفوظه یازمسیله

و براتمسيله

و برائت مسیله و رضاسیله و سوم مسیله در و قوللرك اراده لرینی صرف
 ایدوب کسب ایتد لر یله در بر اتمق حق تعالینکدر کافر لرك کفری و فاسقلرك
 فسق و شر لظلم و شرک و عقائد باطله و سائر قبیح معصیتلر و بدعتلر نقدر
 و ارایسه الله تعالینک بمسیله و دیلمسیله و تقدیر یله و لوح محفوظه یاز مسیله
 و قوللر اراده لرینی صرف ایدوب کسب ایتد لر یله و حق تعالینک بر اتمسیله در
 لکن حق تعالینک رضاسیله و سوم مسیله دکلدر معصیت اولان نسنه ره
 حق تعالی غضب و عقاب ایدر و الحاصل ایمانی و طاعتی و جمیع خیرلری
 یلور و دینلر و برادر و سور و راضی اولور و ثواب جیل و اجر جزیل و بر
 کفری و فسق و سائر شرلری سومن و راضی اولماز و لکن انلری دخی یلور
 و دینلر و برادر و غضب و عذاب ایدر اکر ای عاقل سن حکمتدن و قوللرك
 اراده لر یله کسب ایتد کلرندن غفلت ایدوب دیرسک کم حق تعالی
 شرلری و کلاه اولان نسنه لر ی نیچون برادر و نیچون دینلر و نیچون شیطانی
 و نفس اماره بی و اخلاق ذمیمه بی بر ایدوب قوللره مسلط ایدر جواب
 باصواب اولدر که حق تعالینک شرلری بر ایدوب دینلر سندن و شیطانی
 بر ایدوب قیامت دکن عمر و ذریت و یروب خلقه و سوسه و کلاه اولان
 نسنه لر ی مزین و امر ایتمکه قدرت و برنده و غمرو و فرعون و ابوجهل
 و سائر کافرلری بر ایدوب عمر و رزق و برنده و فاسقلری بر اتمده
 و کفر لرینی و فسقلرینی بر ایدوب و بوجه بی مراد ایتدکه نیچه
 حکمتلر و مصلحتلر و ایدر بزه انلری تفصیلا یتمک لازم و واجب
 دکلدر و عقل او حکمتلری اکلز همان بزم اوزریمزه فرض عین اولان
 حق تعالی تک هر برایشده حکمتلر و فائده لر وارد دیو اعتقاد ایتدکدر
 شر جزئی خبر کلیبی متضمندر مثلاً آتشده یا بحق ضرری وارد لکن نیچه
 فائده لر دخی وارد آتش پشوزمک کبی و ییلانده بر دینلو مضرت و ارایسه
 نیچه در لو منفعت دخی و ادر کذلک شیطان نیچه کسه لرك ضلالتنه سبب
 اولدیغی کبی اکا مخالفت ایلین زاهد لرك درجه لر ی اعلا و تفر بلری زیاده

اولور شیطان و نفس اماره یه مخالفت سیبيله حق تعالی نیجه پیغمبرلر
 کوندروب و کتابلر و علما کوندردی و انسانه عقل ووروب جنت و جهنم
 یوللرینی بلدردی پیغمبرلری و علمایی طوغری بوله و جنته دعوت ایدیچی
 قیلدی و شیطانی ضلالت و جهنمه دعوت ایدیچی قیلدی هر کس فاعل
 مختار در کبسی طریق حق اختیار ایدر حق تعالی دخی برادر و کبسی
 ضلالتی قصد ایدر حق تعالی دخی برادر جبر و اضطرار یوقدر خیر
 و شر قوللرک اراده زیله و کسبلر یله حق تعالی برادر اول دبلدیکن ایشلر
 اکا کسه اعراض طریقله سؤال ایتمز زیرا ملکنده مالک و متصرفدر
 اول جله یه دبلدیکن منوال اوزره سؤال ایدر زیرا جله یه مالکدر
 و حاکمدر جله کاشات اکا محتاجدر اول جله دن مستغیدر الوهیتک
 معنایی بودر ایمدی قضایکی قسمدر بر قسمی قضای مبرمدر و بر قسمی
 قضای معلقدر قضای مبرم اولدر که بر شرطله مشروط و بر سبيله
 مربوط اولوب همان قطع و جزم طریقله قضا حکم اولمشدر بوله
 قضاده سبيله یا بشمق هیچ فائده ایتمز بونده لازم اولان تسلیم و انقیاد
 اوزره اولقدر و دخی قضای معلق اولدر که قضا اولنان نسنه نک
 حصولی بر شرطله مشروط و بر سبيله مربوط اولوب شرطلری و سبیلری
 بولندقدنه حاصل اولور تزوج شرطدر اولاد دنیا یه کلمک مشروطدر
 تزایه تخم الکک سبیدر اکن حاصل اولق مسبیدر و غیر یسن دخی بو که
 قیاس ایت ایمدی قوللره لازمدر که اولا اسبابه نشینت ایدوب صکره
 مراد طلب ایده لر ایمدی معلوم اوله که بحسب التقدر امور اوج قسمدر
 بر قسمی اولدر که حصولی انسان ایچون مقدر اولیه حکمت بوله اقتضا
 ایتدیکی ایچون و بر قسمی حصولی انسان ایچون مقدر اوله لکن انسانک
 ارادتيله و قدرتيله اولیه حسن و جمال و اعتدال مزاج و سلامت اعضا
 کبی و بر قسمی حصولی انسان ایچون مقدر اوله لکن انسان اکا ارادتی
 و قدرتی صرف ایدوب سعی و کسب ایتک شرطيله حاصل اولور علم و عمل

کبی ابدی قسم اولی طلب و غنی ایتکده بر فائده حاصل اولماز مقدر
 اولماز یغیچون و قسم ثانی دخی بویله در قولک ارادتی اکتعلق ایتجوب مقدر
 یشرا و لمد یغیچون لکن حق تعالی دیلدیکی کبی قولره برادر او چخی قسم
 قولر اراده لرینی و قدر تیرینی صرف ایدوب سعی و کسب ایتلریله حاصل
 اولور تکلیف شرعی ایله مکلف و مأمور اولغه عقل تمیز نسب اولدیغی کبی
 خیره و شره ثوابه و عقابه اراده صرف ایدوب سعی و کسب سبب اولمشدر
 مثلا ترلا به چفت سوروب تخم اکمک اکن حاصل اولغه شرط عادی
 اولمشدر کسب و سعی اولینجه مطلوب حاصل اولماز ابدی معترله طائفه سی
 حکمتدن غفلت وجهات ایدوب شرور و معاصی تقدیر و قضا ایله اولدیغی
 انکار ایدوب انلری نفس اماره و شیطان احداث ایدردیو بر باطل اعتقاده
 دوشمشدر العباد بالله تعالی روایتلرده شویله در که * القدریه * یعنی شرلر
 و معصیتلر تقدیر ایله اولدیغی انکار ایدن طائفه جاهله * محوس هذه الامه
 شوامه اسلامیه نك محوسی سیدر * وان مرضوا * اگر انلر خسته اولسه تر
 فلا تعودهم * خاطر لرینی صور مغه کتمکزن وان ماتوا * اگر آخرته کیئسدر
 فلا تشهدهم * انلرک جنازه لرینه حاضر اولمکن دیمکدر مذهب لرندن
 حق تعالی به صغوروز و بالجمله اجالا آمنت بالله الی آخره معناسی بودر
 ایناندم الله تعالی به و ملائکته ملک لرینه و کتبه کاب لرینه و رسوله
 پیغمبر لرینه و اليوم الاخر قیامت کوننه خیره و شره من الله تعالی
 و خیر و شر الله تعالی نك تقدیر یله و دیله مسیله و یراتمسیله اولدیغنه بعض
 اهل العلم شویله ذکر ایتدیله که برکسه عریجه کلمه شهادتی کتورسه معناسی
 بیلسمه اعتبار اولماز معناسی * بئلك لازمه در دیمشدر ایمان و اسلام لغتده
 ایمان امین ایتک و تصدیق ایتک معناسنه کلور و اسلام انقیاد ایتک
 و سلامتده اولقی معناسنه کلور لکن شریعت محمدیه ده مؤمن به لری
 قلبه تصدیق و لسانله اقرار ایتکدر جهوز علما عندنده و بعض محققین
 عندنده بالکنز قلبه تصدیق ایتکدر و دخی ایمان و اسلام شرع

مطهره ده بر در ایکیسی دخی قلبه اینا مقدر و دبلی ایله اقرار ایتمکدر اگر
 مانع بوق ایسه حضرت محمد علیه الصلوٰه والسلام حق تعالیدن وحی ایله
 وخیر و یرمکله وایشلمکله کتوردیکی جمله سی حقدر اینا تمق و اقرار ایتمک
 ایماندر و اسلامدر هر بر مؤمن مسلمدر و هر بر مسلم مؤمندر و پیغمبر بمن
 علیه الصلوٰه والسلام کتوردیکی ذکر ایتمدیکن شیلردر انلر الی
 مؤمن به در ایمدی اهل سنت مذهبنده عمل کرک فرض و کرک واجب
 و یاسنت و یا غیر و کاهلردن اجتناب ایتمک ایماندرن جزء دکلدر مثلاً
 برکسه مؤمن به لری تصدیق و اقرار ایتمسه لکن اصلاً عمل ایلمسه اول کشتی
 مؤمندر اما عاصیدر و اهل اعتزال مذهبنده اعمال ایمانک حقیقتندن
 جزء اصلیدر عملی ترک ایدن و کیره یی ارتکاب ایدن کسه ایماندرن چیقر
 قلبنده تصدیق اولق حسبیه کافرده اولماز دیدیلر و خارجیه طائفه سی
 اعمال ایمانک حقیقتندن جزء اصلیدر دیوب عمل اولمسه ایمان اولماز
 دیدیلر انک ایچون کیره یی و یا خود صغیره یی ارتکاب ایدن کافر اولور
 دیدیلر اما اعمال صالحه و اخلاق حیده و زهد و تقوی ایمانک شعبه لری
 اولوب کالندن عد اولور مثلاً تصدیق و اقرار ایتمک کدنصکره اعمال
 صالحه یی کسب ایتمسه مؤمن کامل و مطیع عامل اولور اما مؤمن به لری
 اینا نوب اقرار ایتمک کدنصکره عملده قصور ایلمسه و کاهلری ارتکاب ایتمسه
 ایماندرن و اسلامدن چیقر لکن کالده بولنماز مؤمندر لکن کامل دکلدر
 کاهکار اولد یغیچون بودخی مذهب محدثین و مشرب سلف صالحیندر
 رحمة الله تعالی علیهم اجمعین دین و ملت لغتده دین طاعت و جزا معناسنه
 کلور و ملت کتابت معناسنه کلور اما اصطلاحده ابو حنیفه مذهبنده
 دین و ملت بر در حضرت محمد علیه الصلوٰه والسلام حق تعالیدن
 کتوردیکی شیلردر اعتقاده متعلق اولان احکامه دین و ملت دینور انلر
 نسخ و تبدیل اولماز جمله پیغمبر لر انده متفقدر انک اصولی اجمالسی
 الی مؤمن به در براهلی و کوک اهل انده برابر در شریعت لغتده انسانک

و حیوانك صوابچدیكى پیکاره دیرل و اصطلاحده ابوحنیفه مذ هبنده
 اعماله متعلق کتوردیکی در پیغمبرل انده مختلفلردر ز بر اشرایع ر برل ری
 نسخ و تبدیل ایلشدر اشاعره عندنده دین و ملت و شریعت بر در هرامت
 کند ی پیغمبرنك ملت و شریعتی اوزره اولور ایمان اجالی مؤمن
 اولمقده کافیدر اسلامك صحته تفصیلی لازم دکلددر لکن شرع
 مطهر ده تفصیلا معلوم اولاتی تفصیلا یلوب اعتقاد ایتك واجبالا
 معلوم اولاتی اجالا یلوب اعتقاد ایتك واجبدردیو اهل تحقیق بیان
 ایتشدر در باخصوص فی زماننا هذا عقائد باطله شایع اولشدر هر مؤمن
 اوزرینه عقائد اهل سنتی تفصیلا او کرنوب اعتقاد ایتك واجبدر
 صاقنوب اجالده قائمیه حق تقلید ایدن مقلدك ایمانی صحیحدر حقه تابع
 اولدیغیچون اما باطل نسنه یه تقلید ایلسه اعتقادی باطل اولور حقه تابع
 و مقلد اولوب دلیل عقلی و تقلید غافل و جاهل اولانلرن اعتقادی
 و اسلامی صحیحمددر دکلیدر اختلاف واردر علمادن و فقهدان چوغی
 مقلدك ایمانی صحیحدر دبدیلر لکن دلیللری او کرمند بکیچون عاصبدر
 صحیح بودر زیر رسول کائنات علیه افضل التحیات و اعلی الصلوات
 و کبار صحابه و تابعین رضوان الله تعالی علیهم اجمعین همان اول امرده
 اسلامه کلنلرك اسلامنی قبول ایدرلر ایدی و فلج التئده ایمان کتورنلری
 اهل ایماندن صایوب اوزرینه احکام اسلامی اجر ایدرلر ایدی معلومدر که
 اول ضیق زمانده اول کسه لك خاطر زنده دلیل یوقدر معتزله طائفه سی
 مذهبنده اعتقادلر دلیللر اوزرینه بنا قیلنوب خصمه جواب و بر مکه
 و شبهه لری دفع ایتکه قادر اولاتی اسلامك صحته شرطدر یومذ هب
 باطلدر ایدی علماء کرامدن نیجه لری شویله بیوردیلر که شول کسه لکه
 دیار اسلامده حاصل اولوب برزه و کوکله نظر و تأمل ایدوب محاسن
 اسلامیه بی مشاهده ایدوب مجالس علمایه حاضر و مستمع اولمغه انلر
 اهل نظر وار باب استدلالدندر نقدر یونلرك بعضیسی تعیریه قادر

اولسه ده اهل تقلید دن دکلدر همان اهل تقلید شول جاهلردر که طاعنر باشلرنده و کویلرده حاصل اولوب مخلوقاته نظر ایتمکه استعدادی اولوب مجالس علمایه حاضر اولوب همان آنه دن وده ده دن بعض اعتقاد ایله عمر بنی افنا و بالکلیه شبهه ازاله ایده جک دلچندن جاهل اولانلردر و مقلد دیوبونلره دینور دیمشلر برکسه ایمان واجب اوله جق نسنه لری بیلسه و قلبیه اعتقاد و قبول اینسه لکن کندودن سؤال اولندقدده تفصیلا هر بر مسئله اعتقادیه بی تعیر و تقریر ایده مسه مذهب صحیحده اول کسه نک اسلامه حکم اولنور سائر مسلمانلر کی اکاترویج اولنور و سلام و یریلور و اهل اسلام محله سنده اسکان اولنور و شهادتی مقبوله اولور و آخرته کندکده اوزرینه نماز قیلنور و اهل اسلام قبرینه دفن اولنور اول ایمان ایله اول کشتی عاقبت جنه کیرر بر مؤمن کفر اولبسان پیوک کاه ایتمکله منلا آدم اولدرمک و زنا ایتمک و سرقه ایتمک و غیبت و غیره کی اول مؤمن ایماندن چیغیز اکر بوسکناهلر حلالدر دیمز ایسه و حلال یرینه قومز ایسه و خیر کی مردار حراملره پاکدر اعتقاد ایتمسه و زنا یه و لواطه یه و غیره کوزل نسنه در دیمز ایسه کاهلر حقنده اهل ملت اختلاف ایتدیلر خوارج طائفه سی هر بر کاه کیره در دیدیلر و مرجئه طائفه سی هر بر کاه صغیره در دیدیلر اهل سنت و جماعت کاه ایکی بلوکدر بر بلوکی صغیره در و بر بلوکی کیره در دیدیلر لکن صغایر کبائر دن فرق ایتدیلری بوخسه ایتدیلری اختلاف اولندی صحیح بودر که فرق اولمشدر ایمدی کبائرک عددنده روایات مختلفه وارد ابن عمر رضی الله عنهما روایتده طقوز در بر روایتده اوندر بر روایتده در زدر بر روایتده یدیدر شرک بالله قتل نفس بغیر حق سحر و یتیم مالی بمک ربایمک مقاتله زماننده کفاردن فرار ایتمک زنادن بری اولان نسوان مؤمنانه زنا ایله سب ایتمک و شتم ایتمک ایمدی حق بودر که کبائرک بر عدد معینده حضری یوقدر زبیر ابن عباس رضی الله عنهما دن کبائر یدیدر دیو سؤال

اولندقدده

اولند قدہ یتشدر و پروایتند یدیوز درد بوجواب و یرمشدر شرع شریفده
 کیره ایچون عدد تعیین اولند یغنه حکمت بودر که قولر جله کاهلردن
 اجتناب ایدملر صغیره لردن دخی احتراز ایدملر احتمال که کیره اوله نته کیم
 لیلہ قدر و یوم جعه ده کی ساعت مستجابہ واسم اعظم معین اولمدیغی کپی
 تا کیم قولر هر کیمچی احیا ایدملر و جعه کونک هر ساعتده عبادت و دعا
 ایدملر و حق تعالینک هر بر اسم جلیلی ایلہ ذکر ایدملر کبارک تفصیلی حقندہ
 تألیف اولسان کابلره مراجعت ایلسون تفصیل مراد ایدملر ایمدی
 معلوم اوله که کباردن بعضی عین کفر در زنا قوشمق و پونلره تعظیم
 ایتک و کتب شرعیہ دن بریسنی تحقیر و علمادن بریخی استهزا ایتک کپی
 والفاظ کفر دن بریخی سؤیلک والاصل شرعده تعظیمی واجب اولانی
 تحقیر و تحقیری واجب اولانی تعظیم ایتک کپی بونلر کفر در ارتکاب ایدن
 ایماندن جیفر بونلر ککندولری دین اسلامی تکذیب وانکار ایتکه علامت
 و کفره دلیل اولدیغیچون اما شول بیوک کاهلر که اتی کاهدر والحق
 نسنه در و قیجدر اعتقاد ایلہ و حق تعالیدن خوف و خشیت و کند و نفسی
 لوم ایدملر کک ایشلسه اسلامدن چیغمر نته کیم روایتده کلدیکه ابوذر
 رضی الله عنه مؤمن حقندہ تکرار به تکرار سؤال ایدوب بر مؤمن زنا و سرقه
 ایلسه جنته کیررمی دیور سول کائنات علیه الصلوٰۃ والسلام جواب
 یبور * وان زنی وان سرق علی رغم انفابی ذر * یعنی نقدر زنا و سرقه
 دخی ایلرسده جنته کیرر حدیث شریفی دخی دلالت ایدر که اعتقاد صحیح
 اولوب علامت کفر اولمادجہ بیوک ککناه ایتکه مؤمن ایماندن
 و اسلامدن چیغمر بر کوجک کاهه مصر اولمق کیره اولور و کیره دن
 استغفار اولنور ایلسه صغیره اولور بعض روایتده بویله در بیوک ککناه
 ایدوب توبه سز اجلی کلوب اولن مؤمن الله تعالینک مشیتده
 واراده سندن اولور یعنی حق تعالی اتی دیلرسه یار لغار و دیلرسه
 ککاهی مقداری یاد دخی نقصان عذاب ایدر صکره جنته قور ایمان ایلہ

ختم اولند قد نصیحه بجهاج ظالم قدر کاهی اواسه ا کامغفرت و باشقاعت
 ایریشوب عفو اولنوب چنته کبرمک جائز در هیچ عذاب کور مدن و برکوجک
 گاه ایچون دخی مغفرت و شفاعت اولیوب انک عذابنی کور ووب بعده
 چنته کبرمک ممکندر صفایردن و کایردن عفو اولنمی حقنده توبه شرط
 دکلدن لکن کفر اولان نسنه لر حقنیده البته توبه و رجوع شرطدر
 معلوم اوله که حق تعالی جله مره توبه صادقۀ دائمۀ مقبوله مبسر ایله
 وراضی اولدنی علمه وعله موفق ایله آمین بحرمۀ النبی الامین توبه ایتمک
 اوامر اسلامیه نکه اهمیدر و مقامات ایمانیه نکه اولیدر طریق حقک
 مبدئیدر و سعادت قبولنک مقناحیدر بعض صالحلردن نقل اولنور که
 او توسته قدر توبه ایتمک سعی ایتمک کاندویه بر حیرت و عجز کلوب فجب
 توبه ایتمک بکا آسان اولدی دید کده ا کادیمشیر که سنک طلب ایتمک
 زیاده بیوک نسنه در زراسن حق تعالی نکه محبتنی طلب ایدرسن بو محبت الله
 ایسه بر عظیم سعادتدر ننه کیم حق تعالی پیور * ان الله یحب التوابین
 و یحب المنطهرین * یعنی حق تعالی کاهلردن چوق توبه ایدیچی قوللری
 سور و چرکاب ذنوبدن پاک اولانلری سور دیو پیور مشدر ایدی سنک طلب
 ایتمک تیراله کبرمز دیو جواب و بر مشدر بر قول کاهندن توبه ایسه
 حق تعالی اکا محبت ایدر و ملائکه فرح لنور مالی غائب ایدن بولدقده
 و اولادی اولیان کسه نکه اولادی دنیا به کلد کده و صوصامش کسه
 حرارتله صحرا ده کز رایکن صوبی بولدقده و یو کنی و حیواتی غائب ایدن
 یولچی تکرار بولدقده نه مرتبه فرح لنور ایسه بر کسه توبه ایسه
 ملائکه دخی زیاده فرح لنور دیو روایتلرده وارد اولمشدر و دخی نیجه
 روایتلرده شویله در که بر کسه به حق تعالی محبت ایتد کده حضرت
 جبرائله اکا محبت ایله دیو ایزد اول محبت ایدوب کو کلرده کی ملائکه به
 فلان کسمه حق تعالی محبت ایتدی سز دخی محبت ایدیکز دیو خدا ایدر
 جله کول اهل اکا محبت ایدر ل صکره یدر کی ملائکه به شایع اوور

ایلر دخی محبت ایدرل صکره انسا نك صالحلری دخی آکا محبت ایدرل بوا اولور
 دولت محبة الله مظهر اولمغه حاصل اولور و توبه ایدرلر محبت الله حاصل
 اولدینی نص قرآن ایلر ثابتدر * ان الله یحب التوابین و یحب المتطهرین
 نظم کریمی کی بر مؤمن کاهدن توبه ایلسه صکره اول کاهی ایشسته
 ایتدیکی توبه سی فاسدا و لماز زیرار نکاب ایتدیکی بشقه بر معصبت اولور
 و اندن دخی بر توبه ایتک اوزرینه واجب اولور ایمدی مقدا ایتدیکی
 کاهلردن توبه صحیح ایتد کد نصکره انلری خاطرینه کتوروب
 سوبلسه تکرار توبه ایتک واجب اولور می او لمازی اختلاف وارد
 بعضیلر کاهلری یاد ایتد کده ندامت ایتک واجبدر دیمش لرکن صحیح
 بودر که اگر یاد ایتد کده فرحلتوب و تلذذ ایدر ایلسه اتفاقا تکرار توبه ایتک
 واجب اولوب و اگر فرحلتز ایلسه توبه بی تکرار ایتک واجب او لماز
 حق صاحب لرینه حقنی و یرمک یا خود ابرا اولمق و غیبت ایتدیکی کسه دن
 عذر طلب ایدوب عفو ایستک و رضالتشک و قضایه قالمش فرضاری
 و طاعتلری ایشک توبه ایلکدن بشقه بر واجبدر توبه نک کندندن
 خارجدر روایتلرده شویلهدر که بر کسه نک خصملری اندن راضی اولمده
 توبه سی مقبول اولماز خصملری راضی اولدقه انک توبه سی وصومی
 و صلاقی مقبول اولور بر درهمی صاحبنه و یرمک بیک یلاق عبادندن
 خیر لیدر بر و ایتده بردانه حرامی صاحبنه ادا ایتک یتمش حج ایتکدن
 خیر لیدر ایمدی هر برکناهدن توبه ایتک اهل سنت مذهبنده شرعا
 واجبدر و معتزله نک عقلا واجبدر دیدکلری فاسددر حق تعالی پیوردی
 توبوا الی الله جیعا ایها المؤمنون * و بر آیه کریمهده * یا ایها الذین آمنوا
 توبوا الی الله توبه نصوحا * اولکی نظم عزیزک معناسی ای مؤمنلر
 جمله کز حق تعالی یه توبه ایدیکز دیمکدر ایکیجه نک معنای لطیفی ای
 ایمانله متصف اولان قوللر حق تعالی یه شروطنی جامع توبه ایلر توبه
 ایدیکز دیمکدر و بر حدیث شریفده * یا ایها الناس توبوا الی الله فانی

اتوب في اليوم مائة مرة * واقعد يعني ای ناس حق تعالی به توبه اید بکر
 تحقیق بن کونده یوز کره توبه اید مردم دیمکدر بعض جاهلار کاهدن توبه
 ایتمکه خوف ایدر که احتمال که تکرار ایشلر ایدسه توبه یوز یلور دیو بوايسه
 جهالتدر و حاقندر و کناهه مصر اولمقدر ایددی توبه نصوح تفسیری
 حقنده یکر می اوج قدر اقواله واقف اولدم حضرت عمر دن رضی الله عنه
 روایت صحیحیه ایله مرویدر که توبه نصوح کشتی کناه ایتدکده اندن توبه
 ایدوب من بعداتی ار تکاب ایتمه ابن مسعود دن دخی یو یله روایت اولنور
 و بر روایت ضعیفه اولدر که کناهدن توبه واستغفار اید من بعد البته
 ایشلیه و بر روایت کناهدن توبه و اکاعدات و هر زمان خاطر کلد بکه
 استغفار اید بور روایت حسن بصیردن منقولدر و قتاده دن مرویدر که
 توبه صادقۀ ناصحه در بر قوله توبه ده اخلاص ایتمکدر بر قوله توبه
 مقبول اولماسی حقنده قور قدر بر قوله توبه ایله بر شقه توبه به محتاج
 اولماقدر بر قوله توبه سی خوف رجا اوزرینه مشتل اولمقدر و طاعته
 مداومت ایتمکدر بر قوله کناهدن توبه وسوء قریندن اجتناب ایتمکدر
 بر قوله کناهدن توبه ایتدکد نصکره اول کناه دائم کوزی قارشو سنده
 کبی اولوب خوف و ندامتده دائم اولق و سائر اقوال دخی وارد و دخی
 کناهدن توبه ایتمک علی الفور واجیدر اگر بر ساعت تأخیر اولنسه بر شقه
 کناه دخی حاصل اولور ایددی توبه ایتدم دیمک توبه اولماز زرا توبه نك
 شرطی اوچدر بریسی فی الحال کناهی ترك ایتمکدر ایکنچی اول کناهی
 ایتدیکنده حق تعالیدن قور قد یغیچون ندامت و پشیمان اولمقدر اوچخی
 بردخی ابد ایتمکه عزیمت ایتمکدر توبه نك قبولی حقنده اقوال وارد
 اهل حق مذ هبنده شویله در که حق تعالینک اوزرینه توبه بی قبول
 ایتمک واجب کلد ز بر برشی * کا واجب کلد رکن و عدد کریم ایتدیکنه
 بناء قبول ایدر بر کسه بوشروط ایله توبه ایلسه قبولی قطعیمیدر طمیدر
 اختلاف وارد اما کفر دن توبه نك قبولی شبهه سر قطعیدر شیخ

ابو الحسن الاشعری حضرت تری مذہبندہ دلیل قطعی الہ مقبول اولسی
 ثابت در امام الحرمین عندندہ دلیل ظنی الہ ثابت در و بعض علما رحمہم اللہ
 تعالیٰ شوبہ بیور مشاہر کہ شروطیہ اولان توبہ بی حق تعالیٰ کرم و فضل
 ایوب قبول ایدر و قبول ایتسی شرعہ واجاعلہ معلوم اولشد در معتزلہ
 طائفہ سی توبہ بی قبول ایتک حق تعالیٰ اوزرینہ واجیدر دید کاری
 باطلدر و دخی اللہ تعالیٰ قوللرینہ طاقت کتور مد کلرخی شرعا تکلیف
 و امر ونہی ایتر آبدست المفع طاقتی اولیان تیمم الہ مأمور اولور نمازده
 قیامہ قادر اولیان قعودا قیلار شرعده اولان و امر ونواہی طاقتدن
 کوچ دکلدر تبدیل اخلاق محالدر دیوزعم ایدن ملاحدہ نک مذہب لری
 باطلدر مؤمنین دید کاری وقتہ مؤمنین حقا حالاً مؤمن اولدیغیمده
 شکم یوقدر و ایمانده شبہم یوقدر دیمک کرک ان شاء اللہ دیمہ زیر اوقوعی
 قطعاً معلوم اولان نستہدہ ان شاء اللہ دیمک اریماز مثلاً سن انسان مبسن
 یا خود آخرتہ کیدر مبسن یا خود دین اسلام حق میدر دیسہ ل جواندہ حکم
 و جزم ایتک کرکدر زیر ایشہ محلی دکلدر و اگر مؤمن ان شاء اللہ دید کده
 ایمانده شک ایتش اولور ایسہ فی الحال کافر اولور ایمان شک قبول
 ایتدیکیچون و اگر ایمانده و مؤمن بہرک حقندہ قطعی و یقینی اولوب لکن
 ان شاء اللہ لفظی تبرک ایچون یا خود خاتمہ احوالی مجهول اولدیغیچون
 یا خود بقای ایمان و حسن خاتمہدہ امور بی حق تعالیٰ یہ تفویض و تسلیم
 ایچون ان شاء اللہ دیسہ ضرر ویرمز لکن مناسب دکلدر ایمدی بعض
 سلف صالحیندن و اشاعرہ دن مؤمن ان شاء اللہ دیمک خاتمہ احوالی مجهول
 اولدیغیچون جائزدر دیومنقولدر و اعتبار خاتمہدہ در حق برکسہ نک مدت
 عمری کفر اوزرہ یکسہ موتندن مقدسجہ ایمان کتور و ب ایمانلہ ختم
 اولسہ اول کسہ مؤمندر مقدسکی کفر حالتدہ اولانلرہ اعتبار یوقدر نتہ کیم
 بر حدیث شریفدہ * السعید من سعد فی بطن امہ والشقی من شقی فی بطن
 امہ * وارد اولشد معنای اطین بودر کہ سعید اول کسہ در کہ اناسی قاریندہ

سعید اولور و شقی اول کسه در که اناسی قارنده شقی اولور دیمکدر ایمدی
 علم الله کوره سعادت و شقاوت تبدیل اولماز اما ظاهر حاله کوره تبدیل
 اولورننه کیم برکسه تک بر مدت عمری کفر اوزره اولسه شقی اولور صکره
 مؤمن اولسه سعید اولور ایمدی بر مؤمن کسه به ایمانله اولور مسن دیسه لر
 بیلزن الله تعالی بیلور دیه زیرا خاتمه حالی غیدر بر طریق ایله یقینا
 حکم اولماز * ان الله لایغفران یشرک به * یعنی تحقیق الله تعالی
 شرکی و کفری یارلغماز قطعا * ویغفر مادون ذلك لمن یشاء * یعنی
 کفردن کبر و قتلان کنناهلری دیلد یکنی قوللرندن یارلغار شرکدن
 مراد کفر اولان شرکدر برکسه به ایمانله دنیان کتمش و یا کیدر و یا عاقبت
 جنتلکدر دیمک حکم طریقله جائز دکلد زیرا بو غایبه دلیل سز
 حکمدر انک ایچون جائز دکلد پیغمبرلردن غیری زیر انلر معصوملردر
 و نوتندن عزل اولماز لایمدی پیغمبرله ایمانله و نبوتله کتدیله و آخرتده دخی
 پیغمبرلردر دیو حکم ایتمک واجبدر بولجه اعتقاد ایتمک لازمدر
 و حق تعالیکنک و پیغمبرلرک خبر و بردکلرندن غیری زیر انلرک شرعه
 یا قرآن کریم ایله یا حدیث شریف ایله اهل جنت اولدقلری قطعا بیان
 اولند بیچون جنتلکدر دیو حکم اولنور ابو بکر و عمر و عثمان و علی
 رضی الله عنهم کبی بونلره جنتلکدر دیو حکم جائزدر و طلحه و زبیر
 و عبدالرحمن بن عوف و سعد بن ابی وقاص و سعد بن زید و ابو عبیده بن
 الجراح بونلره عشره مبشره دینور جنتله مرده اولمشلردر و دخی حضرت
 فاطمه و امام حسن و امام حسین و حضرت حزه رضی الله تعالی عنهم
 اجمعین و حضرت عایشه رضی الله عنها و حضرت خدیجه رضی الله عنها
 و سائر ازواج مطهرات و اهل بیعه الرضوان و دخی حق تعالیکنک
 و لا تحسبن الذین قتلوا فی سبیل الله امواتا بل احياء عند ربهم یرزقون الایة
 دیو یور دینی احد غرا سنده و غیریده شهید اولان صحابه لر جمله سی
 حقارنده دلیل وارد اولمشدر و دخی زمان ساقده اولان مثلا فرعونک

ساحر لری موسی علیه السلام معجزه سنی کوروب ایمان کنوروب آما
 رب العالمین دیوب فرعون انلری شهید ایدوب آماند بهرک سرای بقایه
 کتد یلر والخاصل قرآن کریمده یاخود احادیث صحیحده ایمانله
 کتد کلری نقل و بیان اولنان طائفه لک اهل جنت اولدقلرینه حکم
 اولتور اصحاب اخدودک آتسه ائدقلری مؤمنلرکی وحبیب التجارکی که
 حقنده * قبل ادخلوا الجنة قال بالیت قومی یعلمون بماغفرلی ربی وجعلنی
 من المکرمین * نظم کریمی وارد اولشد و هیچ برکسه به کفرله
 کتمشدرو یا کفرله کیدر و یا جهنملکدر دیمک قطعاً جائز دکلد زبرا
 دلیل سرغیه حکمدر حق تعالینک و پیغمبر لک خبر و بردیکی
 کسه لردن غیری ابلیس و شیطان و ابولهب و ابو جهل کبی بونلره
 ابدی جهنملکدر دیو حکم جائز ولازمدر شرعده بویله بیان
 اولند بیچون و دخی حضرت نوح علیه السلام طوفاننده دریاه غرق
 اولان کافر زولوط علیه السلام زماننده شهر لری باش اشاغی اولوب
 هلاک اولان کافر و یا جوج و ما جوج و غمرو دوسار آخرته کفرایله کندی
 دیو شرعده بیان اولنان طائفل جله سی حقنده جهنملکدر دیو حکم
 اولتور ایمدی بوندن غیری ایمانله موصوف اولانلراهل جنتدر و کفرایله
 موصوف اولنلراهل جهنمدر دیو حکم اولتور و دخی ابدست ایله کلمش
 ادک اوزرینه مسح مذهب حقده جائزدر سفرده و حضرده ابو بکر
 رضی الله عنه روایت ایتدی پیغمبر علیه الصلو و السلامدن که
 مسافرله اوج کون کیجه لریلر رخصت و بردی و مقیم اولانلره برکون و برکیجه
 رخصت و بردی دیو و حضرت علی ابن ابی طالب رضی الله عنه مسعدن
 سؤال اولند قدده بیوردیکه رسول الله صلی الله علیه و سلم مسافرله
 اوج کون و اوج کیجه و مقیم اولانلره برکون و برکیجه تعیین بیوردی دیدی
 حسن بصری رحمه الله تعالی شویله بیوردیکه یتش قدرا صحابه یتشدم
 جله سی ادک اوزرینه مسح ایتمکه رأی و اتفاق ایتمش لرایدی ائک ایچون

حضرت امام ابو حنیفه رضی الله تعالی عنه یورو دیکه بکا کونش کبی
 نقل متواتر و روایت قطعه و اصل اولدیمچون ادک اوزرینه مسحک
 جواز یله حکم ایتدم امام کرخی رجه الله تعالی یورو دیکه شول کسه لکه
 ادک اوزرینه مسح ایتمکی انکار ایدر اهل بدعت و اهل ضلالتدر
 و انلر حقه کفر قورقلور زیرا انک حقه و ارد اولان آثار و نظار متواتر
 و الحاصل مسح جائزدر دیمک اهل سنت علامتدر خلاقی اهل بدعت
 و فرقه ضاله مذهبه العیاذ بالله تعالی و هر مؤمن میتک نماز
 قلیق کرکدر صالح اولسون فاسق اولسون زیرافسق و کاه کیره ارتکاب
 ایتمکله و توبه سز آخرته کله کله کفر لازم کلز و مخلد فی النار اولمی
 لازم کلز معتزله و خوارج مذهبری باطلدر و هر مؤمنه نمازده او یوب
 اردنده نماز قلیق جائزدر امام صالح اولسون فاسق اولسون هر بر صالحک
 و فاجرک اردنده نماز قلیک دیو جوازی بیان حقه روایت وارد لکن
 صالح اردنده نماز قلیق ثوابلور فاسقک امامتی مکر و هدر اعمی
 و ولد زنا و قریه ده ساکن اولنلرک امامتی مکر و هدر و اهل بدعت اولنلرک
 دخی مکر و هدر لکن جهیمه و قدریه و روافض غایبه و مشبهه و مجسمه
 و خطایه کبی مذهبری باطلدر اقتداء ایلمک صحیح دکلدر ندکیم کتب
 فقهیه ده مذکوردر پادشاهلره فلج چکیم و عزل ایتمکله سعی ایتمک
 جائز دکلدر نقدر ظالمده اولورسه و دخی ذم ایتمک و بد دعا ایتمک دخی
 بویله ددودخی پادشاهلره خیر دعا ایتمک و شرع شریفه موافق اولان امرینه
 اطاعت ایلمک و اجیدر زیرا امام المسلمیندر و مبت ایچون دعا ایتمده
 میته فائده وارددر جنازه نمازی قلیق الله تعالی ک رضا سیچون صدقه
 و یروب و یاخود قرآن او قیوب و یاغیری خیر عمل ایدوب ثوابی میته
 یاغشلوب و برسه لاول میتک روحنه ثواب و اصل اولوب فائده نور
 بر وایتلرده شویله در که بر مؤمن آخرته کتد کد نصکره دنباده خیراتی قالسه
 یاخود علمی و تألیقلری قالسه یاخود بر مؤمنک اولادی قالوب کا دعاء ایتسه

اکا ثواب واصل اولور و خير دفتری قبا نمز و دعا لری حق تعالی قبول
 اید یجیدر و حاجت لری قضا اید یجیدر کبار صحابه دن سعد بن عباده
 رضی الله عنه دیدی که * یارسول الله ان ام سعد ماتت فای الصدقة افضل
 یعنی یارسول الله سعدک والدہ می آخرتہ کندی قنخی صدقه افضلدر
 دیمکدر * قال علیه السلام الماء * پیغمبر عز علیہ السلام صو
 صدقه سی افضلدر دیو بیان یوردی * فخر بڑا وقال هذه لام سعد
 ایددی سعد حضرت لری برقیو قازوب انک ثوابی سعدک والدہ سی ایچون
 اولسون دیدی و دخی شریعت محمدیہ ده شویله در که دعا و عبادت
 مجلس لرندہ عامہ مؤمنین و کافہ موحدین یاد اولند قدہ انلرک جله سنہ فائده
 و ثواب واصل اولور رحه الله علیہم اجمعین روایتلرده دعا بلایی رد ایدر
 و صدقه و یرمک حق تعالی نک غضبی تسکین و عفو بتدن خلاصه سبب
 اولور و دخی بر روایتده شویله در که هر کیمکه حق تعالی به دعا ایتمسه
 حق تعالی اکا غضب ایدر بر روایتده هر کیمکه حق تعالی دن مراد ایتمسه
 حق تعالی اکا غضب ایدر دیو واقعدر و دخی نیجه احادیث و آثار واردن
 معنزلہ طائعه سی موتایه ثواب با غشلق و دعائک مقبول اولسنی انکار
 ایتد کلری باطلدر العیاذ بالله تعالی اولادمه و اصحابه یعنی تلامیذه
 و سائر دوستلریمه و اهل اسلام اولان جیع مکلفلره و نصیحتیم
 و تنبیہم اولدر که بور ساله ده بیان اولتان اعتقاد اوزره ثابت اوله ل
 زیر ا بو اعتقاد اوزره معتقد اولان عاقل کامل حقا مؤمندر
 کفردن و شرکدن بریدر و اهل سنت و جماعت مذهبی اوزره ثابت در
 اعتقادده بدعت و فساد و سائر حقه مخالف اعتقادلردن بریدر حق تعالی
 بو عید فقیری و سائر اخوان مؤمنینی بو اعتقاد حق اوزره ثابت و ختام مبسر
 ایدوب اهل سنت زمره سنده حشر ایلیه آمین خلافتدن حفظ ایلیه آمین
 بچاه سید المرسلین بیان مذهب رجالدن و نسادن هر مؤمن
 کشتی به شرعا لازمدر و واجبدر که اعتقادده و عملده مذهبن

او گرنوب یله و مقتضایه جاری و ذاهب اوله ایمدی لشدی مذهب
 دیمک سبیل و بول دیمکدر اصطلاحده شول مسائل واحکامدر که اوله
 شرعیة دن مجتهدک اجتهدایله استنباط اولنه اعتقادده مذهبک کیمدر
 دیمکدر اهل سنت و جماعتدر دیه اعنی اهل سنت و جماعت مذهبندن
 مراد بودر که رسول الله صحابی و جماعتی مهاجرین و انصار رضی الله
 عنهم انلرک هر بریسی دین اسلامک نوری و جزاغیدر و اهل ایمانک
 مقتدا لری و سندلریدر انلرک اعتقاد اوزرینه متفق و ذاهب اولدیلر ایسه
 بن دخی اول اعتقاد اوزرینه بن دیه و انندن غیر بر اعتقاد کتبه
 و حقدن اراق اولیه و ضلالته دوشیمه نار حیمه وجودنی القا ایتمه انلرک
 اعتقادی بور ساله نک اولندن یو ارایه کلنجه ذکر ایتدیکمز در اعتقاد
 حق بور سالده مهمما مکن بیان ایندک خلافتی رد و ابطال ایلدک امعان
 نظر ایله اهتم اولنه غفلت اولنجه ایمدی معلوم اوله که اهل سنت
 اعتقادده امام ایکیدر بریسی ابو حنیفه شاکر درندن امام هدی شیخ
 ابو منصور ماتریدی دیمکله مشهور بر عالم و کامل عقاید صحیحده ذریه
 حقیقه و اصل امامدر و بریسی امام شافعی شاکر درندن امام ابوالحسن
 الاشعری دیمکله مشهور بر عالم و کامل عقاید صحیحده ماهر در علمای
 حنفیه شیخ ابو منصور اعتقادده امام ایدنمشلر در علمای شافعیه شیخ
 ابوالحسن الاشعری بن اعتقادده امام ایدنمشلر در بویایکی امام پیونده
 بر مقدار مسائل اعتقادیهده اختلاف وارد لکن مالی و مأخذی بر در
 و بویایکی مذهب اهل هدایت و اهل سنتدر و حکم ایله که اهل سنت
 و جماعت مذهبی حقدر انندن غیر عقاید خصوصنده اولان
 مذهبدر نقد و ارایسه باطلدر و بویله حکم ایتمک جمله مکلفلر اوزرینه
 فرضدر زیر روایتده شویله در که رسول کائنات علیه افضل الصلوات
 و التسلیات شویله نیور دیلر که بنم اتم یمش اوج فرقه و لسه کر کدر
 بر فرقه دن باعداسی اهل نادر اول فرقه کیمدر دیوسوال اولندقد جواب

پیور دیلر که بنم واجباتکم اولدینی حال اوزره اولانلر در دیو پیوردی
 اهل حدیث بو اختلافی عقائد ده اختلافه حل اولغله ایتدیلر و امتدن
 مراد امت اجابتدر دیدیلر ایمدی اعتقادی اصحاب اعتقاد نه موافق
 اولانلره اهل سنت و فرقه ناجیه و اهل حق و امت اتباع دینور مخالف
 اولانلره اهل بدعت و فرقه ضاله و اهل باطل و ملاحده دینور اهل
 ضلالت قتی چوقدر باخصوص فی زماننا نیجه کسه لر مشایخ قیافته
 کیروب جهالت ایله عوامی و امی مقوله سی کسه لری اغوا
 و اضلال و سبیل حقندن اخراج ایتکی معتاد و طریق ایدنمیشلر در
 العباد بالله تعالی اولادمه واجباتمه و اخواتمه و صیتم اولدر که اهل سنت
 مذهبنی اوکر نمکه زیاده سیله سعی ایده لر و مشایخ جاهله ضاله مضله دن
 زیاده سیله اجتناب ایده لر همان تحصیل علم نافع و عمل صالح و تهذیب
 اخلاق ایله دائما مشغول اوله لر علماء منشر عیندن منفک اولیه لر سبیل
 سعادت و طریق رضای حق و طریق جنات عالیا بودر عملده مذهبک
 کیدر دیسه لر امام اعظم ابوحنیفه رحمه الله تعالی عنه در دیه اما حکم
 ایدوب ابوحنیفه مذهبی حقدر غیر یلر که مذهب مالک و شافعی و مذهب
 احمد بن حنبل باطلدر دیه به بلکه اید که ابوحنیفه مذهبی حقدر یعنی
 صوابدر بعض مسئله ده خطا ایتک احتمالیده واردر غیری مذهب لر
 ابوحنیفه یه مخالف اولان مسائلده خطادر ظنا حق و صواب اولق
 احتمالیده و از زرا هر کس عملده تابع اولدینی اما منک مذهبنی صواب
 و طوغری اعتقاد ایلک لازمدر تا کیم تقلیدی صحیح اوله ایمدی یونک
 اجالا تحقیق اولدر که حق تعالی حضرت نلری قوللرینه امر و نهی ایتمشدر
 بعضی قرآنله و بعضی رسول دلندن حدیث شریف ایله بعضی شیلری
 فرض و بعضی واجب و بعضی حرام و بعضی مکروه و بعضی مباح ایتمشدر
 و رسول الله علیه الصلوٰة والسلام دخی بعضی شیء سنت و بعضی مستحب
 دیمشدر بیان فرض معلوم اوله ککه مشروع اولان درت نوعدر

فرض واجب سنت مستحب بونلره مباح تابعدر ومشروع اولمیان ایکی
 نوعدر حرام مکروه و عبادتی افساد ایدن مفسد ل بونلره ملحقدر مثلاً
 نمازده اکمک یمک وصوایحکم کی ایمدی جمله سی سکزددر بونلره احکام
 ثمانیه دینور مذهب شافعیده فرض واجب بردر مصنفک بیانی بوترتیه
 بر مقدار مغایر کورینور فرض قطعی اولدر که اتی الله تعالی بیورمش اوله
 شبهه سز دلیل ایلر بللواولمش اوله قرآن کی ایمدی اگر دلیل شرعینک
 دلالتنده آخر حکمه احتمالی اولماز ایسه اکاحکم قطعی دینور واکر آخر
 معنایه احتمالی وارا ایسه ظن افاده ایدر انک ایچون فرض ایکی نوعدر
 بر یسی قطعی و بر یسی ظنی مثلاً آیدسته باشه مسح ایتمک فرض قطعیدر
 اما باشک درت بلو کده بر بلو کنه یا خود بر مقدارینه یا خود یار یسنه مسح
 حکمی ظنیدر و اجتهادیدر فرض قطعینک حکمی بودر که اینانمق
 وایشتمک فرضدر وایشلینه ثواب حاصل اولور ترک ایدن جهنم عذابنه
 لایق اولور اینانمیان کافر اولور واستخفاف ایدن رتداولور ایمان کنورمک
 وعلم حال او کرتمک کی وایدستی یوق ایسه نماز قلیق مراد ایتدکده
 آیدست الموق وجنبلکدن وحبضدن ونفاسدن غسل ایتمک وبش وقت
 نماز قلیق و جمعه نمازی قلیق کی ورمضان اورجن طوموق
 وغنبار کوره یلده بر کره زکوة ویرمک و عمرنده بر کره حج ایتمک کی
 بیان واجب واجب اولدر که اتی الله تعالی بیورمش اوله دلالتی شبهه لو
 دلیل ایلر بللواولمه حکمی اولدر که اینانمسی واجب عملی فرض ایشلینه
 ثواب حاصل اولور ایشلین عذابه لایق اولور واجب ایدوکنه اینانمیان
 کافر اولماز شبهه لو اولدیغیچون مثلاً ابوحنیفه یه کوره وترنمازی کی
 وغنی اولانلره حاجیلر بیرامنده قربان ایتمک کی واوروج بیرامنده صدقه
 فطرویرمک کی و بیرام نمازلری وسائرندور کی بیان مباح مباح
 اولدر که مجرد ایشلمسندنه نه ثواب اوله ونه کاه اوله او تورمق و یورمک
 ویاتمق کی ایمدی مباح نیت حسبیلر مختلف اولور مثلاً نماز ایچون مسجدده

کتمک ثوابدر میخانه به کتمک کاهدر و قس علی هذا واولوالامرك حکمیه
 مختلف اولور مثلاً سمور کورک ذاتنده مباح اینک امرایساق ایتسه کیمه سی
 حرام اولور اما مباحدن غیریه به بویه دکلدر مثلاً بر حرام اولان نسنه بی
 امر ایتسه و بر فرضی ترک ایله تکلیف ایتسه لرائک حکمتی شرعده تبدیل
 اولماز بیان حرام حرام قطعی اولدر که الله تعالی اندن نهی ایتش اوله
 حکمی اولدر که حق تعالی دن خوف ایندی کی چون ترک ایدن ثوابه نائل
 اولور ایشلین جهنم عذابنه لایق اوله حلال عدایدن کافر اولور
 انکار ایدن مرتد اولور بغیر حق آدم اولدر مک وزنا ایتک ولواطه ایتک
 و زبوا و مال یتیم مک و ظلم ایتک و غیبت و بهتان و کذب ایتک و شراب ایچمک
 و کلب ارتوغن ایچمک و بمک کبی بیان مکروه مکروه اولدر که اتی
 حق تعالی خوفی ایچون ترک ایدن ثوابه نائل اولور و ایشلین عذابنه لایق
 اولور تحریمی ایتسه تنزیهی ایتسه لایق اولیه و حلال عدایتکدن کفر
 لازم کلز لکن عتابه و شفاعتدن محروم اولغه لایق اوله آت اتی بمک کبی
 بیان سنت سنت فعلیه اولدر که رسول الله علیه الصلوٰۃ والسلام
 اتی اکثر زمانده ایشلمش اوله فرض و یا واجب اولدیغنی بیان ایچون بعض
 زمانده ترک ایتش اوله حصایصدن غیریه حکمی اولدر صکه ایشلین
 ثوابه نائل اوله و شفاعته مظهر اوله ترک ایدنه عذاب اولماز اگر سنتلردن
 برینه راضی اولماز ایتسه یا خود استخفاف ایدر ایتسه کافر اولور و اگر راضی
 اولوب و تعظیم ایتکله غفلت ایله ترک ایدر ایتسه عذاب اولماز لکن
 عتاب و شفاعتدن محروم اولغه مستحق اولور و اگر ترکی معناد ایدر ایتسه
 فاسق اولور مسواک استعمال ایتک مؤکددر و جماعت ایله نماز قیلق مؤکددر
 و واجبه قریبدر حتی بر بلده خلقی ترک ایتسه لرقتل اولنور لبر کسه ترک
 ایتسه ضرب و حبس اولنور و وایت صحیحیه زده شو یله در که جماعتله
 قبلان نماز بالکمز قبلان نماز دن یکرمی یدی فات افضلدر و یکرمی یدی
 درجه زباده در و شافعی قولنده جماعت فرضدر لکن فرض عین میدر

کفایه میدرخشاید و علمای حنفیه دن نیجه لری فرض کفایه در دیمشدر
وامام مالک واحد بن حنبل مذهب لرنده فرض عیندر و علمای حنفیه دن
بعضی لری دخی فرض عیندر دیمشدر بر بیوک عذر اولماد بجه ترک نهر خضت
اولماز و اغلا نچ قمری نچمل لری زماننده سنت ایتک اکلا ختن دینور
واولن دیک و قنده طعام ایتک کبی ایمدی سنت ایکی بلو کدر سنت هدی
وسنت زو ائد اولکی عبادت جنسندندر ابکنجی غادت جنسندندر سنت
هدایی ترک ایتک ضلالدر و سنت زو ائدی ترک ایتک لا بأسدر ایمدی
عامه کتیده سنتی ترک ایدن و مکر و هی ارتکاب ایدن شفاعتدن محروم
اولمغه مستحق اولور دیو ذکر اولمشدر لکن بونک توجیهی بودر که آخر
کسده ره شفاعت ایتکدن محروم اولمغه لایق اوله بودخی محشرک جله
موقبلرنده اولیه بلکه بعضی موقوفه اذن و یرلیه بعضی آخر موقوفه اذن
و یرلکه مانع بو قدر یا خود پیغمبر بمن علیه السلام شفاعتدن محروم
اولمغه مستحق اوله بودخی اولکی موقوفه شفاعت اولمز ایسه صکره کی
موقوفدره شفاعت اولمغه مانع بو قدر و الحاصل عذاب و عتابه مستحق
اولمادن بالفعل مغائب و معذب اولمق لازم کلز و بالفعل محرومیت لازم کلز
زیرا عفو اوفوق جائز درزیرا * شفاعتی لاهل الکبائر من امتی * وارد
ولمشدر چونکه کبائر ارتکاب ایدوب توبه سر آخرته کیدن مؤمنلر ایچون
شفاعت وعد کرم اولمشدر مکروه و خلاف سنت ارتکاب ایدن مؤمن
مذنبلر بالطریق الاولی وعد کرمده داخل اولور بیان مستحب مستحب
اولدر که رسول الله علیه الصلوة والسلام اتی بر کره یا ایکی کره ایشلمش اوله
و یا ایشلمنه ثواب واردیمش اوله یا خود کوزلدر دیمش اوله یا خود سلف
صالحین و ائمه مجتهدین اولنسته کوزلدر و مستحبدر دیمش اوله را ایشلمنه
عذاب و عتاب و شفاعتدن محروم اولمق اولماز لکن ایشلمسند ثواب اولور
ترکنده اولماز نافله نماز قلیل وقت جائزده و نافله صدقه و یرلک جوازده
موافق اوله و نافله اوج طومق کبی اذن شرعی بولنور ایسه ابدی

الله تعالى كتابته و رسول الله عليه السلام حديثه بوجله احكام
 ثمانية واردر لکن بعضی آشکاره در هر کشتی اکار و بعضی کز لیدر
 منشا بهدن غیرى فی انجق اجتهاد مرتبه سنده اولان عالمرو عاقلر اکثر
 حق تعالی شرعا امر اتمشد ر اول عالمرو که علوم عربیه وقواعد
 اصول مقتضا سنجه چالشد ر واسنط احکام خصوصند زجتلو
 چکد ر کند و کتابدن و رسول اللهک سوزندن و فعلندن و صحابه
 کرامک اجماعندن و اثارندن اول کیرلو اولیری دلائل و امازات
 حسبيله استخراج و قیاس ایله بولر اظهار و تفصیل ایده ر و انک ایله
 عمل ایده ر زیرا هر بر مجتهد کند و اجتهاد ایله عمل ایتک اوزرینه واجبدر
 و مجتهد لدن غیر بلره او کره ده ر و سائر خلق بر مجتهد له اتباع و تقلید ایله
 مأمور لدر نا که بولره اجتهاد ده زجت چکد کیری مقابله سنده
 و سائر خلقی طریق شریعتیه دلالت و سبیل هدایتده امام اولدقاری
 ایچون چوق بولر ویره اکر اول مجتهد عالم خطا ایله یا کلس
 اکلده دیسه معذور اوله ا کا کاه اولیه اول خطا عفو او انوب ثوابه نائل اوله
 ایدمی اعتقاد ده خطا ایتک معذور کلد ر لکن احکام علیه ده خطا
 ایتک معذور و اجر دخی واردر بونک حقنه چوق حدیث شریفلر واردر
 بر وایتده فخر کاشات علیه الصلوة والسلام بعض صحابه یه پیور دیکه
 ان اصبث فلك عشر حسنات وان اخطأت فلك حسنة * دیمکدر که
 اکر اصابت ایدرسک سنک ایچون اون حسنه واردر و اکر اجتهاد ده
 خطا ایدرسک بر حسنه واردر و بر وایتده اصابت ایده نه ایکی اجر
 واردر خطا ایده نه بر اجر واردر ایدمی هر بر مجتهد کله اصابت ایدر و کله
 خطا ایدر مجتهد ر اختلاف رنده اصابت ایدر لانه خطا اولماز دیمک
 باطلدر شیخ ابو منصور ماتریدی حضرتلری شویله پیور شلر که مجتهد
 دلیلده و حکمه خطا ایتک محتملدر بونک اصلی بودر که قول مختارده
 حکم شرعی معین بر حکمدر اکر مجتهد اتی بولور ایسه اصابت ایدر

بولماز ايسه خطايدراق بولغنه مجتهد مأمورد كلدر انجق سعی
 واجتهد ايله مأمورد در انك ايچون مجتهد خطايتد كده معذور و مأجور
 اولور اكر خطايتديكني بئلز ايسه و اكر بئلور ايسه رجوع ايتك لازمدر
 بو مجتهد لك وارد بئي مرتبه به قادر اوليانلره حق تعالى امر ايتديكه
 بونلردن برينه اعمال و معاملات خصوصنده اويه انك سوزيله عمل ايد
 اول دخی معذور اوله كئا اوليه ثوابه نائل اوله اكر چه اويد بئي
 امام عالم صاحب مذهب خطاده ايسه البته مأجور اولور
 درت مذهبدن برينه اويمق جاژدر اويد قد نصكره موجبيله عمل ايتك
 اوزرينه واجب اولور اكر سؤال اولور ايسه كه نيچون صحابه كرام
 رضوان الله تعالى عليهم اجمعين بومذهب لري اظهار ايتديلر و نيچون
 كئا بلر تأليف ايتديلر پس جواب اولدر كه رسول الله عليه الصلوة
 والسلام زماننده وحى كلور ايدى و صحابه بالذات رسول الله الهدن آيت
 و حديث ايشيدوب علم اخذ ايدر لر ايدى دائما رسول الله عليه السلامك
 مجلس سعادتنده نور علم ايله منور اولوب قلبلرى صافى و اعتقاد لرى حق
 و عمل لرى خالص و مشكل لرى زائل اولور ايدى رسول الله عليه السلام
 دن ياد ن سر اى بقا به كند كند نصكره اصحاب رضى الله عنهم
 عز اى مهم و لازم كوروب اكا چالشد بلر اطراف عالمى فتح ايدوب ممالكى
 اهل اسلام مملكتى ايتديلر شريعت محمد به و ملت اجد به فى جهانه
 شايع قيلديلر بومصلحت اجلچون كتاب اللههدن و حديثدن چوخه
 احكام چيقاروب كئا بلر يازمغه اللرى دكدى وهم انلرك تأليف
 كتاب و ترتيب ابواب و تبين اوضول و تصنيف فصول ايتكه احتياجى
 بوعيدى زبرا انلرك اسكرى مجتهد ايدى وقت حاجنده كندول
 اجتهد ايله عمل ايدر لر ايدى رسول الله عليه السلامك مجلس
 سعادتنده بر مقدار مشرف اولان اعرابى مسلم حكمت سويلكه باشلر
 ايدى و دخی خلق اور تاسنده حوادث و وقايع چوق دكل ايدى

دنیا دغدغه سی آژ اولدیغیچون استفتا آژ واقع اولور ایدی انلر دنیادن
 آخرته کتد کدنصکره تابعین وانلردن صکره کی زمانده اطراف دنیاده
 اهل اسلام چو غالدی و حوادث و جهل شایع اولدی ونیجه اهل بدعت
 و ضلالت پیدا اولدی پس لازم و واجب اولدی اول زمانک عالم لری
 چالشوب علمدن و اجتهاد دن غیري نسنه لر دن و از کجوب اجتهاد
 ایده لر و خلقه فتوال ویره لر کتابدن و حدیثدن احکام و مذهب
 چیقاروب کابلره یازه لر و خلقه اوکره ده لر هر عالم عقلی و علمی
 ایردیکی قدر چالشدی واکله دیغنی خلقه بیان ایدوب کابلره یازدی لر
 هر مسئله بی دلیلی ایلله و هر سؤالی و جوابی و هر مشکلی فتوای ایلله ذکر
 ایتدی لر مذهبلا آشکاره اولدی اول اماملرک کلاملری ایلله فتوی ویریلور
 وانلرک آثارنه اقتدا اولور هر برینه بر طاقه تابع اولدی کیمی ابوحنیفه یه
 و کیمی شافعی یه و کیمی مالک و کیمی امام احمد و کیمی سفیان ثوری یه
 و کیمی داود طائی یه و غیر یلره تابع اولدی لر و بونک اوزرینه عمل ایتدی لر
 نابور مانه کلنج و حضرت مهدی چیقنجه لکن فی زماننا مذهب
 درنده قرار ایتشد سائرک اتباعی منقرض اولشدر و بوجله مجتهد لر
 احکام علیه ده بر لرینه مخالفدر لکن اعتقاد ده بر در که اهل سنت
 و جماعتدر اختلافلرینک غایبی و حاصلی بوکه عمده اذن شرعی ایلله
 بعض خصوصده بری برینه مخالفت ایدر لر زیرا مجتهدلر کتد و اجتهادی
 ایلله عمل ایتک اوزر لرینه و اجیدر بر لرینه تقلید ایده مزل اول مخالفت
 دخی الله تعالی اذینله اولشدر دنیاده و آخرته اصلا ضرر ویرمن
 اذن حقه اولدیغیچون و بوا مملرک جمله سی هدایت اوزره در وانلردن
 عملیاتده و معاملاتده هر قفسنه تابع اولسه بر کشتی علمنی و بیع و شرا
 و نکاح و طلاق و سائر امورنی بوا مملرک بر یسنک فتوا سنه تطبیق و موافق
 ایلسه جائزدر قیامده ثوابه نائل اولوب جنته کیرر هدایت و شریعت
 اوزره عمل ایتدیکیچون تابع اولدیغی امام مجتهد اجتهادنده خطاده

ایتدبسه ضرر و پرمرزو ثوابه مانع اولمز زرافرو عده اجتهاد خصوص صند
خطا ایتک معفودر اما اعتقادده خطا عفو اولماز یا کفر یا بدعت قبیحه
اولوب اهل ضلالتدن اولور مذهب اهل ستندن چیقار و بوروم و روم ایلی
وازابک و سند عراق و هندک اکثر محلنده و بو وطنز اولان دیارده
ابوحنیفه رحمه الله علیه مذهبی شایع اولسدر بویک و غیره دیارک خلق
انی امام و شیخ الاسلام ایدنمشدر و بلاد عثمانیه انک فتوا سبیل
حکومت ایده کملردر زیرا ابوحنیفه رحمه الله تعالی علمده فاضل
واجتهادده کامل اولوب استنباط ایلدیکی احکامی ادله شرعیه و عقلیه
ایله تأیید و تنویر ایتکله مذهبی صواب وجهه اوزره محکم و متین ایلدی و جله
مذاهب اربعه صاحبی ایا ملردن اول دنیا به و مقام اجتهاده کلمشدر
زیرا رسول اللهک هجرتدن سکسان ییل کچد کده طومشدر یوز اللی
ییل اولد قده وفات ایتمشدر عمری یتش ییل ایدر قبرش ربی بغدادده در
امام شافعی پیور مشردر که کیمکه علم فقه ده فائده و کمال کسب ایتک
ایسته سه اول ابوحنیفه نک عبالی اولور امام مالککه سؤال ایتدیلر که
ابوحنیفه بی سن کورد کی دیو جواب و پر مشر که بن ابوحنیفه بی کوردم
پر کامل فاضل کسه ایدیکه اگر شود یرک التوندردیو دعوی اینسه کا دلیل
ککوروب سوزنی اثبات و خصمی الزام ایتککه هر وجهله قادر اولور
دیدی ابوحنیفه نک اسمی نعماندر باباسی ثابندر بیوک باباسی زوطادر و انک
باباسی ماه در و ابوحنیفه تابعیندند ز برابر و ایتده درت صحابه به یتشمشدر
بری انس بن مالکدر و بریسی عبدالله بن ابی اوفی الانصاری در و بریسی
ابو الطغیلا عامر بن وائله و بریسی سهل بن سعید الساعدی در رضوان الله
تعالی علیهم اجمعین و تابعیندن قتی چوق علما ایله مکالمه ایتمشدر شعبی
و نفعی و علی بن الحسین کبی لکن ابوحنیفه بونلردن فقه اخذ ایتمشدر
ابوحنیفه دن قتی چوق علما فقه اخذ ایتمشدر و انک شاگردی وارد
ابو بوسف و محمد وزفر و غیره رحمه الله تعالی انلردخی استاذی کبی

مجنهد

مجتهد زردر و مسائل فرعیه دن بعض خصوصه اوستاذ زینه مخالف
 قولری واردر اجتهاد حسبیه آکد قلیینه **کوره** مجتهد اجتهادیه
 عمل ایتک اوزرینه واجب اولوب تقلید ایتک جائز اولدیغیچون هر مجتهد
 کندویه سند طوئدیغی دلیللرک حکمجه اختلافی ایتک امر لازمدر
 لکن بونلر بشقه مذهب صایلر ز پرا اوستاذ زینه چوق یرده تابع اولور لر
اکثر مخالف قوللرنده اوستاذ لرندن بر روایت بولنور بلکه بونلر
 جله بر مذهب صایلور ایمدی ابوحنیفه مذهبنده اولان کسه
 بعض خصوصه بونلرک قوی ایله عمل ایلسه ده جائز اولور
 ابوحنیفه دن روایت بولند یغیچون و جله بر مذهب صایلدیغیچون
 امام شافعی رحمه الله علیه ابوحنیفه رحمه الله علیه وفات ایتدیکی ییلده
 طوعمشدر و غیری ذ **ککر** اولنالرک جله سی اندن مؤخر در امام
 شافعی امام محمد دن فقه و علم اخذ ایتمشدر امام احمد بن حنبل امام
 شافعی نک شا کردی مثابه سنده در ظن غالبز اولدر که ابوحنیفه نک
 رحمه الله تعالی ادله شرعیه دن **اکک** لایوب چقاردیغی مسئله لرک
 صوابی خطا سندن چوق اوله غیرتی اماملردن ایمدی عمل باینده ظن
 غالب کافیدر هر کسک اوزرینه واجبدر که تابع اولدیغی امامنی اصابت
 ایتمشدر دیو ظن غالب ایلله اگر خطا ایتمشدر دیو ظن ایدر ایسه تقلیدی
 جائز اولماز ایمدی عملده و معاملاتده مذهب و امام ابوحنیفه در
 دینک معناسی بودر که ابوحنیفه پی عبادتده و معامله ده امام ایندم
 و کتاب اللمهدن و حدیثدن **اکک** لایوب چقاردیغی قبول ایتدم و انک سوزیله
 و فتواسیله و حکمیله عملی اختیار ایتدم دیمکدر ایمدی عباداتی
 و معامله سنی انک سوزینه و فتوا سنه تطبیق ایتک کر کدر و انک مدهبنده
 اولان معتبر کابلردن مذهبنی او کر نک جله حنفیله واجبدر اخلاق
 ذمیه معلوم اوله که بو بایده مصنف رحمه الله تعالی اخلاق ذمیه نک
 بولکر یغی بیان ایتکه شروع ایلدی ایمدی جله دن اهم و الزم اولان بودر که

ودخی وصیتم و خیر خواه لغم اولدر که مؤمنر قلب جکر زنی آریده لر
 و اخلاق ذمیمه دن قلب برنی پاک و خالی ایده لر زیر اقلب جسد ایچنده برسوزی
 بچکن پادشاه کبیدر سائر اعضا و بتون جسد آنک رعایاسی و اتباعی کبیدر
 بجان قلب اخلاق ذمیمه ایله موصوف اولسه فاسد اولوب سائر اعضادن
 ظهور ایدن ایشلر جمله سی شرع شریفدن طشیره اولوب دیناده خذلان
 و آخرتده عذاب نیران ایله معذب اولسی مقرر و محقق اولور و اگر قلب
 اخلاق ذمیمه دن عاری و خالی اولوب اخلاق حیده و خصال جبله ایله
 موصوف اولسه سائر اعضا آنک حکمنه مسخر و مطیع اولغله اول
 کشیدن ظهور ایدن افعال شرع شریفه موافق فلاح و صلاح ایله
 موصوف اولغله لاجرم دیناده توفیقه مظهر و آخرتده سعید و عزیز
 و رضایه و لقایه نائل اولور آنک ایچون احوال قلبه متعلق اولان علم و معرفت
 دین اسلامک اصلیدر و طریق آخرتک تملیدر دیمش لر روایت صحیحده ده
 شویله در که * الاوان فی الجسد مضغه اذا صلحت صلح الجسد کله
 و اذا فسدت فسد الجسد کله الاوهی القلب * معنای شریفی شویله در که
 ای عاقلرا کاه اولنکه جسد ایچنده بر قطعه ات پارچه سی واردر که اگر
 اول صالح اولور ایسه بتون جسد صالح اولور و اول فاسد اولسه بتون جسد
 فاسد اولور آگاه اولنکه اول پارچه ات قلبدر دیمکدر ایمدی عاقل مکلف
 همان قلبنی اصلاحه سعی اینسون اخلاق ذمیمه بی قلبندن ازاله ایدوب بریند
 اخلاق حیده کسب و جلب اینسون ایمدی خلق بر کیفیت راسخه در که
 آنک سبیلله افعال سهولتله ظهور ایدوب بچوق فکر و تأمل اینکه محتاج
 اولماز ایمدی برکسه ده تواضع و حلم اولسه آنک هر بر فعلی زحمتسز ملایم
 و لطیف و ناس ایله امتزاج اوزره ظهور ایدر و برکسه ده کبر و غضب اولسه
 آندن سهولتله خشونت و ناس ایله مجادله و اقراتی حقیر و خور کورده
 و امتزاج ایتمک فعللری ظهور ایدر اما متکبردن تواضع فعلی کوچ و زحمت ایله
 چیقار کفرنده قوی و شدید اولان کافرک اسلامه کله سی زحمتل اولدیغنی کپی

بومعل کوزل نامل اولنه ايمدی چله اخلاقك منشاق اوج قوتدر بریسی
 قوه ناطقه ایکنی قوه غضبیه اوجنی قوه شهوانیدر بونلرک هر بریسی
 اوچر بلو کدر قوه ناطقه دیمک معلوماتی ادراک وفهم ایدی قوه دیمکدن
 اکاعقل دینور مرتبه سی اوچدر وسط واعتدال مرتبه سنه حکمت دینور
 شرعاً ممدو حدر وصاحبی سعی ایدر ایسد آرزمانده چوق علوم نافعه
 تحصیل ایدر اول حکمت بر قوی ملکه در که صاحبی خطادن صوابی
 و ضرر دن فائده بی و باطلدن حق تمیز ایده یلور آندن حسن تدبیر
 وزکا و دقائق اعماله وآفات قلبیه نک خفیه اولانلرینه تفتن و تیعظ
 حاصل اولور ودخی قوه ناطقه نک افراط مرتبه سی جرزه در اول
 بر مذموم ملکه در که آنک صاحبی بطسی انسان ایچون ممکن اولیان نسنه لری
 بیلکه سعی ایدر منشأ بهات وقضا وقدر اسرارنی بیلکه سعی ایتمک کی
 بونک صاحبندن صدور ایدن افعال سائر کسه لره ضرر و پرر مکر و خدعه
 ومداهنه و تلق و تبصیب ایله اغفال ایله برکسه بی بهلکه به القا ایتمک کی
 نسنه ل جرزه دن حاصل اولور ودخی قوه ناطقه نک تفریط مرتبه سی
 بلاد و حاکمدر اول بر مذموم ملکه در که صاحبی شردن خیری و ضرر دن
 فائده بی و نکاهدن ثوابی فرق ایتمکدن عاجز وقاصر اولور ابلهیت وامورده
 فکر ایله تبحر به ایده مبوب قاصر اولق و علوم دینه دن غافل و جاهل قالمق
 و جنون آندن حاصل اولور اما قوه غضبیه که نفرت ابتدکی نسنه بی دفع
 ومنع ایتمک ایچون نفسک تقاضاسی و حرکتیدر اول دخی اوج مرتبه در
 وسط واعتدال مرتبه سنه شجاعت دینور شرعاً ممدو حدر اول بر کوزل
 ملکه در که شرعاً اقدام و هجوم ایتمسی جائز اولان اموره مباشرت و هجوم
 ایتمکدر عرضنی و مالی صیانت و کافر لره غزا و کافر دن وظالمدن بر مؤمنی
 خلاص ایتمک ونهی منکر و امر معروف کی کرم و حلم وثبات و کظم غیظ
 و وقار شجاعتدن حاصل اولور قوه غضبیه نک افراط مرتبه سنه تهور
 دینور اول بر مذموم ملکه در که صاحبی جائز اولیان اموره اقدام و هجوم

ایدر کبر و عجب و لاف کذا فو خویر ادلق و حیوان و جاد مقوله سنه غضب
ایتمک اندن حاصل اولور و قوه غضبیه نک تقریط مرتبه سنه جبن دینور
اول بر مذموم ملکه در که صاحبی اقدام و هجوم و مباشرت ایتمک جائز و لایق
اولان اموردن کبر و قالور و قرار ایدر مذلت و حقارت و عرض سزلق
و عارسزلق و غیرت اسلامیه سی اولمق و خساست و دنات و ضعف ایمان
بوندن حاصل اولور و اما قوه شهوانیه که ملایم اولان نسنه لری طلب
ایچون نفسک حرکت و تقاضا و اضطرار اینک مبدئیدر اوج مرتبه در
وسط و اعتدال مرتبه سنه عفت دینور شرعا عمد و حذر اول بر کوزل
ملکه در که شرع شریفه موافق ملایم و مشتبهانه مباشرت ایدر دایره شرعی
تجاوز ایتمز ما کولتدن و مشر و بادن و ملبوساتدن و غیریدن شرعیجه
مباشرت ایدر مرؤت ایله خلقه معامله ایدر سخاوت و حیا و صبر و صفای
صدر و قناعت و زهد و تقوی و طمع سزلق و توکل بوندن حاصل اولور
و قوه شهوانیه نک افراط مرتبه سنه شر و فجور دینور اول بر مذموم
ملکه در که انک صاحبی نفسک آرزو ایتدیکی نسنه لری ارتکاب ایدر شرع
شریفه نظر ایتمز محرماتی مرتکب اولور اسراف و تقیر و ریا و هنک عرض
و حسد و شمانت و اغنیایه تذلل و فقرایه تکبر و دیانت سزلاک اندن حاصل
اولور و قوه شهوانیه نک تقریط مرتبه سنه خود دینور اول بر مذموم
ملکه در که صاحبی مشتهیات شرعیه دن قاصر اولور ضعف و نکاسل
اندن حاصل اولور ایمدی بواوج وسط که حکمت و شجاعت و عقندر
بونلر عمد و حذر در و اخلاق حیده نک باشدیر اصر عقل قوه غضبیه
و شهوانیه اوزرینه حاکم اولور ایسه وسطلر حاصل اولور و سائر اخلاق
حیده دخی پیدا اولور و اگر قوه غضبیه و شهوانیه نک و ناطقه نک افراط
و تقریط مرتبه لری حکمت اوزرینه غالب اولور ایسه العیاذ بالله تعالی
اخلاق ذمیمه لر حاصل اولور و افراط و تقریط مرتبه لری جسد مملکتنه
حکومت ایدر قلب و جسد بالکلیه فاسد اولور العیاذ بالله تعالی کشتی اخلاق

حیده ایله درجه عالیّه به نائل اولور عبادتی ضعیف ییله اولور ایسه ده
 و اخلاق ذمیمه سببیه اسفل در که به داخل اولور جهنم ایچنده و هیچ
 نگاهدن خالی اولماز زیر اخلاق ذمیمه صاحبی برکاهدن توبه ایلسه
 بر بشفقه نگاهه کیدر اخلاق ذمیمه دن خلاص اولما دجه کاهلردن خلاص
 اوله مازا کرد بر سک که اخلاقی کشتی تبدیل ایده ییلور می جواب اولدر که
 کشتی سعی ابتدا کنده اخلاقی تبدیل ایدر بونک اوزرینه عقلا اتفاق
 ایتمشلردر و فخر به صادقه دخی بوکا شاهد در سکسان یلاق کافر مسلمان
 اولور و متکبر متواضع اولور اگر سعی ایدر ایسه ملحد توبه ایسه مؤمن
 اولور و منافق مراد ایلسه مخلص اولور و بخیل مراد ایلسه جو مرد اولور
 و سائر دخی بوکا قیاس ایت ایمدی عاقل قلنی مؤمنلره سوء ظن ایتمکدن
 آریده اعنی سوء ظندن مراد ایده رمکد برکسه به آراجق علامت ایله
 معصیت اوزره و یرماز فعل اوزره اولسنی اگله لر ز بر سوء ظن دن
 بغض و کین و افترا و شتمات و کذب و غیبت بلکه شتم و ضرب و امرایه
 شکایت و غوغا حاصل اولور بلکه بحسن ظن ایدوب صلاحنه حل
 ایده لر ممکن اولدجه علامت قوی و ظن غالب اولماز ایسه حسن ظن دن
 دین قرنداش لرینه محبت و معاونت و الفت حاصل اولور روایتلرده کلدیکه
 بر بر لرینه رضاه لله محبت ایدنلر آخرتده نوردن منبر لر اوزرنده اوتور لر
 انلرک لباس لری نوردن و یوز لری نور انلر اتیان دن دکلر در و شهدا دخی
 دکلر در لکن انلره غبطه و تحسین اولتور اول طائفه شول مؤمنلر در که
 عالم دنیاده بر بر لرینه حق تعالی رضاسی ایچون محبت و الفت و معاونت
 و بر بر لرینه زیارت ایدنلر در و دخی حب فی الله اوزره دنیاده الفت و آنک
 اوزرینه آخرته کیدنلر محشرده عرش اعلا کولکه سنده راحت و صفا
 ایلسه لر کر کدر و قلب جکر لر بی آریده لر یاد نکه اول عبادتله کرک عبادت
 هالیه و کرک قولیه و کرک بدیه اولسون دنیا فائده سنی خلقدن دیکلر
 شرک اصغر در قتی قاچق کر کدر خصوصاً اجرت ایله مجرد کلام الله

او قومه دن زیاده حذر ایدله لر اما رضاء لله کلام الله اوفور یوب ثوابی
 برکسه نك پکشمترینه باغشلسک اولدخی سکا برقاچ اجه هدی و صله
 ایدوب باغشلسه بوجاژ درامات و تأذین و خطابت و مکتب خواجه لغی
 و درس عاملق و بین الناس حکومت ایتک و مسجد زده قیملق کیلر ایچون
 ویریلان وظیفه لر متاخرین فتوالری اوزده جاژ درادای خدمت اولدقده
 باس یوقدر اجرت ایچون عبادت ایتک دکلدر بلکه اجرت زحمت
 و کسبدن قلمق مقابله سنده اولور صاحب خیراتک دفترینه صدقه ثوابی
 یازیلور و حسد دنکه اول کنولکدر یعنی برکسه نك نعمتی زائل اولسنی
 ایستکدر اکر اول کشتی نعمت قدرنی ییلوب طاعته و سببه ایدوب
 انک ایله فائدلش اولسه کرک ایسه اول نعمت مال اولسون و کرکسه علم
 اولسون و کرکسه ریاست و منصب اولسون و کرکسه صحت بدن و کثره
 اولاد اولسون یو نعمتک صاحبندن زوالی ایستک حسددر جاژ نکلدر
 اکر حسدک موجبله عمل ایدوب لسانله یا خود برفعل ایله حسد ایچون
 اول نعمت صاحبنه ضرر و اذیت ایدر ایسه بر یوک کاهی ارتکاب ایتش
 اولور ایمدی حسد بر مرض قلبیدر که انجق صاحبنه ضرر و پرر حسد
 ایتدیکی کسه یه ضرر و پرر برکسه برکسه یه حسد ایسه اول حسد انجق
 صاحبنه بر غم و غصه و ثقلت روحانیه بلا سنده و شکمه سبب اولور و حسد
 ایتدیکی کسه نك نعمتی چوق اولدیغنی کوردیجه انک غمی و غصه سی
 واضطرابی زیاده اولور کندیجه اکلا عداوت و کین و غیبت و بهتان و شتم
 و کبر ایتیکه باشلر صکره کند و حسنانی غیبت و بهتان ایتدیجه حسد ایتدیکی
 کسه یه انتقال ایدر انک ایچون اهل حکمت دیمشکر که حاشد بر ظالمدر که
 مظلومه بکزر اما اکر اول نعمت صاحبی نعمت قدرنی بیلسه نعمتی
 معاصی به وسيله ایلسه و یا خود ظلم و کبر و طغیان ایلسه انک زوال ایستک
 حسد دکدر اول کسه یی معصبتدن صافتمقدر و غیر یلری ظلمدن خلاص
 ایللری ایستکدر بواخوان مؤمننه شفقتدر بلکه غیرتدر معصبتدن

احتراز ایتک وغیر بی نبی ایتک غیرت دینیه در مثلاً بر کسه ناک چوق مالی
 اولسه معاصی به خرج ایتسه ننه کیم فی زماننا اکثر اغنیایو یله در
 ویا چوق علی اولسه انک ایله مال ور یاست تحصیل ایتسه علی دنبایه
 ومنصبه و امرایه تقرب ایتکه آلت ایلسه و معصبت و ظلمه وسیله ایلسه
 سن انلرک مالنک و علمنک زوالن و منصبدن عزلن ایستسک معصبت
 آلت ایند کلمی ایچون بو جائزدر و غیرت دینیه در و دخی جائزدر که
 و مندوبدر که بر کسه ناک شرعی نعمتی کبی بنده ده نعمت اولسه
 انک کبی عبادات و خیرات ایدیم دیسک اندن زوالن ایستسک اکا غبطه
 درلر بو کوزلدر بر کسه ده حلال مال اولسه یا خود علم نافع اولسه اول مال ایله
 خیرات و عبادت مالیه ایلسه و علمیه تعلیم دین و عمل صالح ایلسه سن دخی
 بنده ده مال و علم اولیدی انک کبی دورلو خیرات و اعمال صالحه ایدیم
 دیسک اندن زوالن ایستسک بو کوزلدر و علامت ایماندر و علم تحصیلنه
 سبب اولور خیرات ایتکه باعث اولور و دخی قلب جکر زریخی آریده لر
 کبردن که اول کندوبی بر غیردن ایو و بیوک کورمکدر تکبر
 ایندیکی کسه اکا برحق سوز سویلسه قبول ایتسک واکر بجملسده تقدم
 ایتسه قلبنه ثقلت حاصل اولوق کبر علامت لرنددر کبر حسده و عجب و بهتانه
 سبب اولور قولره کوره غایبده مذمومدر شیطان صفتیدر که حضرت
 آدیم علیه السلامه کبر ایدوب اناخیر منه دیمشدر یعنی بن آدمدن
 خیرلیم دیمکدر کبردن فتی قاجق واوزاق اولوق کرکدر انجق کبریا
 صفتی حق تعالی به مخصوصدر متکبر اولانلری حق تعالی هلاک ایتکه
 و عید ایتشدر ایمدی سنک قلبکده کبریوق ایکن بر متکبر کسه به بر بیوکلک
 کوستروب انک حدنی یلدرمک ایچون اکا کبر اظهار ایتسک بو کوزلدر
 و صدقه ایتش قدر ثوابه نائل اولور سن واکر نفسنه و شیطان کبر ایدوب
 مخالفت ایندر ایتسک حق تعالی نیک رضا سنه واصل اولور سن و غزاده
 دین اسلامه تعظیم ایچون کفاره هیت و شجاعت ایله کبر اظهار ایتک

ممدوحدر و فقرايه صدفه و بر اينكن غنا اظهار ايتك فقرايه كبر ايجون
 اولايوب بلكه محتاج اولدغه بدن صدفه الماغه صيفاسون ديو غنا
 اظهار ايتك ممدوحدر و عجبدر كه اول عملن و عبادتن كندودن كورب
 الله تعالىنك توفيقله واحسانيله و اعانتيله و يرانمسيله اولديغندن
 غفلتدر مولانك توفيقن و نصرتن يار ايدوب و يرديكي نعمتله شكر ايتك
 و اجدر ايمدي روايتلرده شويله در كه اوج نسنه انسانك ديني هلاك
 ايديجيدر بخيل لكينه اتباع و هوای نفسنه تابع اولق و كندور اينه عجب
 ايتك و حقندن كه اول بر كسته يه كين طوتمقدردنيا خصوصندن اوترى
 و انجنوب قليبيله سوميوب دشمنانلق ايتكدر چاردر كندور اوج كوندنصكره
 اول كسه يه واروب سلام و يرسون اكر سلامن آلور ايسه و الفت ايدر ايسه
 كورل اولور اكر سلامن المزايسه و الفت ايتز ايسه سلام و يرن سلامت
 بولور او يرسي عذابه مستحق او اور اما غير يله ظلم ايتديكندن اوترى
 سوهسك و يا خود آشكاره فليلق و معصيت ايتديكي و طاعنى ترك
 ايتديكي اجلدن سوهسك اول كوزلدن اكا غضب في الله و بغض الله
 ديرل صالحله محبت ايتككه حب في الله ديرل و حب دنيادن كه اول دنياده
 ذوق ايتك ايتكدر و دنيا متاعيله تلذذ ايتك ايتكدر فاني جهالك
 چركاب مثالي اولان مائنه مجتله كوكل و يروب تكثيرينه و حقوق ايتككه
 سعي ايتكدر بو حب دنيا بر بلاددر كه فني حوق بكسه لك آخرتى خراب
 ايتدى غافل انسان بطرز كه حب دنيا كنديتك بر سوك دشمنيدر انسانك
 كوزينه طائلو و كوزل كور ينور اماشم قاتل اولوب عاقبت هلاك ايدر
 فني حوق كسنه ل واردر كه نيجه رذالت و ظلم ايله مال جمع ايدوب زكوتن
 و پر مكدن و كندو امورينه صرف ايتكدن امتناع ايدر صكره كنديسي هلاك
 اولوب حساب و عذاب و انواع ندامت و خسرت ايله مغذب او اور سوكلو
 مالي غير يله قانور لذات قانيديه ميل و محبت ايتك حلال وجه اوزره اولور
 ايسه ده دناه ت و همت سرلكدر و قاصر لقدر و عاقبتنده ندامت و خسرتدر

ایمدی عالم دنیادان آخرته کیدن هر نسنه لردن همان علم نافع و اخلاق
و عبادات قولیه و بدنییه و مالییه در اگر مال آخرته و سعادتیه وسیله اولور ایسه
ممدوح اولور همان عاقل اولان معرفت کالته و اخلاق حبیله کسب ایتمکه
وسائر عباداته و مالییه خیراته سعی ایدر محبت حق تعالی رخصت سنبه
صرف ایدرزیرا حب دنیا جله کاهلرک باشیدر نته کیم * حب الدنیا
رأس کل خطیئة * وارد اولمشدر زیرا حب دنیا جله اخلاق ذمیمه به مثلاً
حرص وطمع وکبر و حسد و ظلم و طغیان و کونا کون عصبیه سبب اولور
دنیا دار بلاد رو محنت و مشقت و غم و غصه دن عبارتدر و شیطان جواریدر
و آخری خرابیدر و هلاکدر و آخرتده حساب شدید و عذاب الیم حاضر در
یونده ذوق و راحت و مطمئن اولوب برمدت تلذذ ایتک ایستک عایتده
غفلت و جهالت و خسارت ایله احققلقدر آخری ندامته و عقوبته و ایدر
زیرا ذوق و لذت خالصه و کدر سز صفایحق جتنده اولور عالم دنیاده
همان آخرت سعادتیه ایچون چالشوب علم و عمل صالح کسب ایدوب درجات
عظمتی و سعادت کبری تحصیلنه جد و جهد و هر خالده سعی ایدرب
ا کا کوکل باغلق کرکدر عاقللرک حالی بویله در زیرا عاقل اولدیر که نفسنه
غالب اولوب آخرت عملنه سعی ایدر احق اولدر که نفسنی هواسته تابع
قیلوب حق تعالی دن آخرت سعادتیه نمئی ایدر و حب ریامتدن که اول
دنیا ده حفظ نفسیچون بللو بر آدم اولق ایستمکدر اما امر معروف و نهی منکر
و ظالمیری دفع و دین اسلامه یاردم و احکام شریعه بی اجرا و بین الناس
عدالتی اظهار و بولرک امثالی نیت صحیحیه ایله طالب ریاست اولسه
کرزلدر اگر ریاستی خالنده بویله عمل ایدر ایسه شریعاً ممدوح و حیدر و دنیاده
و آخرتده شرف و سعادت و حق تعالی دن احسان و رحمت و رسول
کائنات علیه الصلوة والسلامدن شفاعت عظیمه به مقدر اولماسنده
شک یوقدر و اگر خلاف شرع شریف اوزره یور یوب کبر و ظلم و طغیان
و فسق و عصبان ایدر ایسه یارین آخرتده ایکی اللری بوقاغی ایله باغلق

حق تعالینک حضور متعوبسته کتسه کر کدر و حساب و عذاب مستحق
اولسه کر کدر ریاست مثلا قضا و تدبیر و وعظ و ساز و منبصلر کبی
امام ترمذی و امام نسائی تخریج ابتدیلر کعب بن مالک رضی الله عنه روایتله
رسول کائنات علیه الصلوٰۃ والسلام پیوردیکه * ما ذنبان جابعان
ارسلا فی غم بافسد لها من خرض المرء علی المال والشرف لدینه
دیمکدر که بر بلوک قیومه صالحتمش ابکی آج قور دك قبولره ضرر رندن
و هلا کنند بونک ضرری و افساد اتمشی کک شبنک دینته آر تندر
و اشد در و اکثر در دیمشدر حبیب الله و الحاصل خبر یانشدن قتی جمیع
کر کدر با خصوص حب مال و حب دنیا کاسبب اولور ایسه کشتنک دینی
و آخرتی خراب ایدر امام ترمذی تخریج ابتدی ابوهریره رضی الله عنه
پیوردیکه بن ایشتدم رسول الله صلی الله علیه وسلم پیوردیکه * الدنیا
ملعونه * دنیا ملعونه و عند الله مردوده در * و ملعون ما فیها * دنیاده کی
نسنه لیده مردوده در * الا ذکر الله و ما و آله و عالم و متعلم * همان ذکر الله
و اکتابع اولان جنت و جهنم و احوال قبر و قیامت و آخرته منطلق طاعت
و عبادت و انلره شا کرد اولانلر مردود د کلدردیمکدر ز بر ابونلر آخرت
امور نندرد و امام ترمذی اخراج ابتدی سهل بن سعد رضی الله عنه روایتله
رسول ثقلین علیه الصلوٰۃ والسلام پیوردیکه * لو کانت الدنیا تعدل
عند الله جناح ببعوضه یا سقی کافرا منها شربة ماء * اگر بتون دنیا
حق تعالینک عندنده بر سواری سنک فتادی مقداری اولیدی دنیادن
بر کافره بر ایچیم صو و بر مزایدی لکن دنیانک هیچ اعتباری یوقدر دیمک اولور
و دخی احد بن حنبل و برار و ابن حبان و حاکم و امام بیهقی اخراج ابتدیلر
ابو موسی الاشعری رضی الله عنه روایتله رسول کائنات و خاتم النبیین
صلی الله علیه وسلم پیوردیکه * من احب دنیا اضر باخره و من احب
آخرته اضر بدنیاه فار ما یبقی علی ما یبقی * دیمکدر که هر کیمکه دنیا سنه
محبت آیده آخرته ضرر و زور و نقصان کتورر و هر کیمکه آخرته

محبت ایدہ دنیا سے ضرر و پرہیز ابدی ای عاقل باقی اولانی فانی اولانک
 اوزدینہ تقدیم و ترجیح و باقی بی اختیار ایت امام بیہقی اخراج ایندی
 حضرت علی رضی اللہ عنہ بیور مشرکہ * الدنیا حلالہا حساب
 و جرمہا عذاب * دنیا ک حلالہ حساب و اردو حرامہ عذاب حاضر در
 و طول املدن کہ اول کشتی کند و بہ اوزون عمر تقدیر و ملا حظہ ایدوب
 چوق پاشامہ بی سومکدر بوز پادہ مذمومدر و غایتہ غفلتہ سبب اولور
 اگر دنیا حظی و محبتی ایچون اولور ایسہ بونک سببی یاحب دنیا در
 یاخود موتک قریب اولدیفنہ غفلتہ یاخود صحت بدہ و تازہ آکنہ مغرور
 اولمقدر بوسیلری ازالہ الیہ طول امل زائل اولور علماء کرامن جہم اللہ تعالی
 بیور مشرکدر کہ جو جوقلر کچلاردن چوق آخرتہ کیدر و کچلر قوجہ
 نکسہ لردن چوق آخرتہ کیدر ابدی صحتہ و تازہ لکہ اعتماد اولماز
 موت ایسہ خبر سبز کلور تعجب اولنور کہ کشتیک عمری آخر اولوب موتہ
 قریب اولد قیدہ حرصی و طول املی زیادہ اولوب موتدن و آخرندن
 تغافل ایدوجع مال و توسیع دائرہ سودا سہ دوشرف سبحان لقادر القہار
 امام ابن ابی الدنیا و امام طبرانی اخراج ایندی لر عبد اللہ بن عمر رضی اللہ
 عنہما روایتلہ بیوردیکہ رسول کائنات علیہ الصلوٰۃ والسلام طغوز قید
 صحابہ الیہ مجلس سعادت نلرندہ ایکن بن دخی واروب اون کشتی اولدق
 انصاردن برکامل سؤال ایدوب یا رسول اللہ * من اکس الناس و احزم
 الناس * دیدی یعنی ناسک زیادہ سبلہ عقلیسی و طوعری ملا حظہ
 ایدیحیسی و ذکی اولنلری کیملر در دیمکدر * قال اکثرہم ذکر اللہ
 و اکثرہم استعداد اللہ * فخر جہان علیہ الصلوٰۃ والسلام جواب
 باصواب و ارشاد حق بیوردیکہ ناسک زیادہ سبلہ عقلیسی موتی چوق یاد
 ایدندر و غفلت ایتوب موت ایچون چوق استعداد و تقید ایدندر توبہ
 و استغفار و علوم نافعہ و طاعتہ و آخرتہ فائدہ لی اولان بستانلری تحصیل
 ایتکلہ ندر لک کورنلرہ عند اللہ غفلانہ دینور * اولنک الاکیاس * شو

صفات جلیله و خصال حمیده ایلله موصوف اولان عاقلدر * ذهبوا
 بشرف الدنيا و کرامه الاخرة * دنیاک شرفله و آخرتک کرامت
 و سعادتله یله آخرته کیدر ز دیمک اولور اما شول طائفه لر که حب دنیا و حب
 ریاست و طول امل ایلله دنیای قعیمه و امور دنیایی حسن تدبیر و نظام
 دار و دیار ز عمله امور آخرتدن غفلت و جهالت ایلله عمر لرخی افنا ایدر لر
 همان انلره احققلر و جاهل لر دینور ننه کیم * لولا الحقاء لخربت الدنيا
 دینلشدن یعنی اگر احق طائفه اولسه ایدی دنیا خراب اولور ایدی زیرا
 دنیای فانیله به همت لرخی صوف ایدوب ویرانه لرخی معبور و آخری خراب
 اوله جق مملکت لر آبادان و منهدم اوله جق سیر ایلری اضاعت اموال
 و هزار اسراف ایلله یناد ایدن احققلر اما عبادتی اریقیچ ایتیمکی چون
 اوزون عمر ایسنسک اول جاژد و کوزلدنر امام ترمذی اخراج ایتدی
 ابو بکر رضی الله عنه ر وایتله بر کامل کلوب سوال ایدوب یا رسول الله
 ای الناس خبر * دیدی ناسک قانغیبی خبر لیدر دیمکدر قال * من طال عمر
 و حسن عمله * جواب یوردیلر که خبری اولان اول کسه در که عمری اوزون
 و عملی کوزل اوله و حسنیاتی چوق اوله قال اول رجل کامل سوال ایدوب
 فای الناس شر * دیدی ناسک شر ایستی کیمدر دیمکدر * قال علیه السلام
 من طال عمره و ساء عمله * جوابنده پیغمبر علیه السلام یوردیکه
 شرلی اول کسه در که عمری اوزون و عملی کاه و سبتاتی چوق اوله چوق
 یا شاذیه ذنوبی چوق ایلسه عذابی شدید اولور و الحاصل عمل نافع و اخلاق
 حمیده و اعمال صالحه ایلله اوزون عمر سورمک سعادتدر اما شول کسه لر که
 عملدن خالی و عملدن عاری لکن باشی چوق اوله انده بر شرف یوقدر انلره
 قوجه جاهل لر دینور ز برا جاهل لره اوزون عمر جهالت لرخی آرتوزور و نفس
 آرزوسنه تابع اولمکنکه اولنه یسترسه کوکلی یچکدن و نیچکدن و بنادن
 و عورتدن و سائر حظوظ نفسانیدن تحصیلنه سعی ایتمکدر اگر
 حرامدن اولور ایسه بکاردر یاسنه مستغرق اولوب آخرتده هلاک اولور

واکبر مباحدن اولور ایسه خستیس و مذموم و زندق اولور و نفسه اسیر
 و عبد ذلیل و شهوتنه خد متکار اولوب عمری هوایه صرف و افنا ایتکله
 آخرتده حسرت وندامت چکمی امر محققدر اکر مباحده هواي نفسه
 متابعتده مصر اولور ایسه و افراط ایدر ایسه و فقیرلقدن قورقه دن
 احتراز ایده لر فقر ذنیاده مشقت ایسه آخرتده مسرت اولور و اللهک
 تقدیر ایتدیکنه اینجی سگدن حذر ایده لر قضا به رضا و بلا به صبر اهل
 ایمانه لازمدن و الله آفتش سومدن و انلرک مدحی و تناسی ایستمدن
 صافده لر ز بر خلقک مدحی ایتکله تراک و کبره و طغیان و حدندن
 چقارمغه سبب اولور و اکر آنلرک مدح ایتدیکی صفاتلرستده وار ایسه
 حق تعالیکن توفیقده و نعمته شکر ایتک اوزرینده و اجدر و اول نعمت
 سنک حقهده عاقبتی نه وجهله اولور سبب ریخت میدر یو خسه سبب
 عقوبت میدر یو فکریدوب تصرف و طاعت ایتک کرکدر و اکر اول
 صفات سنده یوق ایسه آنلرک مدحی تنی استهزا و مسخره ایتکدر مثلا
 سنک نجاستک مسک کی قوقار دیسه لر آتی ککرچک صامق غایت
 جهالتدر زهی حاقدر ز بر بو عین استهزا اولور سنک کاهلرک
 نجاستدن اشد اولدیغنی بلور کن فائده به و ضرره مونه و حیاته قادرا اولیان
 عاجز کسه لرک مدحیه نه فائده اولور و سن مطیع و صالح اولور سک
 خلقک ذمندن سکا نه ضرر اولور طافل اولان خلقک مدحندن و ذمندن
 فارغ اولوب همان شرع شریفک مقتضاسیله اولور و نفس ایچون
 خد متکار لرینه و غیره مؤمنلره غضب ایتک دن غضب مذمومدر
 صاحبی کاهدن خالی اولار غضبی دفع ایدلر و ناسدن تقصیر ایلرینی
 عفو ایدلر شرع شریفده مدد و حذر حاکم سبب ایتکله سعی ایده لر
 و عناد دیکه اول حق یلوب انکار ایتکدر کبر و حسد و عجب و حب
 ریاست اکاسیب اولور و حق قبولندن عار ایتکدر فرعون صفتیدر قنی
 فاجق کرکدر و حرصدن و طمعدن طول امل و حب مال بونلره

سبب اولور حرامی طبع ایتک حرامدر مباحی طبع ایتک مذمومدر
 طبعک زیاده سیله مذمومی ناسدن طبع ایتکدر طبع صاحبی ذلیل وناس
 بیننده رذیل ایدر عارسز و حباسز و ادبسنز ایدر بر حدیث شریفده
 شویله در که اگر بر آدم او غلا نیک التوندن ایکی ارمغی اولسه ایدی
 او چچی ارمغی دخی طلب ایدر ایدی آدم او غلا نیک قارتی برشی طوبورمز
 انجق طوبراقی طوبورمز نعوذ بالله تعالی منه ومن امثاله و یخلدن
 شرعا و یا خود مرده مالی بذل ایتک لازم اولان محلدن صاقمغه محل
 دینور زکوة و یرمک و اوزرینه تعقد سی لازم اولان کسه ره نفقه
 و یرمک یا خود حاجت قدر و یرمک بخاک افچی کند و نفسندن امساک
 ایتکدر و فرض اولان زکوتی و یرمکدر ایتک ایچون زکوة و یرمک
 ملعوندر دیو وارد اولشدن و غنای غناسدن اوتورو اولولاق بعض
 روایتلرده کلدیکه برغنی کسه یه غناسی ایچون و مانه طبع ایچون برکسه
 تواضع و تذلل ایلسه دیشک اوج بلوکدن ایکی بلوکی کیدر و فقیرلی
 خورلمقدر علمای کرام رحیم الله تعالی شویله یوردیلر که برغنی که تعظیم
 اولتمه غناسندن غیری سبب اولیه ا کا مجرد غناسی ایچون توفیر ایتک
 حارر دکلدر و فقیرلی فقرلی سببیه خورلقی حارر دکلدر و بعض ائرده
 وارد اولدیکه ملعوندر اول کسه لر که اغنیای غناسی ایچون توفیر ایدر
 و فقرای خورلیله از نعوذ بالله تعالی و ایلک کیرلی عین یوقلامه دن
 یومار دکلدر حق تعالی * ولا تجسسوا * یورده ای قوللری بریکزی
 تجسس ایتک ز دیویمی ایتکدر بعض روایتلرده شویله در که برکسه مؤمن
 قریداش نیک عینی تنع و تجسس ایلسه حق تعالی آتی رسوای ایدر
 زیاده سببیه خنذر کرکدر و امانته خیانتدن منافق صفتیدر اصلا حارر
 دکلدر کند و نفسندن امین اولیان امانت الماسون حذر ایلسون و کسه بی
 الدمه دن کذب ایله یا خود بر حیل ایله و یلان بره عین ایله و کوزینه ابو طرفی
 کوسر مکن ایله یونلرک جله سنی نفاق علامتیدر امانته خیانت و سوز

سويلد كده كذب ايتك و وعده مخالفت ايتك منافعلا علامت درد بو خبرده
 وارد اولشدر و قلبدن آخرت خوفی و حرزنی چما دن بودنی بر يوك
 مرض قليبدر قتی صافنی كر كدر حق تعالى بر قولك قليبده ايكي خوف
 و ايكي امنی جمع ايمسه كر كدر اكر بر كسه دنباده حق تعالى دن خوف ايمسه
 آخرنده خوف ايمسي امر محققدر اكر دنباده خوف ايدرايسه آخرنده امن
 اولماسی امر محققدر ايمدی خوفدن مراد عبادتده قائم اولقدر مأمور اولديغی
 علمی و اخلاق حبيده بی و اعمال صالحه بی برينه كنور مكدرد بو جمله دن
 قلیچكر زنی آریده لر خلاف مقتضای رینه ممارست و مداومت ایدوب
 هر بر خلق ذميك ضديله عامل اولوب آنك ضدی اولان خلق حیددی
 كسب و تحصیل ايتكله بونلردن قلب پاك اولور ذم حقیقه و ارد اولان
 ادله لری آینه كریمه و احادیث شریفه لری دائم ایشتمك و تأمل و تفكر
 ايتكله اكر عالم ايسه با خود طالب علم ايسه بونلردن دكل ايسه دائم اعلای
 آخرت مجلسلرینه حاضر اولوب علم اخلاق كمالی رینی استماع ایلده طریقت
 مجدیبه كي ايمدی دخی اخلاق ذمیه چوقدر بورساله ده جمله سی بیان
 اولنمادی بورساله مختصر اولديغیچون ايمدی بو اخلاق ذمیه ره امراض
 قلبیه دخی نسیمه اولنور هر بریسی صاحبنه بر مرض مزمن كي عبادتده
 ضرر و پروافات قلبیه دخی نسیمه اولنور صاحبی مقتضای ریه عمل ایدرايسه
 كفره دك كنور رتعود بالله من شرور انفسنا و من سيئات اعمالنا اخلاق
 حبيده بو باید كوزل خویر بیان اولنور باذن الله تعالى بونلره اخلاق حبيده
 و خصال جيله و اخلاق محمدیه و نكاح اخلاق نسیمه اولنور حق تعالى
 پیوردی * و انك لعلى خلق عظیم * حق تعالى حبیبنی مدح ایدوب ای
 رسول ذی شان سن خلق عظیم اوزره سن دیو پیوردی یعنی اولوا اخلاق
 حبيده و خصال جيله نقدر وارايسه كماليله سنده موجود در ديمكدر
 هر كیمده اخلاق حبيده دن خصلت بونلور ايسه انده اخلاق مجدیبه دن
 بر نصیب بولنمش اولور امام احمد بن حنبل و امام بیهقی و حاکم رحمهم الله

تعالی تخریج ابتدیلو ابوهریره رضی الله عنه روایتله رسول کائنات علیه
 الصلوة والسلام یوردیلرکه * بعثت لکم مکارم الاخلاق * بعث اولندیغم
 امتده اخلاق حیده بی اتمام و تکمیل ایتک ایچون بعث اولندیم دیمکدر امام
 طبرانی مسند کیرنده اخراج ایدرانس رضی الله تعالی عنه روایتله رسول
 ثقلین علیه الصلوة والسلام یوردیلرکه * ان العبد المؤمن لیلغ بحسن
 خلقه عظیم درجات الآخرة وشرف المنازل وانه لمضعف العبادة وانه
 لیلغ بسوء خلقه اسفل درکة فی جهنم * یعنی عبد مؤمن تحقیق حسن
 خلق سبیلله آخرت درجه لرینک اولو منه بالغ و نائل اولور حال بوکه
 اوله مؤمنک عبادتی ضعیفدر و تحقیق کشتی کوتو و قبیح خوی سبیلله
 جهنمده اسفل درکة به واصل اولور دیمکدر زیرا قبیح خوی کشتی بی
 نجه کره کفره دک کتورر امام طبرانی اخراج ابتدی انس رضی الله عنه
 روایتله رسول کائنات علیه افضل التحیات یوردیلرکه * ذهب حسن
 الخلق بخیر الدنیا والآخرة * یعنی اخلاق حیده دنیاک و آخرتک خیرتی
 بیلله کتورر اخلاق حیده صاحبی اولان کاملر دنیا و آخرت خیرتی کندور
 الدیلر دنیاده و آخرتده اخلاق ذمیمه صاحب لرینه اصلاخیر قالمدی انجیق
 شیر و عقوبت انلره حاضر اولدی برکسه دک صورة ظاهره سی و اخلاق
 باطنه سی کوزل اولسه اول کسه نار جهنمه کیرمز دیو وارد اولمشدر امام
 بهقی ابوهریره روایتله اخراج ابتدی رسول انس و جان علیه افضل
 الصلوات و اکل التسلیات یوردیکه * یا اباهریره علیک بحسن الخلق
 ای اباهریره من حسن خلقی کسبایتمکه ملازمت و مداومت ایت
 قال ابوهریره و ما حسن الخلق یا رسول الله * دیدیکه یا رسول الله حسن
 خلقی ندر * قال علیه الصلوة والسلام تصل من قطعک * سندن ایلکی
 قطع ایدنلره سن ایلک ایلله صله ایدرسن * و تقفو عن من ظلمک * سکا
 ظلم و تقصیرات ایدنلره سن عفو ایدرسن انتقام ایلکه قادر ایکن حق تعالی
 عفو ایدنلری مدح ایتمشدننه کیم یوردی * و للکاظمین الغیظ و للعافین

حق الناس * غضب من دفع ايدوب ناسدن عفو ايديجي قولر حق تعالينك
 عمد و حليديز و بر روايتده شويله در كه هر كي كه غضبي دفع و انتقامي
 ترك اينسه مواخذده به قادر ايكن حق تعالي انك قلبنه امن و ايمان طولدرسه
 كر كدر كه * و تعطى من حرمك * سني ايلكدن محروم ايدن كيمسه به عطا
 و احسان ايدده سن ديمكدر بو حديث شريفده بيان اولنان اخلاق حيده
 بر كيمسه ده موجود اولسه انده سائر لي دخی بولور ايمدی اخلاق حیده مك
 اصلی و منبجی حكمت و شجاعت و عفت و عدالتدرای سالك طریق آخرت
 سعی ايت اولايك كدن اخلاق ذمیه بي ازاله ثانيا اخلاق حیده بي
 اكتمال ايله تاكيم هرايشك شرع شريف اوزره اولوب ايكي جهانده
 عزت و سعادت بوله سن اللهم اجعلنا من القارئین بالسعادة الابدية
 والنعمة والازلي السرمدة آمين بجاه النبي الكريم خير البرية ودخی وصيتم
 اولدر كه قليجكدر لي نيزه بهر صبر ايله بلالره و محتلره و مراضره و مصيبلره
 قاتلانله لاجز اعتمه لقصا و قدردن كيمسه به شكايه اعتمه لهما
 حق تعالي به دعا و تضرع ايدملر عبادته چانشه ل و صدقه ل و برمل ايمدی
 صبر اوج دورلودر بریسی طاعانه مداومت و بریسی كاهلری ترك ايتكمده
 ثابت اولق و بریسی دنيا مصيبتلرته تحمل ايتكم و خلقدن بر كيمسه به شكوي
 ايتكم ايمدی صبر زاولو معدوح صفتدريغمبرل صفتدريقرآن كريمده
 حق تعالي صبر ايدن قوللری مدح ايتمدرنتم كيم بيوردی اعوذ بالله * انما
 يوفى الصابرون اجرهم بغير حساب * يعنى صبر ايديجي قوللره اجر لری
 تمام و حسابسز و يرسه كر كدر ديمكدر روايتلرده شويله در كه قيامنده
 صابرله شولقد راجز و يريلور كه ميزانسنر و حسابسز بغمور يغار كي
 عطا و احسان اولتد قده عالم ديننده صحت و عافيت ايله معمر اولوب
 كدر سز اولان كسدر انلری و اجر لری كوروب ديه لره كه كشمه عالم دنيا ده
 وجودلر بمن مقاص ايله پارچه پارچه اولديده بزخی بوللر كي اجر لره نائل
 اولينق ديسلر كر كدر و بر روايتده * الصبر ضياء * مصيبلره صبر

و طاعت کرده مداومت ایتمک نور در یعنی مطلوبه مظفر اولسه کر کدر و برآیه
 کریمه ده * و بشر الصابرين * صابرله مرده ایت * الذین * انلرکه
 اذا اصابهم مصیبه * انلره بر مصیبت اصابت ایتد کده ایمدی
 هر نسنه که مؤمنلره اذیت و یره اول مصیبتدر * قالوا * انلردر لر * انالله
 تحقیق بز الله ایچونوز مخلوق و مملوک اولق جهشتدن یعنی حق تعالینک
 مخلوق یوز و قولر یوز * وانا الیه راجعون * و تحقیق بز لر حق تعالینک
 امر ایتدیک یزه رجوع ایدجی یوز دیمکدر * اولئک علیهم صلوات
 من ربهم ورحه * شول صابرلر اوزر لرینه حق تعالیدن ترکیه و مغفرت
 و لطف و احسان و اصل اولسه کر کدر * واولئک هم المهدون * و شول
 صابرلر حق و استقامته و نجاته و سلامته و سائر مطلوبلره مظفر لردر
 روایتده کلد یکه هر ککه بر مصیبت عند نده ان الله وانا الیه راجعون
 دیسه حق تعالی اکا اول مصیبت یرینه بر مراد واکا عوض احسان
 ایلسه کر کدر و دنیا مصیبتی حق تعالیدن اهل ایمانه لطفدر و کر مدر
 و عطادر ز یرا مصیبتک اوزر پنه اجر جزیل و ثواب جیل ترتب ایدر
 و دنیا دن نفرت و آخرته رغبت حاصل اولور و طاعتنه چالشغه سبب اولور
 دنیا نل فانی اولد یعنی مشاهده ایتد یروب حرص و طمع و تکبر کی
 بد خو یلردن قلبی خالی ایتکه سبب اولور بعض اهل علم یور مشلر که
 بر کسه کاملر مرتبه سنه نائل اوله مز دورت بلا یه صبر ایتد بنجه شمانه اعدا
 و علامت اصداقا و طعن جاهل و حسد اقران و دخی بر کسه صد یقار
 مرتبه سنه و اصل اوله مز دنیا بلا سنه صبر ایتد بنجه حق تعالی نیجه
 پیغمبر لری صبر صفتله وصف ایدوب مدح ایتشددر و اولو العزم
 پیغمبر لک اولو صفتلرندن بریسی دخی صبردر و تفویض ایله که اول جیع
 امور دن حق تعالی یه اصمار لقدر حاصلی الله تعالی دن دنیا
امورندن حالی مجهول بر نسنه ایستدوکی و قنده دعا سنده خیر ایسه
 مبرس ایت یارب ذیه حکم ایله و قطعله شو مراد می بکاو یردیو ایسنه

زیرا احتمال دز که انجامی مضر اوله و آخرتده کندویه عذابیه سبب اوله
 بویه نسنه تک حصولی بلاد و اولماسی خیر در ونیچه نسنه ل وارد در که
 انسان اکا میل ایدوب طلب ایدر اما اول ایسه شر در ونیچه نسنه
 وارد در که انسان اندن حظ ایتز استکراه ایدر اول ایسه خیر در ایمدی
 کشتی امورنی علام الغیوب و حکیم و رؤف اولان مولای متعال جل
 شانه به تقویض و تسلیم ایتدکده حق تعالی ائک دنیا سنه و آخرتنه
 خبری اولانری اکا احسان ایدر و مضر اولان نسنه لردن اتی حفظ ایدر
 و شکرله که اول الله تعالی تک علم و ایمان و عمل صالح و اخلاق حمیده
 و عافیت و سلامت اعضا و اولاد و اموال و سایر نعمتترینی ادراک ایدوب
 بیلوب مقابله سنده حق تعالی به قول و فعلا و مالا قولی و عبادت ایتکدر
 و اول نعمتترینی معصبتیه و سبیه ایتکدر شکر ایتک شرعا لازمدر و شکر ایتکله
 نعمت دائم و زیاده اولور قرآن عظیم الشانده ذکر اولور * لئن شکرتم
 لازیدنکم و لئن کفرتم ان عذابن لشدید * یعنی ای قوللر اگر سززل
 نعمت مقابله سنده شکر ایدر سکز سززه نعمتی زیاده ایدر دم و اکبر
 سززل شکر ی ترک و کفر ان نعمت ایدر سکز تحقیق بو که بنم عذاب شدیددر
 دیمکدر شکر ایتک زیاده نعمته سبب اولدیغی کبی ترکی و کفر اتی نعمتک
 زوالنه و عذاب شدیده باعث اولور و دخی ولی نعمت اولانلرک حقنه
 رعایت و دعای خیر ایله یاد ایتک امر لازمدر * من لم یشکر الناس
 لم یشکر الله * خواهی لوزره ناسه شکر ایتین و انلرک ایلکین بیلین
 حق تعالی به شکر ایتامش اولور باخصوص علم تعلیم ایدن استناذ لک
 حقوقنه غایتده رعایت ایدر زیرا ائلر سعادت ایدیه و نعمت اخرویه به
 و رضای حقه نائل اولغه سبب اولمشدر در ایمدی حق تعالی به شکر
 ایتک صبردن و زهددن و خوفدن افضلدر دیو بعض اهل حکمت بویه
 بیان ایتمشدر در زیر شکر جمله عباداتی و جمیع اخلاق حمیده بی
 جامعدر لسانله حمد و ثنا و کلمه توحید و تسبیح و سایر اذکار و تیلاره

قرآن ایتک لسانک شکر یدر و قلب ایله معرفت و علم و اعتقاد صحیح و نیت
 صحیح و مخلوقانده فکر و اخلاق حمیده کسب ایتک قلبک شکر یدر
 و سایر اعضا شکرنی قیاس ایت و شکر هر زمانه دائم اولوق لازمدر
 اصل شکر شکر کردن مجزه اعترافدر زیرا نعمته شکر لازمدر و شکر دخی
 بر اولو نعمت اولور اکا دخی شکر ایتک لازم اولور اول شکر دخی بر اولو
 نعمت اولور اکا دخی شکر ایتک واجب اولور ایدمی بر عاقل کندو
 حالنی تفکر اینسه و دقت ایله ملاحظه ایلسه ظاهری و باطنی
 حق تعالی نیک نعمت جلیله سنه مستغرق بولور اگر شکره موفق اولدیمسه
 اولد دخی قتی اولو کرم و نعمندر بومینوال اوزره لایه کندو سنه شکریدن
 عجز حاصل اولور و عجزنی بالضروره لسانیه اقرار ایدز بوکا اولو شکر
 دینور زیرا بو عجز لر نعمت لری اذعان و ادراک ایدوب بیلکدن حاصل
 اولور و نعمت لری احسان ایدن رب العزّه جل شانّه نک و یردیک
 نعمت لر مقابله سنده کمال اوزره عبادت و رضایه موافق طاعت ایتکده
 قاصر اولد یعنی ادراک ایدوب بیلکدن حاصل اولور بو حالت بر اعلی
 مرتبه در که ایتک صاحبی اقل قلیل در حق تعالی نیک * و قلیل
 من عبادی الشکور * نظم شریفی بونلر خفته در دیمش لر ایدمی
 بر روایتده * الطاعم الشاکر کالصائم الصابر * یعنی نافله اورج طو توب
 طعام ایدوب و شکر ایدن کشتی نافله اورج طو توب بیلکدن و ایچمکدن
 صبر ایدن کشتی صبی اجر الوز و الله تعالی دن دائماً قورقق ایله
 زیرا امین اولوق کیره در بلکه کفر در دیمش لر و رجتن او بمق زیرا
 امیدن قطع ایتک کیره در بلکه کفر در دیمش لر مؤمن اولان خوف ایله
 رجایی جمع ایتک کرکدر و قضاسنه راضی و اختیار یله خوشنود
 اولوق ایله زیرا قضایه رضا و بلایه صبر امر واجبدر اعتراض و شکوی
 ایتک اضلاعاً رد کلدر و دنیادن اعراض ایتکله و دنیا لذتی قلیندن
 ازاله ایدوب کیره کور مکه اکا زهد دینور هر مکه دنیا عن زهد ایدوب

استکراه ایلسه قلبی وجسدی راحت ایدر بعض اهل علم پیوردهش که
سن نفسکی عبادتله مشغول ایتمز ایسک اول سنی دنیا دغدغه سی ایله
مشغول ایدر ایمدی عاقل اولان همان دنیادن اجتناب ایدوب آخرتی
معمور ایده جک علم و عمل ایله مشغول اولور بعض عارفلر پیور مشلر
هی الدنیا اقل من القلیل و عاشقها اذل من الذلیل تصم بسجرتها
قوما و تعمی فهم مخبرون بلا دلیل * یعنی دنیا نك اولی و آخری ازدن
ازدر و انك عاشقی حقیر و ذلیل دن ذلیل و زایلدر دنیا سحری سیلیله
نیجه کسه لری صاعرا و اعی ایدوب طریق حق ایستمز و کورمز اولور لری
انلر دلیللسز و هدیانسز قانور لری دیمکدر امام شافعیدن نقل اولوندی
وماهی الاجیفه مستحیلة علیها کلاب همهن اجتنبهن وان اجتنبت
کنت سلا لاهلها وان اجتذبت نلزعنک کلابها یعنی دنیا بر مردار جیفه
خیشه کییدر که اوزرنده کلاب مثال کسه لری جمع اولمشدر که انلر اول
جیقهدی اخذ واکل و ضبط ایتمک قصد ایتمشلا اگر سن اول جیفه دن
اجتناب ایدر سن اول کسه لری دن سلامت بولور سن و اگر سئنده
انلر کی جذب و اخذ واکل ایتمک ایسترسک اول کلاب مثال کسه لری سنکله
منازعه و غوغا ایدوب کلیا کلب اولور لری دیمکدر بعض اهل علم پیور مشلر
رأیت الدهر دولا با بدور قلا حزن یدوم ولا سرور رأیت الناس کلهم
سکاری و کاس الموت ینهم یدور * یعنی یلدمکه عالم دنیا بردولاب کی
دوران ایدر انک حزن و سروری کلور کیدر یلدمکه ناسدن هر بری
سر خوش کی مبتلا و مقتون کی اهل و هیال دغدغه سنه دوشمش
کی جمع مال و کسب تجارت سوداسنه دوش اولمش کی منصب و جاه
محبیله سکران اولمش کی علیل و فقیر کی غنی هر بری ما سوا ایله
مقبون و مغرور اولمش اولوم شربی انلرک اراسنده کاسه ایله دورلن
ایدر دیمکدر رای عاقل اگر دنیا سکا قالسسه سن دنیا یه قالماسن
حق جل شانیه پیور دی * قل متاع الدنیا قلیل * دی که دنیا

متاعی از در * ما عندکم یفقد و ما عند الله باقی * ای قولر سرلرک
 عندیکزده اولان اشیا دوکنور الله عندنده اولان اجر و ثواب باقیدر
 دنیا زینتی شول صحرارده حاصل اولان نهاتات و چیچکلره بکزرکه
 قبش زمانی قریب اولدقده جله سی هلاک و مضحیل اولور بواجوالی
 فکر و اذعان ایدن عاقل همان دیسادن استکراه ایدوب درجیات آخرتی
 کسب ایتمکله سعی ایدر و از عیبه قناعت ایتمکله دیدادن محبتی ازاله
 ایدوب آخرته ربط قلب ایدر صدیق لر کندوکی یوله کیدر اگر حب
 دنیا و طول امل و حرص و طمع صفات لری زائل اولور ایسه دیسادن
 اعراض و زهد و از نسنه به قناعت و صبر حاصل اولور و حق تعالینک
 محبتنه و رضاسنه اول کشی مظهر اولور و کفایت قدر رزق ایله قناعت ایدن
 کشی افلاح اولور و آخرتده حسابی از اولور و اگر حلالدن کنایتیدن
 زیاده مال و نعمت حاصل اولور ایسه عاقل اولان اول مالی جو مرد لکله
 طاعت و رضا طریقه بذل ایدوب عالم عقیده ذوق ابدی و صفائی
 سرمدی سنی تحصیل ایدر سخاوت انبیا و مرسلین و اوابا و صدیقین
 و شهدا و صالحین صفاتیدر جنت جو مرد لر سر ایدر جهنم بخیلار
 مکا نیدر جو مرد حق تعالی به سوکلودر بخیل شیطانیه سوکلودر جو مرد
 عندالله و عند الناس دنیاده و آخرتده ممد و حدر بخیل دنیاده و آخرتده
 مذموم و ذلیلدر بر مؤمن رضاء الله تعالی براز نسنه صدقه و برسه
 حق تعالی اتی یوک ایدوب تا که احد طاعنی قدر اولسه کر کدر جو مرد
 حق تعالینک رجته قریبدر و جهنمدن اوزا قدر بخیل رجندن
 و جتندن اوزا قدر جهنم قریبدر ایمدی جو مرد لک مال ایله اولور
 و علم ایله اولور و فعل ایله اولور ایمدی عاقل طاعنه و سخاوت و سائر
 اخلاق حمیده به و خصال جمیله به سعی و کسب ابتدکده عجبی و کبری
 کندودن دفع و ازاله ایلیه حق تعالی به صغیق ایله و ذکر مثله اعنی
 ذکر مثله مرادم بودر که هر طاعت قلیل و کثیر مالا و بدنا اللهمک

توفیق‌به یاردم ایتمسیره ولطفی الیه کاهلردن اوزاقی ایتمربوب طاعته
 میل ورغبت ایتمربوسیه اولدیفن دائما اصوب فکره عجب
 کتورممکه زیراتوفیق اولسه هیچ برعل صالح وجوده کمرحق تعالینک
 توفیقی دائما ملاحظه ایدوب ودوامی طلب ایلنه وهر بر عبادتده
 اخلاص الیه که اول اخلاصک معنایی بودر که عبادتی کرک مالیه
 وکرک بدینه وکرک فرض وکرک نافله مجرد انجق اللهه تقرب ایچون
 ایتمکدر نیتنده بر غرض نفسانی و دنیوی قارشدردر ممقدر اگر
 قارشدیرر ایسه ریا اولور ایمدی اهل طاعت نیت حسبیه اوج بلو کدر
 بر قسمی جهنمدن قور قدیغی ایچون عبادت ایدرو بر قسمی جنت
 ودرجات رفیعیه نائل اولوق ایچون عبادت ایدر یونره الیه دینور
 و بر قسمی مجرد حق تعالینک رضاسی ایچون عبادت ایدر یونلر
 عاقلردر نته کیم روایتلرده کلدیکه * اکثر اهل الجنة الله والعلیون
 لذوی الالباب * یعنی اهل جنتک اکثری اچقلردر جنتک اعلی درجه لری
 عقول خالصه صاحب لری ایچوندر دیمکدر ایمدی اخلاص هر عبادتده
 فرضدر عاقل نیتنده بصیرت اوزره اولسونکه شیطان وسوسه سیله ریا
 قارشدرمیه وتوکل الیه که معلوم اوله که توکل ایکی قسمدر بریسی اصل
 توکلدر و بریسی کمال توکلدر اصل توکل اولدر که کشتی اعتقاد ایلید که
 حق تعالیدن غیری مؤثر و خالق یوقدر جمیع کائنات انک بالذات
 مخلوقیدر شریکدن منزهدر و کمال توکل اولدر که کشتی انجق
 حق تعالی یه اعتماد ایدوب اسبابدن چوق ملاحظه ایتمربوب حاجتدن
 زیاده اولان اسبابی ملاحظه ایتمکدر ایمدی اسباب اوج قسمدر اسباب
 قطعیه و اسباب ظنیه و اسباب وهمیه در یواسباب دخی منفعتیه سبب
 اولور یا خود مضرتیه سبب اولور ایمدی منفعتیه سبب قطعی اولان
 آجلفده طعام و صوسر لفته صومنفعتیه سبب قطعی اولمی کی و مضرتیه
 سبب قطعی اولان قتل ایتمکه قیل و یاقعه آتش و بونغاغه دریا سبب

قلعی اولد یغی کبی ایمدی بهر حاله منفعت خصوصنده اسباب
 قطعیه به یا یشقی ایله ومضرت خصوصنده اسباب قطعیه دن
 احتراز ایله شریعامورزانک ایچون تهلکه دن احتراز ایله مأمور اولدق
 برکسه طعام یسمه اچلقدن اولسه عاصی اولور زاد ذخیره اولماق سزین
 برکسه یوله کنسه کنه کار اولور اما اسباب ظنیه مثلاً طب ایله دوار کبی
 بعض احوالده سبب ظنی ایله عمل مستحب اولور ترکی کاه اولماز اگر
 سبب ظنی اولانک منفعتی ظنی اولماز ایسه اول وهمی اولور مثلاً اجلی
 کله شلاج ایتمک کبی وهمینک ترکی اولادر اسباب قطعیه نک ترکی
 حرامدر اسباب ظنیه نک کثرتی واکا چوق توغل ایتمک کمال توکله
 مضردر اگر اسباب بدن برسیده تأثیر اعتقاد ایدر ایسه اصل توکله
 مضردر و شرکدر ودخی معلوم اوله که برمرضده سرایت یوقدر زیرا
 حق تعالی فاعل مختاردر هر نسنه انک ارادتیله واذنیله اولور اطیانک
 نفدر مردار قوفار وایحه کریمه لی امراض وار ایسه طاعون وچیمک مرضی
 وجذام وحای محرقه کبی بونلر مثالی طبیعتلریله ساریدر دید کبری
 باطلدر حدیث صحیحدرده * لاعدوی ولاطیره * دیوار د اولمشدر
 یعنی سرایت طبیعیه وبرشیک میمنت سز لکه واوغور سز لغه وشیره
 علامت اولماسی یوقدر برنسنه ایله تشاؤم ایتمکدن قتی فاجقی کرکدر لکن
 برنسنه بی خیره علامت طوعیق وانک ایله خیرک حصولنه حسن ظن ایتمک
 کوزلدر اگر غیبه حکم اولماز ایسه ودخی قسمت حقنده توکل
 ایتمکله که اول رزق خصوصنده الله تعالی به اعتماد ایدوب طیانمقدر
 زیرا خلاق علیم ورزاق حکیم انجیق اولدر صنعتنه ومانه وقوته
 وبکه وقاضی به وقاضی عسکره وغیره سلطان و خزینه به وعسکره
 ودفینه به وسائر ماسوا به طیانمقدر زیرا بونلر مخلوقلردر وعاجزلدر
 وسبیلدر وفانیلدر الدن چیقماسی وزائل اولماسی وفوت اولماسی محتملدر
 اسبابه طیانقی اولماز زیرا اشنیاده متصرف انجیق الله تعالی در

ممکندر

نمکنند که اول ایندو کک اسبابی از الله ایده و پرینه ظن ایندو کک اسبابی
 ایجاد ایلیمه اصرر دیرسک که قوللر ایچون اسبابه یا بشمق لازمدر
 و حکمت بویه اقتضا ایدر جواب اولدر که بلی اسبابه یا بشمق لازمدر
 لیکن اعتماد حق تعالی به اولوق فرزند و اسباب دید کلری ایجاد
 و اعطایه قادر دکلدر و اسباب دخی اسباب و المانی حق تعالینک دیله سیله
 و برائتسیله در ایجاد انجق حق تعالی به مخصوصدر حق تعالی اسبابسیر
 و یرمه قادر در لکن اسباب ایله و یرمکی عادت اینشدن مثل تزوج اینکسیرین
 اولاد برائتمز لکن برائتمغه قادر در حضرت آدمی و حوایی برائتسی کی
 اگر تزوجی اولاده سبب ایدر ایسه اولاد برادر نیجه کسه ل وارددر که نیجه
 دفعه تزوج ایدر و اولادی اولماز و نیجه کسه ل وارددر که نیجه صنعتلره
 مالکدر و فوقی وارددر لکن کاری کساد و فوقی زوال بولور مطلوبی حاصل
 اولماز و بکه و سلطانه طیانسی مطلوبک حصوله وسیله اولماز تا که
 حق تعالی ذیل منیجه و برائتمیجه اینمدی توکل و اعتماد انجق حق تعالی به
 اولوق فرض در * فائده * حضرت علی بن ابی طالب رضی الله عنه دن
 روایت اولندی * اطلب رزق الله من عند غیره * و تصبغ من خوف
 العواقب آمنا * و رضی بصراف و ان کان مشرکا * ضمیما ولا رضی
 بربک ضامنا * کأنک لم تؤمن بما فی کتابه * و أصبحت مهجول الیقین
 و مباینا * معنای شریفی بوددر که حق تعالینک اعطا و احسان ایده جک
 رزق غیر یلدرن طلب می ایدر سن امورک عاقبتلرندن و عمرک خاتمہ سندن
 خوف اینمویب امین اولور سن برکافر مشرک صراف سنک رزقکه کفیل
 اولسه قناعت ایدوب راضی اولور سن حق تعالینک * و ما من دابة
 فی الارض الا علی الله رزقها * نظم عزیز می مضبوطیجه انسانه و سایر
 حیوانه رزق و یرمه ضامن و کفیل اولسته قناعت و رضا کوستر من سن
 نه عجب قبیح اعتقادک وارددر و نه فاسد ادراکک وارددر کویا که سن
 آیات قرآنیہ بی تصدیق و حقه ایمان کتورمین آدم کی سن قلبکده ایمان

وادایسه ده ضعیف و یقینک زواله وارمش و مذهب حقندن اوزاق
 اولش سز معناسی تمام اولدی عوامک حالندن تعجب اولنور که امور
 دنیاده توکل ایتمزلر امور آخرتده سعی و طاعتی ترک ایدوب توکل
 اظهار ایدرلر حال بوکه حق تعالی قوللره امر ایندیکه امور دنیاده
 توکل ایدرلر و امور آخرتده سعی ایدرلر عوام بونک خلافتی ایشلدیلر
 دنیا لازمدردیو مال جعنه و خزینه تحصیلنه سعی ایدرلر آخرت
 خصوصنده خدا کریمدر دیو بطالت و نکاسل ایدرلر ایمدی برکسه
 امور دنیاده توکل اینسه عبادته اقبال و مداومت ایلسه حق تعالی آنک
 محتاج اولدیغی نسنه لری اعطا ایلسه کرکدر و آنک قلبنده غنا خلق
 ایدوب کندوی غنی کورر و اگر برکسه دنیایه میل ایدوب حرص و طمع ایله
 مال جمع اینکجه سعی ایلسه لیل و نهار عقلی و فکری مال کسبنده و یا خود
 منصب تحصیلنده اولسه آخرتی کیر و قویسه اول کسه نک اموری پریشان
 و احوالی نظام سز اولوب دایما کندی و سنی فقیر کورر لیل و نهار
 قلبی فقیر و سائر ناسک نعمته کوزدیکوب حسد و طمع ایله غم و حزن ایله
 عمری یکسه کرکدر العیاذ بالله تعالی دخی شول کسه لره که انجیق التون
 و کومش قوی اولوب خلقه خدمت اینکدن و مولایه طاعت اینکدن
 مقصد اعلاسی انجیق التون و کومش اولسه آنلرک دخی اموری پریشان
 اولسه کرکدر العیاذ بالله تعالی اللهم لا تجعل الدنيا اکبر همنا ولا مبلغ
 علمنا و تواضعله که اول کندوی جلّه اقران دن الحق و بر مرتبه
 ادنی کورمکدر ایمدی تواضع اولدر که کشتی کند و نفسی مرتبه سندن
 بر مرتبه اشاعی طوتمقدردیاده سبله ممدوح صفتدر انبیا و علما و صالحلر
 اخلاقنددر آخرتده درجات عالیسه به نائل اولمغه سبیدر اما کشتی
 کند و نفسی جمیع خلقندن اشاعی طوتمغه ضعه تسبیحه اولنور بودخی
 مشایخ صوفیه کبارک دایندر اما ابوداود اخراطج ایندی عیاض
 رضی الله عنه روایتله فخر کائنات علیه الصلوٰۃ والسلام پیوردیکه

ان الله اوحى الى ان تواضعوا حتى لا يفخر احد على احد * يعنى حق تعالى
 بكا وى ابتدايكه اى قوللرمز لر تواضع ايدىكون تاكيم بركسد بركسه به
 فخر ايمه بنجيه دك امام طبرانى رحمه الله تعالى اخراج ايتدى ابوسعيد
 رضى الله عنه روايتله رسول كاشفت عليه الصلوة والسلام بيورديكه
 من تواضع لله درجة رفع الله درجة حتى يجعله فى اعلى عليين * يعنى
 هر كچكه حق تعالى رضاسى ايجون بر مرتبه تواضع ايلسه حق تعالى اكا
 بر درجه عظيمه رقيه احسان ايدى اول كشى تواضعى زياده ابتدايكه
 درجه دينى زياده اولوز تاكم حق تعالى اول قول اعلاى عليينه
 واصل ايدر * ومن تكبر عباد الله درجة وضعه الله درجة حتى يجعله
 فى اسفل سافلين * هر كچكه عباد الله بر درجه كبر ايلسه حق تعالى
 آتى بر درجه اشاغى براغور اول كشى كبر ابتدايكه اشاغى كيدر تاكيم
 حق تعالى آتى اسفل سافلينه وضع ايدر امام طبرانى اخراج ايتدى
 مصرى رضى الله عنه روايتله رسول كاشفت عليه الصلوة والسلام
 بيورديكه * طوبى لمن تواضع فى غير منقصة * سعادت شول كسه به كه
 نقصان ومذلت اولميان محلهه تواضع ايليه * وذل نفسه من غير مسئله
 تاسدن بر نسته ايجون سائل اولقمسرين نفسى ذليل وحفير طوته وانفق
 مالا فى غير معصية * حلالدن كسب ابتداوى مالى كاه اولميان به
 صرف وصدقه ايدى * ورحم اهل الذل والمسكنه * فقيرزه ومسكينزه
 مرجت ايدى * وخالط اهل الفقه والحكمة * فقها وعلماء عاملين ايله
 اختلاط ودوستلق ايدى انلرك مجلسلرينه ملازمت ايتكله * طوبى
 لمن طاب كسه * سعادت شول كسه به كه كسى حلال وطيب اوله
 شرع شريفه مطابق اوله ظلمدن وريادن وحق عبد دن احتراز ايتكله
 وصلحت سريره * قلبى ودروى اخلاق ذميه دن واغراض فاسده دن
 صالح وبرى وعارى اوله * وكرمت علانته * وظاهر حالى شرع شريفه
 موافق ومرزته مطابق اولقله كرم وعالى جناب اوله * وعزل

عن الناس شره * ناسدن شرنی و مضرتی عزل و دفع ایده بر کسه به
 قولا و فعلا ضرری طوق نمیه * طوبی لمن عمل بعلمه * سعادت شول
 کسه به که علمیه عامل اوله جهلنی ازاله ایدوب علم او کرمکله موجبیه عمل
 ایتمکله * و اتفق الفضل من ماله * مالندن فضله اولانی فقرا به صدقه ایلیه
 و امسک الفضل من قوله * کلامندن ارتق و مالا یعنی اولانی ترک ایده
 سوبلینه تواضع علامت لرندن بر مقدارنی بومقامده ذکر ایده لم بعون الله
 تعالی کنند و لوازمی ایلیه صواقندن خانه سنه کتور مک و کوله ایلیه
 و جاریه ایلیه و خدمتکار لر ایلیه و فقیر لر ایلیه طعام یک و حیواناتک
 هفتنی کند و یروب کندوسی سودین صاعق کند و خانه سنی سپور مک
 والدینک خدمتی ایتمک و کهنه ثیاب کیمه دن عار ایتمک و فقرا دعوتیه
 اجابت ایتمک و فقرا خسته لرینک خاطرین صوریه و جنازه لرینه
 و اروب نمازین قلیق اقراندن اشاغی برده طوریه خدمتکار سز صواقعه
 و بعض محله کیمکه عار ایتمک حق نصیحتی هر کیدن اولور ایسه قبول
 ایتمک کبی بونلری ایشلکدن احتراز ایتمک کبر علامتیدر و الله اعلم
 و نصیحت ایلیه که حسدک ضدیدر اول غیرینک ایو و حق اوزره اولدیغین
 ایستکدر ایمدی نصیحت دین اسلامده غایبده امر معظمدر دنیاتک
 و آخرتک خیرنی جامعدر حدیث شریفلرده مصر حددر اوله الله تعالی
 ایچون نصیحت حق تعالی به ایمان و توحید ایتمکدر و رسولنه نصیحت نبوتی
 تصدیقدر و کتابنه نصیحت کتاب اللهی تصدیق و مقتضاسیله عامل اولمقدردر
 و اهل اسلام امام لرینه نصیحت علماتک فتوایله و امراتک امر لر یله عامل
 اولمقدردر اگر شرعی ایسه و عامه اهل اسلامه نصیحت انلره خیر قصد ایدوب
 کندویه ظن و محبت ایندیکی خیری انلره ده قصد و محبت ایتمکدره ملاقی
 اولدقدده سلام و یروب و مصافحه ایتمکدر بر خصوصده مشاوره اینتدکده
 خیره دلالت ایتمکدر حاجتی اولدقدده یاردم ایتمکدر خسته اولدقدده خاطرین
 صور مغه و ارمقدردر آخرته کتدکده جنازه سنه و اروب نمازین قلیقدر و سایر

دین قرنداشلغنه مراعات ایتمکدر وحسن ظنله و اخلاق حبیسه ایله
 ولطف و رفیق و ملایمت ایله کوروشوب دوستلق و آشنالق ایتمکدر و کندو
 حقنده ایتدکلی اکیسکلکلی عفوایتمکله معامله ایتمکدر اکر عفو
 ایتدکده تقصیراتی و ظلمی بدخی ایتمزایسه عفو کورلدرد و نقوی دندرد و اکر
 ظلم و طغیان زیاد اولورایسه کامواخذه ایتمک لازمدرد عفوایتمک ذنوبه
 و ظلمه سبب اولدیفیچون مؤمنلردن عفوایدنلری و انلره ایلمک ایدنلری
 حق تعالی محبت ایدوب اکر اتم ایتمه کرکدر برکسه سکایلمک ایتمه سن
 دخی مقابله سنده کایلمک ایتمسن اول مکافات اولور ایلمک اولدر که سکاکلک
 ایدنلره سن ایلمک اید سن و نفس ارزوسنه مخالفت ایتمکله بویوک جهاددر
 ایمدی نفس اماره هر حالده ذنوب و سائر حظوظ ذنوبه تحصیلنه
 سعی ایدر و نفس ایچون قناعت ایتمک یوقدر اکر ایکی التون ارمانی
 اولسه بری بدخی ایستراوج اولسه بدخی ایسترتون دنیا مالک اولسه
 کندویه قناعت کلز و نگاه ایتمکدن اوضاعنر بلکه کتدبکده طغیان زیاد
 اولور برآیه کریمده شویله ذکر اواندیکه * فامامن طغی و آثار الحیوة الدنیا
 فان الحییم هی المأوی * یعنی اما اول کسه که طغیان اید و حدنی تجاوز
 ایلمه و حیوة فانیة سریعة الزوالی آخرت اوزرینه ترجیح و اختیار ایلمه
 تحقیق بحییم آنک مکایدرد * و اما من خاف مقام ربه و نهی النفس عن الهوی
 فان الجنة هی المأوی * اما اول کسه که ریسنک حضور معنوبسنده
 حساب اولنمقدن و عذابندن خوف ایلمه و نفسنی هوا سندن نهی و منع
 ایلمه تحقیق جنت آنک مکایدرد و بدخی کندو نفسنی هوا سندن و اخلاق
 ذمیمه سندن تطهیر ایلمن افلاح اولسه کرکدر و کندو عیننه مطلع
 اولوب ازاله ایتمکله مشغول اولوب غیر یلرک کیرلی عیشیدن اعراض
 و انغماض عین ایتمکله کندوی تطهیر و علم و عمل و تهذیب اخلاق
 و تعمیر قلب و سلامت صدر تحصیل ایله کایلمه ایتمه سعی اید لر ایمدی
 برکسه به حق تعالی خیر مراد ایتدکده آنی کندو نفسنک عیالرینه مطلع

قبلار کاهلرینه کچن عمرینه نأسف ونادم اولوب قلان عمرنی علم نافع
 وعمل صالح کسب ایتکه جد واهتمام ایله سعی ایدیچی اولور عینی بئلك
 ونقصاتی اعتراف ایتک یوک مرتبه در بوکا اذمان وعرفان دینور اما حیوان
 مقوله سی کسه ز کندو عیندن ونقصانندن خبری اولما یوب کندو نفس
 عاصیه قاصره سنی کاملر ایله یله طوز و بونی علوهمت ظن ایدر بو جاهل
 وحدنی وعینی ونقصاتی ودورلو دورلو ایشلدیکی عصبانی اونودوب
 بالکلبه غافل واجق بر مقدار هزار قصور یله عبادت ایتکه کندو سنی ولی
 کامل و مرشد و اصل ظن ایدر دورلو لاف وجهالت ایله جاهلزه ولایت و
 کرامت و تقرب مرتبه لرندن دعوی باطله ایله صورت حقانیت کوستر بعض
 او یخوده کوردیکی خیالات فاسده شیطانیه ایله مغرور اولوب آتی کشف
 و کرامت ظنی ایله عواملره همت ایتک دعواسنی ایدر هیهات هیهات بویه
 جهالت وعصیان ایله مرکب اولان کسه لر دن بویه دعوی ولایت ایتک
 انلرک غایت حاققت ونهایت ضلالتلرینه دلیلدر وانلری تصدیق
 ایدن لر دخی خاردن زیاده احقرلردر وحق قبول ایتکه هر کیمدن
 ایشیدر ایسه بوکا انصاف دینور کاملرک وزاهدلرک صفاتیدر ضدی
 عتاد در غمرو و فرعون وابو جهل صفاتیدر و خطاسنه اعتراف ایدوب
 عار ایتکه و خطاسندن رجوع ایدوب حق قبول ایتکه کندو نفسنی
 اضلاحه و توبه به سعی ایده را اگر حق قبولدن عار ایدر ایسه علامت کبردر
 اگر حق ییلد کدنصکره انکار ایدر ایسه العیاذ بالله تعالی زیاده سیله الجق
 خوبدر قتی قچمق کر کدر و داناتوبه ایتک ایله که اول کاهلرینه بیچمان
 اولوب الله تعالی دن قورقوب شمدن کبر و اضلا کاه ایتکه عزم وقصد
 ایتکدر حق عبد وارا ایسه حلالا شوب حق الله ایسه قضاسن ویا کفارتی
 اولانک قضاسن و کفارتن ایتکدر بر کسه نمازی ترک اینسه توبه ایتکه
 ساقط اولماز قضایدوب قتلحق فرضدر اورج وز کوة و حج و غیر یلردخی
 بویه در اما کذب و شرب خمر و لواطه وزنا کیلر توبه صحیحجه ایله عفو اولنور

اما حق عبد مثلاً دو تک و شتم و غیبت ایدوب اول کسه به غیبت خبری
 واردی ایسه توبه ایتمک ایله ساقط اولماز حلال الشقی لازمدر اگر بهتان
 و افترا ابتد ایسه توبه ایده و دخی حلالقی دیله به و کندوبی افترا بی
 ایشدنلرک یاننده تکذیب ایلمک لازمدر اعدی اخلاق حیده دخی چوقدر
 بور سالده بر مقدار ی بیان اولندی طالب آخرت اولان مؤمنلره لازمدر که
 کند و نفسندن غافل اولما یوب نفسنی اخلاق ذمیه ردن معری و اخلاق
 حیده لر ایله مکمل ایدوب علم نافع و عمل صالح ایله آخرتی معمور ایلیه نفسنه
 اسیر و شیطاننه تابع و دنیا سینه کوکل و یرمیه * رب اغفر لی و لوالدی
 و للمؤمنین رب تبت الیک من کل ذنب رب اغفر لی و تب علی انک انت التواب
 الرحیم تقوی بو محله تقوا به متعلق مسائل ذکر اولنور باذن الله تعالی
 معلوم اوله که تقوی و استقامت جمیع انبیا و مرسلینک طریقیدر و جمیع
 اولیا و مفرینک سرمایه سیدر و جمیع عابدلرک و زاهدلرک زاد و ذخیره سیدر
 و جمیع شا کرلرک قره عین و نور بصیرتیدر و جله اهل آخرت مطلوبی
 و مقصودیدر اهل تقوی اولنلر اولیاء الله در شه کیم رب العزیز بیوردی
 ان اولیاؤه الا المنقون * یعنی حق تعالینک اولیاسی و احبابی بر کسه دکلدر
 الامتقلدر در بمکدر اهل تقوی اهل سعادتک ساداتی و اهل آخرتک کباریدر
 نعمت عظمی و عاقبت حیده و سعادت کبری و جنت و طوبی اهل تقوی
 ایچوندر اهل تقوی شویله طائفه مطهره و زمره مقدسه در که انلرک
 اولولری نبیلر و مرسللر در با خصوص جله مرسللرک سیدی و نبیلرک
 سروری و اتقیانک سندی و جله کاشانک مفخری انس و جان پیغمبری
 حبیب کبریا و رسول آخر زمان محمد المصطفی صلوات الله و سلامه علیه
 و علیهم اجمعین جله اهل تقوانک امامی و مقتدا سیدر و دخی حضرت
 ابوبکر الصدیق و عمر الفاروق و عثمان ذوالنورین و علی المرتضی و سائر
 عشره مبشره و جله صحابه عظام و آل و اولاد کرام و تابعین و ائمه مجتهدین
 و علماء عاملین رضوان الله علیهم اجمعین بونلرک جله سی اهل تقوانک

او اولوی وسیدری و مرشدی و دلایری در حق تعالی جلّه امثله تقوی ایله
 امرایتمشدر قرآن کریمه بوزاللی قدرآیه کریمه ده تقوی بنک فضیلتی ذکر
 اولتمشدر و اهل تقوی قرآنیه مدح اولتمشدر و نیجه حدیث شریفلرده
 تصریح و بیان و مدح و ثنا اولتمشدر در حق تعالی برآیه کریمه ده پیوردی
 ان اکرمکم عندالله اتقاکم * یعنی ای قوللر سرائز باده سیله عندالله مکر مکن
 و حرمتلوکن و معتبر و مقبولکنز باده تقوی ایدیجیکنزدردیمکدنز بر اکالاته
 کشتی تقوی ایله نائل اولور هر کیمکه شرف آخرت استرایسه تقوی ایلسون
 هر کیمکه جلّه افراندن اعلی و اهل ایمان ارا سنده ممتاز و محترم اولوق ایستر
 ایسه تقوی ایلسون ابن عباس رضی الله عنهما شویله پیور مشرکه دنبا
 شرفی مال و منصب ایله اولدیغی کبی کذلک آخرت شرفی و درجات عالیه سی
 تقوی ایله اولور تقوی بر لباس نور انیدر که صاحبی آخرت عقوبتندن
 و کدرلندن صیانت ایدوب کاشرف و پر برتنه کیم نظم عزیزده * و لباس
 التقوی ذلک خیر * دیو ذکر اولتمشدر * و العاقبه للتقوی * و العاقبه
 للمتقین * و الاخرة عند ربك للمتقین * و ان للمتقین لحسن مأب * و ازلفت
 الجنة للمتقین * یعنی عاقبت حیده اهل تقوی ایچوند و عاقبت خیرلنی
 متقیلر ایچوند ربک عنده آخرت سعادتق متقیلر ایچوند تحقیق متقیلر
 ایچون آخرته کوزل مکان و اعلی مقام حاضر در و جنت متقیلر ایچون
 قریب اولمشدر موتدن غیری حجاب یوقدر یا خود محشرده متقیلر جنت
 قریب کتور بلور و عرصاته ایکن آتی کوردر امورلری محشرده سهولته
 تمام اولدقده دخول ایدر لایمدی معلوم اولسونکه تقوی لغتده زیاده سیله
 صیانت معناسنه در شریعتده اوج قسمدر ادناسی کفردن اجتنابدر
 اعلاسی قلبنی حق تعالینک ملاحظه سندن و توجهندن یر لحظه مانع
 اولان نسنه دن اجتنابدر و باکلیه علایق دنیویه و عوائق جسمانیه دن
 منقطع اولوب قلبیه و جسدیه حق تعالی به توجه و انابت ایتمکدر انبیاء
 کرام علیهم السلامده و کپار اولیاء اللهده اولدیغی کبی وسط مرتبه سی که

شرعه

شرعده متعارف اولان بودر کشتی کبد و نفسی آخرتده عقوبته مستحق اوله چق
 اموردن صیانت ایتکدر ایشلمه سی کاه اولان و ترک ایتسی کاه اولان نسنلردن
 اجتناب ایتکدر کباردن اجتناب ایتک بالاتفاق لازمدر اما صغائر دن اجتناب
 ایتک لازمیدر دکلدر اختلاف اولمشدر بعضیلر لازم دکلدر دیدیلر ز پر
 کباردن اجتناب اولندقدده صغائر عفو اولنور بعضیلر دیدیلر که کباردن
 صغائر ی فرق ایتک مشکلددر جمله سندن احتراز لازمدر بعض متأخرین
 بیومشار که فی زماننا شبه اولردن احتراز ایتکیلر دخی اهل تقوا دندرز پر ازمانه
 فاسد اولدی شبه اولردن قاچمقی قتی مشکل اولمشدر و دخی هر برعله متعلق
 تقوی وارددر مثلاً برکسه اورج طوتسه اوروجی افساد ایده جک نسنلردن
 صیانت ایتک کذلک صلوة و حج و زکوة و غیره عمللری افساد ایده جک
 نسنلردن صیانت ایتک آنک تقوا سیدر ایمانی الفاظ کفردن و سائر
 کفر یانندن و عقائد باطله دن صیانت ایتک و اخلاقنی اخلاق ذمیه
 اختلاط نیدن صیانت ایتک قلبک تقوا سیدر قلبک تقواسی و اخلاقک
 تقواسی ذکر اولندی شمعی اعضا ک تقواسی بیان و تفهیم و ائمه کر کردر
 و دخی و سبتم اولدر که وسط مرتبه ده اولان تقوی به برک یاشدل امر حق
 یرینه کتوره لر دنیاده و آخرتده عزت و سعادت بوله لر صد یقلم و مقربلر
 طریقنه کیده لر حدیث صحیح لوده * اوصیکم بتقوی الله * وارد اولمشدر
 یعنی ای مؤمنلر سزله وصیت ایده رم حق تعالی به تقوی ایتکله دیتمکدر
 زیرا ائدن افضل نسنه یوقدر و هر کسک شرفی و فضیلتی تقواسی قدر
 اولور نسب و مال و منصب باعث شرف دکلدر انجق شرف تقوی ایلله اولور
 و غیره عمللر آنسز قبول اولماز بوسوزده نظر وارددر زیرا اگر تقوی دن
 مرادی ایمان ایسه بوسوز صحیح اولور زیرا ایمان سز بر عمل مقبول
 دکلدر و اگر مرادی عمللری فساددن صیانت معناسنه ایسه صحیح اولور
 و اگر اشاعیده بیان ایتدیکی تقوی مراد ایسه صحیح اولماز زیرا بر مؤمن
 کاهکار اولغله غلی مردود اولماز مقبول اولور و اگر قبولدن مرادی اصل

قبول اولوب کمال قبول دیمک ایسه صحیح اولور لکن کلامک ظاهری مراد
 دکدر دیو قرینه یه محتاجدرا یکی اولکی توجیه مقامه واشاعیده ذکر
 اولان مسائله مناسب دکدر بو محل تأمل اولنه تقوی دیو کاهلردن
 قتی زیاده صافتمغه دیر رسکاهلری وحسنه لری ومباحلری فرق وتمیز
 ایتکه علم لازمدر و شریعنی تفصیلاً بتلک کر کدر علم شریف اعمال صالحه نک
 امامیدر بو تقوی نک اوسط مرتبه سنی مراد ایدنلری دی عضولری
 صافنه لر معاصیدن عضولری معصبتنه آلت ایتکدن صافنه عبادت
 وطاعت اولان نسنه له آلت ایلیه تاکه جهنمکیدی قابوسی آنلرک حقنده
 بکنه اهل تحقیق شویله یوردیلرکه کشتی بر عضونی کاهه آلت ایلسه
 اکا جهنمدن بر قیو آچیلور اکر ایکی عضونی کاهه آلت ایلسه ایکی قابو
 آچیلور قاج عضونی آلت ایدر ایسه اولقدر جهنمدن قیو آچیلوریدی
 عضونی کاهه آلت ایلسهیدی قابو آچیلور و اکر عضولری نه کاهدن صیانت
 ایدر ایسه آنک حقنده جهنم قبولی قیامش اولور نمقدار عضونی صیانت
 ایتدی ایسه اولقدر قیو قیونوریدی عضونی صیانت ایدر ایسه جهنمک
 یدی قابوسیده قیونور آنک حقنده حق تعالینک * لها سبعة ابواب
 لکل باب منهم جزء مقسوم * نظم کریمنده بومعنايه اشارت واردر دیمشالر
 اولیدی اعضا بونلردر قولاق کوز دل ال ایاق قارن فرج اما قولاقلرن
 صافنه لر ساز دکلهدن ساز دیو لهو ولعب آلاتنه دینورکه انلردن آواز
 ظهور ایدر نفسک و شیطانک تلذذ ایتدیکی آواز لردن او اورشتار و ظورنه
 و طبل و طانبوره و قیوز و چنک و قاتون و نی وغیری آلت لهو کی بونلر
 لعب و لهو آلتلریدر بونلری دکلمک جائز دکدر ویلان وغیبت و غش دکلهدن
 بونلرک تمرینی و تفصیلی آفات لسان بیاننده کلور ان شاء الله تعالی
 و تغنی ایله ذکر و قرآن و اشعار دکلهدن قولاقلرنی صافنه لر زیا بونلری
 دکلمک جائز دکدر برنسته که انی سوبلک کاه اوله دکله سی دخی کاهدر
 المستمع شریک المتکلم * غواسته دکلین سوبلک اور تاغیدر اکر سوز

نگاه ایسه نگاهه اور تاق اولور اگر سوز خیری ایسه خیره اور تاق اولور
 ایمدی بومثللی نگاه اولان نسنه ری دکلک قولاق ایله نگاه اولدینی کبی کذلک
 قولاق ایله تجوید اوزره قرآن کریم تلاوت اولندقدده دکلک وحق سوز ودرس
 ومسله شریفه ووعظ ونصیحت کبی خیری کلاملری دکلک قولاق ایله
 عبادت ایتمکدر ابن ابی الدنیا وهب بن ورددن روایت ایندیکی هر کیمکه
 روح تسلیم ایندیکی زمانده کاتب ملکری اکا کورینور اکر اول کشتی علم
 مجلسلرینه واروب کوزل خیری کلاملر دکلر ایش ایسه اکا ملکر دیهر که
 ای مؤمن حق تعالی سکارحت ایلسون بزلی خیری مجلسلر کنزروب
 خیری کلاملری بزله ایشتردک ونیچه عمل صالحلره بزلی حاضر اینتردک
 حق تعالی سکا جزای جیل واجر عظیم ویرسون دیهر واکر اول کشتی
 بویه دکل ایسه خیرسز سوزلر وخیرسز مجلسلره کیدر و دکلر ایش ایسه
 ملکر اکا دیهر که حق تعالی سکا جزای خیر ویرسون بزلی خیرسز مجلسلره
 کنزروب نگاهلره بزلی حاضر وواقف ایدردک وقباحتلی خبیث سوزلری بزله
 ایشتردک حق تعالی سکا خیر واجر عظیم ویرسون بزله اذیت اینتردک
 دیسه لکر کدر نصیحت وعبرت قبول ایدن عاقللره بوندن بیوک عبرت
 ونصیحت وارد آفات العین وطالب سعادت اولان عاقللر کوزلری
 صاقتلر حرامه باقه دن قتی حذر ایدله لبر آیت کریمه ده حق تعالی
 یوردی * قل للمؤمنین یغضوا من ابصارهم ویحفظوا فروجهم
 یعنی ای رسولم مؤمنلره دی که حرامدن ~~صکوزلری~~ بومسونلر
 بقمه سونلر وحرامدن عورت محللری نی حفظ وسترایسونلر وبرآیت
 کریمه ده * وقل للمؤمنات یغضضن من ابصارهن ویحفظن
 فروجهن * یعنی ای رسولم مؤمنه خاتونلره دی که حرامه بقمه دن کوزلری
 بومسونلر حرامه بقمه سونلر وفرجلری نی وعورت محللری نی حرامدن حفظ
 وسترایسونلر دیمکدر ایمدی ار آدمک کو بکی التندن نادیری التنه دکل
 عورتلر کندودن وزوجه سندن وجاریه سندن غیر یسی بقمی حرامدر

كوك عورت دكلدر اكا باقى حرام اولمى لکن ديز عورتدر اكا باقى جائز
 دكلدر امام زفر عنده كوك و ديز عورتدر امام شافعى مذهبده كوك
 عورتدر ديز دكلدر علمای حنفیه دن بعضيله كوره كوك عورتدر ديز
 دكلدر نه كيم مبسوطدن نقل اولمشدر امام مالك و امام احمد بن حنبل
 مذهبدر نه ايجق قبل و ديز عورتدر و محرمنك انلركشى يه نكاحى ابدى حرام
 اولانلر در كرك قرابت ايله اولسون قز قزندانى كې و كرك سودامك ايله
 اولسون سود قز قزندانى كې و كرك مصاهره ايله اولسون قاين اناسى كې قزى
 و قزى نك قزى و اناسى و ايهسى كه بيوك والده سيدر و قز قزندانى كركسه
 انا بربا بربا اولسون و قز قزندانى قزى و خاله سى و ديزه سى و قاين اناسى
 و او كى قزى و رضاعدن سود اناسى و سود قز قزندانى و قزى سى
 و ايلك ازاد سز جاريه سى دخی بويله در كه كوك بكي التندن ديزى التنه دكين
 اولان موضعله باقى حرامدر باقى ارا اولسون عورت اولسون لکن باقى
 ارا اولور ايسه بولنلر ان ارتقلى محرمك و جاريه نك قارنه و ارقه سنه دخی
 باقى حرامدر نامحرم عورته بوزندن والى ياسندن و يا غندن غيرى يه ار آدم
 باقى حرامدر نامحرم عورتك الى ارقه سى عورتدر بعض فقهار حهم الله
 تعالى شويله بيوزديلر كه فى زماننا كنج عورتلر بوزنى سز ايمكله امر اولمى
 و اجبد رفتنه يه باعث اولسون ديوحى عايشه رضى الله عنهادن روايت
 اولنديكه حره عورتك جلّه بدنى عورتدر الا بركوزى دكلدر ضرورت
 ايجون و بر رواينده اياقلىرى عورتدر حتى صاحب اختيار بيورديكه نماز حقنده
 اياقلىرى عورت دكلدر غيرى حقنده عورتدر كرك ايسه باقى شهوة ايله
 اولسون و كركسه اولماسون ار ككلر حقنده شهوت اولدر كه التك
 قالماسيدر اولدن قالمش ايسه زياده قوى اولماسيدر هدايه ده و غير يده
 بويله مذكور در خلاصه ده فتوى بويله در ديدى بعضيلر مجرد قلبى ايله
 ميل و معانقه ايتكه اشتها ايلكدر ديمشلا ما عورتلر كه شهوتى همان مجرد
 قلب ايله ميل قوى و اشتها ايلكدر عورت كوزل اولسون چركين اولسون

قری یاشلی قوجه مش اولسون کنج مشتهاه اولسون صاغ اولسون
 میت اولسون مزارد چورمش ککلرینه دخی باقق جائرد کلدردیمشلقان
 کسه کنج یکت اولسون قوجه مش کسه اولسون بربردر اما انلره
 بقان عورت ایسه گو بکدن اشاغی دیزی التنه دکین باقق حرامدر عورتک
 ارآدمه باققلغی کیدر عورتلر زوجندن غیری ارککلرک کو بکی التندن
 دیزی التنه دکین باقه سی حرام اولدیغی کبی عورتلر دخی بربرلرینک
 کو بکلری التندن دیزی التنه دکین باقق حرامدر شهوتسز ماشهوت
 ایله باقق کیمه اولور ایسه اولسون کرک عورت وکرک تازه اوغلان بوکوز
 لواطه سیدر ونه ره سنه اولور ایسد اولسون باقق حرامدر بعض کسه ل
 نر عورته یا اوغلانه کرلیجه شهوتله باقرکن برآخر کسنه آتی کورسه کندوی
 منع ایدوب کوز یله آخر نسنه یه باقغه مشغول اولور اول کسه ائک حقتده
 شهوتله نظر ایدر صائمسون دیوینه اول کسه اکا دوغری باقسه فی الحال
 تکرار شهوتله بغغه مشغول اولورینه اول کسه اکا باقسه کندوی منع
 ایدوب آخر محله باقغه مشغول اولور ایسده بوکسه یه خائ دینور باقه سنه
 خیانت نظری دینور الانکا حلی عورته وجاریه سنه دکل زیرا انلرک
 هر برینه فرجه دخی باقق جائرد معلوم اوله که زنا ائمک حرمة مصاهره
 ایجاب ایدر منلا برکسه بر عورته زنا ایلسه اول عورتک اناسی وقزی اول
 کشی به ابدی حرام اولور امام اعظم مذهبنده بویه در اما شافعی مذهبنده زنا
 حرمة مصاهره ایجاب ائمز امام مالکدن ایکی روایت واردر وکذلک شهوت
 ایله یاپیشسه ابوحنیفه مذهبنده حرمة مصاهره ایجاب ایدر نقدر اباس کبی
 حائل اولسه ولس ایتدیکی محک ملائمینی وحرارتی مس ائتمکله البله
 یولور ایسه کرک قصد امس ایلسون وکرک سهوا وخطا مس ایلسون کرک
 شهوة ارککده حاصل اولسون وکرک عورنده اولسون منلا برکسه زوجه سنه
 جاع ائمک ایچون شهوة ایله النی یل بوب قزینه طقونسه یاچپلاق محله یاخود
 حائل اولان لباس انچه اولوب ملائمت وحرارتی بواسه زوجه سی کندویه

ابدی حرام اولور لکن شهوة ايله طوقندي عورت حالا يا خود اصلنده
 مشتهاتدن اولق شرطدر ايمدی طقوز باشنده اوليان قز مشتهات دکادر
 ماعداسی مشتهاتدر مفتی به بودر قرجه قاری به شهوة ايله لمس ايتمکله حرمة
 مصاهره واقع اولور اصلنده مشتهات اولديغيمچون اما شهوة ايله لمس ايدوب
 انزال اولور ايسه حرمة صهریه واقع اولماز قول صحیح بودر و كذلك اركک
 شهوتله بر عورتک فرجه باقسه يا خود عورت اركکک شهوتله ذکرينه باقسه
 حرمة صهریه ايجاب ايدر شهوتله لمس ايتمک بودونه مس ايتمک و يا خود
 اويمک و يا خود معانقه ايتمک شاملدر اما شهوتله لمس ايتمکده حرمت
 مصاهره نك شوقی لمس ايدر کسنه نك اقراری شرطدر شهوتله لمس ايتدوکنی
 تصديق ايتمک لازمدر اما تکذيب ايلسه وطن غالي شهوتسز اولسنه
 واقع اولسه حرمت ثابت اولماز اما معانقه و اويمک بويله دکلدر حرمت ثابت
 اولور کرکسه تصديق اينسون کرکسه ايتسون کرکسه اغزنی اوپسون
 کرکسه چکه سنی اوپسون کرکسه يکاغنی اوپسون کرکسه باشنی اوپسون
 بعض فقها بيور مشرکه اکر اغزنی اوپرايسه حرمت ثابت اولور تقدر
 شهوت اولسه ده ايمدی طقوز محبده باقى جازدر عذر اولديغيمچون تقدر
 شهوت خوفی اولور سه ده لکن شهوتی مراد ايتمک لايقدر اولکی شهادتی
 تحمل والتزام ايجون زنا ايدرايکن باقى کبی ايتکبی شهادتی ادا ايدر
 ايکن عورتک يوزينه باقى اوچبی قاضي حکم ايتمک ايجون يوزينه باقى
 دورنجی ايه طغور تمق ايجون باقى بيشی عذبن ده وعيب ايله رد ايتاده
 جاريه و عورتک بکری وارميدر ديو باقى التخي ختان ايدرايکن سنتی
 باقى يدنجی معالجه واحتقان ايدرايکن باقى سکرنجی نکاح ايله المق مراد
 ايتد وکنه باقى طقوزنجی جاريه بی صاتون المق مراد ايتد کده باقى
 سويلکه قادرا اوليان چو جوقلرک عورت محظرنه باقى ايمدی اينجه وصيق
 لباس کينوب اعضاسی بلاو اولسه لباس سز چيلاق کييدر باقسی جائز
 دکادر دخی معلوم اوله که کوزک بردور لو آفتی دخی واردر که اکا اصاب عين

دینور اهل سنت مذهبنده * العین حق * خواستجه کوز دکه سی واقعدر
حق تعالی پر زهر برادر حرص و تحسین ایله باقوبذکر الله ایتمسه باذن الله
تعالی باقدیغی نسنه بی زهری سببیله هلاک ایدر دوه بی تجریه وانسنی قبره
قورطاشی پارچه پارچه ایدر برکسه بره زار لغه وارسه شوه و نازک اکثری
اصابت عین سببیله آخرته کمتلزدردیو عین ایتسه صادقدر ودخی باغه
وباغچه به وزلایه و کوچک چو جوقله اصابت ایدر قتی حذر کر کدر روایت
صحیحه ایله مرویدر که حضرت عثمان بن عفان رضی الله عنه برکسه نک
یابنده بر کوز لجه چو جوق کوردی اول چو جوغه برسیاه نسنه ایله چکه سته
قره ایتمکله امر ایتدی اصابت عین ایتسون دیو وباغچه لره و زلایه آن
قفاسی کی نسنه لر قویق شرعیدر عین شرنیدن احتراز ایچون و سارنجیب
و بد کورینه جک نسنه لر اصابت عین شرنیدن خلاص اولغه سیدر
ودخی بعضی دعا لر اوقومغله دخی دفع اولور باذن الله تعالی ودخی برکسه نک
قبوسی یار یغندن یار دلیکنندن ایچر و باقه دن یا خود قبوی اچوب قصد ایله
ایچو حرمته باقه دن صاقندر بعضی فقه یه کوره خانه صاحبی اول کسه نک
کوزنی چیقارسه جائزدر اما اولخانه نک قبوسی قبالو اولسه اوکندن
یکر ایکن اهلنک عورتن کورسک سکا کاه اولماز خانه صاحبنه کاه اولور
و مسلمانلره خوراق کوز یله باقه دن صاقندر بو متکبرلک خویدر حرامدر
فرعون و عمرو دوا بو جهل صفتیدر مسلمانلره محبت و مرحمت نظر یله باقیق
کر کدر نه کیم قرآن کریمده * انما المؤمنون اخوة * دیو واقع اولمشدر جمله
مؤمنلر قرنند اشلردر نجیب اولنور بعضی عوام اهل اسلام فقراسنه حقارت
ایله نظر ایدر و بعضی صراف مثلی کافرله التفات ایدوب اکرام ایدر
و قرنداشی کی خاطر ن سؤال ایدر و بعضی کسه لر واردر که علمایه و زاهدلره
حقارت کوز یله نظر ایدر حق سویلد کلرنندن اوتوری اما کندو کی
سغهای کورد کده اعزاز و اکرام ایدوب سفاقتی و جهالتی عباد الله
ترین و تحسین یله رواج و بر مکه سعی ایدر و منکراته و معاصی یه ضرورتسز

باقیه دل و بدلدزد و شرایکن باقیه دل و امر دنیا ده کنند و دن بو کسکله و امر
 آخرت ده کنند و دن ادنی ره و فاسق له باقیه دل امر آخرت ده صالح له و زاهد له
 نظر ایدوب عبادته سعی اید دل و امر دنیا ده فقیر له و مسکله نظر ایدوب
 حق تعالی به شکر اید له و دخی باقیه دل لازم و واجب اولان محلدن کوزیومادن
 صاقنه دل کابه باقی و علمیه و زاهد له تعظیم ایله باقی و انایه و بابایه مرحت
 و شفقت ایله و فقرایه و ضعیفایه و یتیم له و غربایه مرحت ایله باقی و کعبه
 مکرمه به باقی و مخلوقاته عبرت و استدلال نظر ایله باقی کوز ایله حسنه کسب
 ایتکندر آفات ید و اللزن حرامه یا بشمدن ارککدن و عورتدن باقیه حرمة
 غلیظه و یا خفیفه و یا مکروه اولان محله ضرورت سن یا بشمقی جائز دکلدر
 قوجه مش عورت له ارل مصاحفه ایتمی و قوجه مش عورت له ارلک ایاغن
 اوغشی شهوندن امین ایسه جواز وارد و ذمی کافره مصاحفه ایتک جائز
 مع الکراهه در مردار اولش حیوان لاشه سی و قان و خرکی عینی حرام
 اولان نسته له یا بشمقی آفاتند در اگر لاشه بی کدی به و یرمک ایسته سه کدی بی
 لاشه نک یا نه کتور سن اگر خری سر که یا بق مراد اید رایسه ایلله المسون
 و خانه سنه کتور مسون بلکه محلدنه ایکن سر که ایلسون صکره ایلله الوب
 خانه سنه کتور سن اما خری دو کت ایچون و مکانی اندن قطع هیر ایچون ایلله
 یا بشرایسه بو جائز در و برکسه بی کرک مؤمن و کرک کافرو کرک کوله و جان به
 و کرک خر خدمتکار و کرک غیری ناحق به او رمادن و رزقن المدن و نجس این
 اولانه ضرورت سن ایلله یا بشمدن مردار اولش و آدم نجسی کی صاقنه دل
 کهله اولدرمک بهر جان جائز در لکن قرنجه بی اولدرمک مکر و هدر مکریم
 اذیت اید صویه بر اقوب اولدر سه مکروه دکلدر اذیت ایتد بکیچون اگر
 بر کدی اذیت و ضرر اید بی اولسه بر کسکین بجاغله بو غازل نور لکن دو کولز
 و قولای کسلز و دخی جانلوا اولان حیوانلری آتسه یا بق مکر و هدر کرک کهله
 و کرک قرنجه و کرک عقرب و کرک غیری اولسون اما حریر و قوردنی اولدرمک
 ایچون کونشه قویه له ضرری بو قدر فتاوی سراجیه ده شویله مذکور در که

ایچنده قرنجه اولان اودونی آتسه یا مقده باس بو قدر ودخی کندویه زکوة
 المسی جائز اولیان کمسنه زکوة آلق و صدقه فطر ونذر و کفارت آلق
 و فقیر یا خود عالم و یا خود صالح و متقی و ولی و صاحب کرامت ظنیه صدقه
 و هدیه و یرسه اول کسه دخی بو صفتلرایله موصوف اولسه اول صدقه بی
 و هدیه بی آلق آفات یددندر و کسب خیشدر و دخی حیوان صورتی نه و یر
 ایتک و برنسنه بی اتلاف و اسراف ایتک آفات یددندر و زرد و شطرنج و سائر
 آلات لهوایله لعب ایتک الا جلاجل سرنکاح ائناسنده دف استعمال ایتک
 و کفارایله غزایدن غازیلرک طبلی و حجاج و قافله طبلی جائز در و دخی
 کوکر جین ایله لعب ایتک آفات یددندر و بر حیوانی نشان ایدوب اکل اوقی آتمق
 و حبس ایدوب آج اولدرمک و بر برلینه هجوم ایتدرمک کله کفر و کذب
 و غیبت و بهتان و نهمیه کی سويله سی حرام اولان نسنه لی کتاب ایتک
 مکرکیم حکایت طریقله اوله و دخی امور شریفه ده صول الی استعمال ایتک
 و امور خبیثه ده صاغ الی استعمال ایتک آفات یددندر و دخی التوندن
 و کومشدن مصنوع اولان آوانی بی استعمال ایتک جائز دکلدر آفات یددندر
 اما بر مشربیه کومش قابلو اولسه آندن صوابچلدکده اغزنی کومش سز
 محلدن قویوب ایچلسه ابوحنیفه به کوره جائز در بعضیلر ایله کومشی
 طوبیبه دیمش ابو یوسف قتنده مکر و هدر و کوش قابلو آکر و کورسی
 و جام و رکاب دخی بو اختلاف اوزرینه در اما جام یا خود رکاب یا خود
 صحن و قاشق و کلابدان و بخوردان و آینه و سورمدانلق و غیره کومشدن
 و یا التوندن اولسه رجاله و نسیاه استعمالی جائز دکلدر آتون ایله و کومش ایله
 زینت ایتک نسوانه حلالدر رجاله جائز دکلدر اما خاتم و منطقه و قیلجده کی
 زینت کومشدن اولسه جائز در و دیشلر بی کومش تل ایله و آتون تل ایله
 ربط ایلسه جائز در و آتون و کومش ایله یالدرلشمش آوانی ایله انتفاع
 و استعمال ایتک جائز در و دخی سفریه و غیبت و تحقیق طریقله برکسه به
 ایله اشارت ایتک آفات یددندر ایمدی ایله کابه یا بشمی و صدقه و یرک

و پرکسه نک یو کنی فالدری و یرمک و خلقه یولده اذیت و یرن سنه لی ازاله
ایتمک و بتیلمی او خشامق ضربی و قتلی شرعا واجب اولانری ضرب
و قتل ایتمک و بر خیری سنه به الیه یلدرمک ایچون اشارت ایتمک ضعفاله
الیه یاردم ایتمک الیه امر معروف و نهی منکر ایتمک کبی ال الیه حسنات و ثواب
کسب ایتمکدر آفات بطن و قرنلرن حرامدن و مکروهدن و شبهه لور دن
صاقینه لر و قرتی طوق طوئمدن احترازا یده لر و یرنسنه بی صاتون آلدقده
کیله شرطیله و یا اوقه شرطیله اله لر صاتون الدقده نصکره کیله لیوب
و تراز و ایله چکمینجه یمک حلال دکلدرر با اولدیغیچون اگر و یرسه
آلورایسه کون تعیین ایده لر اگر کوتریجه بازارا بنسه کیله لمک و چکمکه
حاجت یوقدر جائزدر ایمدی روایتلرده شویله در که دنباده قرتی طوق
طوانلر آخرته آجلق ایله عذاب اولنور اکلی و شربی آزار ایتمکده قتی
چوق فائده واردر صحت بدن و قوه عقل و صفای قلب و معده نک
فضلا ندن خللی اولسی و ثقلت اولیوب بدن خفیف اولق و کفایت
قدری ایله قناعت ایتمک و بلاه الهی و عذاب آخرتی اونو تمیق و قیامت
آچلقنی خاطرینه کتورمک و عبادته آسانلق ایله مداومت ایتمک
و غیر یلر کبی اما طوقلقده قتی چوق مضرت واردر مرضلر حاصل اولق
و قلب قتی اولق و شهوت چوق اولوب اعضادن کاهلر صادر اولق
عقل و فهم و علم آزار اولق و عبادتی آزاریدوب حلاوتی اولمق و حرام
ارتکابنه سبب اولق آخرته سؤالی و حسابی چوق اولق و آجلق ایله
معذب اولق و غیر یلر کبی ایمدی عاقل بومذ کورلر نظر ایدوب
کندوبی طوق طوئیموب عبادته و طاعتده مردانه سعی ایدوب
کسل و بطلاندن قتی احترازا ایله آفات فرج ایمدی فرج دیواردن
و عورتدن اود محللرینه دینور و فرج لرین زاهدن و لواطه دن عورتنه
و جاریه سنه و کوله سنه و غیر یلر له لواطه ایتمک جائز دکلدر روحوانلره و طی
ایتمک دخی بویله در و نامحرمه کوسرمدن و نکاحلر عورتنه و جاریه سنه

خیض ونفاس زماننده و طی ایتمدن زیر احرام قطعیدر وطونی التندن
 آلتی دکرمدن وسائر حرامه دکرمدن صاقنه لر امام ابوداود و ترمذی
 وابن ماجه و بیهقی رحمهم الله تعالی تخریج ایندیلر ابن عباس رضی الله عنهما
 روایتله *من وجد تموة يعمل عمل قوم لوط فاقتلوا الفاعل والمفعول به* یعنی
 هر کیمکه سوزل آتی قوم لوط عملی ایشلر بولسه کز فاعلی ومفعولی قتل ایدیکنز
 دیمکدر اما ملردن نیجه لری لواطه ایدن قتل اولنمق کر کدر دیدیلر امام زبیلی
 پیوردیکه لواطه بی معناد ایدن کیمسه نک قتلنده امام المسلمین بر مصلحت رأی
 ایدر ایسه قتل جائزدر ابوحنیفه رحمه الله تعالی تعزیرا و ثور دیدی بعض
 سلف صالحین لوطی آتسه یا قتلیدر یا خود اوزرینه طاش یقطلیدر
 یا خود بر یوکسک مکاندن باشی آشاغی آتسلیدر دیو پیوردیلر برابر اوغلانه
 لواطه ایتک آتی قتل ایتمدن اشد در دیمشرفی زماننا هذا اوغلانی نسوان
 اوزرینه ترجیح ایدر کیمسه لر قتی چوقدر و نیجه لری تزوجی ترک ایدوب بوبله
 عمل خبیث و ملعنت فاحشه ارتکابنه مشغول اولمشلر در اصلح الله الفاعل
 والمفعول ودخی جاعه تحمیلی اولیان زوجه صغیره سنه وخسته عورتنه
 و یا جاریه سنه جاع ایتمدن صاقنه لر وجاع احوالی یلنلرک باننده جاع
 ایتمدن و جاریه سنه استبرادن اول جاع ایتمدن و او پمدن ومس ایتمدن
 وفرجنه باقندن استبرادن اول صاقنه لر و خاتوننه اصلا جاع ایتمکدن
 وملاعبه وملاطفه ایتمکدن صاقنه لر و خاتونندن اذ نسزمنی سنی عزل
 ایتمه لر اما البیله آلتی مس ایتمکله قصدیله ازال اولمق حرامدر الا و اوج شرطله
 جائزدر بریسی زوجه سی و جاریه سی اولیه ایکنجی زیاده سیله شهوتی چوق
 اوله او چنجی قضاء شهوت مراد ایتمه بلکه تسکین مراد ایلیه بو اوج شرط
 بولنور ایسه معذور اولور لر آنک ایچون جائز اولور بر کیمسه خاتوننه جاع
 ایلمسه ثوابه نائل اولور اگر حرامدن اجتناب و اهلی دخی حرامه بقمه دن
 کف ایتک و حق تعالیدن اولاد طلب ایتک اهل اسلامک کترتنه سبب
 اولمقی ایستمک نیتله اولور ایسه زیاده اجر حاصل اولور آفات رجل

وایا قلن حرامه بوریمه دن کناه محله کتمک کرک ایشلمک ایچون وکرک بقیق
ایچون اولسون آفاندندر جائرد کلدرا ناسندن و باباسندن اذنسر غزیه کتمک
نقدر کافر لایسه ده مکرکیم اهل دینلرینه غزایی جائز کورمبدکلرندن اوتری
اذن ویرمر لایسه اذنسر کتمک جائزدر نقدر هلاک خوف اولنور سفر واریسه
کرک در یادن وکرک قره دن کتمسی آفاندندر زاد و ذخیره سز یوله کتمک کبی
ودخی طاعوندن قاجق واولدیغی محله کیرمک آفاندندر نایسندن و باباسندن
بر یسی نفقه سنه و یاخذ مشه محتاج ایکن رضاری اولمز ایسه انلردن
مقارفت ایتمه بر طریق ایله انلری ذلیل براقیه و برکشینک اذنسر ملکته
یوریمدن خانه کرک باغ و باغچه و کرک ترلا اما اول ارض که انده نبات اولمه
ودیار سز و خندقسر اوله و ایچندن کجکمه احتیاج اولنه و صاحبنه
ضرری اولمه بوصورته آندن کجک مأمولدر که جائز اوله دلالة وعاده
اذن بولندیغیچون ودخی دعوتسر بر کیمسه نک ضیافته وارمق آفاندندر
و بر کیمسه بی ناحق یره دیمه دن و قور قوتمه دن و برکشینک یعنی بر کیمسه نک
منزلده قالیچه سن و یا حصیرن و یا چنساغن و یا قوسندن ایچرو
و یا برغیری نسنه سن اذنسر باصمه دن صاقنه لر زر جائزدر کلدرا ایمدی
علم او کرتمک کتمک و حجه و غزیه و بر مظلومی ظالمدن خلاص ایتمک
کتمک و امر معروف ونهی منکر ایتمک کتمک و عبادت ایتمک مسجدله کتمک
و جنازه ایله کتمک و دین قرنده اشری زیارتنه کتمک و بر کیمسه یه یاردم ایتمک
و حاجتن بترمه کتمک ابن عسا کر اخراج ایتدی انس بن مالک رضی الله عنه
روایتله رسول کائنات صلی الله علیه وسلم یوردیلر که بر کیمسه حق تعالینک
رضاسیچون بر مؤمن کشینک حاجتنی بترسه حق تعالی اکامردن با قدر که
یدی بیک یلق کوندزلرنده صیام و کیمه لنده قیام ایتمش قدر ثواب احسان
اینسه کر کدر صدق رسول الله و خسته خاطر نصورمغه کتمک و کسب رزق
و ادای دین ایتمک کتمک و زیارت قبور ایتمک کتمک و صلوه رحم ایتمک کتمک
و غیری خبری برله کتمک ایاق ایله حسنه کسب ایتمکدر آفات اللسان

جله دن اهم و الزم و زیاده سبله حبس و حفظ ایتمی واجب اولان کشتنک
 لسانیدر کشتی بی یوزی اوزرینه نار بحیمه دوشورمکه سبب اولان لسانیدر
 امام ترمذی تخریج ابتدی ابو سعید خدریدن رضی الله عنه رسول کائنات
 صلی الله علیه وسلم یوردیکه * اذا اصبح ابن آدم فان الاعضاء کلها
 تستکنی اللسان * یعنی آدم اوغلی هر بار صباحه داخل اولدوقده جله
 اعضاسی لساندن کفایت طلب ایدرلر واکمرا جعت و تواضع و نیاز ایدرلر
 فنقول اتق الله فینا * ودرلر که بزم حقوقزه رعایت و احوالری صیانت
 حقنده حق تعالیدن خوف ایت قباحتلی سوز سو یله بزی آتسه یاغده * فانما
 نحن بک * انجیق بزم شرع شریف اوزره استقامتمز و شریعتدن طشره
 جیممزم همان سنک سبیکه در * ان استقیمت استقمنا * اگر سن طوغری
 اولور ایسک بزدخی طوغری اولورز * وان اعوججت اعوججنا * اگر سن
 آگری اولور ایسک بزدخی آگری اولورز و دخی روایتلرده شویله در که بر مؤمنک
 ایمانی طوغری اولماز قلبی طوغری اولمجنه و قلبی طوغری اولماز لسانی
 طوغری اولمجنه ایمدی نکاح و طلاق و عتاق و شرط و یمین و اقرار و انکار
 و کذب و نجه و افتراء و الفاظ کفر و بیع و شراء و هبه کبی نسنه لر لسانه
 و نطقه متعلقدر قلبک نیتنه نظر اولمزانک ایچون ابن مسعود حضر تری
 بیور مشلدر که حق تعالی به یمین ایده رمکه بر یوزنده حبس مدید ایتمکه
 شایسته لساندن غیری بر نسنه یوقدر * لسان العاقل فی قلبه * مضمونجه
 عاقلک لسانلری قلبلرنده اولور انلر سوز یلر لمرکیم فائده لی کوزل کلام
 قلبلرنه کلورایسه مناسب ادا ایله سویلرلر امام ترمذی ابوهریره رضی الله
 عنه روایتله اخراج ابتدی رسول کائنات علیه الصلوة والسلام بیوردیلر که
 هر کیمکه حق تعالی به و آخرته ایمان کتوردیسه خیرلی سوز سوز یلسون
 یاخود سکوت اینسون اما شول کسه لر که هر نه اولورایسه رطب یا بس مناسب
 اولمش یا اولمش همان سویلرلر انلر احقلدر و جاهلدر و قلبلری قتی
 طاش کبی اولمشدر ایمدی کشتی لسانی افاتدن حفظ ایده مرزا کیم کثرت

كلامدن احتراز وسكوت ايتمكه مداومت ايتمبجه خير سز كلا مدن
 احتراز ايتمبجه استقامت وسلامت حاصل اولماز ايمدى اهل ايمان اوزرينه
 واجبدركه اسباب هلاكدن احتراز ايده لر ودلرن قصد ايله يلان
 سويلدن اكر قصد ايله اولماز ايسه عفو مر جود را كر قصد ايله يلان
 سويلسه حرام قطعيدر الا ضررى وفسادى دفع ايتمك ايچون اولور ايسه
 يلان سويلمكه رخصت واردر ايكي مؤمن ارا سنده عداوت اولسه انلرك
 يئنى اصلاح وعداوتى ازاله ايچون يلان سويلك * الحرب خدعة
 فخواستنبجه كفاره مقاتله ائناسنده انلرك شرنى مؤمنلردن دفع ايچون وانلرى
 قهر و قتل ايچون انلره يلان سويلك وزوجه سى معارضه و بغض و تكليف
 مالا يطاق ايتمك ائناسنده آنى ارضا واسكات ايدوب حسن معاشرت
 ايچون يلان سويلك و دى بر مصالحت عظيمه بى حصوله كتورمك ايچون
 يلان سويلمكه رخصت واردر اكر كرچك سوز ايله حاصل اولماز ايسه
 بر كيمسه دن ظالمك ظلمنى دفع ايچون وانك شرندن مالى وكتدوسنى سزايچون
 و بر تلف اولمش حق احياء ايچون و خيار بلوغ ايله مخيره اولان عورت نكاحى
 فسخ و كفوئى اوليان آدم دن مفارقت ايچون كيجه بالغه اولمش ايكن
 شمدى بالغه اولدم ديمك و صبيلمكته و علمه رغبت ايتسون ديو وعدو وعيد
 كاذب ايتمك و غيرى كيمسه نك سرفى كنم و انكار ايتمك اكر كيمسه به ضررى
 يوق ايسه و كند و نگاهنى انكار ايتمك تنه كيم انكار دى توبه در ديمش لر
 و نگاهنى خلقه سويلك مجاهره در جائز دكلدر ديمش لر وغيرك حقتده
 ايتدىكي تقصير اتى اندن صقليوب تطيب خاطر ايچون انكار ايتمك و ايكي
 زوجه سى اولان هر برينه سنى زياته سورم ديمك لكن بعض اهل علم
 بو محملدره جائز اولان تعريض و كايه در كه كلامدن مراد معنائى ظاهرا و لويه
 اقتضا ايتد كده بو كه رخصت واردر مثلاً و نكه كون اكل ايتد و كك طعمائى
 مراد ايتسك طعماه دعوت اولند قده بن يدم ديسك بر كيمسه خانه سنده ايكن
 سكا سوال ايتسه لر سن دى مسجدده طلب ايدى كيكر ديسك و فلان كيمسه

فرنداشنك اتی یكی ایستری وهوس ایدری اولش انسان اتی یكی سزلی
 استکراه ایندیکنز ایدی دیمکدر ز را غیت ایتک اول کسه نك اتی بمکدر
 و کاهنی یو کلیمکدر وغیت ایدن کسه اول کسه به حسنا تی و یرمکدر
 ایمدی عاقل تفکر ایلسه زجت و مشقت ایله کسب ایندیکی حسنا ت باقیه سی
 بلا فائده غیر به انتقال ایتک بر یوک خسارت و قتی حاجت و جهالتدر کشتی
 بویه خسارنی ارتکاب ایتکه راضی اولماز مکر کیم آخرتی قایم نغایتده جاهل
 و احق اوله یا خود نصوص شرعیه بی وادله اسلامیه بی انکار ایدیچی
 کافر لدن اوله العیاذ بالله تعالی ایمدی اگر غیت اول کشیه و اصل اولدی
 ایسه و ایشتدی ایسه بو بر ظلمدر که آندن استحلل ایتدیکه توبه سی صحیح
 اولماز و زنادن اشددر اگر ایشتدی ایسه توبه ایده و اول کسه ایچون دعا
 و استغفار ایله استحلله حاجت یو قدر قول صحیح بودر ابوالبش و مصنف
 بونی اختیار ایندیله بعضیلر کرک ایشسون و کرک ایشسون استحلله
 محتاجدر دیشلر بعضیلر کرک ایشسون و کرک ایشسون استحلله حاجت
 یو قدر دیشلر اگر اول عیب آنده وار ایسه غیت اولور بعض جاهلر
 برکسه ده موجود اولان عیبی سویلر و غیت ایدر صکره بن غیت ایتم
 آنده اولان نسنه سنی سویلر دیرلر بودخی بر یوک قباخدر و زیاده سبله
 جهالتدر و اگر اول عیب آنده اولسه بهتاندر و افتزادر اول دخی
 اشد حرامدر یلان شهادتی ایتک و حق تعالی به ورسولنه بهتان ایتک
 مثلا حرمتی ثابت اولیان نسنه حقه حرامدر دیمک و حلال اولسی ثابت
 اولیان نسنه حقه حلالدر دیمک و یلان یله ولایت و کرامت دعواسی
 ایتک و حدیث موضوع نقل ایتک حق تعالی به ورسولنه بر یوک بهتان
 و افتزایتمکدر قتی قاجق کرکدر برکسه نك پاننده برکسه به غیت و یا خود
 بهتان اولسه اول کسه نك اوزرینه لازمدر که غیت و بهتان ایدنلری منع
 و دفع ایله اول غیت و افتزاولان کسه به یاردم ایله مسامحه و سکوت ایتکه
 اگر قادر ایسه و الا اول محلدن کیده و کلیه و برکسه بی مسخره لیده المدن

واستهنرا

واستهزا ایتمکدن قتی حذزایدہ راستخفافی واستحقاری متضمن وکندوئی
 ایو کورمکه شاملدر حرامدر غینته و بهتانه سبب اولور و کبره و عجبہ سبب
 اولور سفها و جهلا صفتیدر حق تعالی اندن نهی ایتشد رتہ کیم پیوردی
 لایسخر قوم من قوم عسی ان یكونوا خیرا منهم ولا نساء من نساء عسی
 ان یکن خیرا منهم * یعنی بر قوم بر قومی مسخره لغه الماسون و تحقیر
 ایتماسون قریبدر که تحقیر واستهزاء ایتد کلمری انلردن خیری اوله و جائز که
 حق تعالی عندندہ انلردن سو کلوا اوله و عورتلردخی عورتلری استهزا
 و مسخره لغه الماسونلر قریب اولور که استهزا ایتد کلمری عورتلر انلردن خیری
 اوله دیمکدر روایت اولندیکه رسول کائنات صلی الله علیه وسلم پیوردیکه
 ان المستهزئين بالناس یفتح لاحدهم باب من الجنة * یعنی تحقیقا خلقی استهزا
 ایدیمچیلر انلردن برسی ایچون جنتدن بر قابو آچلور * فیقال هم هم فیچی
 بکریه و غمه * واکا کل کل دینور اولدخی بوانی رسوای ایتمک و عقوبت
 ایتمک اولدیفنی اکلیوب غمه و غصه ایله کلور * فاذا جاء * قابو یانه کلد کده
 اغلق الباب دونه * قابو اندن قیانونر طشدرده قالور انک استهزاسی کبی
 اکا مجازات اولنور * الجزاء من جنس العمل * فحوا سنجہ عملک جزاسی
 اول عمل جنسندن اولور واکا مشابہ اولور * فلا یزال كذلك
 و بویله قابو به دعوت اولنوب کلد کده قابو قیانونر کندوسی محزون
 و مسخره اولدیفنی حالده طشدرده قالدن زائل اولماز بویله چوق کره اولسه
 کر کدر * حتی ان الرجل لیفتح له الباب فیقال له هم هم فانیاتیه
 ناکم تحقیق اول کسبه به قابو آچیلور وکل کل دیو چاغریلور وکلز اولور
 هر بار کلد کده قابو قیاندیغیچون مایوس اولدیفندن کلز اولور دیمکدر
 العیاذ بالله تعالی وکندوئی اوکدن کرچک دخی اولور ایسه کندویه
 متعلق اولان نسنه لری اوکک و مدح ایتمک کندویه مدح چیقار ایسه
 کندوئی مدح ایتمکدر و مذمومدر مکر کیم نیت صحیحده ایله اولسه تحدیث
 نعمت ایتمک و یا خود کندویه عملده و علمده تابع اولسونلر دیو حضرت

یوسف علیه السلام کندوستی وصف و تعریف ابتدیی کی نه کیم
 نکرا و نور * قال لایأتیکما طعام تزرقانه الانبا نکما بتأویله قبل ان
 یأتیکما ذلکما بما علمنی ربی انی ترکت ملة قوم لا یؤمنون بالله وهم
 بالآخره هم کافرون واتبعت ملة آباءی ابراهیم واسحق و یعقوب * الایة
 ودخی بلالیخی واولادنی وصنعتنی وملكنتی و تألیف ابتدیی کما بنی
 و شا کردلر بنی و استاذلر بنی و شیخار بنی مدح ایتمدن کندویه مدح
 حیقار ایسه کندوی مدح ایتمش اولور و فحش سونیلدن که اول عییلو
 نسته لری آدیله سو یلمکدر عورت محار بنی آدیله تعیر ایدوب یا حکایت
 یاسو ملک طریقیله سو یلمکدر زیاده سنبه مکروه و فحش فاسقار
 و ادب سزلر کاریدر اگر سو یلمک اقتضا ایلسه کایه طریقیله سو یلمک
 کر کدر صالحلرک دأبی بویله در این ابی الدنیا حافظ ابو نعیم رحیم الله
 تعالی اخراج ابتدیلر عبدالله بن عمر ابن الخطاب بدن رضی الله عنهما رسول
 علیه السلام پیوردیکه * الجنة حرام علی کل فاحش ان یدخلها * یعنی
 هر بر فحش سو یلمی کسه لک اوزرینه جنة کیرمک حرامدر دیمکدر
 و برکسه بی ناحق یره لسانیه ایتمدن طعن ایتمک و عیقل و عرضین
 یتفق ایله بونلر جارد کلدر مؤمنک عرضی قانی کیدر و خاطرین یتفق
 و قلبی محزون ایتمک قتی الحق و مخاطره لی نسته در برکسه بر مؤمن
 فرنداشنه ضرر قصد ایلسه حق دخی اکا ضرر قصد ایدر عاقل کامل
 اکا دیرلر که اندن برکسه ناحق یره ایتمیمه بانکه خلقه ایلمک ایلیه ودخی
 برکسه به سو کدن سو کک اکا دیرلر که کشتنک شانه لایق اولیان نسته بی
 اکا سو یلمکدر ودخی برکسه ایله ابتدیی عهدن بوزمدن و وعده نه
 مخالفت ایتمدن صاقنه لری ایمدی عهد ایکی طرفدن اولور و عدا بالکن
 بر طرفدن اولور قصد ایله خلف وعد ایتمک کذبدر و حرامدر منافق
 صفاتیدر اما وفا ایتمک قصد ایله و عدا ایلسه صکره و فایتمک مبسر اولسه
 خلف واقع اولسه حرامد کلدر لکن مکروه تنزیه در امام احمد بن حنبل

مذهبنده وعده وفا واجبردر وفا قصدیله وعدایدوب صکره خلف ایتمک
 حرامدر نیجه کسه لر واردر که اثنای کلامده دیرلر که اگر حق تعالی بزره
 مال ویررایسه صدقه لر و یروب خیر لایده رز و ایولر دن اولورز دیرلر
 حق تعالی انلره فضلندن مال احسان ابتدکده بخل ایدوب فرض اولان
 زکوة لر ن بيله ویرمز لر حق تعالی دخی انلرک قلبنده نفاق یرادوب آخرته
 منافق اولدقلری حالده کیدرلر خلف وعد ایتملری و یلان سوبللملری
 سبیلله العباد بالله تعالی باخصوص بر مؤمنی اومدوروب دورلو دورلو
 وعد لر ایله لندن دعا المیق ایچون یاخود خدمته استخدا ام ایچون
 اندن صکره خلف ایتمک قتی الحق نسنه درون نفاقدر خدای تعالی
 قهر ایلسون اول کسه لر بیکه حبله و خدعه ایله وعدایدوب صکره خلف
 ایلملر آفات کفر ایلمدی آفات لسانک اشدی الفاظ کفر سوبلمکدر
 زیرا ایمانی ازاله و دینی هدم ایدر العباد بالله تعالی معلوم اولسونکده کفر
 اوج قعیدر بریسی کفر چو دیدر اکا کفر عثادی و حقیقی دخی دینور
 و بریسی کفر جهلیدر و بریسی کفر حکمیدر که معنای شرع شریفی
 و دینی حق تکذیب و انکار ایتمک علامتی عدایتیکی نسنه لر در اصلی
 ایکنیدر بریسی شرعه تحقیری واجب اولانلری تعظیم و بریسی
 تعظیمی واجب اولانی تحقیر ایتمکدر و دخی کفر حکمی لسان ایله اولور
 الفاظ کفر دن بریسی سوبلمک کبی و فعل ایله اولور صمنه تعظیم ایتمک
 ورنار قوشامق و شایقه کیمک کبی و قلب ایله اولور بر کفر نسنه بی اعتقاد
 ایتمک کبی بر کسه بر کفر سوبلمه کند و اختیار ایله اکراه ایله اولمسه و سبق
 لسان ایله اولما یوب اتمک کفر اولدیفنی یلور رایسه بالاتفاق کافر اولور
 و اگر بلمسه اکثر علما عندنده کافر اولور کر کسه هزل طریقيله
 سوبلسون کر کسه مزاح طریقيله سوبلسون کر کسه کفر اولان معنایی
 اعتقاد ایلمسون اعتقادی صحیح اولور رایسه ده فائده ایتمز شرعا کافر
 اولور کفر فعلی دخی بویه در کفر حکمینک سبیلری بونلر در ظرافت

و بلاغت اظهاری قصد ایتمک و تصوف سو یلکه مائل اولوق و مجلسه
وونوق و رپوب انده حاضر اولانلری کولدرمک و شدت غضب و خفت
کلام سو یلکه حریص اولوق ولساتی حفظ ایتمک و اسلامی قایر بمق
بعض عوامدن تعجب اولنور که مجادله ایدوب هیچ پرسوز سو یلکه مؤمن
کشی کافر اولورمی دیر اول جاهل اکلپوب احکام شرعیه دن بالکلیه
غافل اولمغله جهله قور و عناد ایدر لر کافر برسوز ایله مؤمن اولدیغی کی
کذلک بر مؤمن دخی برسوز سو یلکه کافر اولور اما حضرت ابوحنیفه
رحه الله تعالی دن نقل اولسان مسئله که برکسه اسلامه کیردیبی
قاپودن چیغما ییجه کافر اولماز دیونقل اولنور بوتک معناسی بودر که الفاظ
کفر سو یلک اسلام قاپوسندن چیغما قدر یا خود بو کلام کفر عنادی
حقنه در ابدی کفره دلالت ایدر سوز چوقدر اکر دلالتی کفر اولبان
معنا به دخی احتمالی واریسه کفر اولان معنایی ادا و اصرار ایتر ایسه
کفر دن تخلیص اولنوق کر کدر زیر بر مؤمن آدمی کفر دن خلاص ایتمک
اون کافری اسلامه کتور مدن اولی در دیشلر مثلا برکسه برسوز سو یلکه
واول سوزک یوز معنا به احتمالی اولسه که طغسان طغوزی کفره دلالت
ایلسه بریمی اسلامه دلالت ایلسه قاضینک و مقننک اوزرینه لازمدر که
اول طغسان طغوز معنائک کثرته التفات و اعتبار ایتموب اسلامه دلالت
ایدن بر معنا ایله اسلامیه حکم ایدر لر کفر دن خلاص ایدر لر و دخی کفر
سو یلدن قتی حذر ایدر لر لسانلرینی حفظ ایدر لر خطا لدن سلامت
بوله لر کفرک حکمی بودر که برکسه کفر سو یلکه العیاذ بالله تعالی جیع
عیادتک ثوابی کیدر باطل اولور نکاحی واریسه کیدر فسخ اولور
کرک ارککدن صدور اینسون و ککرک عورتدن صدور اینسون ابدی
بو صورتده اوچ کره بادی زباده کفر صدور اینسه تجدید ایمان و تجدید
نکاح ایلسلرحله لازم کلر اما امام محمد عنینده اکر ارککدن صدور ایلسه
طلاق واقع اولور اکر عورتدن صدور اینسه نکاح اوزرینه جبر اولور

بودن صدور ایسه عورت مخیره اولور اول صدور ایدن کفر دن تجدید
 ایمان و توبه ایتمدیکی حالده عورتیله خلوت ایتمدیکی زنا اولور اولاد
 حاصل اولسه زنا دن پیدا اولمش اولور وائی اولدرک حلال و واجب
 اولور واکر تجدید ایمان و توبه ایتمز ایسه توبه ایتمکه جبر ایتمک لازمدر
 و بوغز لدیغی قویون و غیری مردار اولمش اولور و اول حالده
 قیلدیغی نماز و غیری عمل جائز و مقبول اولماز ایمان اولدیغیچون
 اگرچه عادت اوزره کلمه شهادت کتورسه ده ایمانی صحیح اولماز تا که
 اول مرتد اولدیغی سوزدن و ایشدن و اعتقاد دن مخصوصا رجوع
 ایدوب توبه ایتمیچه لکن بدن کفر صادر اولمادی دیو انکاری دخی
 توبه در دیمشرفه کرام رحیم الله تعالی کتب فقه ده مذکور در
 توبه ایتمکدنصکره کبرویکی مسلمان اولمش اولور تکرار نکاح لازم اولور
 اگر اول حج ایتمیسه تکرار حج ایتمک لازم اولور فرض اولور اگر
 قادر ایسه زیر اول اولان عبادت لر کفر سویلمکله باطل اولدی صکره
 توبه و تجدید ایمان ایتمکله عبادت لر کبر و کلز و ثوابه نائل اولماز
 ابوحنیفه مذهبنده بویله در لکن امام شافعی رحمه الله تعالی مذهبنده
 توبه و تجدید ایمان ایتمکله عبادت لر تکرار کبر و کلور و ثوابی آور پس
 هر مؤمنه لایق اولدر که هر صباحده و اخشامده بودعانی اوقیه فقهاء
 کرام فتاوا الزنده ذکر ایتمش لر در که دعاء بودر اللهم یا الله انی اعوذ بک
 تحقیق بن سکا صغفورم من ان اشرك بک شیئاً سکا بر شیئ شریک ایتمکدن
 سکا صغفورم وانا اعلم حال بوکه بن یلورم واستغفرک لما لا اعلم
 وسندن مغفرت طلب ایده رم بیلدیکم کناه لر انک انت علام الغیوب
 تحقیق سن غیبری زیاده بلجی سین زیرا حضرت رسالتدن علیه
 الصلوة والسلامدن مرویدز که بوکامداومت ایده نک الله تعالی لسانتی
 کفر دن صغفیه و بودعانی دخی هر کونده اوچ کره اوقیه زیر بو دخی
 رسول الله صلی الله علیه وسلمدن امام طبرانی و امام احمد تحریر ایتمیدلر

ابو موسی الاشعری رضی الله عنه روایتله شویله پیوردیکه برکون رسول
 کائنات علیه السلام خطبه جيله ووعظ و نصیحت پیوردیلر و شرکدن
 زیاده اجتناب ایدیکوزر یا شرک قرنجه حرکاتندن دخی کیرلی اولوردیلر
 صحابه دن بریسی سؤال ایدوب دیدیکه شرک بومرتبه اولدوقده نوجهله اندن
 اجتناب مهسر اولور یا رسول الله دیدکده حضرت سید کائنات علیه
 الصلوٰة والسلام پیوردیکه * قولوا اللهم انا نعوذک من ان نشرکک شیئا
 نعلمه ونستغفرک لما لا نعلمه * برروایتده کونده اوج کره اوقته پس مصنف
 رحمه الله علیه بونی بیان ایدوب دیدیکه و بودعائی دخی کونده اوج کره
 اوقیه زیر بودخی مرویدر رسول الله علیه الصلوٰة والسلام
 اللهم یا الله جل شانہ انا نعوذک تحقیق بزسکا مغفور ان نشرکک
 شیئا نعلمه سکا بیلدیکمز شیئی شرک قوشمادن ونستغفرک لما لا نعلمه
 بیلدیکمز شرک خفیلر ایچون سندن مغفرت طلب ایدرز و دخی هرکون
 ایمانلرنی بیکله مستحبد اثرلده کلدیکه کشتنک ایمانی جلالتور و قلی
 ملایم اولور خلوصی متین اولور ایده که یارب اگر بندن فرضی مثلا کفر
 صادر اولدیسه ایمانده اصلا شهم یوقدر و بندن کفر صادر اولدیسنه
 شکم یوقدر توبه ایتدم دین اسلامه اختیارم و کسبم و حسن رضام ايله
 کیودم ابدادائما دین اسلامده قرار ایتکه عزیمت ایلدم یارب دنیاده
 و آخرتده اهل سعادت و اصحاب جنت ايله بزنی جمع ايله آمین حضرت
 محمد سید المرسلین علیه الصلوٰة والسلام شتک جان بکدن هر نه کتوردیسه
 احکام دینیسه و مسائل شرعیه و قرآن کریمه و سنت علیه به انا ندیم
 حقدور ثابتدر واقعدر ديه الله تعالی به والله تعالیدن هر کلان نسنه به
 کتب منزله و رسول رب العالمین الله تعالینک مرادی اوزره انا ندیم
 قرآن کریمده و سائر کتب منزله ده اولان منشاهاته حق تعالینک مرادی
 اوزره انا ندیم حقدور و پیغمبرلرینه و پیغمبرلردن کلان هر نسنه به سبتلره
 و منسابه حدیث شریفلره پیغمبرلرک مرادی اوزره انا ندیم ديه و دخی

کفر سوزر وایشلر چوقدر کتب فتاواده تفصیل اولمشدر اما بعض
 ایل ایچنده وناس اراسنده مشهور اولانلری بیان ایده لم نصیحت
 ایچون تا کیم مؤمنلریلوب آنلردن لسانلری صقلیه الفاظ کفری ای تکرری
 رحمتک بدن در یغ طومعه دیمک کفر در فقهای عظام رحیم الله تعالی
 بویه بیورمشلر و کابلرنده بیان ایتشلرلرلر یغ منع معاسنه ومنع
 دخی بخل سیبله اولور حق تعالی بخلدن مزهدر کدک حق تعالی به
 لایق اولیان صفاتلر ایله صفاتلق کفر در دیمشلر ودخی بعض دعالر
 واردر که کفر ایجاب ایدر مثلاً یارب نی پیغمبر ایت و قیامتی هیچ قوپارمه
 و بنم روحی قبض ایتمه وغیر یلر کی که قرآندن بر آئی انکار و فرضلردن
 بر فرضی انکار ایجاب ایدر دعالر کی و برکسه بر خصوصده اللهک
 حکمی بو بیلجه دردبسه بر آخر کشی دخی بن اللهک حکم نه بیلین دبسه
 بو کونه تعظیمسز اهانت طریقله سونلک اللهک امرنی استخفافدر
 کفر در دیمشلر اکر اول حکمی بیلدیکندن اوتوری سوبلسه کفر اولماز
 برکسه جمیع پیغمبرلره ائاندم لکن آدم پیغمبر میدرد کلیدر بیلر بن دبسه
 کافر اولور دیمشلر زیرا آدم علیه السلام پیغمبر اولدیغی ضرورات
 دینه دندر جهلی کفر در برکسه محمد علیه الصلوٰۃ والسلام پیغمبرلر آخری
 ایدو کنی بلسه اول کشی مسلمان دکلدر دیمشلر زیرا خاتم النبیین اولدیغی
 آیه قرانیه واحادیث نبویه واجماع قطعی ایله ثابت اولمشدر ضرورات
 دینه دندر جهلی کفر در برکسه حق تعالینک واحد اولدیغی و قیامت
 قوپاجغنی وملائکه بی ومحشری وجنتی وجهنمی وبش وقت نمازک
 ورمضانک صیلمنی فرض اولدیغی و بونلر کی ضرورات دینه لری بلسه
 اول کشی مسلمان دکلدر برکسه اکر پیغمبرلرک دیدیکی کرجک ایسه
 وعدل ایسه بزقورتلدق دبسه کافر اولور دیمشلر بومصنف فقیرک
 اکلا دیغی اولدر که بونی پیغمبرلرک کرجک سوبلد کلرنده وعدالتلرنده
 شک ایتلک طریقله دبرسه کفر در اکر کرجک وعدل اولدیغنده شک

ایتموب مؤمنلرک آخرنده نجات بوللرینه قضیه شرطیه ایله استدلال
 طریقیه دیرسه کفر دکلدر برکشی آخره ایسه باشک تراش ایت و طر ناقلزک
 کس زیر اسنت رسولدر دیرسه اولدیجی رد طریقیه ایشلرین دیرسه
 بو ایشلرین دیدیکی سوز کفر در دیمشلسر سترستلرده بویه در برکسه
 بنغمبرلرک ستلرندن بریسنی رد ایلسه وعیلسه یاخود راضی اولسه
 کفر در خصوصاً شول سنت که دلیل ایله معروف اوله ثبوتی تواتر ایله
 اوله مسواله کی واذان واقامت واعتکاف ونمازک ستلری کچی
 اماملریمزدن مرویدر که اگر بر شهرک خلقی مثلاً مسواکی ترک اوزره
 اتفاق ایدوب جمع اولسه لکافر قرار کی انلری قرقی کر کدر بوفقیه
 اکلدیغی اولندر که بوسوزی ستلکن انکار طریقیه سویلسه کفر در اما
 مرادی سنک امر که ایشلرین بلکه رسول اللهک سنتی اولدیغی اجلدن
 ایشلرین دیرسه بوندن ظاهر اولان معنا بودر که کفر دکلدر بوسوز ایله
 سنتی رد وانکار دکلدر بلکه اول کسه نک امرنی رد ایتمش اولور بوسورتده
 کفر دن خلاص اولور ننه کیم بعض محققین بولجه تفصیل ایتمشدر
 لکن احتراز واستغفار ایتک کر کدر برکسه یه نماز قبل دیرسه ل اولده
 قیلن دیرسه کافر اولور دیمشدر بوسوز دخی یوقار وده کی کبیدر اگر
 نمازی رد وانکار ایسه العیاذ بالله تعالی کفر در و اگر نمازی رد وانکار
 اولوب اول کسه نک سوزنی رد وانکار ایسه کفر دکلدر برکسه بژدن
 النان خراج وعشر و کفار دن النان مال غنیمت وجزیه پادشاهک
 ملکی اعتقاد ایسه کفر در دیمشدر زیرا نصوص شرعیه بی انکار
 ایتمش اولور برکسه یه الله تعالی بکا جنتی ویرسه سنسز ایسترن
 دیرسه یاخود بن امر اولنسیم فلان ایله جنته کبرمه که کبرمن دیرسه
 یاخود الله تعالی بکا سندن اونوری جنت ویرسه کبرمن دیرسه
 و یاخود الله بکا جنت ویرسه دیلن دیرازین کورمه سن دیلن
 دیرسه بو سوزلرک جمله سی کفر در دیمشدر ایکی اولکی

صورنده

صورتده امر اللهی رد ایتش اولد یغیچون کفر در او چنی صورتده جنتی
 استخفاف و جوار اللهی رد ایتدیکی ایچون کافر اولور جنت ایسترن و ثواب
 ایسترن دیمک و سائر عطایای الهیه بی ایسترن دیمک و بونلرک امثالی
 ترعات و هر زیات مقوله سی سوزلر کفر در زیر شریعت محمدیه بی ملعبه
 و سعادت اخرویه بی استخفاف در بر کسه ایمان آر تو یا کسلور دیسه کفر در
 دیمشربو حقیرک آکلدیغی اولدر که مؤمن به اولان احکام شرعیه و سائر
 مسائل دینه اعتبار یله آر ترا کسلور دیسه کفر در زیر احکام شرعیه
 و عقاید اسلامیه آر ترا کسلور دیمک شریعت محمدیه نسخ و تبدیل اوانور
 دیمکدر انک ایچون کافر اولور العیاذ بالله تعالی امانفس ایمان قوت و ضعف
 طریق یله زیاده و نقصان قبول ایدر در سه بوسوز کفر اولماز زیر مجتهدیندن
 چوق کیمسه ایمانک زیاده سنه و نقصاننه قائلدر امام شافعی کی بکار
 علمادن منقولدر نیجه علماء متأخریندن چوق افندیلر بو کاذابدر رحم الله
 تعالی علیهم اجمعین بر کیمسه قبله ایکیدر بری کعبه مکرمه در وری
 قدسدر دیسه کافر اولور دیمشربو حقیرک آکلدیغی اولدر که شمدی بی
 جالده قبله ایکیدر دیمک کفر در قدسک قبله اولدیغی و نسخ
 اولدیغی انکار ایتدیکیچون کفر در زیر نسخی انکار در اما اول بیت
 مقدس قبله ایدی صکره نسخ اولدی آند نصکره کعبه مکرمه
 قبله اولدی قیامتہ د کین کعبه شریفدر شریعت محمدیه ایله
 یسله قیامتہ د کین باقیدر دیسه ظاهر بودر که کفر دکلدر
 زیرا بوسوز شرع شریفه موافقدر بر کیمسه بر عالمه بغض ایتسه
 و یا سوکسه بر سبب سزا سباب معتد بها دن بر سبب اولمبوب
 همان نفس شیطانیه و هوایه موافقت ایله یا خود دنیویه دن بر نسسه
 بهانه سبیله بغض ایتسه انک اوزرینه کفر قور قیلاور دیمشربو
 علمایه بغض و شتم ایتک شرع شریفه و علم عزیزه بغض و شتم ایتکدر
 بوا یسه تمام عین کفر در دیو علماء محققون حکم ایتدیلر علمی و علمایی

استخفاف کفر در بر عالمه استهزاء طریقه بعض مسائل سؤال اینست
 و کولسه لرجله کافر اولور بر قاضی بر ماده بی شرعه حکم ایلسه بر کس نه
 دخی طاریلوب اول قاضی به بغض اینست و یا کس نه کافر اولور بر عالمه عین
 حقارت ایله نظر ایتمک کفر در بر کیمسه فساد ایتمک داتشمند لکدن یکدر دیسه
 کفر در دیمش لفساد ایتمک عملدن یکدر دیمش اولدیغیچون کافر لک
 ایشلری کوزل اعتقاد ایتمک کفر در دیمش لحتی بر کشی بک بر کن سوز
 سو یلمک مجوس سیردن ابو نسنه در دیسه یا خود حیض زمانه نسنه
 عورتیه برد و شکده یا تمامق مجوس سیردن کوزل نسنه در دیسه کفر در
 دیمش لکافر لک عادت قحسین و حکم شرعی ایله عادت مسلمینی تقبیح
 ایتدیکی ایچون کافر اولور بر کسه بن مؤمن ان شاء الله دیسه تأولنه قادر
 اولسه کفر در دیمش لک تأویل ایده مدکده ایمانده شکی اولسی ظاهر در
 اما اولوم حالنده ایمان ایله ختم اولق معلوم دکلدرا کاتبه دیدم دیسه
 یا خود تبرکادیدم دیسه ضرر و برمن بر کیمسه اوغلی اولن کیمسه به تکر به
 سنک اوغلوک کرک اولدی دیسه کافر اولور دیمش لحق تعالی به احتیاج
 اثبات ایتدیکی ایچون بر عورت بلنه بر قره ایب طاقسه بواب نه در دیسه ل
 زنا در دیسه کافر اولور وارینه حرام اولور دیمش لکافر لره مخصوص
 اولان اثواب مقوله سنی کیمک کفر در دیمش لرشابقه کیمک وزنا ر قوشا نغ کی
 من تشبه بقوم فهو منهم * خوا سنجه مجرد تشبه ایتدیکی طاقفه نک
 حکمی کند و به لاحق اولور تشبهی سببیه بر کافر کلوب جماعت مسلمین ایله
 امامه اقتدا ایدوب نماز قبله اسلامیه حکم اولور بر کیمسه حرام طعام
 یدکده بسم الله دیسه کافر اولور دیمش لک اسم الهی کناه اولان نسنه ده
 استعمال و مبتذل ایتدیکی ایچون بوفقیرک اکلدیغی اولدر که حرام لعینه
 اولدیغی وقتده کفر در نک حلال اولسی قابل دکلدرا کر صاحبی حلال
 ایلسه یا صائسه یا باغشلسه اصلا حلال اولز ذاتی حرام اولدیغیچون
 سبجی یعنی خمر کی و مردار اولشک اتی کی و یاغی کی بونلر کیلره

حرام لعینه دینور ذاتی حرام در دیمکدر بیع و شرا ایله و باعشلق ایله حلال
 اولماز اگر حرام لعینه ایدیکنی پیلور ایسه زیر بوضورته اسم الاهی
 تخفیف اولور اسماء اللهین یا صفاتندن یا آیاتندن بریسنی تخفیف یا خود
 صنعنی تخفیف ایتک محض کفر در اما حرام لغیره به بسم الله دیسه کفر دکدر
 اما ملر یزدن مرویدر که برکسه برطعامی غصب ایسه ویرکن
 بسم الله دیسه کافر اولماز الله تعالی اعلم زیر اطعامک ذاتی حلالدر و پاکدر
 اکا حراملق حق عبد اولدیغندن حاصل اولدی انک ایچون اکا حرام
 لغیره دینور برکشی برغیری به بدعاء ایدوب الله تعالی سنک جانکی کفرله
 السون دیسه بدعاء ایدنک کافر اولسندۀ علما اختلاف ایتدیلر بو اختلاف
 بر اصل اوزرینه منی اولمشدر اصلی بودر که کندونک کفرنه رضا ویرمک
 بالا اتفاق کفر در اما غیرینک کفرنه رضا ویرمک بعضیلر قتندۀ اولدنی
 مطلقا کفر در کرک کفری استحسان ایتسون کرک ایتسون و بعضیلر قتندۀ
 کفره استحسانا رضا کفر در اما کفری استحسان ایتسوب بلکه ظلمندن
 و فسقندن اوتوری عذابنی دائم و شدید اولسون دیور رضا ویرر ایسه
 کفر دکدر دیمشدر بو قولی اصح اکثر زبیر اقرآن عظیمده حضرت موسی
 علیه السلام قصه سنده بو کادلیل وارد در دیمشدر اول دلیل بو آیه کریمه در
 ربنا اطمس علما واهم و اشدد علی قلوبهم فلا یؤمنوا حتی یروا العذاب
 الالیم * یعنی حضرت موسی علیه السلام دعاء ایدوب بیوردیکه پار بنا
 فرعونک و اتباعنک ماللرینی مضحکل ایت و قلبلرینی باغله ایمان کتور مسونلر
 تا کیم عذاب الیمی کور سونلر دیمکدر لکن بر مؤمن ظالمک ظلمندن
 و فسقندن اوتوری ایمان سر ختم اولنسون دیو بدعاء ایتکدن کفر اولما مستندۀ
 بو آیه کریمه ده دلیل یوقدر زیر حضرت موسی علیه السلام بویه دعا
 مؤمن ظالم حقندۀ ایتدی کافر زه ایتدی بویه اولیحق بوقول نوجهله اصح
 اولور و بودعاء موسی کلیم انحق کافر لحقندۀ اولیحق مؤمن ظالم حقندۀ
 بود عانک دعاء ایدن کسه به ضرر اولدیغنه بو آیه کریمه ایله نوجهله

استدلال و انور تأمل صادقی اید نره حق ظاهر اولور و الله اعلم بر مؤمنك
 حجاج ظالم قدر ظلمی اولسه کفر ایله کنسون دیو بد دعاء ایتنك جوازینه
 شرعده دلیل بولنیز ایوجه تأمل اوانه برکسه ایتسه الله تعالی ییلور فلان
 ایشی ایشلدم حال بوکه اول ایشی ایشلد یکنی ییلسه علما اول کسه نك
 کفرنده اختلاف ایتدیلر اصح قول بودر که اول کسه کافر اولور وجهی
 بودر که بوفقیرك اکلدیغی حق تعالی به جهل مرکب اثبات ایتش اولور
 تأمل ایله ظاهر اولور تأمل بویله اولور که ایشلد یکنی ایشه حق تعالی نك
 علمی ایشلدی دیو تعلق ایتدی دیمك اولور بویله واقعك خلافتنه تعلق
 ایده نه علم دینز جهل مرکب دینور حق تعالی به جهل اسناد ایتك محض
 کفر در اما الله تعالی ییلور که دیمکدن مرادی مجرد الله تعالی بی علم صفتیله
 صفات لبوب کندونك ایشلد یکنه یا ایشلد یکنه تعلقنی مراد ایتسه کفر
 اولدیغی ظاهر در یا خود شوسوزده بنم کاذب اولدیغمی الله تعالی ییلور
 دیمکی مراد ایتسه ظاهر بودر که کفر دکلر بزم ذکر ایتد یکنمز اختلافك
 وجهیدر تأمل اوانه برکسه بر عورته نکاح ایتسه شاهد سبز اول ارایله
 عورت ایتسه لر تگری و پیغمبر شاهد یمز در ایکسی دخی کافر اولور دیمشدر
 وجهی بودر که زیر پیغمبر غیبی ییلور دیمك اولور حال بوکه پیغمبر دیری
 ایکن غیبی وحی سز یلتر ایدی اولد کد نصکره قنده ییلور و بالجمله غیبی
 بیلک انجیق الله تعالی به مخصوص صدر تند کیم قرآن کریمنده بیورر * قل لا یعلم
 من فی السموات ومن فی الارض الغیب الا الله * یعنی دیکه کو کلرده و پرلرده
 اولان خلق غیبی یلتر انجیق الله تعالی ییلور برکسه پیغمبر ییلور دیو اعتقاد
 ایلسه اما ملر اول کشی کافر اولور دیمشدر ایمدی پیغمبر اولدی دیمك جائزدر
 آیت کریمه ده * انک میت واقع اولمشدر لکن * الانبیاء احیاء فی قبورهم
 حدیث شریفی مضمونجه پیغمبر لر علیهم السلام مرقد منوره لرنده برکونه
 حیوة طیبه حقیقه ایله در یلدر در حق تعالی انلره وحی و الهام و مکاشفه
 طریقله نیچه غیب و خفی اولان نسنه لری ییلدر مشدر و دنیاده اولان

خلقك افعالی واحوالی دفتر لده یازیلوب انلره وسائر ارواح مؤمننه
 عرض واعلام اولمقده در برکسه بن اوغور لنانلری ویتکلری ییلورن
 دیسه بویله دین و بوکا انانی کافر اولور غیبی ییلورم دیمش اولد ییچون
 بوکا انانمق دخی کفر اولدیغی آشکاره در کیر واینسه بکا جن خبر ویرر آنکله
 ییلورن دیسه کیر و کافر اولور زیر انسان کی جنده غیبی ییلز همان
 غیبی الله تعالی ییلور واک وحی والهام خاص وکشف یله ییلدر دیک
 ییلور مکر جنه حق تعالی ییلدره یا خود جن کوروب بیکله خبر ویره ش
 اوله بوصورته بکا جن خبر ویردی دیمکده ضرر یوقدر برکسه الله
 آند ایچمک ایسته سه برکشی دخی بن سنک الله آند ایچدیکی دیلزن
 طلاقه وعتاقه آندیکی دیلزن دیسه علما رجه الله تعالی اول کشتنک
 کفرنده اختلاف ایتمش اگر مرادی حق تعالی به آند ایچسکی استخفاف
 اولور ایسه کفر در و اگر فی زماننا ناسک اکثری حق تعالی به عین ایتمدن
 احتراز ایتمز لکن طلاقه وعتاقه عین ایتمدن احتراز ایدر لک ایچون
 طلاقه وعتاقه آندی مراد ایدرن دیمک کفر دکلدر برکسه برکسه به سنک
 دیدارک بکا جان آجی دیداری کیدر دیسه علما بونک کفرنده اختلاف ایندیله
 اکثری کافر اولور دیدیلر زیر جان آجی عزرائیل علیه السلام الله تعالی بنک
 اولو و مقرب ملک بدرملکی تخفیف قنغسی اولور سه اولسون کفر در
 اکثر علما نک قوی بودر کافر اولماز دینلرک قوی بودر که بوندن مراد ملکی
 استخفاف دکلدر بلکه موندن استکراهدر یا خود برصالح و هیئتلو کسه به
 جان آجی کیدر دیسه عزرائیل کی هیئتلودر دیمکی مراد ایلسه اول کشی
 دخی برصالح و زاهد متدین اولسه کفر اولماز بر فاسق خبیث کسه بی
 کورد کده شو کسه جان آجی کیدر دیسه ملکی استخفاف در کفر در
 دیمش برکسه بی نماز لق خوش ایشدر دیسه کافر اولور دیمش یوک
 کاهی خوش کوروب قباحتی استخسان ایندیکیچون برکسه به نماز قیل
 دیسه را اولده بکا نماز قیل قتی ایشدر دیسه کافر اولور دیمش اگر مرادی

حق تعالی به اعتراض ایسه یا خود نمازی خورلیق ایسه یا خود تکلیف
 مالا یط اقدر دیمک ایسه شبهه سز کفر در و اگر نماز قلیق نفسه و شیطانمه
 ز حیل و عبادت کلور دیمک ایسه کافر اولماز لکن بطالت و جهالتی اظهار
 ایتش اولور برکسه الله تعالی کو کده بنم شاهد مدر دیسه کافر اولور زیر
 حق تعالی به مکان اثبات ایتش اولور الله تعالی مکاندن بریدر و حقنده
 محالدر و کذلک حق تعالینک حقنده اولان نسنه لدن قنغسنی حق تعالی به
 اثبات ایلسه کافر اولور العیاذ بالله تعالی برکسه نقل ابدوب رسول الله
 صلی الله علیه و سلم هریمک بدکده مبارک پرماغن یلاردی دیسه بر آخر
 کسه بو ادب سز لکدر دیسه کافر اولور سنت شریفی قبیح ایتدیکی چون
 کذلک پیغمبر لک ستلریدن بریسنه راضی اولسه یا خود عیلسه نه در بو
 دیسه فی الحال کافر اولور دیدیلر برکسه رزق الله هندر لکن قولدن
 حرکت کر کدر دیسه بو سوز شرکدر دیمش لرز بر حرکتده الله هندر اگر
 حرکت و فعل قولک ایجاد ایله اولور دیمک ایسه شرک اولدیغی محققدر
 برکسه نصرانی اولیق خیر لو در یهودی اولدن دیسه کافر اولور
 نصرانیت کفرنه خیر لو دیدیکچون دین اسلامدن غیری ادیانده خیر
 بو قدر شرری چوقدر الکفرمله واحده خواسی اوزره جیع کافر لشردر
 لکن بعض کافرل بعض کافر لدن زیاده فتنه و شر اولور اکابناء یهودی
 شردر نصرانیدن دیمک کرک دیمش لر اما نصرانی طائفه سی مؤمنلره
 مودت و محبت جهندن قریبدر دیسه ضرری بو قدر زرا حق سبحانه
 و تعالی کاب کریمده بیوردی * و لنجدن اقربهم موده للذین آمنوا الذین
 قالوا انا نصاری * الایة یعنی محبت جهندن قریب بولور سین شول
 کسه لریکه آنلر بز نصرانی بز دیدیلر برکسه کافر اولیق بکدر خیانت
 ایتکدن دیسه ابوالقاسم الصفاری رحمه الله تعالی علیه کاتبده
 کافر اولور دیمش کفر ابو دیدیکندن او توری برکسه حرامدن صدقه و برسه
 ثواب و موه الان فقیر حرامدن ایدیکنی بیلسه و برنه دعا ایلسه و برن دخی

آمین دیسه ایکسی دخی کافرا ولور دیمشلر معلوم اولسونکه بو محمله نیجه
 کسنلر شبهه ایدوب مالندن صدقه وز کوه ورمکدن احتراز ایدر لر مالنده
 غصب وظلم ایله جمع اولش مال مخلوط اولد یغیچون ایمدی بو محمله
 بر مقدار مسائل بیان اید هلم تا کیم بو کونه شبهه یه مبتلا اولنلرک شهادری
 زائل اوله وابو حنیفه مذهبی معلوم و ظاهر اوله بتوفیق الله تعالی قاضیخانده
 ذکر اولندیکه برکسنه سلط ندن عطیه و صدقه السه سلطان اتی ظلم ایله
 اخذایتدیکنی ییلور کن اتی المتی حلال اولور می اولمازی جواب اولدر که اگر
 سلطان اول غصب وظلم ایله الدینی نسنه بی خیری مال ایله خلط ایتدیسه
 اول عطیه بی المتی جائز اولور و اگر الدینی نسنه نک عبنی عطیه ایلسه
 المسی جائز اولماز ابوالبیث شویله بیوردیکه بو جواب ابو حنیفه رحمه الله
 علیه قولنه مطابقدر ز برابرکسنه بر طاقه دن بر مقدار دراهم غصب ایلسه
 بعضیسنی بعضیله خلط ایلسه یعنی قارشدر سه امام اعظم عندنده
 غاصب اکامالک اولور خلاصه ده ذکر ایتدیکه سلطان برکسنه یه طعام
 ویرسه اگر سلطان اول طعامی صاتون الدیسه اکل حلال اولور و اگر
 صاتون الدیسه لکن اول کسنه بعینه برشی مغضوب اولد یغنی بیلدیسه
 اکل حلال اولور قاضیخانده دخی بویله بیان ایدر اصلی ابا حنتر دیدی
 حضرت عمر رضی الله عنه حضرت پیغمبر علیه الصلوٰه والسلام دن روایت
 ایلدیکه برکسنه یه طلبسز بر نسنه ویرلسه اتی اول السون ز بر اول رزق در که
 حق تعالی آکا اعطا ایلدی اعمش نقل ابتدی ابراهیم نخعیدن امرادن
 هدیه المقده باس یوقدر دیمش حبیب بن ثابت رضی الله عنه بیوردیکه
 ابن عمر و ابن عباس رضی الله عنهم حضراتنه مختاردن هدا یا کورایدی انلر
 دخی قبول ایدر لرایدی فتاوی بزاید ذکر اولندیکه برکسنه بر طعامی غصب
 ایلسه و اغزیله چکنه دکن نصرکه یوتسه ابو حنیفه یه کوره حلال یمش اولور
 ودخی اصول اخسکنی ده شویله ذکر اولندیکه برکسنه لحم غصب ایدوب
 بشورد کد نصرکه صائسه انک ایچون اکل ایتک و دیلدیکی کسه یه اطعام

ایمک جاتر در صاحب زلی کرک راضی اولسون کرک اولسون امام حسن و امام
 زفر رحمهما الله تعالی بویله ذاهب اولدی لر ابو الیث فتا و اسنده فقیه
 ابو بکر الاسکافدن منقولدر که برکسه بر غیردن لم غصب ایدوب بشورسه
 یا خود بغدای غصب ایدوب اون ایتسه انک ملکی و مالی اولور قیمتی و یرمک
 صاحبنه واجب اولور ابو حنیفه رجه الله تعالی علیه قوی اوزره مجموع
 النوازلده ذکر اولندی که برکسه لحم غصب ایلسه ده بشورسه یا خود اون
 غصب ایلسه ده اتمک یا بسه صاحبنه قیمتی ادادن مقدم اکل حلال اولور
 ابو حنیفه و زفره کوره رحمهما الله تعالی خلاصه ده ذکر اولندی که غاصب
 غصب ایتدی کی نسنه ایله تجارت ایلسه حاصل اولان فائده حلال و طیب
 اولور امام اعظم مذهبده بدایعه ذکر اولندی که برکسه بر نسنه بی غصب
 ایلسه انک ملکی اولور لکن قیمتی صاحبنه ادا ایمک اوزرینه دین اولور
 قیمتی ادادن مقدم صائسه یا خود هبه ایلسه یا خود تصدق ایلسه نافذ
 اولور تنه کیم اشتزای فاسد ایله صاتون الدیغی نسنه ده تصرفاتی نافذ
 اولدیغی کی بونده تمام اولدی برکسه به کل علم مجلسنه کیده ایم دیسه لر
 اولرکسه علم مجلسنده بنیم نه ایشم واردیسه یا خود عالم لک دیدیکی کیم ایتکه
 قادر اولور دیسه یا خود فتوایی بره بر اقسه نه ند بودیسه کافر اولور دیمش لر
 زیر بونلرک جمله سی تعظیمی فرض اولنلری تحقیر ایتمکدر علم مجلسنده
 بنیم نه ایشم واردیمک علمک فرضیتنی انکار و اهل علمه استکبار ایتمکدر
 و عالم لک دیدیکی کیم ایتکه فار دیمک حق تعالی بزره تکلیف مالا یتطاق
 ایتشدر دیمکدر ونص قرآنی که * لا یكلف الله نفسا الا وسعها * نظم
 کریمنی انکار ایتکه جسارندر و فتوای شریفی بره بر اقی آئی تحقیردر کذلک
 مصحف شریفی یا خود کتب علمیه دن بر پسنی مز بلید یا خود ایاق الله القا
 ایلسه عین حقارت ایتش اولور کفر صریحدر علمایه حقارت کوزیله نظر
 ایدوب بونلر همان فوز غونلر و بلا و حیلدر دیسه کفر در دیمش لر العیاذ بالله
 تعالی زمانمز پادشاهنه عادل دیسه کافر اولور دیمش لر محقق ظالم

اولان

اولان نسته به عدل در دیدیکی ایچون بعضی اموره عدل ایتکه عادل اولماز
 اگر عادل عدول معناسنه اولوب اکثر یا حقدن عدول ایدیچی معناسنه
 اولور ایسه کفر اولماز لکن خلاف متبادر در برکسه به کل شرعه کیده لیم
 دیسه ل اولدخی محضر کتور منجه کتمزین یا خود بن شریعتی نه یلیم دیسه
 یا خود بزقانونه نظر ایده رز دیسه کافر اولور دیمش لر زیرا شرع شریف
 حق تعالینک حجتیدر خلقک اوزرینه هر کیمکه حق تعالینک حجتیه دعوت
 اولوب کتمه و اطاعت کوستر مسه کافر اولدیغی آشکاره در اما قاضی به
 کیده لیم دیسه ل محضر کتور منجه کتمزین دیسه کافر اولماز زیرا فی زماننا
 قاضیلر کاهیجه خلاف شرع حکم ایتک احتمالی اولدیغیچون قاضی به
 اطاعت ایتمکدن شرعه اطاعت ایتمک لازم کلز اناک ایچون اولماز
 محضر کتور منجه کتمزین دیمکدن مرادی دعوا جیله ییله کتمکه اعتماد
 ایتدیکیچون اولور ایسه بکاشتم ایدر یا خود ضرب ایدر دیو خوفدن دیسه
 کفر لازم کلز برکسه کفر سویله برکشی دخی کولسه سویلینده
 کولنده کافر اولور زیرا کولمک رضایه دلبلدر مکر کولسی ضروری اوله
 دیمش لر اول سوز حد ناته کولدور چی اولوب ایشیدنلرا اختیار سز کولهلر
 بو صورتده کفر لازم دکلدر لکن اول سویلین کسه فی اسکات یا خود اول
 محلدن کتمک کر کدر تکریدن خالی بر یوقدر دیسه کافر اولور دیمش لر جله
 برلری حق تعالی به مکان اثبات ایتدیکیچون بو ملاحظه کلامند در ارواح
 مشایخ حاضره در بیلور لر دیسه کافر اولور دیمش لر زیرا ار و احک حاضر
 اولماسی غیبر غیبیه حکم ایتدیکیچون کافر اولور بن شرعی دلیزین دیسه
 کافر اولور دیمش لر شرع شریفی رد واستخفاف ایتدیکیچون آدم پیغمبر
 علیه السلام بغدادی یمسه بز شقی اولماز دق دیسه کافر اولور دیمش لر
 زیرا آدم علیه السلام بغدادی یمسی شقاوته سبب دکلدر زیرا هر کس
 ارادتیه خیری و یا شری سعادت و یا شقاوتی کسب ایدر لر و قرآن کریمده
 ومنهم شقی وسعید* کی آیه کریمه لر و کسبی انکار ایتدیکیچون کفر لازم

کفر بزر بود نیاده اولمازدق دیسه کفرنده علما اختلاف ایشلر
 کفر اولدیغک وجهی بودر که حق سبحانه و تعالی بودنیابی بخا آدم ایله
 معصوم و انلرک طاعتلریله مزین و منور و نیجه پیغمبر و علما و اتقیاسیله
 کتوب بو حال و بونظام اوزره اولماسنی مراد ایشلدر پس ایمدی آدم
 علیه السلام بغدادی یمسه ایدی بزدنیاده اولمازدق دیمک ارادت الاهی
 انکار ایتکی متضمندر اما کفر اولدیغک وجهی بودر که حضرت آدم علیه
 السلام جتده بغدادی یمسی جتدن دنیایه چیغماغه سبب ظاهری
 اولمشدر ایمدی اکثر یا اشیا سیسز حاصل اولدیغنه بناء بغدادی یمک
 واقع اولماسه ایدی جتدن چیمماق کورینور ایدی دیمک اولور بوسورتده
 کفر اولماز برکته آدم پیغمبر علیه السلام بزدوقوردی دیسه بریسی
 دخی اوله ایسه بزعلا و اغلانلری ایشلر دیسه کافر اولور دیشلر بزا
 پیغمبر علیه السلام جلاه لق و دباغت و حامت و غیره سفلی و ادنی و حقیر
 مستعزیدن بریلردر و شانلرینه لایق دکلدر برکشی برکوچک کاه ایلسه
 بریسی دخی اکا توبه ایت دیشته اول دخی نه ایشلدم که توبه ایدیم دیسه
 کافر اولور دیشلر اگر اول کاه دلیل قطعی ایله ثابت اولدیسه اول
 کاهی استخفاف و استحال کفر اولور ایکی کشی چکشه لری
 برینه کل علمه یا خود علمایه کیده لیم دیسه اول دخی نه علی نه یلیم و علمایی
 نه یلیم دیسه کافر و مرتد اولور بزا علی و علمایی استخفافدر
 بوا یسه کفر اولدیغی محققدر دیشلر حرام قطعی بی سحی و خنزیراتی کی
 کذلک ربوا کی حلالدر دیسه یا خود حلال قطعی بی حرامدر دیسه کافر
 اولور دلیل قطعی بی انکار و حق تعالی به ورسوله افزالتد بکیچون جیع
 ادیانده حرام اولوب حلی حکمته مخالف اولانک حلال اولماسن آرز و ایتک
 کفردر زنا و لواطه و طویدقد نصکره یمک یمک کی مثلا شونلر حلال
 اولیدی دیو آرز و ایتک حکمتی تعطیل ایتکی آرز و ایتش اولور بوا یسه
 کفردر اما سحی نک حلال اولماسن نمئی ایلسه کافر اولماز دیشلر حلی

حکمته مخالف اولدیغیچون ننه کیم شرایع مقدمه ده مباح ایدی ویزم
 شریعتک اولنده دخی مباح ایدی صکره حرام اولدی قرآن عظمی
 محاوره ده ولاغ و دنیا کلامی اراسنده استعمال ایتک کفر در دیمش لر
 مثلاً بریحی اولو کسه یه یا یحیی خدا کتاب دیسه کافر اولور دیمش لر تعظیم
 اولدیغیچون ایمدی عبادتی ترکدن کفر لازم کلز لکن حرمتی و تعظیمی
 ترکدن کفر لازم کلور انک ایچون تعظیم ایتک طاعتدن بر اولونور دیمش لر
 برکسه مرتد اولدیغنی انکار ایلسه اسلامیه حکم اولنور بوت پرست اولانلر
 لا اله الا الله محمد رسول الله دیسه لاسلامیه حکم اولنور بر کافر جاعته
 نماز قیلسه مؤمن اولور بر نصرانی بن مسلم دیسه اختلاف ایتدی لر لایق
 بودر که اسلامیه حکم اولنور بر دخی یه اسلامی قبول ایت دیسه لرا اولدخی
 قبول ایتدم دیسه مسلم اولور برکسه جمیع ادیان ترک ایتدم دین اسلامی قبول
 ایتدم دیسه اسلامیه حکم اولنور وصایا اسالکی طریق الاخرة معلوم
 اوله که بو مقامده طریق آخرته سلوک ایدن اخوان مؤمننه و صبتلر در جله
 اهم والزم و صبتلر بونلر در زیر اشتهه یوقدر که جله مز بودنیاده فی الحقیقه
 مسافر و طریقده یور ییوب کتکده یز ایمدی مسافر ایچون زاد و ذخیره
 جله دنز یاده لازمدر بو محله مصنف رحمه الله علیه آخرته متعلق زاد
 و ذخیره بیان ایتدیکی ایچون بو محله مطلب اهم تنجیه ایتشدنر موجیه غل
 ایتک جله اهل اسلامه اهم والزم اولدیغنه بناء و دخی اخوانمه و اولاده
 و اصحابمه و جله مسلمونه و صبتنر و نصیحتنر اولدر که الله تعالی نیک
 شرع شریفده امر ایتدیکی نینه لری اوزرینه فرض و یا واجب
 اولانلری سعی ایدوب ایشلیه لقضایه قالمش نماز رین قیله لر نه مقدار
 اولدیغنی بیلر ایسه ظن غالب و تخمین ابله عامل اوله اگر حقوق قالمش ایسه
 ترتیه رعایت ایدوب هر بریش وقتک ایتداسنده براذان او قومی کفایت
 ایدر لکن هر فرضک اولنده بر اقامت ایده لر و نیتنده ایکی وجه وارد بر بسی
 بودر که اول قضایه قالمش صباح نماز نیک فرضنه یا اولیه یا ایکندی یا اخشام

یا تسو نمازینک فرضنی قلمغه نیت ایتدم دیه ایکنجی وجه بودر که آخر
 قضایه قالمش صباح نمازینک یا اولیله یا ایکنجی یا اخشام یا یا تسو نمازینک
 فرضنی قلمغه نیت ایتدم دیه و تر نمازنی دخی قضا ایلسه لر بومنوال اوزره
 نماز لر نی قضا ایلیله لر فقهای کرام رحهم الله تعالی بیور مشلردر که فاسد
 اولان نمازک قضاسی فرضدر کراهه تحریمیه ایله مکروه اولان نمازی
 تکرار قیلق واجبدر وقالمش ز کونلرینی ویره لر بوفرضنی دخی قضا
 ایتک فرضدر زکوة و یرمینلره عذاب الیم ایله و عبدخبری وارددر العباد بالله
 تعالی واورجلرینی طونه لر قضاسی فرض لازمدر قضایه قیلان زکوة
 واورج نه مقدار اولدیغی معلوم اولماز ایسه ظن غالب ایله عمل ایبلر و حج
 فرض لازم ایسه قوت مالیه و قوت بدنییه بولنوب امن طریق دخی
 بولندی ایسه و حج ایتدی ایسه یا خود العباد بالله تعالی کندودن الفاظ
 کفرک بریسی صادر اولوب کافر اولغله مقدم ایتدیکی حج لغوا و لیدیسه
 تکرار حج ایدر لرا کر قوت بدنییه سی یوق ایسه حج ایچون بدل کونده ره لر
 فرض عین اولان علملریکه اول علم حالدر جهد ایدوب اوکر نه لر
 موجبیه عامل اولر ایتدی معلوم اولسونکه اهل سنت مذهبی و عقائدنی
 اهلندن اوکرنوب اعتقاد ایتک جله اهل ایمانه فرضدر ایتک علمنی تحصیل
 ایدر ل جاهل قالمیه لر زیر شرعه مخالف اعتقادک بیوک ضرری واردر
 باخصوص فی زمانه ایدعتلر شایع اولوب اهل سنت و جماعت عقائدنی
 بیلور آرقالدی و جهالت بتون جهانی قایلادی بوندن صکره اخلاق
 زمیمه دن احراز ایدر حک مقدار علم و اخلاق جمیده ایله موصوف اوله حق
 قدر علم تحصیل ایتک جله اهل ایمانه رجاله و نسیاه فرضدر بوندن صکره
 احکام شرعیه ظاهره بی اوکرنوب تحصیل ایتک که اوزرینه فرض اولان
 اعمالک فرائضنی و واجباتی ادا ایدر حک مقداری و حرام و مضر و منتهی
 اولان نسیه لر دن اجتناب ایدر حک قدر علمی تحصیل ایتک فرضدر مثلا
 آبدست و نماز و اورج اگر غنی ایسه زکوة و حج علملری کبی و اگر صانعیدن

بر صنعت ایله تجارت ایدر ایسه حرامدن احتراز ایدم چك مقداری علم اوكرنگك
 فرضندر بیع و شراء مسئله لرینی اوكرنگك کبی زیر بر کسه علمی اوكرنگك بیعه
 و شرایه و تجارتیه باشلسه شبهه سزر بواکله اتمش اولور و حرام قطعی بی
 مرتکب اولور و الحاصل هر علم متعلق اولدیغی معلومنه تابعدر دیمسار
 اگر برنسنه فرض و یا حرام اولسه انك علمی فرضدرا کر واجب و یا خود
 کراهت تحریم ایله مکروه اولسه انك علمی واجب اولور و اگر سنت و یا خود
 کراهت تنزیه ایله مکروه اولسه انك علمی سنتدر اگر مستحب اولسه انك
 علمی مستحبدر اگر مباح اولور ایسه انك علمی مباح اولور کذلک امر
 معروف و نهی منکر ایتمك دخی بویله در قادر اولوب متضرر اولیسانك
 اوزرینه لکن امر معروف و نهی منکر کفایه طریقیه در اگر اولوالامر
 طرفندن امر معروف و نهی منکر ایتمكه نصب و امورا ولدیسه کافرض
 عین اولور و علمی ایله عامل اولان علما مجلسنه حاضر اولر و ائمه
 علوم دینییه اوكرنگك جاهل قالمیه لشیطانلره تابع اولیدر ائمدی ابوهریره
 رضی الله عنه شویله بیوردیکه بر ساعت علم مجلسنه حاضر اولوب دینده
 لازم اولانی اوكرنگك لیلہ قدری احیا ایتمدن بکا سوکلودر دیمشدر امام
 ابن ماجه تخریج ایتدی ابوذر رضی الله عنه روایتیه رسول الله صلی الله
 علیه و سلم بیوردیکه یا اباذر صباح وقتن مجلس علمه حاضر اولوب ککاب
 اللهندن برآیه کریمه اوكرنگك لکک یوزر کعت نماز قیلقدن خیر لیدر و صباح
 وقتن واروب اوستاددن علم شرعیدن برنوع علم اوكرنگك آنکله عمل اولنسون
 یا خود اولماسون بیکر کعت نماز قیلقدن خیر لیدر دیو بیوردی برنوع دیمك
 بر مسئله به دخی شاملدر عمل اولنسون یا اولماسون یعنی اول مسئله شدیکی
 حالده سکالازم اولسون کرکسه اولماسون درمکدر ائمدی علم قدر اولونسنه
 یوقدر اوكرنگك و اوكرنگك قدر بیوک عبادت یوقدر چالشوب علم نافع
 و عمل صالح و اخلاق حمیده صاحبی اولر امام ترمذی تخریج ایتدی
 ابن عباس دن رضی الله عنهما شویله روایت ایتدیکه رسول الله صلی الله علیه

و سلم بر کسبه نصیحت ایدوب بیوردی که * اغتم خمس قبل خمس * بش
 احوال عارضه مانع اولم از دن اول بش احوال حاصله بی غنیمت پیل و منافع
 اخرویہ بی کسب ایت * شبابك قبل هرمك * کجیل کی غنیمت و غنیمت
 پیل قوجه لقی کلز دن اول زیر اهر کمال کجیل کده تحصیل اولنور کرک علم
 و کرک عمل قوت بدنیہ کالده اینکن طاعت و علم کسب اولنور اختیار لقی
 زماننده ضعیف و علت عارض اولمغه عبادت قدرتی اولم یحق صکره ندایتی
 چکوب پشیمان اولور * و صحتك قبل سقمك * صحت و عافیت زمانکی غنیمت
 پیلوب علمی و طاعتی چوجه ایلیه خسته لك و مرض کلز دن اول زیر
 خسته لك طاعت مانع اولور * و غناك قبل فقرك * مالکی غنیمت پیل فقیر
 اولم از دن اول مالک ایله خیرات ایدوب عبادت مالیه ایت نا کیم آخرتده اجر
 جبل و ثواب جلیل بوله سن * و فراغك قبل شغلك * دخی وقت خالی کی
 غنیمت پیل فراغ خلق حائده علم شریفه و عمل صالح ایشلمکه جد و سعی
 ایت عیال و اولاد و سایر امور دنیویہ ایله مشغول اولم از دن اول معرفت و کالده
 و عمل صالحه سعی ایت امام بخاری اخراج ایندی عبدالله بن عباس
 رضی الله عنهما را یتبله رسول کائنات صلی الله علیه و سلم بیوردیکه * نعمتان
 مغبون فیهما کثیر من الناس الصحة و الفراغ * یعنی ایکی اولو نعمت وارددر که
 انلرده قتی چوق کسه آلدانمشدر اول نعمتلك قدرین بیلز بر بسی
 صحت بدنر و بر بسی اشغالدن خالی اولان فراغ زمانیدر بوا یکی نعمت
 زائل اولدقده علم و عمل ایتدکلرینه نادم و پشیمان اولسه لر کر کدر
 ننه کیم روایتده کلدیکه اهل جنت برنسنه به حسرت چکمز لر الا اول وقت
 حسرت چکر لر که اول وقت عبادتدن خالی کجوب برخیرلی عمل
 ایتمش اولهل * و حیاتك قبل موتك * دخی حیاتکی غنیمت پیل اولوم کلز دن
 اول حال حیاتکده علم نافع و عمل صالح تحصیلنه جد و سعی ایت زیر
 اولوم کلدکده کشی علم نافع و عمل صالح ایتکدن کیر و قالور مؤمنك هر بر
 نفسی بر جوهر در که انک ایله کشی جنت درجه سنه نائل اولمق ممکندر

ایندی اهل آخرت اولان عاقل هر حالده آخرت درجه لر بنه نائل و مرتبه
علیایه مالک اولغه سعی ایدر بو حدیث شریف بونده تمام اولدی
بو حدیث شریف جله نصیحتلری جامع اولدیغیچون بو محله تحریر اولندی
حق تعالی موجیله عامل اولق جله مزه میسر ایلیه آمین علمده
و علمده ثقه و معتمد علیه اولانک فتواسیله وجوایله عمل ایده لر علوم
اصلیه و فرعیه ده عالم اولانلرک جوایله عمل ایده لر علما قیافتنده قتی
چوق کسه لروارددر که علمدن محرومدر انلرک شکله و شهرتیه اعتبار
اولمز تنه کیم یارم فقیه دین یقربارم طیب بدن یقردیمشرو فی زماننا
قتی چوق جاهلر شیخ و مرشد نامیله خلقی اضلال ایدر لر نعوذ بالله تعالی
منهم انلردن قتی احتراز ایده لر هر یکک کر کسه فتواسیله عمل ایتجه لر نا کیم
ضلاته دوشیمه لر اگر نابع اولدیغی مذهبیک معتبر کابلرندن مفتی به
مسئله ایله فتوی آلامدجه عمل ایتجه لر اهلی بوله لر چالشوب خطادان
خلاص اوله لر جهانتیه و خطایه راضی اولیه لر سماع مجلسنه حاضر
اولیه لر سماع مجلسی دیو شول محله دیر لر که متصوفه طائفه سندن
برکروه آنده جمع اولوب نغمه و الحان ایله و موشقی قاعده سی اوزرم آیات
و اشعار اوقیوب و عشق محرک اواز لر ایله بعض مشایخ لریک کلمات
منظومه سنی استماع ایتکه دیر لر بویه مجلسه کتمکه جواز یوقدر
با خصوص آلات لهو که نای و دف و طبل مثلی نسته رانده موجود اوله
و کنج اوغلانلر و عوام جهله و اراذل مقوله سی کسنه لر ایله مختلط اولوب
تمام فسق مجلسی اولور نعوذ بالله تعالی رقص و دوران ایله مشغول اولور لر
رقص دیو حرکت موزونه به دیر لر دوران دیو دولا شمه دیر لر امام قرطبی
رحه الله علیه بیوردیلر که تغنی ایتک و دف و د و ملک چالقی و رقص
ایتک بالا جاع حرامدر ابوحنیفه و امام مالک و امام شافعی و امام احمد
ابن حنبل مذ هیلرنده حرام اولدیغنه اتفاق واردر تا نارخانیه ده
و بزازیه ده و امام محبونی کابنده و سائر فتاوی رده متصوفه نک دورانی

ورقصاری حرام اولدیغی مصر حد حلال ادا ایدنلر کافر اولور
دیو تصریح ایتدیلر حتی تحفه صاحبی پیوردیکه وجد و محبت ادا عاسنی
ایدن صوفیه رفع صوت و تمزیق ثیاب ایتمدن منع ایلک واجبدر و امام
زیلعی نقل ایتدی قدوریدن که صوفیه تک ایتد کلری رقص و دوران
و سماع حرامدر اول مجلسه وارمق جائز دکلدر تغنی ایله ساز و نای
و ظورنا و دودک برابر دیو پیوردی روایت اولندی ابن مسعود رضی الله
عنه بنا ایتدیکی مسجد ده برکون بر قوم کلش تهلیل و صلوات شریفه
جهرا ایله ایدر لرایدی ابن مسعود رضی الله عنه انلری ایشند کده انلره
واروب دیدیکه بزبو کونه رفع صوت ایله وجهیت ایله بوذ کری زمان
رسول الله ده کورمک سزلی الحق اهل بدعت سز دیوب انلری مسجددن
اخراج ایلدی جنید بغدادی علیه رجه الهادی سماعدن توبه ایتدیکی
کتب معتبره ده مسطور در عجیه در که فی زماننا بو متصوفه طائفه سی کمال
مرتبه جاغلر و معاند لر در بویله انیکن محبة الله دعواسی زعمیه انواع
قبحیات و کبائر تکاب ایدوب بعض کونلرده سماع خانه لرینه جمع اولوب
نغمات و الحان ایله ایات و اشعار و تغنیات ایله رقص و دوران ایدر لر
و برکروه عوام طائفه سی دخی انلرک اطرافلرنده حاضر اولوب اهتمام ایله
انلری استماع ایدولر بویله قباح عظیمه و کبائر متعدد ده بی جامع مجلسه
حاضر اولمق بر اولو عبادت عد ایدر لر و اول نغمات استماعدن و صبح
الوجه تازه اوغلانلرک بوزلرینه باقمقدن حاصل اولان لذت شهنوشه بی
قباحت بطیوب عبادتده لذت و ذکر الهده حلاوت حاصل اولدی
و فیض عظیم پیدا اولدی زعم ایدر لر نعوذ بالله تعالی بو مثلی کما بسز
طائفه همان دجال عسکرینک مقدمه سیدر اولادمه و اخوانمه و جمع
مؤمنلره و صبتم اولدر که انلر ایله آشنا اولیه لر دین اسلامدن بعید اولیه لر
شریعت محمدیه به جانله و اهتمامله یاپشه لر علم حاللرین او کر نوب اهل
سنت اعتقادن تحصیل ایدم لر تغنی ایله ذکر و اذان و قرآن و دعا بی

استماع ایتیموب تغنی بی انکار وایدن کسه بی رد و منع ایده لر رضا
 کوسترمیدلر ناتارخانه ده تغنی ایتک و دکلک مک حرام اولدیفنه اجاع
 ایتدیلر و حرام اولسند فقههای کرام رحهم الله تعالی قتی چوق دلیل
 کتوروب بیان ایتدیلر دیو مسطوردر ناس ایچون تغنی ایدن کرکار و کرک
 عورت اولسون شهادتلی مقبوله دکلدر دیو عامه کتبد مسطوردر
 برکیمسه تغنی ایتک باشلدقده همان ایکی شیطان کلوب اوموزلری اوزرینه
 بنوب ایاقلریله اول کشبک کوکسنه اورورلر تاکیم تغنیدن فارغ اولجیه به
 دکن دیور وایتلرده وارد اولمشدر الله تعالینک اسم شریفی ذکر
اولد قده ایشید نلر تعظیم ایده لر زیر اواجیدر ترک ایدن آثم اولور
تعالی و تبارک یاخود عزوجل یاخود سبحان الله یاخود جل جلاله
دیمکله تعظیم ایدلر بر مجلسده نه قدر ایشیدر ایسه برکله تعظیم ایتک
کفایت ایتز وقضاسی دخی ممکن اولماز بشقه بشقه تعظیم ایتک
کرکدر و رسول الله و سائر انبیا نک اسم شریفی ذکر اولندقده
صلوات کتوره لر صلوات الله و سلامه علی نبینا وعلیهم اجمعین دیه لر
رسول کائنات علیه افضل الصلوات واکمل التحیات حضرتلرینه صلوات
کتورمنک حکمنده اماملریمزدن روایات عدیده منقولدر امام ابوالحسن
الکرخنی رجه الله علیه دن عمرنده برکله صلوة کتورمنک فرض عیندر
دیور ویدر و امام طحاوی علیه رجه العزیز القویدن پیغمبریمزک
اسم شریفی ذکر اولندقده بشقه بشقه صلوة کتورمنک فرضدر دیو
بیور مشدر صاحب محیط روایتده هرکله ذکر اولند قده صلوة
کتورمنک واجیدر دیو مسطوردر صاحب مضمرات بوروایتده وسعت
واردردیمش صاحب تحفه و صاحب مجتبی پیغمبریمزک اسم شریفی
تکرار ذکر اولند قده صلوة کتورمنک وجوبی دخی تکرار اولور روایتی
تصحیح ایشلردر لکن محیطده مذکوردرکه امام شمس الاثمه السرخسی
بیور مشلدرکه پیغمبریمزک اسم شریفی بر مجلسده تکرار تکرار ذکر

اولند قده بر کره صلوة کتورمک واجبد هر کرده کتورمک مستحبدر
 واجب دکلدر عامه علماء رحهم الله تعالى بونک اوزرینه اتفاق
 ایتشلردر ابن ملک شرحنده فتوی بوامام سرخسی قول اوزرینه در
 دیمش صاحب کافی بوکا اصحدر دیمشدر قول مختار بودر زیر اوجوبک
 تکرانه دلیل یوقدر کلبه بیله یازله اشارت ایله اکتفا ایتمه لر زیر
 مکر و هدر دیمشدر اصحاب کرام رضوان الله تعالى علیهم اجمعین
 آکلد قده رضی الله تعالى عنه دیه لر زیر آنلره تعظیم ایتک لازمدر سائر
 علما و مشایخ آکلد قده رحمه الله تعالى علیه دیه لر ترک ایتمه لر استاد لرینه
 تعظیم ایده لر علم اخذ ایتدیکی استاد ایله سائر علما تعظیم خصوصنده
 برابردر دیمشدر حضرت علی ابن ابی طالب رضی الله عنه پیورمشلرکه بکا
 بر حرف تعلیم ایدن استاد بی کندویه قول ایدر ایدمی حقوق استادت
 قتی چوقدر اوکونجه یرومیه لر مکرطریقه دلالت ایچون اوله آندن اول
 سوزه باشلیه لر پرک سو بیله لر یا ننده چوق سو بیله لر ملانی زماننده
 سؤال ایله ثقلت و یرمیه لر مزاجسز اولد قده خاطر ن سؤال ایتکه
 خانه سنه کیده لر زیارتی ترک ایتمه لر رضاسنده اولمغه سعی ایدوب
 دعاسن ایسته یه لر بد دعاسندن غایت حذر ایده لر خدمته اویشه لر
 خدمت ایتکله سعادت بوله لر دعای خیرن آلوب عزت دینه یه نائل
 اوله لر اگر سا کردلرینک نسبی و مالی و منصبی و شهرتی و سنی و صلاحی
 استاد لرندن چوق ایسه بیله ینه استاد لرینه تواضع و تعظیم و خدمت
 ایده لر و نصیحتن قبول ایده لر و بالجله هر یرده رضاسن کوزده لر
 نشاط و دعا و قنده دعای خیرن نیاز ایده لر بر خصوصده اعتراض
 و نزاع ایتمه لر ککندولری دو کسه و یا قاقبسه نصیحت بیله لر
 ایچنمه یه لر متعلقا تنه ده اولادنه و اقرباسنه رعایت ایده لر و دخی
 استادک بعض اسرارنی کورد کرده خلقه افشا ایتمه لر یا ننده برکسه بی ذم
 و غیبت ایتمه لر و بر آخر استادی قارشوسنده افراط مدح ایتمه لر یا ننده

تمام ادب اوزره اوتورمه لر اؤکنده اوتورمه لر اکر استادینک تألیفی
 وارایسه رغبت ایدوب کثابت و مطالعه و استفاده ایتمکه سعی ایدمه لر اکر
 برآخر مجلسده استادلرینی بعض اعداسی ذمه ایدر لر ایسه آنلری ممکن
 اولور ایسه اسکات ایدمه لر اولماز ایسه اول مکاندن کیده لر درسنده اشارتیه
 اکتفا ایدمه لر کندور ایلرینی ترک ایدمه لر بر استادک خطاسی شاگردنه کوره
 کندور ایلرندن صوابدر استادی قنغی علمی و قنغی کتابی مناسب کورر
 ایسه راضی اولمه لر بر استاد چوق تجربه ایله شاگردلرک مرتبه لرینی آکمل
 واکلا لایق اولان کتابی بیلور هر خصوصده آداب رعایت ایدمه لر پادشاه
 اسلامه عدل و انصاف و اهل اسلامه هر حجت و اعداسی اوزرینه
 نصرت ایله دعا ایدمه لر زیرا امام المسلمین در اکا خیر دعا ایتمک جمله یه
 واجبدر و جیع اهل اسلامه راجعدر امور شرعیه ده امرینه اطاعت
 ایدمه لر ظالمدر دیوبد دعا ایتمه لر و محاربه و عزل ایتمه لر
 اصلا حیه و انصافیه دعا ایدمه لر و اقر بایه صله ایدمه لر و اجبدر
 عمرک برکاته سیدر و اجر عظیم واردر صله دیمک اوتو نما یوب اشتاق
 ایتمکدر زیارت ایله یا خود بعض هدایا کوندیرمک ایله یا خود مال ایله یا خود
 ایله یا خود دلیلله یاردم ایتمکله ادنی مرتبه سی سلام و یرمک یا کوندیرمک
 ایله اولور صله ایچون بروقت معین یوقدر اهل اسلام تقدیر زمانده صله
 ایتمکی عادت ایندی بر ایسه او بلجه اعتبار اولتور نکاحی حرام اولان
 اقر بایه صله ایتمک بهر حال واجبدر لکن نکاحی جائز اولان اقر بایه صله ایتمک
 و اجبیدر دکلیدر اختلاف اولندی اصح مسئله بودر که واجب دکلدر
 بعض اهل علم بیور مشلدر که کون آشری زیارت ایدر یا خود هفته ده
 بر کره زیارت ایدمه یا خود آیدمه بر کره زیارت ایدمه قطع رحم ایتمه لر یعنی
 آشنالغی و زیارتی و یاردمی کسمیه لر زیرا حرامدر و کیره در حق تعالی قطع
 رحم ایدن کسه دن نعمتی قطع و آئی هلاک ایسه کر کدر و دخی روایتارده
 شیویه در که بر قومک اینجندمه قاطع رحم اولسه اوزر لرینه رحمت اینرودعالی

مستجاب اولمز نموز بالله تعالى واپوينه تمام رعایت ایدہ لہ برک
 صوت ایلہ سویلیہ لہ بعض نسنہ لرینہ اینجنوب اف دیمیلر آیہ
 کریمہ دہ * ولا تفل لهما اف واقعدرو برآیہ کریمہ دہ * واخلض
 لهما جناح الذل من الرحمة وقل رب ارحهما کما ربیانی صغیرا واقعدرو
 مضمونی دیمکدر کہ ای انسان صاقن آنا کہ و بابا کہ اف دیمہ
 و آنلرہ کال شفقت و مرجندن ناشی آنلرہ غایتندہ تواضع وتذلل ایت ودعاء
 ایدوب دیکہ یارب آنامہ و بابامہ رحت ایت ننه کیم آنلرہ بکا کوچکلک
 حاملدہ تریہ و مرجت ایتدیلر ایدی غضب ایلہ باقیہ لہ برکسہ آنہ سنہ
 و بابا سنہ تواضع و شفقت و مرجت ایلہ باقسہ حق تعالی اکا نیچہ
 حسنہ ل احسان ایتسہ کرکدر و اکا رحت نظریلہ نظر ایلسہ کرکدر
 نه امر ایدرسہ طوئہ لہ اگر معصیت دکلسہ زیر * لاطاعة للمخلوق
 فی معصية الخالق * مضمونجہ کاه اولان نسنہ دہ برکسہ بہ اطاعت
 جائز دکلدر برکسہ نک اناسی و باباسی کافر ییلہ اولسہ نفقہ لری و خدمت لری
 اوزرینہ واجبدر اگر کفر طر فنه چکمز ایلسہ کاه بکاه اولرینہ وارمق
 جائزدر اگر کفر نسنہ لردن برینسہ دعوت ایتسی و تدر یچلہ چکمه سی
 قور قولور ایلسہ خانہ لرینہ و طر فلرینہ وارمق جائز دکلدر آشنالی ترک
 ایتک واجبدر نفقہ لرینی برکسہ ایلہ کوندر سون اگر اناسی و باباسی
 اهل سنتدن دکل ایلسہ کنه بویله درکنسہ بہ و میخانہ بہ کتورمک جائز
 دکلدر و بدعت خبیثہ محمل لرینہ کتورمک دخی بویله درآندن خانہ لرینہ
 آلوب کتورمک جائزدر دوکہ سنہ وفاقسنہ صبر ایدہ لہ فارشولامیدلر
 وقومشولرینہ رعایت ایدہ لہ آنلرہ اذیت ویرہ چک نسنہ ایتدیلر زیر
 برکسہ قومشوسنہ اذیت ایتسہ آنک خانہ سی عاقبت قومشویہ انتقال ایدر
 قومشوحق شول مرتبه بہ وارمشدر کہ همان وارث اولماز یوخسہ سائر
 آنا و بابا و اقربا حق کبیدر بعض روایتلرده برکسہ قومشوسنہ اذا
 ایلسہ بکا اذا ایتش کبی کاهکار اولور یورلشدر قور قولو طعام

پشور دکده

پشور د کده بر مقدار انلره ویره ز چار شون مېوه به وسار ما کولاته متعلق
 نسنه الدقهده انلره وانلرک اولاد جقربنه ویره ل اکر ویرمه جکر ایه
 کیرلی الوب کند و اولادنه و یروب اولرندن طشره چقار میه ل
 قومشوری فقیر ایه بعض صدقه و زکوة و یرمکه و هدیه جک ایه
 اکرام ایده ل فقیر در دیو خور لیده ل کاه بکاه خانه لینه دعوت ایدوب
 خاطرین سوال ایده ل سفره سنه یله الوب طعام ایده ل خسته اولور ایه
 خاطرین صور مغه خانه سنه کیده ل آخرته کیدر ایه جنازه سبله یله
 قبرینه وارل هر حالده حق جواره رعایت ایده ل و حاجت کیرنی ممکن
 اولدجده قضا ایده ل بر ضرر اصابت ایدر ایه یاردم ایده ل خیر اصابت
 ایدر ایه تنیه ایده ل قرض الحقه ایسترایسه و یره در ریغ ایتیمه ل صدقه نک
 اجری بر قاندر قرضک اجری اون سکر قاندر دیو حدیث شریفده وارد
 اولمشدر اذن سر خانه سی جانبنه طوغری یوکسک بنا یایمیل بر طاشنه
 ضرر ایتیمه ل سرن افشا ایتیمه ل غیبین ایتیمه ل حریم جانبنه کزلی باقیمه ل
 هر حالده خلوصانه دیانت و صلاح اوزره یاران و اخوان اوله ل و سائر
 اخوانه محبت ایده ل صالحه زیاده محبت ایده ل فاسقلره و فاجر لره
 و ظالم لره نصیحت و وعظ ایده ل فسق و فجور و ظلم ایچون بغض فی الله
 ایده ل ملا حده ایه دوستلق ایتیمه ل اکسکلکرن ممکن اولدجده عفو
 ایده ل امر معروف و نهی عن المنکر ایده ل قادر اولدجده زیر امت محمدیه نک
 سائر ام اوزرینه فضلی امر معروف و نهی منکر ایتیمک سبیلده در
 امر معروف و نهی منکر ایدنلره حق تعالی عالی مرتبه لره و برسه کر کدر
 بر شهرده فسق آشکاره اولسه حق تعالی جله به مصیبت کوندر
 صبیانه و حیوانه دخی مصیبت اصابت ایدر ال ایه نهی منکر ایتیمک امر انکدر
 لسانله نهی ایتیمک علما و خلیفیدر قلب ایه نهی ایتیمک سائر
 مؤمنلر کدر دیمشدر قبولی ظن اولنان یرده واجب اولور فتنه به
 باعث اولمسی ظن اولنور ایه ترکی واجبدر ضرر و رتسز اول محله

وارمق جائز دکلدر اول شهری ترک آخر شهره هجرت واجب دکلدر اگر
 دیانتی وزهدنی کمال اوزره حفظ ایچون هجرت ایدرایسه کوزلدر جسته
 کبرمکه لایق اولور شفاعته مظهر اولور ایمدی امر معروف ونهی
 منکرده نیت خالصه ومسئله بی نقلیه بئک وصبر ایدوب نزاع وغوغا
 ایتمک رفق وحلم ایله ایتمک وفقها نیک اول نسنه ده اختلاقی وارمیدر
 یوخسه یوقیدر بئک لازمدر مداهنه ایتمه لر بونک لغتده معناسی
 زیتون یاغیله برنسنه بی یاغلمغه دیرلر شرعه برکسه نیکگاه وباطل ایشی
 تحسین وطبعیجه اول قباحتی مدح وثنایتمکه دیرلر نته کیم فی زماننا اغنیا
 مجلسنده حاضر اولوب اموال دنیا جعی ایچون جرار و طرارلرک مدح
 و ثنایری کبی که یانلرنده دورلوقباحث ابتدا کده اول جرارلر دخی مدح
 و ثنایدوب اصابتدر دیرلر اگر اقتضا ایدرایسه مدارات ایدلر مدارات
 اولدرکه کندودن دفع ضرر ایچون بر ملایم سوز سویلیوب خصمک
 شدتی تسکین و شرفی ازاله ایچون اوله واول سوز طوغری اوله چوق
 کولمه دن و چوق فائده سز سوز سوز بله دن صاقتلر زیرابونک ایکبسی
 دخی قلبی افساد ایدر و قسوت کتورر و سفاهت علامتیدر و خطایه ایرکورر
 قرآن عظیم الشانده * فلیضحکوا قلیلا ولیبکوا کثیرا * واقع اولمشدر
 یعنی ناس از کولسون دیمک هیچ کولسونلر چوق اغلسونلر دیمکدر زیر
 اولوم و قبر و حشر و سؤال و حساب و عذاب و صراط و میزان عقبه لری
 وجهنم خوفی ملاحظه اولدقده کولمکه بحال اوناز دایما اغملق لازم
 کلور تا کیم عقبه لر دن نجات بولوب جنانه داخل اولدقده سلامت بولمز
 ربم جلله من نجات و جنات عالیانه دخول مبسر ایله آمین ایمدی ذکر اللهدن
 و حق سوزدن غیری سوز سوز بئک کشتنک قلبی قتی و قره ایدر رجندن
 اوزاق اولغه سبب اولور اختراز لازمدر اجه معامله ایتمه لر و ایتمسنه معینه
 اولمه لر و شاهد و کاتب دخی اولمه لر اگر ربوا اولور سه حرام قطعیدر
 زنادن اشد در و اگر عینه مثلی اولور ایه اکثر فقها اعتننده مذمومدر

دیو اکل ایدیجیلرک بدعتیدر دیمشله وجوازه ابوحنیفه دن رجه الله
 تعالی علیه بر قول منقولدر شرع شریفه تطبیق شرطیله غایتده اهتمام
 کر کدر العینه بالکسر یکسش سلف کبی وهر نسنه نک ابوسی یقال عینه
 المال خیاره واعتان الرجل اشتری بنسنة اختی و یعده وشراده وجاهله
 معامله لنده شرع شرینی اجرا ایدهلر نکاحده وطلاقده وعتاقده و جاریه بی
 ام ولد ایدنمه ده ورهن المده و ویرمه ده و امانت المده و ویرمه ده و سائر تدبیر
 منزلده و سیاست بلده ایتمکده شرع شرینی اجرا ایدهلر خلافندن حذر
 ایدهلر واجرت ایله امامت و تأذین و تعلیم قرآن و علم دین ایتمهلر مذهب
 متقدمین بویله در لکن بو خصوصلرده اجر نک جوز یله فتوی و یردیلر
 پادشاه و قاضی عسکر و قاضی و یک قابوسنه ضرورت اولمجه و ارمیه لایمدی
 ضرورت و مصلحت ایکی بولو کدر بریسی بودر که بونلر امر او حاکملا و لمغله
 شرعه موافق اولان محمله امر لینه انقیاد واجبدر امر و حکم طریقله
 دعوت ایتسه لور ارمق لازم اولور ایکنجهسی بونلر ظالمین دفع و حق افاده
 ایچون اولور ایسه و ارمق مرخصدر نصیحت ایدوب مداهنه و کذب ایتمامک
 شرطیله زبراجله کاذبلردن اشد اولان پادشاه و امرایاننده کذب سویلاندن
 دیمشله جاعته مداومت ایدهلر روایت صحیحده جاعته نماز قیلق
 یکر می یدی قات افضلدر یا اگر قتلقدن دیو وارد اولمشدر سنت مؤکده لری
 ترک ایتمهلر سنت مؤکده نک ترکنه ضرورت سز رخصت یوقدر و ترکی عملده
 بدعتدر و ضلالدر اگر اعتبار ایتمامک طریقله ترک اولور ایسه بیوک
 خطادر قور قورلور فرض عملی مقبول اولمق احتمالی واردرا کر خور کور مک
 طریقله اولور ایسه ایماندن چیقار قیلی واجبدر بدعتلردن احتراز ایدهلر
 بدعت اوج بولو کدر بریسی اعتقادده بدعتدر اهل سنت اعتقادده مخالف
 اولان اعتقادلر قدر و ارایسه جله سی اعتقادده بدعتدر بعضی کفره
 وار مشدر بعضی وار ممشدر لکن جله کبیره دن اشددر حتی قتلدن
 وزندان اشددر و بریسی عملده بدعتدر بودخی منکر ایدن و ضلالتدن نهی

و فسق در با خصوص سنت مؤکده به مخالف و ضد اولوب آتی ایشملکه
 سنت مؤکده بی ترک لازم کلور ایشه زیاده ضلالتدر احتراز لازمدر و بریسی
 عادتده بدعتدر ایشلمسند ضلالت بوقدر ترکی اولی اولور حدیث
 شریفلرده شویله در که هر بدعت ضلالتدر هر ضلالت اهلی نار بحیمده
 اولبیدر و بدعت صاحبک اعمال صالحه سی صومی و حجتی و عمره سی
 وجهادی و فرضی و نافله سی مقبول اولماز قل خیردن سهولت و تدریحله
 نیجه چیقار ایشه اولدخی اسلامدن اولیجه چیقار و بدعت صاحبک
 توبه سی مقبول اولماز تا کیم بدعتدن توبه ایتدیکجه العیاذ بالله تعالی هر ککه
 بر بدعت صاحبی رد و منع ایلسه حق تعالی اول کشتی به سعادت و عاقبت
 خیر لغی احسان ایدر فضاثلدن انلر سنت مستحبه در علمنده اجر عظیم و
 منافع دنیویه و اخروییه وارد در قوشلق نمازیه مداومت ایدر فقردن خلاص
 اولمغه سببدر امور لری آسان اولمغه سبب اولور اقلی ایکی رکعت اکثری
 سکر در امام ترمذی روایتده شویله در که کیمکه اون ایکی رکعت قوشلق
 نمازی قیلسه حق تعالی اکاجننده التویدن برکوشک احسان ایلسه کر کدر
 و اخشامد نصکره الی رکعت قبله ل اوج سلامله بعض علماء اخشامک
 سنبله التیدر دیدیلر و بونی مختار کور دیلر و بعضیلر ستمن غیری الی
 رکعتدر دیدیلر بونی انفع کور دیلر و بونه صلوة الاواین دینور وایتده کلدیکه
 بونمازه برکسه مداومت ایلسه اون ایکی یلق حسناته نائل اولور ایدن نصکره
 یدی کره اللهم اجرنی من النار نه لری بالله بی ناردن خلاص ایتدیمکدر
 کوزل دعادر بویله دعا ایدن کسه بی حق تعالی جهنمدن خلاص ایلسه
 کر کدر صاحبک فرضند نصکره دخی یدی کره بویله دیه لری یا تسو فرضندن
 صکره دزت رکعت قبله لرتدن اول ایمدی بر نماز واردر که اکا تسبیح نمازی
 دینور غایتده فضائلی چوق بر اولو نمازدر حتی حدیث شریفده کلدیکه
 بونک خصلتی واردر کاهلرک اولنی و آخرنی اسکبسنی و نکبسنی خطایله
 اولانلری و قصد ایله اولانلری صغیری و کبیری کبر لو اولانی و آشکاره اولان

نكاهلری بونمازه هر كونده مداومت ایدنلردن بونكاهلری حق تعالی عفو
 ومغفرت ایدر دیواردا اولمشدر دورت ركعت نماز قبله هر ركعتده سوره
 فاتحه وضم سوره تمام اولدقدده ركوعدن اول اون بش كره سبحان الله
 والمجد لله والاله الا الله والله اكبر ديه صكره ركوعه واردقدده سبحان ربی
 العظيم اوچ كره دیدكد نصكره اون كره بویله ديه صكره ركوعدن قالدقدده
 اون كره ديه صكره سجده یه واردقدده سبحان ربی الاعلی دیدكد نصكره
 اون كره ديه صكره سجده دن قالدقدده اون كره ديه تكرار سجده یه
 واردقدده اون كره ديه صكره سجده دن قالدقدده ایاغه قالدقددن اون كره
 ديه تمام یمش بش كره ایدر هر ركعتده بویله ایدله را كره ركون قبلنور
 ايسه نه كوزلدر یاخودهفته ده بر كره اولسون قبله را یاخود آیده بر كره قبله را
 یاخود ییلده بر كره قبله را یاخود عمرنده بر كره قبله را ودخی حاجت نمازی
 قبله را اول ایکی ركعتدر بر كسه نك عندالله بر حاجتی اولسه یاخود بر كسه دن
 بر حاجتی اولسه سنت وجهی اوزره آید ست السون صكره ایکی ركعت
 نماز قبلسون صكره حق تعالی یه جد و ثنا بلسون ورسوانه صلوة وسلام
 ایلسون صكره بود عائی اوقوسون لاله الا الله الحكيم اكریم سبحان الله
 رب العرش العظيم الحمد لله رب العالمين استاك موجبات رحمتك وعزائم
 مغفرتك والغنیمه من كل بر والسلامه من كل اثم لاتدعی ذنبا الاغفرته ولاهما
 الا فرجه ولا حاجة لك فيها رضى الا قضيتها يا ارحم الراحمين وصوم دوده
 مشغول اوله را ركون صائم اولقی وبركون یمكه دیرلر بواولمازسه دوشنبه
 و پنجشنبه بی طوته را اولمازسه ایام بیضی طوته را اول ایام هرایك اون اوجی
 واون دوردی واون بشی در برآی صیام برینه قائم اولور صومك فضیلتی
 حقهده چوق حدیث شریفلر وارد اولمشدر وحق تعالی * الصوم لی وانا
 اجزی به بیورمشدر یعنی صوم بنم ایچوندر و سدر در انك جزاسنی واجرنی
 انجق بن ویریم دیمكدر وهر كیمه تبارك سوره سن اوقیه ل عذاب قیردن نجاه
 بولغه سبب اولماسی حقهده قتی چوق روایات ایله ثابتدر و سوره واقعه دخی

فکردن خلاصه سبدر و صلوة تهجدی ترك ايتمه لر اقلي ايكي ركعت
 اكثرى اون ايكي ركعتدر كيجه ايجنده او بخوي ترك ايدوب ابدسته و نماز
 شروع ايتك زباده سيله نفس اماره به و شيطانه مخالف اولد يئچون
 انك ايكي ركعتي كوندز نافله سنك يوزيك ركعت نمازندن افضلدر
 ودخي حق سبحانه و تعالى تهجدى قبالا نلري مدح ايتشدر نته كيم
 بيوردي * تجاني جنوهم عن المضاجع * الاية و صباح نمازند نصرکه
 اوچ کره اعوذ بالله السميع العليم من الشيطان الرجيم دبوب سورة حشرک
 آخرنى اوقبل هو الله الذى لا اله الا هو دن آخريته دكين اوقبلره يتش
 يك ملائكه مؤكل اولوب اخشامه دكين انك ايجون استغفار ايدرلر اكر
 اول كسه اول كونده آخريته كنسه شهيد اولور اخشامده اوقور ايسه بنه
 فضيلتي بويله در ديور و ايتده واقعدر و مسبعات عشره بي صباحده
 و ايكنديد نصرکه اوقبلر بونك حقه در روايت معلوم دكلدر همان ابراهيم
 تيمى دن نقل اولتور كه حضرت خضر عليه السلامه ملاقي اولمش كعبه
 مكرمه ده و جوق فضائلي بيان ايتش اولدخي آخر زمان پيغمبري محمد
 عليه السلام دن اخذ ايتش صباحده و اخشامده اوقومغي و صبت ايتش
 ديون تفصيلا احباء علومده و قوت قلوبده مذكور در ايمدي شريعت محمدية
 انواع عبادتي كرك بدنيه و كرك قوليه و كرك ماليه جله سني كني فرض و كني
 واجب و كني سنت و كني مستحب اولقي طريقيله بيان و تفصيل ايتشدر
 صكره دن محدث و بدعت عمل احداث ايتكه حاجت يوقدر و علمای گرام
 رجهم الله تعالى شويله بيورديلر كه جله بدعتلر اشدی اعتقادده بدعتدر
 زيرا بعضي كفردر و بعضي كفرد كلدر لكن جله كيره دن اشددر
 قتلدن وزان دن اشددر و عبادتده بدعت دخي منكردر و ضلالدر
 خصوصاً بر سنت شريفة نك تركنه سبب اولور ايسه دخي زياده ضلالت
 اولور امام طبراني اخراج ايتدي غضيف بن حارث دن رضی الله عنه رسول
 كائنات صلى الله عليه وسلم شويله بيورديكه * ما من امة ابتدعت بعد نبيها

فی دینها بدعت الاضاعت مثلها من السنة * مضمون شریفی بود که
 هر برامت پیغمبر اند نصکره بریدعت نسنه احداث ایتد کده سنت نبویه دن
 انک مثلنی اضاعت ایتدیلردیمکدر ایمدی سنتی اضاعت و ترک ایتک ضلالتدر
 ایمدی روایتلرده وارد اولان اذکاری اوراد ایده لر بش وقتک عقیبه سوره
 فاتحه و آیه الکرسی * شهد الله انه لا اله الا هو و الملائكة و اولو العلم قائما
 بالقسط لا اله الا هو العزيز الحكيم ان الدين عند الله الاسلام * ودخی
 قل اللهم مالك الملك ودخی آمن الرسول آتیلرخی تلاوته مداومت ایده لر
 وارد نیجه اون کره لا اله الا الله وحده لا شریک له الملك وله الحمد یحیی و یمیت
 وهو الحی الذی لا یموت بیده الخیر وهو علی کل شیء قدیر دیه لر و مسواکه
 مداومت ایده لر فائده سی جو قدر شیطا نلر خمار ملائکه یقین کلور
 حق تعالی راضی اولور و مسواک ایله ایکی رکعت نماز قلیق یتمش رکعت
 نمازدن افضلدر باخصوص فی زماننا هذا سنت نبویه لرک چوغنی ترک
 اولمشدر خلق جهالت و فساد اوزمه در ایمدی بر حدیث شریفده من تمسک
 بسنتی عند فساد امتی فله اجر مائة شهید * وارد اولمشدر یعنی اتمدن
 هر کیمکه ایتک فسادی عندنده سنتمه تمسک و امثال ایلسه اکابوز شهید
 اجری و ثوابی حاصل اولور دیمکدر خصوصاً نماز قبلدقده و آیدست
 قنده و او یخوردن قالدقده و قرآن او قومغه باشلا دقده و تفسیر و حدیث
 و سایر علوم شرعیه نقلنه باشلا دقده استعمال ایتک اهم و افضلدر
 و دعا لر بنی الله تعالی به حمد و ثنایله و رسولنه و آئنه و صحابنه صلوات
 و سلام ایله باشلا یلر و بویله جه ختم دعا ایده مستجاب اولغه سبب اولور
 دیمشدر وجه مؤتملری دعا نرنده اکال و والدینی و استاذ لر بنی زقر داشلر بنی
 اسملر له بشقه جه اکال پادشاهلری و ولی نعمتلری و اکرامنی کورد کلر بنی دخی
 دعاده اکال و دعا لر بنی تضرع له و اخفا ایله ایده لر نه کیم حق تعالی
 ادعوار بکم تضرع و خفیة * دیو بیوردی یعنی ای قوللر بکره تضرع له
 و اخفا ایله دعا ایدیکن دیمکدر خلوتلرنده الله تعالی به تضرع لر و تذلل لر

ایدوب ذبلرینه اعتراف ایدوب اغلیملر روایتلرده شویله درکه مضطرب
 ومظلومک د عاری مستجابدر وانا نک و بابا نک د عاری اولاد لری حقنده
 مقبولدر وعادل بکرتک وصالحرتک د عاری مقبولدر ومضطرب اولانرتک
 وقرآن وعلم مجلسلرنده ویت الالهده وملتزمده ومردلفده وجبل عرفانده
 ومنی ده وجرات محملرنده ومدینه منورهده ومسجد رسول اللهده وروضه
 مطهرده ومواضع شریفهده وسائر مبارک مقاملرده عال مقبولدر وحاجتدر
 محصول اوور وانا سنه و بابا سنه مطیع اولانرتک ومسافررتک د عاری
 مقبولدر وصائمرتک افطار وقتنده ورمؤمن قنداشنه غائبانه د عاری مقبولدر
 ودخی اهل اسلامک جمله سنک د عاری مقبولدر اگر ظلم وقطع رحم ایله
 د عا بتز ایسه ودخی د عا ایتدم مستجاب اولمادی دیمز ایسه وحق تعالیدن
 دین اسلامده استقامت وکنا هلرینه عفو ووجود لرینه عافیت زبرا
 دنیا نعلمرتکک جمله سنک افضلی عافیتدر وصحت بدندر دیمشدر
 وحق تعالیدن رضا وتوفیق ایسنیه رانما ودخی ایمان زوالندن خوف
 ایدوب دائم حسن خاتمه وایمان منجی ایسنیه لر نعمت اسلام اوزره
 دائم شکر ایده لر بر نعمتک شکرینه مداومت اولنسه اول نعمت دائم وثابت
 اولور ودخی زیاده اولور ایدمی بعض اهل معرفت بیور مشرکه ایمانسر
 کتمکه سبب سکر در اعتقادده بدعت حب دنیا وحب جاه غالب اولوب
 شهواته تابع اولوق عباد اللهه ظلم ایتک نعمت اسلام اوزدینه شکر یرتک
 ایتک اسلام زوالندن قور قمع اش وقت نمازی ترک ایتک ربوایمک
 حق تعالینک ولی وصالح قول لرینه عداوت ایتک ایدمی علم حالنی ترک ایتک
 ودینی قایریمق واساتنی خشیاتندن حفظ ایتمک بونلر دخی سبب اولور
 اولاد لرینه واز واجلرینه تعلیم علم حال ایدوب خلاف شرع شریف
 اولان امور دین منع وضبط ایده رکذ لک حکمی آئنده اولان اتباع بسنی
 دخی علم حال اوکره دوب ضبط ایده لر ایدمی اولاعقاند اهل سنت ثابعا علم
 اعمال فرعیه ثالثا علم اخلاق رابعاعلم معاملات بونلر علم حالدی بتلسی جمله یه

فرض عیندر اولاد لری کوچک ایکن اعتقاد اهل سنتی تعلیم ایدلر و قرآن
 کریم اوکرده لر و ختان ایتدورملر و کسب معاش اوکرده لر عورتلری
 نامحرم اوینه کوندرمیلر دو کونه و جامه واجنبیلر عیاده سنه اجنبی و نکاحی
 جائز اولان کسه لر خسته اولدقدن خاطرین ضرورمغه و منصب اولدقدن
 نهینه سته کوندرمیلر و اذن و یرمیلر اگر عورتلر اذنسز چیقار ایسه
 روايتلرده کلدیکه کوکده و یرده اولان ملائکه و رحمت و عذاب
 ملائکه سی اکالعت ایدرلر تا کیم اوینه کلنجیه دکن اگراری اذنی ایله
 چیقار ایسه ایکی سی دخی عاصی اولور لر چیمه سی شرعا جائز اولان محملر
 یدیر اناسنی و یاسنی زیارت کتمک و خسته اولدقدن حاللرین ضرورمغه کتمک
 و مصیبتلری زماننده تعزیه ایتک و محرم لری زیارت کتمک اگر ایه ایسه یا خود
 میت غسل ایدیچی ایسه یا خود غیر یلرده حتی اولسه یا خود غیر
 کسه نک کندوده حتی اولسه بوضورتلرده اذن ایله و اذنسز چیقار کیدر
 حج ایتکمه کتمک دخی بویه در اگر فرض ایسه بطسی واجب اولان علم حال
 اوکرتمک کتمک دخی بویه در اگر اهلی اوکرتمک قادر دکل ایسه بونلردن
 غریبه اذن و یرمک جائز دکلدر امور عظامده عورت سوزینه اویمیلر
 تدبیر منزل و معاشده گاه گاه موافقت ایدلر حسن معاشرت ایدوب بعض
 تفصیلرینه اغماض ایده لر معصیت دکل ایسه یعنی بعض اکسکلک لری عفو
 ایدلر روايتلرده کلدیکه نسوان اگر ی کلدن براد لشدن اگر طوغری ایتک
 ایسترسن قیرار سن و اگر کندی حالنده قورسن اگر ی قالور ایمدی گاه
 نصیحت و گاه مدارا ایدلر ارکک اوغلا نجقلره ابریشم قفتان و تاقیه
 و قوشاق و سائر لباس کیدورمیلر ارلره حریر کیمک جائز دکلدر حرامدر
 عورتلره حلالدر ارکک اوغلا نجقلره کیمکه کیدورسه اول کاهکار اولور
 ایمدی صفای حریردن لباس کیمک ارککلره حرامدر اما ارشی حریردن
 وارنجی ایلمکدن یا خود پانبو قدن اولسه بآس بوقدر و دخی صافی حریر
 اولان قاشدن یا صدق ایدنکک و او طه دوشه مک و پرده ایدوب قاپویه

و غیري محملره آصمقده ابوحنيفه رجه الله تعالى عليه صندنده جائزدر باس
 يوقدر امام ابو يوسف و امام محمد رجهما الله تعالى مكر و هدر ديمشله
 ودخى بر لباسك اطرافنده ايكي پارمق يا خود اوچ پارمق يا خود دورت پارمق
 مقداري بپراق كي حرير اولسه باس يوقدر جائزدر وارلك چو جقلا
 اللرينه ويا قلا رينه حنا يا قيه لـ اناسي و باباسي نگاهه كير يدي ياشنده
 اوغلارني و قيرلرني نمازه باشله ده لـ اون ياشنه كير بجه قلا زسه دو كه لـ
 حديث شريفده اولاد كزه يدي ياشنده نماز قضايله امر ايدكن اون ياشنده
 ضرب ايدكن ديوار اولمشدر ودخى اولاد جقلا ريني كوچكدن مجلس
 علمايه و صحبت صالحينه و سخاوت و سائر اخلاق حيده يه و سیرت جيله يه
 و اعمال صالحه يه الفت اينديره لـ تا كيم كوچكدن مشرب و طيبعت و كوزل
 خوي اولوب ييود كلري زمانده دينده اهل اسلام عندنده مدوح و حق
 تعالى عندنده مقبول اولوب آخرته سعدا و صديقين زمره سته داخل اوله
 و اولاد جقلا ريني ناز نعيم ايله يوز و يرميله كاهيچه عتاب و تعزير ايدلر زيرا
 آنا و بابا اولاد نه زياده التفات ايدوب هر سوزني قبول و هرايسته يكي
 حاصل ايتسه اولاد بيودي و قنده كوستاخ و خرد بين و متكبر اولور و هر
 محله مذاقني اجرا ايمكه چالشور ودخى اولاد جقلا ريني كوچكدن لباس
 فاخر و زينت ايله ترين ايمه لر زيرا ييود كده لباس فاخر اينه كير مز ايسه
 ادنايه قابل اولمق كوچلا رينه كلوب حق تعالينك احسان اينديكي نعمته خور
 باقوب كغزان نعمت ايدلر و اولاد لـ يني كوچكدن خواجه يه و يروپ
 خواجه بك تعزير و عتابني اولاد لـ خفته نعمت و غنيت ييله لـ اكر حد
 اعتدال اوزره ايسه اكر اولاد لـ يني كوچكدن خواجه دن چارل ايسه تكرر به
 تكرر انا ديب ايدوب خواجه يه كوندوره لـ مزاج لـ بجه كتمه لـ اكر اولاد لـ ينك
 طبيعت بجه كيدوب خواجه دن انفعال ايدوب آندن آلوب غيري خواجه يه
 و يروپ اولاد مري دو كسونلر آزار ايمسو نلر زعيمه چو جقلا ريني صيانت
 و خاطر يينه مراعات ايدلر ايسه اولاد لـ ييود كده خشين و متكبر اولوب

استاذ و معرفت قدرنی بطرز اولور و الحاصل اولادری کوله‌ری کی
 طوتوب چوق التغات ایتمه‌ل کاهیجه ضرب و تعزیر ایله تأدیب ایدوب
 اولادک طبیعتده اولان خشنوت و کوسناخلغی و سائر بد خویری
 کیدر مکه قصد ایده‌لر تا کیم طبیعت‌ری لطیف و خویری کوزل و سوزلی
 طالتلو و طور‌ری ملایم و عمل‌ری صالح و قصد‌ری خیر اوله تا کیم اولادری
 دنیاده و آخرته شرف و عزت و لطف و سعادت ایله موصوف اوله‌لر
 آنا و بابا تریه سنک اولاد حقه عظیم مدخلی وارد و دخی اولادری
 صقال صاحبی و النجیه دکن اجنبیلر ایله سواغه و سرانه قویو و یرمه‌لر
 زیرا بر قوش یاوردوسی یو المندن چیقسه لابدانی بر یرنجی قوش قیار یاخود
 بر روزگارانی رنجیده ایتمکله هلاک ایدر و یرمیه اغاجینک دال‌ری دیواردن
 طشره سواغه میل ایتمه البته کلن و یکن اکال اوزادوب میوه سندن
 حصه دار اولمغه قصد ایدر لر و دخی اولادری بالغ اولدقه تزویج ایده‌لر
 حدیث شریفده * شرار کم عزایکم * واقع اولمشدر یعنی سرک شرار یکز
 یکنار و تزویج ایتمه نکز در بهر حال شرع شریف ایله تریه ایده‌لر و دخی
 شاگردلریخی اوغل‌ری کی تریه و ضبط ایده‌لر زیرا انلردخی اولاد معنویه‌در
 عبدالله بن عباس رضی الله عنهما پیور مشرکه جله ناسدن زیاده بکا
 سوکلو بنم شاگردلر مدرکه خلق اراسنده کلوب بنم درسمه حاضر اولوب
 بندن علم تعلم ایدر لر اگر المدن کلمسه انلرک اوزرینه سکک قوندنر من ایدم
 و دخی شاگردلرینه رفیق و تواضع و ملائمت ایده‌لر بر روایتده * علموا ولا تعنفوا
 فان العلم خیر من المعنف * وارد اولمشدر یعنی رفیق ایله تعلیم اید یکز
 عنف و شدت ایتمکز رفیق ایله تعلیم ایلین عنف و شدت ایلیندن خیر لیدر
 و دخی شاگردلرینه دائماً نصیحت ایده‌لر دنیادن نفرت ایتدیر و ب آخرت
 سعادتیه رغبت ایتدیره‌لر و دائماً استغفار اوزره اوله‌لر روایتلرده شویله درکه
 هر مرضک علاجی وارد و نکاهلر اراضنه و النجی استغفار در استغفار
 ایتمکله مداومت ایدن قول‌ری حق تعالی دنیا بلا لیدن و غم و حزن

وخصه لردن خلاص ایدر و مأمول ایتدی یکی محملردن رزقنی و برود ائم
 استغفار ایدنر البته نجات بولورلر ماله برکات و اولاد ورزقده و سعتنه نائل
 اولور دلرند الحمد لله علی التوفیق یعنی جمیع جد و ثنا الله تبارک و تعالی به
 مخصوصدر توفیق اوزرینه که بزی ایمانه و اسلامه موفق ایدوب طاعت
 و عبادت ایتدی بزره مینسرایلدی اهل فسق و اهل فجور ایتدی
 و جاهلردن ایلدی و استغفر الله من کل تقصیر هر برکاهدن حق تعالی ن
 مغفرت طلب ایده ریم بویله مبارک دعائی دلرله ذکر ایدی چوق اوله وسید
 استغفاری و دخی * ربنا آتنا فی الدنیا حسنة و فی الآخرة حسنة و قنا
 عذاب النار ربنا اغفر لنا و لاخواننا الذین سبقونا بالایمان و لا تجعل فی قلوبنا
 غلا للذین آمنوا ربنا انک رؤوف رحیم * و بونک اعنالی یله حوق چوق دعا
 و مناجات ایده لر غافل دورمیه لر و صایا متعلقة بالاحتضار و المیت بو محله
 ذکر اولنان مسائل تسلیم روح ایتدی قریب اولوب آخرته کتیکه حاضر
 و مهیا اولانور و روح تسلیم ایتد کد نصکره میت اولنره متعلق و صبتلر
 و امرلر در جمله یه بتلسی و موحیه عمل ایتدی و اجیدر ایتدی بزم جمله من
 بوفانی جهانده مسافر لر و آخرت سفرینه کد ریجیلر برکسه بود نیاده
 فالماز نیجه کسه لر بو دنیا دن کتدی لر اسملری و رسملری قالمدی کبسی
 سلطان اولوب احتشام ایلده نیاده نمر سورب و بمالک و بودیار و بوسلطنت
 بندر دیر ایدی صوک اوجی اتباع و اموال و خزائن و بمالک و ملک کافانده
 و یرموب جمله سنی بونده قویوب کندوسی عملیه کندی بو جهانده ایکی
 گروه محقلا خیز ایلده یاد و دفتر اعماللری حسنت ایلده طولو اولوب هر بار
 روحلری رحمت و غفران ایلده شاد اولورلر برکروهی انلردر که بو جهانده
 عباد الله تعلیم علم و تألیف کتاب ایتدی لر انلرک روحلری الی آخر الزمان
 خیر ایلده یاد و حسنت ایلده دائم شاد اولورلر رحیم الله تعالی بو اهل عملک
 شرف و عزتی بر طاقیده یوقدرز بر بونلرک اسملری کایلرده ذکر اولنور
 روحلری اعلا ی علینده انبیاء عظام علیهم الصلوٰة والسلام مجلسلرند

شرف

سمی

شرف صحبت ایله مشرف اولورلر و علملری و تألیف ایند کلمری کابلری
 عالم دنیاده قلوب اهل ایمان اول کابلردن انتفاع ایدوب شرف و عزت
 کونین و سعادت دارین ایله مشرف و بر مراد اولوب درجات کلمستان
 جنات عالیانه نائل اولورلر و بر کروهی انلردر که بوفانی جهانده اولاد
 مؤمنینی ترک ایدوب انلرک دعای خیری ایله حسنا تیری زیاده اولوب
 اسملری خیر دعاری ایله یاد و روحلری شاد قیلنور و یا خود امواللری ایله
 خیرات جلیله و مبرات جلیله ایدوب جوامع و مساجد و مدارس و سائر
 خیرات بنیاد ایدوب بوفانی جهانده قویوب ~~کتدی~~ انلرک دخی اول
 خیراتلری دائم و ثابت اولدقجه حسنا تیری مزداد و روحلری خیر دعا ایله
 شاد قیلنور و اسملری لسانلرده ذکر جیل ایله یاد اولنورلر ایمدی عقلا به
 لازمدر که بوفانی جهانده بر خیر اثر جلیل قویوب ذکر جیل ایله یاد
 و روحنی شاد ایدملر و دخی اخوانمه و صبتیم اولدر که مرضیم مشته اولیمیق
 عیادتمه خاطریم صور مغه کلن اخوان سوره اخلاص ارقعی بکاید کیر
 و تلقین ایده لر حدیث شریفلرده شویله در که کیمکه مرض موتنده
 قل هو الله احد سوره سنی او قیرسه قبرده فتنه کورمز و قبر صقمه سندن
 امین اولور و ملائکه آنی اللریله کتوروب صراطدن جنه کچوره لر و دخی
 اللهم اعنی علی منکرات الموت و سكرات الموت * دیمکی تلقین ایده لر
 بو حدیث شریفدر رسول کائنات علیه افضل الصلوات و اکل التحیات
 عالم دنیادن عزم کلمستان جنان علیا ایده جکی زمان نشاطده بو یله دعا
 ایندی لر معنای لطیفی بودر که یا الله عزوجل موتک سكراتی و شد تیری
 اوزره بکاء عانت و امداد ایت دیمکدر حضرت عایشه ام المؤمنین رضی الله
 عنها بیوردیکه اول اتاده بر طست نصوبی رسول اللهک یا ننده قودیلر مبارک
 اللری ایله صوبی الوب یوز بنه سوررایدی و بو یله دعا ایدرایدی و روايتلرده
~~صکد~~ دیکه * اللهم اغفر لی وارحنی و الحقنی بالرفق الاعلی آخر
 دعایری بو ایدی حضرت عایشه بیوردیکه مقدا آسانجه آخرته

کیندره غبطه ایدر ایدم رسول اللهک وفاتی کورد کده سهولت ایله کیندره
 غبطه ایدم و دخی حق تعالی حضرتنک رجتن ذکر ایدله لر رجایه متعلق
 آیات و اخبار و آثار ذکر ایدله لر مثلاً حق تعالینک * قل یا عبادی الذین
 اسرفوا علی انفسهم لا تقنطوا من رحمة الله ان الله یغفر الذنوب جیعا
 انه هو الغفور الرحیم * آیت کریمه سن قرأت ایدوب معناسن تفسیر ایدله لر
 و رجته و شفاعته متعلق حدیث مشریف لر و صحابه کرام رضوان الله تعالی
 علیهم اجمعین کلام لرندن و مقبل لرندن نقل و روایت و شرح ایدله لر ایدمی
 حدیث مشریفه کلدیکه * لا یموت احدکم الا و هو یحسن الظن بالله
 یعنی موت و قنده سزدن هر بریکر حق تعالی به حسن ظن ایدله رک تسلیم
 روح ایلله دیمکدر علمای کرام رجهم الله تعالی بیوردیلر که کشنک صحتده
 خوفی رجایه غالب اوله لکن اولوم و قنده رجایه خوف اوزرینه غالب اولوب
 حق تعالی جیع کلاه لریمی صغیره و کبیره بی عفو و مغفرت ایدر دیو
 ظن ایدله رک تسلیم روح ایلله و ذکر الله مشغول اوله غیریدن فارغ اوله
 و دخی یاننده حاضر اولان اخوانم بنم ایشلدیکم حسنامی سویلبوب شویله
 و بویله حسنامک واردر سکا حق تعالی رجته و مغفرت ایدر دیله لر ایدمی
 معلوم اولسونکه اگر حقوق اللهیدن و حقوق عباددن اوزرنده برنسنه
 یوق ایسه و صیت ایتک مستحدر واکر و ازایسه و صیت و اجیدر و اعجا
 فی زماننا هیچ برکسه وارمیدر که بویکی قسم حقوقی حال خیانتده ادا
 و طول عمرنده اعمال صالحه ایله عامل اولوب بو حقوقلرک جمله سنی برینه
 کتورمش اوله وقتا که چوق کسه لر واردر که آخرته کیدر کن خلاف شرع
 شریف و صیت ایدوب معصیت ایشله رک ختم اولنور ایدمی و صیت شرعیه
 بو محله ذکر اولتاندرو دخی روایتلرده کلدیکه بر مؤمن و صینسنز ایکی کیجه
 خالی اولق حلال دکلد و کیمکه و صیت شرعیه ایدوب تسلیم روح ایلله
 ملت محمدیه و شریعت احمدیه و سفت نبویه اوزرینه ختم اولنوب سعادت
 ابدیه به نائل و شفاعت محمدیه به اصل اولور واکر و صینسنز کیدر ایسه

العباد بالله تعالى معصيت اليه ختم اولنوب عالم ارواحده كندويه سويلكه
 اذن اولماز ودخی كلمه شهادتی تلقین ایدر اصل مسنون اولان تلقین بودر
 نته کیم حدیث شریفدره * لقنوا موتا کتم شهادة ان لا اله الا الله * یعنی موتی
 قریب اولانریکزه کلمه شهادتی تلقین ایدیکز و خاطرینه کتوریکزدیمکدر
 بآئمه ایشیده جک مقداری سويلوب لا اله الا الله محمد رسول الله اشهد
 ان لا اله الا الله وحده لا شریک له و اشهد ان محمدا عبده و رسوله دیهلر
 کلمه شهادتی دیو ابرام ایتیهلرا کر برکره اولسون دیرسم نه کوزل دیمن ایسم
 اول سکران و ثقلنی جانده بکا دی دیو تکلیف ایتیه لر زیر صحتده
 هر زمان کلمه شهادتی دیدیکم کفایت ایدر اولوم زمانی غیری وقته
 قیاس اولماز اول وقته انسان نه لر کوزر ونه ثقلنر ونه آجیلر چکر اولوم
 آجیبی بیک کره فلیج ایله اورمقدن آجیدر کلمه توحیدی دیدیکمن
 صکره اکر بر آخرسوز سويلر ایسم تکرارجه کلمه توحیدی تلقین ایدر
 سويلر ایسم اول دخی کافیدر تا کیم آخر کلام کلمه توحید اوله نته کیم
 روایتده کلدی که * من کان آخر کلامه لا اله الا الله دخل الجنة * یعنی
 برکسه نک آخر کلامی لا اله الا الله اولسه جنته کیر ودخی آخرته کیدر کن
 بر مؤمن لا اله الا الله دیه جانی راحت بولور و یوزی منور اولور و جان آجیبی
 دویمز و کندویه سرور و یره جک رحمت ملائکه سنی کوزر و آخرته اکانور
 اولور و یا نمده اخوان قلبیری ایله ولسانلری ایله نضر علر ایدوب بکا خیر دعا
 و سعادت و ایمانله ختم اولمقغنی حق تعالیدن نیاز ایدر اول دعا یه
 حاضر اولان ملائکه آمین دیرر دعا و نیاز زمانیدر خالی و غافل دورمیهلر
 و امور دنیا سويلر همان حق تعالینک رحمت و اسعمن سنه و بغفرت
 عظیمة سنه و رسول کائنات علیه افضل الصلوات و اکل التحیات شفاعت
 کریمه سنه متعلق کلام سويلر * شفاعتی لاهل الکبائر من امتی
 حدیث شریفی کبی ودخی تذکیر ایدر تو به ایتکی خاطریمه کتورهلر
 و استغفار ایتکی چونجه سويلر زیر روایتده کلدیکه حق سبحانه

وتعالی مؤمنک توبه سن قبول ایدر جان حلقومه کلوب غرغه منزله
 وارمادجه ائمدی یانمده دیه لر که جله کاهلره توبه ایتدم رجوع ایتدم
 استغفر الله العظیم اوله کیم بن دخی موافق ایدوب توبه واستغفارايدم
 ودخی خاطر بید کتوره لر بدیمی تطهیر ایتکی و باش قازیمغی وقولن قلن
 یولمه بی وقاسق یولمه بی و تراش ایتکی و بیق قرقاغی اکر صفالی تراش
 ایسه صفالی قویو ویرمکی و ظرفانی کسمکی و سار سننت اولان نسنه لر
 ایتدورم لر زیرا بونلر حال حیاته اولور اولد کد نصرکه ایدلمز
 زیرا مؤمنلرک صاغله ننده زینلریدر مؤمن نصرکه اکا حاجت یوقدر
 و ممکن اولور سه غسل ایتدیره لر اولماز سه ابدست ایدیره لر ممکن
 اولماز سه تیم ایتدیره لر شرح الصدور کما بنده مرض موت وقتنده
 سوبلسی فائده لی اولان کلام یابنده ذکر اولندی که امام مجاهد رحمه الله علیه
 یوردیکه ابن عباس رضی الله عنهما بکا نصیحت ایدوب صاقن ابد سنسن
 اویخویه یاتمه زیرا ارواح نه حال اوزره قبض اولنور ایه اول حال اوزره
 بعث اوتور ودخی انده ذکر اولندی امام طبرانی اخراج ایدوب حضرت
 انس رضی الله عنه روایتله رسول کائنات صلی الله علیه وسلم یوردیکه
 هر کیمکه ملک الموت اکا کلام ابدست یله بولنه شهادت مرتبه سنه
 نائل اولور یونم قبله دن یکا دوندورم لر صاغ جائمه یاتوره لر زیرا ملائکه
 اول جانبین ظهور ایدر لر و یانمده کوزل قوخولی بخور یاقه لر بد قوخولری
 کیده لر ائمدی بوزمی قبله یه قیز شو ایدوب صاغ طرفه یاتور مق
 ستقدر قبرده یانمده حاله موافق اولد یغیچون متأخرین یوردیلر که ارقه
 اوزرینه یاتوروب یاقلری قبله یه دوغری اوزادوب باشی بر مقدار یوکسک
 اوله بوزی قبله یه قرشوکک ایچون یودخی جائز اولور روح تسلیم ائک
 بویلمه آسان اولور سوره یس اوقویه لر شرح الصدور کما بنده باب
 ما یقال فی مرض الموت مذکور در که رسول الله صلی الله علیه وسلم
 یوردیلر که مرض موده خالت نزعده اولانلرک یانمده یس اوقوکوز ائمدی

حال مومنه بائمه عورت و اوغلان و صبيان قوميدل جزع و فزع ايتميدل
 فرياد ايله اغله يه لر احوان صالحين بائمه حاسر اوله لر قلبلريه
 توجه ايدوب بو حقير ايچون سلامت و ايمانله ختم اولمق و شر شيطاندن
 نجات طلب ايدله لر حق تعالى جله مزي شرندن امين ايدوب ايمان
 و اسلام ايله سلامت و سعادت ايله ختم ايدله امين بجه سيد المرسلين
 روح قبض اولدوقده كوزلر عي قيه يه لر و حكيمى باعليله زير مستحيدر
 براسكره يه بخور قوبوب اوج كره يابش كره يايدي كره اطرافيه دور
 اينديره لميته اكرام ايچون و مر دار ايچولر دفع ايچون بودخى مستحيدر
 لطف ايدوب كوزل قوخولر چو بجه ايدله * فائده * بو محمله بر مقدار
 موعظه و نصيحت ذكر اولمسي و قبض روح كيفيتي وارواحك مكانلري
 ذكر اولماسي مناسب كوردلدى تاكيم تفسير و حديث كانلريني مغلطعه دن
 عاجز اولان اخوان فائده دن و شغفتدن خالي اوليدلر و آخرت ايچون
 چالشه لر دنيا يه باقوب الدائميه لر علم بحاله و اخلاق حيده يه و اعمال
 صالحيه و سائر خيرات چالشه لر و بو محمله ذكر اولنان حديث شريفلر
 و سائر منقوللر شرح الصدور كتابندن المنشدر ايمدى جله عقلايك
 معلوميدلر كه هر جا بلوره اولوم كلسه كر كدر اكا هيچ علاج رجاره اولماز
 نته كيم ديتلشدر ييت * مال لطيب يموت بالداء الذى قد كان يشق
 مثله فيما مضى هلك المداوى و المداوى والنذى جلب الدواء و باعه
 و من اشترى يعنى نجب نسنه اولدى اول طيبيله كه خسته لك مرضنه
 علاج ايدوب صحنه سبب اولمديغي مرضدن كندولر آخرته كيدلر
 علاج ايدن طيبيلر و معالجه اولنان خسته لر و اوزاق مملكتلر دن دولري
 كتورن بازر كانلر و اجزالي و معجونلري صانانلر و آلانلر بولمك جله سي
 مونه چاره بولمايوب آخرته كنديلر ديمكدر جهانده پادشاه اولوب حسابلر
 خزينه لره و هسكرلره و نجه مملكتلره و بتون جهانده حكم ايدلمك جله سي
 چاره بولمايوب عاقبت جان و يروب قبرلري دخی غائب اولدى ايمدى عالم

اولان بونلرك احوالندن عبرت الوب انواع طاعات وعبادات و خيرات
جليله به سعي ايدر و دنيا نك زينت فائده سنه طالب و حريص اولماز
شرح الصدور كائنده نذير الموت بابتند ذكر اولنديكه بعض انبياء عليهم
السلام ملك الموت سوال ايليوب سنك خبر ويريجه بيلرك و ارميدركه تاكيم
ناس سندن خبردار اولوب كاھلر دن حذر و موتدن خوف ايده لر
ملك الموت جواب و ير مش كه بنم چوق خبر جيلرم واردن قدر مرضلر
واغريلر وار ايسه وقوجه لق بنم خبر جيلرم درا كر بر كسه بونلردن
عبرت الماز ايسه وقوبه كار اولماز ايسه بن اكا كلديكم زمانده شوله
دير مكه بري بري اردنجه خبر جيلركه ديمي نيچون غفلتده قالدك ايمدي
بن برخبر جيم كه بند نصكره سكا خبر ويريحي يوقدر معهود كائنده باب
علامه خاتمة الخيرده مذكور در كه امام ترمذي و حاكم اخراجيله حضرت
انس رضي الله عنه روايدله كه رسول صكائات صلى الله عليه وسلم
بيورديكه حق تعالى بر قولنه خير مراد ايلسه اتى استعمال ايدر سوال
اولنديكه نه وجهله استعمال ايدر جواينده بيورديكه موتدن اول عمل
صالح اشل مكه توفيق ايدر و دخی باب ككيفية الموتده حق سبحانه
و تعاليدن نقل طريقيله ذكر اولنديكه حق تعالى بيورديكه بن بر قواومي
آخريده رحمت ايتك مراد ايلسم انك كاھلرينك جزاسنى اكا دنباده ايدرم
جسمنه مرض واهلنه واولادنه مصيبت و ير مكله و زرقنى و معيشنى طار
ايتكله و اكر بوند نصكره بعض كاھلرى قالور ايسه اولومى اكا شدتلى
وزجلى ايدرم تاكيم آخريده كاھلر كلوب رحمت و درجه عظيمة به نائل
اوله عزتمه عيى ايدرم مكه اكر بن بر قولومى عذاب ايتك مراد ايلسم انك
حسنا نك جزاسنى دنباده ايدرم جسمنه صحت و ير مكله و زرقنه
وسعت و معيشنه وسعت و ير مكله واهلنه واولادنه امن و راحت و ير مكله
واكر بوند نصكره بعض حسندسى قالور ايسه اكا اولومى آسان ايدرم
تاكيم حسنه لرينك جزاسنى تمام كوروب آخريده حسنه سز كلوب ممكن

نازحجیم اوله دخی اول بایده نوادر الاصول تخریحیله سلمان فارسی
 رضی الله عنه روایتله ثابت رسول کائنات صلی الله علیه وسلم پیوردیکه
 اولوم حالنده اولانک اوج نسنه سنه نظر ونجربه ایدیکز اصکرانی
 ویکافلری درلرایسه وکوزلندن یاش اقرارایسه وپورنی دلکری شهبوب
 اچیلورایسه اکا الله تعالینک رحنی نازل اولمشدر واکرکچ دوه کی
 خورلارایسه وپوزینک رنگی زیاده صولارایسه واغزینک طرفلری
 کوپورایسه اکا الله تعالی دن عذاب نازل اولمشدر ودخی معهود
 کابنده قبض روح ایتمکله کلان ملانکه بی ومحتضر احوالی ذکر ایتدیکی
 بایده ذکر اولندی ابن ابی الدنیا وابن منده اخراجله جابر بن عبدالله
 رضی الله عنه پیوردیکه برکسه رسول الله صلی الله علیه وسلم سؤال
 ایتدی حق تعالینک * لهم البشرى فى الحياة الدنيا وفى الآخرة
 آیه کریمه سندن رسول الله صلی الله علیه وسلم پیوردیکه اما حیات
 دنیاده کی بشارت اولدر که مؤمنلره کوزل رؤیا کورینور انکله فرحلتور
 اما آخرتده کی بشارت اولدر که موت وقتنده بشارت اولنور که حق تعالی
 سکامغفرت ایتدی وقبره دکن سنی کتورنلره دخی مغفرت ایتدی دیو اولان
 بشارتدر ودخی امام مجاهد بو یلجه تفسیر ایتمشدر حق تعالینک * ان الذين
 قالوا ربنا الله ثم استقاموا * الا يذآيت کریمه سنده اولان بشارتی
 موت حالنده اولان بشارتدر دیمشدر ودخی امام سفیان پیورز که
 اوج محلده بشارت اولنور اهل ایمانه موت حالنده قبردن بعث اولدقده
 فرع اکبر واقع اولدقد ودخی بشارته متعلق روایات جوقدر ودخی
 ملک الموت مؤمنک روحنی قبض ایتمکدکله ربه سکاسلام ایتدی دیو
 خبر ویرنته کیم ابن مسعوددن بویله روایت اولندی ابن ابی شهبه وابن
 ابی خاتم وابن ابی الدنیا وحاکم دخی صحیحدر دیدی وامام بیهقی
 شعب الایمانده تخریح ایتدیلر وامام سیوطی معهود کابنده ذکر ایتدی
 جله سنی براء بن عازبدن رضی الله عنه حق تعالینک * تحیتهم يوم یلقونه

سلام * آیه کریمه سنده بیوردیکه مؤمنان فغان ملک الموتی کوردکلی
 زمانده هر پرمؤمنک روحنی قبض ایتدکده سلام ویرودخی ابن المبارک
 وامام بیهتی شعبنده وابوالشیخ کتاب العظیمه ده وابوالقاسم ابن منده
 کتاب الاحوالده ذکر ایتدیلر محمد بن کعب القرطبی دن اولدخی شویله
 بیوردیکه مؤمنک جانی خلقومده جمع اولدیغی زمانده ملک الموت اکا
 سلام ووروب السلام علیک یا ولی الله حق تعالی سکا سلام ایدر دیسه
 کر کدر دیوب صکره بو آیه کریمه بی اوقودی * الذین تتوفاهم الملائکه
 طیبین یقولون سلام علیکم * الا آیه ائدی بو محله ذکر اولنا نلری
 طالب ایدن حدیث کابلرینه نظر ایلسون شرح الصدور کبی ودخی
 حق تعالینک سوکلوقوللرینه اولوم غایتده صفادر زیر اراحت ورجت
 ودرلو کرملر و مبارک مقابلر وارواح سعدا ایله کور شمتک موندن صکره
 اولور ائدی موت حالده هر کسک رفیق لری وحاضر اولدیغی مجلسلر
 اکا کورینور اگر علم مجلسلرینه حاضر اولوب نلایه رفیق اولمش ایسه
 اول حالده اکا زینتلی علم مجلسلری وزمره علما کورینور واکر خبیث
 کسه لایله یاران اولوب خبیث مجلسلره وارر ایسه اوله خبیث محفلر
 وشیطانلر کورینور ودخی کراما کاتین ملائکه سی کورینور اکرا اول کسه
 خیری محفلره کیدوب و خیری کلام استماع ایدر ایمش ایسه یاننده اولان
 حفظه ملائکه سی دیه لکه حق تعالی سکا رجت ایلسون و سندن
 راضی اولسون سنک ایله ییله خیری مجلسلره واروب بزره خیری کلاملر
 ایشتدیر ایدک فتی جوق کره عمل و علم مجلسلرینه کیدوب بزرلی خیری
 مکانلره کتورر ایدک بزنسندن خوشنود ایدک حق تعالی دخی سندن راضی
 اولسون دیلر واکرا اول کشی فسق مجلسلرینه واروب مکروه کلام دکلر
 و سوبلر ایمش اولور ایسه موت حانده حفظه ملائکه سی دیه لکه
 حق تعالی سندن راضی اولماسون بزنسندن اذیت چکر ایدک فتی جوق
 زماندرکه بزی شرلی مجلسلره کتوروب شرلی کلاملر ایشتدیرر ایدک

حق تعالی سکاخیر و یرمسون شمیدی عمرک تمام اولوب سندن خلاص
اولدق دیه ابن ماجه اخراج ایتدی ابو موسی دن اول دیدیکه رسول الله
صلی الله علیه وسلم دن سؤال ایلدمکه کشتی نه زمانده یاتنده اولانلری بیلن
اولور جوابنده ییوردیلرکه معاینه ایتدکده یعنی ملک الموتی و سائر ملائکه بی
کوریدکده دنیا خلقی آنک کوزندن غائب اوور ایمدی برهؤمن فغان دنیا دن
انقطاع و آخرته اقبال زمانی اولدقدده اکا کوکدن رحمت ملائکه سی
کلور بشپوز قدر یوز لری بیاض کونش کچی منور و انلرده جنت
حریرلندن بیاض حریر اوله و جنت طیلرندن طیب اوله تا کیم کلوب
اول مؤمنک اطرافنده کمال ادب ایله او توره لر صکره ملک الموت کلوب باشی
او جندره او توروب دیه که * یا ایته النفس المطمئنه * حق تعالی نیک
مفقرته و رضاسنه کل جسد دن طشره چیق حق تعالی سندن راضی
ودخی سنده اندن راضی اولدیفک حالده مملکت جنته و سعاده و اصل
اول دیه روح دخی بویله مژده بی و بشارتی ایشیدوب جسد دن سهولت ایله
چیقوب ملائکه انی اخذایدوب اول بیاض حریر باسی کیدیره لر و طیب ایله
انی کوزل قوخولی ایدله که مسکدن زیاده قوقر اوله ملائکه انی الوب کو که
طوغری کتوره لر نقدر ملائکه جماعته اوغراسه لر اکا آشنالقی ایدوب
کوزل ادا ایله سویلر لر تا کیم دنیا کوکینه واروب کوک قیوسی آچیلوب
ملائکه اکا اکرام ایدوب تعظیم ایله اشنالقی ایدله هر بر کوکده بو منوال
اوزده اکرام کوروب یدنجی قات کو که واره لر ملائکه آتی حق تعالی یه
عرض ایدله لر حق سبحانه و تعالی پیوره که بو قواومک آدن اهل ایمان
دفترینه و اهل جنت دیوانه یازیکوز و علیینده کی کابه قید ایدیکوز
و کیویره اندروب جسدی یانته کتوریکوز برابن قوللری می زایدن براندم
وینه طیراعه قورم و تکرار طیراقدن چیقاروب محشره کتورسم کر کدر
دیه پس ملائکه فی الحال روحی جسد نه کتوره لر متکرون کیر کلوب ربک
کپیر دیه لر اول دخی الله در دیه انلر دخی دینک نه در دیه لر اول دخی

دین اسلام در دیه و دیه که شول پیغمبر که آخر زمانده کلوب دین اسلامی
 اظهار ایدوب و اکا کو کدن قرآن عظیم الشان نازل اولدی سن اکانه کونه
 اعتقاد ایتدک اولدخی دیه که اول پیغمبر حق تعالینک حق رسولیدر
 بن اکا ایمان کتوردم انلردیه ل ندن بیلدک اولدخی دیه بن قرآنی او قوم
 ایمان کتوردم و تصدیق ایتدم دیه پس کولک جانبدن برندا کله بومؤمن
 طوغری سویلدی صادقدر جتدن اکا سندس واستبرق دوشکاری
 کتورک و اکا جنت قفتانلری کیدیرک و جنت جانبنه طوغری بر اعلا فابو آچک
 اکا جتدن رایحه طیبه ل و رجتلر کلوب قبری کوزایری قدر بویک اولوب
 ایچی رجتله و رایحه طیبه ایله و نور ایله طولولوله روضه ل و کوشکر پیداوله
 یوزلری کوزل و لباسلری کوزل کسه ل کلوب کوزل رفیقلاوله ل اولدخی
 سزلر کیملر سز دیو سؤال ایده انلردیه ل که بزلر سنک خلوص ایله سووب
 ایشلیدیکنک عمل صالحلری کوز دیه ل علماک علمی قبرنده نور اوله هر طرفندن
 کوزایری می قدریر ل کیک اوله اللهم یسر لنا السعادة العظمی والعزة
 الکبری ووسع قبرنا و نور مرقدنا واجعل اعمالنا الصالحة خیر رفیق انت
 ولی التوفیق ونعم الرفیق ودخی برکا فردنیادن انقطاع و آخرته اقبال
 زمانی کلدکده اکا کو کدن عذاب ملائکه سی کاور سیاه و هیبتلواغر ل نندن
 و بور نلرندن آتشلر چیقار و انلرده اسکی پلاس پارچه سی وارد ل که
 روحنی اکا صاره ل ایمدی اول ملائکه کافرک اطرافنی آلوب طوره ل
 آند نصکره ملاک الموت کلوب دیه که یا ایتها النفس الحیثه شمسی
 جسد کدن چیق و الله تعالینک غضبته و عذابنه و اصل اول دیوب یوزنه
 و ارقه سنه ضرب ایده رک غایتده اذیت و شدت ایله طشره چقاروب اول
 پلاسه صاروب مردار جیفه کی قوقه رق کو که طوغری کتورب نقدر
 ملائکه به راست کلسه ل سؤال ایدوب بومردار روح خینه کیمدر دیه ل
 قبض ایدن ملائکه دیه ل که فلان بن فلان کافرک روحیدر دیوب کوتو
 اسمبله خبر ویره ل انلر دخی اکا لغت ایده ل تا کیم دنیا کو کینه واروب

قابوی دق ایدہ لر قابو اچلمہ پس حق سبحانہ و تعالی بیورہ کہ بوکسہ
 کافر درانک اسمنی کافر لر و اهل نارد فترینه یاز یکوز دیوب سحینه طوغری
 آلمک روحنی شویله شدنله آنه لر که یدنجی قات برالته واقع اوله پس روحنی
 جسدنه کتوره لر منکر و منکبر کلوب ربک کدر دیه لر اول دخی شاشیر وب
 هاه هاه بیلیم دیه دخی دینک نه در دیه لر اول دخی هاه هاه بیلیم دیه دخی دیه لر که
 آخر زمانده مرسل اولان پیغمبر نه اعتقاد ایدر دک اول دخی هاه هاه بیلیم دیه
 انلر دخی اکا دورلو عذاب ایدہ لر کوکدن برندا کله که اول کافره جهنم
 آتشی کتور ب قبرنه طولدورک و اکا جهنمدن بر قابو اچک جهنم حرارتی
 و یالکی اکا هجوم ایدوب قبری طولواتش اوله و انده معذب اوله و قبری
 طار اولوب اکا کوکری بری بریند قاریشه واکا چرکین و سیاه کسه لر
 کلوب کندیلری و لباسلری چیغه دن زیاده قوقار اوله اکا رفیق اولوب
 دیه لر که بزرلر سنک ایشلدیکک کوکوتو عملر یکر زدییه لر نعوذ بالله
 من شرور انفسنا و من سبئات اعمالنا و ان نفتن فی قبورنا و دخی روایتلرده
 کلدیکه بهر کسه نک کوکده ایکی قابوسی وارد برندن رزقی نازل اولور
 و برندن خیر عملی یوقاری چیقار وفات ایتدکده قابو قپانور مؤمن آخرته
 کتدکده نماز قیلدینی و سجدده ایتدیکی محللر برلرینه ندا ایدوب
 فلان مؤمن وفات ایتش دیوب بکا ایدہ لر کوک دخی اغلیه قنده بر سجدده
 ایتش ایسه اول دخی اغلیه بر دییه که بنم اوزرمده بومؤمن خیر و طاعت
 ایدر ایدی کوک دیه که بومؤمنک طاعتی بندن چیقار ایدی و دخی
 عبادت ایتدیکی مکانلر قیامت کوننده حسن حالته شهادت ایدہ لر و دخی
 بر مؤمن روح تسلیم ایتدکده سائر ارواح مؤمنین اکا کلوب بیلدیکی اقر بالزندن
 و دوستلرندن سؤال ایدر لر فلان کسه نیجه در دییه لر و اولاد لرندن
 و خانه لرندن جمله سندن سؤال ایدر بحر الکلام کتابنده شویله ذکرا و لندیکه
 اراواح درت بلو کدر ارواح انبیا علیهم الصلوٰۃ والسلام جسدلری
 صورتنه کیروب مسک و کافور مثللی رایحه طیبه صاحبی اولوب جتده

ییوب ایچر لر و دورلو نعمت ایله تنم ایدر لر کیجه وقتی کلد کده عرش اعلی
 الشده نورانی معلق قندیلر کیر لر ارواح شهدا جسدلر ندن چقد قدده
 یشل قوشلر قورصاقلر ندن اولوب جشده ییوب ایچوب دورلو نعمت لر ایله
 تنم ایدر لر کیجه زمانی اولد قدده عرش اعلی الشده نورانی معلق قندیلر
 کیر لر اهل ایمانک مطیع لرینک ارواحی جنت باغچه لر ندن و باغ نعیم ایچا لر ندن
 ذوق و صفا ایدر لر لکن یمزلر و ایچمزلر همان جنتلر و دره جهلر نظر ایدر لر
 اهل ایمانک عاصیلرینک ارواحی کولک ایله برار اسنده هواده اولور لر اما کفارک
 ارواحی سحین ایچنده سیاه قوشلر قورصاغلر ندن بدی قات یرا کتنده معذب
 اولور لر جسدلرینه متصلدر جسدلرینه الم و عذاب حاصل اولور د یو
 بو بلجه مذکور در ایمی اکر بورج ایله کیدر ایسه محبوس اولور تا کیم
 دنیاده وار ثلری ادا ایدنجیه د کین اهل ایمانک کوچکدن کیدن چو جفلی
 جشده در کبسی حضرت ابراهیم پیغمبر علیه السلام یاننده و کبسی اهل
 ساره رضی الله عنهم یاننده تربیه اولور لر آخرتده انالری نه و بابا لر نه تسلیم
 ایتسه لر کر کدر ودخی عذابدن نجات بولوب نعمته نائل اولان ارواح
 بو برلرینه ملاقی اولوب زیارت ایدر لر امام احمدک مستندیه کعب بن مالک
 روایتله ثابت اولان حدیثده شویله در که * نسمة المؤمن طائر تعلق من شجر
 الجنة حتی یرجعه الله الی جسده یوم یبعثه * یعنی مؤمنک روحی اوچو جیدر
 و جنت اغاچلر ندن میوه لر ییوب ذوق و صفا اوزره اولور تا کیم حق تعالی انی
 قیامتده جسدینه ادخال ایدنجیه د کین پس حافظ ابن کثیر رحمة الله علیه
 یور مشلر که بو حدیث شریفده جمله مؤمنلر مژده لر واردر که انلرک
 روحلری جشده سیران و تماشا ایدوب ییوب ایچر لر ودخی یومعنایه موافق
 نیجه حدیث شریفلر وار در اما معذب اولانلر ایچون د کلد ز یرا انلر
 محبوسلر و معذبلر در ودخی شهدادن بر طائفه دخی واردر که انلر جنت
 قابو یسی یاننده بارق نامنده اولان ارقاق اطرافنده یشل قسه لر اکتنده
 ساکن اولوب انلر جشندن هر زمان رزق کلور دنیاده اولان کسه لرک

ایندک لری عملری آخرنده اولان اهل سعاده عرض اولتور نجم الدین
 رساله سنده وسائر حدیث کتابلرنده ذکر اولندیکه امام ترمذی نوادر
 الاصولده تخریج ایلدی عبدالغفور باباسندن اولدخی جعدندن روایت
 ایندیکه رسول کائنات صلی الله علیه وسلم سعادتله پیوردیکه * تعرض
 الاعمال یوم الاثنین و یوم الخمیس علی الله * اعمال دفتر لری بازار ایتسی
 و پنجشنبه کونلری حق سبحانه و تعالی به عرض اولتور * و تعرض صلی الانبیاء
 و علی الاءاء و الامهات یوم الجمعة * پیغمبر لره و بابالره و آنالره عرض اولتور
 جمعه کوننده * بیفر حون بحسناتهم و تزداد و جوههم اشراقا * انلر
 حسناتلرنندن فرحلتورلر و یوزلر ینسک نوری و بشاشنی زیاده اولور
 و اولادلر ینک اعمال صالحه سندن اقتضایدرلر و راضی اولورلر * فاتقه الله
 و لاتوه ذوا امواتکم * پس ایمدی حق تعالیدن قورقکنز کاهلر ایشملک الله
 موتالریکنزه اذیت ایتمک و انلری محزون ایتمک رساله مذکورده مسطور درکه
 ابوایوب رضی الله عنه قسطنطنیه یه غر ایندکده اهل اسلامدن برکسه
 نصیحت ایدوب دیدیکه برکسه صباح زماننده بر عمل ایتسه اخشام اولدقدده
 آخرنده اولان اقر باسنه عرض اولتور و اخشام عمل ایتسه صباح اولدقدده
 اقر باره عرض اولتور دیدکده ابوایوب بو نصیحتی ایشیدوب دعاء ایدوب
 دیدیکه یارب سکا صغفورم آخرنده اولان اقر بالرمندن که عبادۀ بن
 الصامتدن و سعد بن عبادۀ دن انلر آخرنه کنتدکن صکره ایندیکم
 تقصیرات ایله انلره بناء غضب ایتیه لر دیدی ایمدی امام سیوطی رحه الله
 علیه شرح الصدورده ذکر ایندیکه عذاب قبره متعلق اولان حدیث
 شریفلردن بر مقداری بو محله ذکر اولغنی مناسب کورلدی باذن الله تعالی
 رجم بو عبد فقیری و سائر دوستلری عذاب فبردن و شدائد محشردن
 حفظ ایلیه آمین بحرمه النبی الامین یئسونمازندن غفلت ایدلره و سائر
 نمازلری وقتی ایله فیما یوب وقتک غیریده قیلانلره ملائکه انلره یوک
 سیاه طاشلر ایله اوردرلر دماغلری بر طرفه و طاش بر طرفه دوشوب تکرار

باشلری باتوب یتہ طاش ایله اورورلر بومنوال اوزره معذب اولورلر اهل
 اسلام اراسنده قووجیلیق ایدنلری ملائکه دمردن برآکت ایله اغزلر یتہ
 صوقوب صاغ طرفنه وارنجه ایکی پارچه ایدوب صکره اغزینک صول
 طرفنه صوقوب صول قولاغنه وارنجه ایکی پارچه ایدرلر تکرار اغزلری
 بتوب یتہ بومنوال اوزره معذب اولورلر ربوا اکل ایدنلری قاندن بریوک
 ارماق ایچنده محبوس اولوب آتشدہ تجره قینارکی قینایوب ارماق اطرافنی
 ملائکه احاطه ایدوب اللرنده طاش کی قتی نسنه لر وارد رچان بریسی
 ارماقدن طشره چقسه ملائکه آتشدہ کنی اکا طوغری آتشدہ اغزینه اوروب
 قان روان اولور تا کیم ارماعک اشاغیسنه طوغری اقام بومنوال اوزره
 معذب لردر وانلرک قارنلری یوک اولوب تا کیم بریسی براوطه قدر اوله قالمقی
 ایستسه یقیلوب اشاغی دوشه ودخی لواطه ایدنلر فاعلاری ومفعوللری
 بریوک اوطه کی بر مکان که اشاغیسی یوقاروسندن طاره جق اوله ائک ایچنده
 وجودلری چلاق اشاغیلریدن آتش قیرزیر یلوب انلردن مردار وقوقار
 رایحه لظه ور ایدر بویله شدید آتش ایله معذب اولورلر دخی زنا ایدنلری
 بریوکسک قره دپه کی برده جله سی چلاق اول محبلده محبوس اولوب
 اشاغیلریدن دبرلری دلکلریدن آتش افور یلوب اغزلرندن و بورنلرندن
 وقولاقلرندن و کوزلرندن چیقار وانلردن مردار قوقولر حاصل اولور
 بوکونه معذب اولورلر و زنا ایدن عورتلری مہ لرندن اصارلر و بوکونه
 معذب لردر دخی یتیم مالنی ظلم ایله اکل ایدنلری دودقلری دوه دوداغی کی
 یوک وصار قش اغزلری اچیلوب آتشلری لقمه کی اغزلرندن ایچرو
 صوقوب بوغازلری وقارنلری آتش ایله طولوب تا کیم اشاغیلرندن
 و دبرلرندن چیقار بوکونه معذب لردر و دخی خلقی غیت ایدوب طعن ایدنلری
 ایکی طرفلری انلرندن قویار یلوب اغزلریننه لقمه کی ادخال اولوب
 وانلر دینور که بونی اکل ایت ننه کیم دنیاده دین قرنداشکک اتی اکل
 ایدر ایدک ودخی زکوة و صدقه و یرمینلره دوه دیکنی وزقوم وجهنم

طاشلرینی اکل ایتدیررلر وعذاب هر طرفلرینی احاطه ایدر دخی دورلو
عذاب واردر که اهل کبار و اهل فسق ایچون اول عذابلر ايله معذب
اولورلر که حق سبحانه و تعالی جله مزه مغفرت ایدوب عذابدن وحسابدن
آزاد ایلنه آمین شرح الصدورده امام ترمذی اخراج ایتدی حذیفه
حضر تدن شویله بیوردیکه * فی القبر حساب و فی الآخرة حساب * یعنی
قبرده حساب واردر و آخرتده حساب واردر * فن حوسب فی القبر یعنی
مککه قبرده حساب اولنه نجات بولور * ومن حوسب فی القباة عذب
مککه قیامتده حساب اولنه معذب اولور امام ترمذی بیوردیکه چنان مؤمن
قبرده حساب اولنه یارن ایشی آسان اولورز بر عالم بر زخده اموری
کور یلوب جزاسی ترتیب اولندقدده یارن قبرندن پاک قالقار اکر ایشی
و جزاسی آنده تمام اولور ایسه و اکر بر بقیه قیامتده قالور ایسه اولدخی
اهون اولور والله اعلم بحقیقه الحال و دخی بر کسه بر عمل صالح ایدوب ثوابی
بر کسه یه باغشلسه اکا واصل اولور و ارواح اهل ایمانه ملائکه کتوررلر
امام طبرانی با وسطنده تخریج ایتدی انس حضرت تلمینک ر وایتله رسول
کا ثبات صلی الله علیه وسلم بیوردیکه * ما من اهل بیت یموت منهم
میت فیتصدقون عنه بعد موته الا اهداها جبرائیل علیه السلام علی
طبق من نور ثم یقف علی شفیق القبر فیقول یا صاحب القبر العمیق هذه
هدیه اهداها الیک اهلاک فاقبلها فتدخل علیه ففرح بها و یستبشر
و حزن جبرانه الذین لا یهتدی الیهم شیء * یعنی بر خانه خلقتندن بره مؤمن
وفات ایلسه و انلر صدقه و خیر ایدوب ثوابی اکا باغشلسه جبرائیل علیه
السلام آتی نوردن بر طبق ایچنه قوبوب انک قبری کازندن ندا ایدوب
یا صاحب قبر سکاهلاک و اولدک هدیه کوندردی شونی قبول ایتدیدکده
اول دخی آکوبز یاده سیله مسرور اولور و اطرافنده اولان کندوره هدیه
کوندورلرین قشورلی محزون اولورلر دخی بونک کچی ر وایتلر چوقدر
آخرتده اولان اقر بالربنی او نوعمده لر ثواب کوندوره لر انلری محزون ایتیمه لر

اسقاط صلوة معلوم اوله که موتایه متعلق حقوق در تدر اولاً تجبیر
 وتکفین ثانیاً قضای دیون ثالثاً وصایا بالثلث رابعاً تقسیم ترکه بین الورثة
 ولی اقریم اولان بوندن مراد انجی اقریادن یک قریب اولاندر بابا کی یا خود
 وصی مختارم بر حلال کسلو کسه دن او چیوز اچمه استقراض اید
 بومثالدر بوخسه آندن نقصان یا خود زیاده اولسه ده جائزدر اکر یا نده
 بو قدر اچمه بولماز ایسه دورایله فدییه جائز اولور و قبولی موجودر اکر
 ثلث مالی فدییه وفایدر ایسه عیننی وصبت ایتک واجبدر ایتمز ایسه
 عاصی اولور و سائر ضررده دخی بویله در اکر وصبت چوق اولسه کبسی
 فرض و کبسی نافله اولسه و ثلث دخی جلهیه وفا ایتمسه فرض اولتری اجرا
 ایتک لازمدر و دخی اوزرنده قالمش نماز یا خود زکوة و یا حج و یا صوم
 و یا خود واجبلردن بیرام نمازی و قربان و ندور مالیه کی اولسه ده ثلث
 بوجلهیه وفا ایتمسه ثلث توزیع اولنوب ذورا و نور و دخی برکسه نک اوزرنده
 واجب اولسه لکن نمازندن بعضیلرنده فساد و یا کراهت احتمالی ایچون
 بر مقدار نسیمه ایله دور وصبت ایلمسه جائز اولور بر کون اور جی ایچون
 بصدقه فطره قدر فدییه ویره لر و بر وقت نماز ایچون دخی بویله در
 بغدادین یارم صاع و آریه دن و خورمادن و اوزمدن بر صاع ویره لر یا خود
 بهاسی قدر اچمه ویره لر ایکی فقیر صالح کسه جکله بوله لر که اهل
 طمع اولیه لر زنهار نصابه مالک اولیه لر زیر فقیر اولوق شرطدر ایکیدن
 زیاده اولسه ده مانع دکادر میتک اقریالزندن اولسه ده جائزدر فقیر اولدیغی
 تقدیرجه بو حقیر دن مستفید اولانلردن اولسه لزاولی در حقوق
 استادییه رعایت ایتد کلمر ایچون اهتمام و شرع شریفه تطبیق ایتلری
 ظن غالبدر بونلری برتنها یه ایلته لر اوچندن غیر کی کسه اولیه اول
 اولان بودر که جمعیت خاطر ایله اولوب یا کلقدن و مانعدن امین اولور اول
 او چیوز اچمه بی که او چیوز اچمه در حساب ایدوب قاچ کونلک نمازه
 معادل دو شرسه محمد بن پیرعلیه اول قدر نمازینک اسقاط صلوة

ایچون

ایچون شونی سکا و یردم دیه اولدخی الینه الوب قبول ایتدم دیه ایچدی
 قبول ایدیجک شرعه کندونک ملکی اولدیغ بیلدیره ل اکر مسئله بی
 بیلزایسه دوردن اول بیلدرسه ل اول و لور کرم لطف ایدوب امورمی
 جاهلره ایتدرمه ل اولدخی لطف ایدوب حسن اختیار یله اول فقیر
 آخره محمد بن برعلینک اسقاط صلا یچون شونی سکا و یردم دیه اولدخی
 الینه الوب قبول ایتدم دیه کندینک ملکی ایدیکن بیلد کد نصکره
 مصنف رجه الله علیه اهتمام ایچون بونی ذکر ایتدی زیرا آنک ملکی
 اولسه ده امانت یا خود عاریت طریقیله ویرسه ل اکا تملیک ایتسه ل دور
 باطل اولور و بالجه تملیک آنک واکا بیلدرمک شرطدر لطف ایدوب اول
 دخی قرینه اسلوب سابق ارزده ویره بو اسلوب معهود ارزده ۴۴ زمان
 عدد نه کوره تمام دور اید ل و لادتم تاریخی طقوز یوز بیکرمی طقوز جادی
 الاول سنک اونچی کونیدر و بو عبد فقیرک ولادت تاریخی بیک یوز او توز
 اوچ سنه سی رمضان شریفک اون ییجی جعه کیجه سی برنجی ساعتده
 واقعدر موتم تاریخی نه وقتده اولورسه اون ایکی ییلین حد بلوغ ایچون
 طرح ایدوب ایتدی ارککده اون ایکی ییل و نسوانده طقوز ییل حد
 بلوغدر دیو ذاهب اولان بعض فقها نک قوی احتیاطی اولدیغیچون
 مصنف بو قوی اخذ ایتدی اما بلوغ علامتی که ارککده احتلامدر
 و عورتده حیضدر ظهور ایتدیکی زماندر واکر بو علامتله ظهوری
 معلوم اولمازایسه ارککده و عورتده حد بلوغ اون بش یا شدن معتبردر
 دیشلر باقی نه قدر ییل عرم قالورسه دور اید ل قیلان نماز لرده فساد
 و کراهیت اولمق احتمالی اجلدن دورده داخل اولمق مناسبدر و تری ییله
 حساب اید ل اتی وقت نماز عد اید ل بر وقت نماز ایچون بشیوز بیکرمی
 درهم بغدادی حساب اید ل بو یارم صاعدر آریه دن و حرماندن بر صاع
 حساب اید ل که یک قرق درهم ایدر اسقاط صلوة دوری تمام اولیجی
 بر قاج دور فدیة صوم ایچون اید ل حساب ایدوب قاج کونک صوم

قالدى ايسه هر بر كوتك صومى ايچون بغدايدن يارم صاع آره دن
 وخرمادن برصاع حساب اولنوب دور اولنان اچمه نك حالته كوره قاچ
 كونلك صوم فديه سنى اسقاط ايدر ايسه او يلجه دور ايدى ل و برقاچ
 دور قالمش زكوة ايچون حساب اولنوب نه مقدار زكوة اسقاط ايدر ايسه
 اولقدر دور ايدى ل ز ياده جده اولور ايسه ضرر و يرمز و برقاچ دور قالمش
 قور بان ايچون و برقاچ دور صدقه فطرايچون و نذور ايچون و برقاچ
 دور حقوق عباد ايچون ايدى ل كسب فاسد و بيع باطل مثلى نسنه ل
 بونده داخلدر و برقاچ دور سائر ماوجب عليه ايچون ايدى ل و دخی تقدیر
 كفارات و ارايسه دور ايتك جائز دكلدر عيني و يرمك واجد رمثلا كفارت
 يمينه اون فقيره و كفارت صومده التمش فقيره بشيوز يكرى درهم
 بغدادى يا خود بهاسنى و يرمك كر كدر يا خود بر فقيره كفارت يمن ايچون
 اون كون و كفارت صوم ايچون التمش كون بشيوز يكرى درهم بغدادى
 يا خود بهاسنى و يرمك كر كدر دور ايتك باطلدر آند نصكره اچمه قانغى
 فقيره قالور ايسه اول لطف ايدوب حسن اختياريله و رضاسيله ولى
 اقربمه يا وصى مختارمه هبه ايدى اولدخى الله الو قبول ايتدم ديه اكر
 هبه ايتم ايسه كندونك ملكيدر زور ايله آلتماز آند نصكره ولى اقربمزدخى
 بوز اچمه سنى چيقاره اول ايكي فقيره اللبشر اچمه ويره بو صدقه نك
 ثوابن بو حقيره مخصوصا باغشليه ل * حفر قبر * آند نصكره ايكي كسه بوله ل
 قبر قازيچى اوله مسلمانلر مقابرده بر صالح كسه نك قبرى قيننده فاسقلر
 و ظالمرو جاهلر مزارلى ياننده اوليه زيرا كشي دنباده ابو قومشولردن
 مستريح اولوب يرامزلردن متالم اولديغى كي قبرده دخى بوله در ننه كيم
 ابو نعيم تخريج ايندى ابو هريره رضى الله عنه روايتله رسول كاشات
 صلى الله عليه وسلم بيورديكه * ادفنوا موتاكم وسط قوم صالحين
 فان الميت يتأذى بجار السوء كما يتأذى الحى بجار السوء * يعنى
 موتا كزى صالحلر قبرلى اور تاسنده دفن ايديكز زيراميت يرامز

قومشوايله متأذی اولور صاغ کشي برامز قومشوايله متألم اولدینی کبی
 قازمغه یکر میشر ایجه ویره لر بواجیه بی اصل مالدن ویره لر قبرک
 دریکلکی بو یوجمه اوله اینلولکی یار یسنجه اوله بو مختاردر بعض فقها
 شویله دیدیلر کداورته بویلو کسه نک کوکسنه دکین اوله بو ادنی مرتبه در
 وایچروسی وسعنی ککش اوله تمام قازلدقد نصکره قبله دن یکاسن قازه لر
 کودم صیغه جق قدر بلاغم کی ایده را کالحدیر لر اگر ممکن اولور ایسه
 مستحبدر تنه کیم حدیث شریفده * الحمدلنا والشق لغیرنا * وارد
 اولشد یعنی لحد بزم ایچوندر شق بزم غیر یلرمز ایچوندر ایمدی طپراق
 کوشک و یومشاق اولوب لحد اولماز ایسه طپراخی شق ایده لر بو صورتده
 تابوت ایله قومق جائز اولور اما عورتلر ایچون هر حالده تابوت مستحبدر
 دیدیلر تکفین آند نصکره کفته مباشرت ایده لر اورتیه بزلردن ایده لر
 اسراف ایتمه لر بیاض پنبه دن ایده لر زیرابوا حسندر دیمشدر بعض فقها
 بیرامده کیدیکی کبی اوله دیمشدر بعضیلر اکثر زمانده کیدیکی کبی اوله
 دیمشدر و الحاصل میت کوزل کفن ایله مسترور اولور کفنی اصل مالدن
 ایدملر اولره کوره سنت بودر که اوچ قسم اوله بریسی ازار و بریسی لفاقه
 و بریسی قبص یعنی کوملک بویندن ایاغنه دکین اورتیه و دخی کفایت
 بودر که ازار و لفاقه اوله و عورتلره کوره کفن بش قسم اوله ازار و قبص
 و خمار و خرقه و لفاقه و کفایت اوچدر ازار و لفاقه و خمار در کفن تمام
 دیکلد کد نصکره اطرافنه بخور کزدیره لر اوج کره یا خودیدی کره اسلوب
 سابق اوزره غسل میت آند نصکره یومغه مباشرت ایده لر یویه جق
 تحتی وضع ایدمل بعض فقها قبله یه طوغری اوزاده لر دیدیلر و بعضیلر
 یوزی قبله یه قارشو اوله دیدیلر و بعض اهل علم همان نیجه ممکن ایسه
 او یلجه ایده لر دیدیلر اگر ممکن اولور ایسه یوزمی قبله یه کتورسه لر کوزلدر
 اطرافنه بخور کزدیره لر بو اسلوب سابق اوزره میتی اوزرینه صکره
 قویا لر آند نصکره برصالح کسه یویه و بریسی دخی صوقوبه یو بان

کسه زیاده قریب خصم اولسه کوزل اولور یا خود بر صالح اهل تقوی
کسه اوله یانلرنده ایکسندن غیری کسه اولیه سنت اوزره یویه لر
ابوحنیفه مذهبنده ثابندن عربان ایتک کر کدر شافعی مذهبنده ثابیله
غسل ایتک کر کدر عورت محللری سزاید لر اول آبدست آلدیره لر الیرندن
باشله لر ابوحنیفه مذهبنده مضمضه واستنشاق اولماز شافعیه به کوره
ایتک کر کدر لکن باشه مسح ایتک بالاتفاق لازمدر تثلیث رعایت ایده لر
یعنی اوج کره غسل ایده لر راستند و صوبی قتی چوق دو کوب اسراف
ایتمه لر صاچم و صفالم خطمی ایله قینامش صوایله یویه لر یوق ایسه صابون
مثلی ایله یویه لر اوزرینه آخرد و کولن صویه کافور قته لر باشمه و صفالمه
حنوط و سجده به واران اعضا لرینه کافور قویه لر و کلاب ایله قویه لر
اگر جسد مدن برنسته چبقار ایسه همان آتی یا بقیه لر غسلی و آبدستی تکرار
ایتمه لر اولی افریمز لطف ایدوب اول باقی قلان اجه دن یویه و صوقوینه
مثلا یکر مبشر اجه ویره لر اند نصکره کفته صاره لر صلوة میت فرض
کفایه در اند نصکره نمازیم فلغه مباشرت ایده لر دو سنجیز له خبر ایده لر
جنازه ایله بیله کیدنلره نمازه حاضر اولانلرک هر بر آدم باشه بر قیراط ثواب
و یریلور اول قیراط احد طاعی قدر اوله قبرنه د کین کیدنلره ایکبشر قیراط
ثواب و یریلور کاهلرینه مغفرت اولنور درجه لر ی رفع اولنور دیوز وایتلرده
وارد اولشدر سعی ایده لر که نمازیم یوز کشی حاضر اوله خبرده کلدیکه
یوز مؤمن بر میت اوزرینه نماز قیلوب کا دعا و شفاعت ایلسه لر حق تعالی
قبول ایدر هیچ اولماز ایسه قرق باری حاضر اوله خبرده وارد اولدیکه
قرق شرکدن پاک مؤمن کشی بر میت اوزرینه نماز قیلوب دعا و شفاعت
ایلسه لر حق تعالی قبول ایدر و دخی نمازیم طوران جماعت اوج صفدن
اکسک اولیه آرتیق اولور سه ضرر و یرمز کوزل اولور حتی بدی کشی ده
اولور سه اوج صف ایده لر مستحب بودر روایتلرده کلدیکه بر مؤمن میت
اوزرینه اوج صف مؤمن نماز قیلسه لر حق تعالی اول میتنه مغفرت ایدوب جنته

قویسه کر کدر ایمدی اخواتم سعی ایده لر جنازه می جماعتی چوقی جامعہ
 کتور لر جنازه م کتور لده جهر ایله ذکر ایتمه لر و مؤذن یورغمه لر زیر
 فقهای کرام رحهم الله تعالی منع ایتمش لر در کتب معتبره لده مذکور در قبره
 ایلتد کده اخواندن بر صالح کسه قبریمه کیره کر بر کسه کفایت ایتمز ایسه
 کفایت قدر کسه لر قبریمه کیره لر اگر میت نسواندن ایسه ذی رحم محرمی
 قبرینه کیرمک اولی در اکر بولماز ایسه اهل تقوی کسه لر اولی در
 دیمش لر بو حقیری ایچروا ندیره لر لحدک ایچینه قویه لر بسم الله و بالله و علی
عنه رسول الله دیه لر بعض روایتده و بالله لغضی یوقدر یعنی یومنی
قبرنه قودق حق تعالی نیک اسم شریفی ایله استعانت ایدیچی اولدیغمر حالده
و حق تعالی نیک عون ایله و رسول کائنات صلی الله علیه و سلم ملتی اوزرینه
دیمکدر یونم قبله یه میل ایشدیره لر کفنک او جلر نی باغلو ایسه چوزه لر
واندن صکره کر بیچ ایله لحدک اغرنی بایه لر کرج و چامور ایله یا میبه لر و دیه لر که
اللهم یا الله اجره من الشیطان و من عذاب القبر یومنی شیطاندن
و عذاب قبردن حفظ ایله دیمکدر روایتلده کلدیکه قچان موتایه سؤال
اولتوب من ربک دینلد کده شیطان ظهور ایدوب بنم دیو کند و نفسنه
اشارت ایلسه کر کدر بو بر ابتلاء عظیمدر و فتنه کیره در آنک ایچون بودعایی
او قومو کر کدر بر روایتده اللهم اعذه من الشیطان الرجیم دیمک مستحیدر
معناری بر در و دخی روایتلده کلدیکه اوزرینه طبراق اورتر کن * بسم الله
المک الله و القدره الله و العزیزه الله و العفو لله و المغفره لله و الرحیم لله * دیوب
آخرنده * کل من عابها فان و یبقی وجه ربک ذوالجلال و الاکرام منها
خلقنا کم و فیها نعبید کم و منها نخرجکم تارة اخرى زعم الذین کفروا ان ان
یبعثوا قل بلی و ربی لبعثن ثم لنتبئن بما علمتم و ذلك علی الله یسیر اشدان الله
یحیی و یمیت اعوذ بالله من شر ما بعدت الموت * دیه لر * کر بیچ بولماز ایسه
قامش طایه یه لر اغاج و کرمد و حصر و نابوت قومه یه لر یو مشاق طبراقده
لحد ممکن اولماز ایسه نابوت جائز اولور قور وجه طبراق اوزره قویه لر

اندنصرکه چقوری طولدوره را اورکوح کبی ایده لر مر بع ائیمه لر برقارشدن
 یوکسک ائیمه لر درت قارش اولمغی بعضی جاژ کور مشلردر غیری محلدن
 طیراق کتورمیه لر دفتدن فارغ اولیجی بردستی صواوز ریمه دوکد لر
 مندو بدر بعضی سلف بویلمه وصبت ایتشددر باشم جانبدن باشلیه لر ایاق
 جانبنه وارنجه دوکد لر واخوانمدن بریسی قیرم یاننه طوره وایده اللهم جاف
 الارض عن جنبیها یا الله بو قبر یری ایکی طرفندن اراق ووسعتی ایت
 وصعد روحها بومیتک روحنه رفعت وسعادت احسان ایت ولقها منک
 رضوانا دخی یارب سندن اکا رضا احسان ایت وبرکشی دخی ایده انا لله
 تحقیق یزرا الله ایچون اولوجو یوز مملوکیک و مخلوقیت جهشتدن وانا الیه
 راجعون و تحقیق بز لر حق تعالی منک امرینه وحضور معنویسنه رجوع
 ایدیچیلرز اللهم نزل بک یا الله بومیت سنک امرینه نزول ورجوع ایتدی
 وانت خیر منزل به ککندویه نزول ورجوع اولانلرک خیر لیسین
 جاف الارض عن جنبیه بو کسه نک ایکی طرفندن یری وسعتی ایت واقم
 ابواب السماء لوجه وکوک قبولی بومیتک روحیچون آچ واقبله منک
 بقبول حسن و آئی سن کوزل قبول ایله قبول ایت وثبت عند المسائل
 منطقه منکر و تکرر سوالی وغیری سوالر زماننده بونک لسانی ثابت وناطق
 ایله جواب آسان ایله ودخی برکشی دیه اللهم هذا عبدک یا الله شوکسه سنک
 قولوکدر وانت اعلم به منا سن بونی بزدن زیاده ییلور سن ولانعلم منه
 الاخیرا بزلاندن و عملرندن بلرز الاخیر وایلاک ییلور زوقدا جلسته لئسأله
 سن بونی و مکانه اوتوردک سوال ایتک ایچون اللهم فبته یا الله بونی ثابت
 قیل بالقول الثابت فی الآخرة قول ثابت وکلام حق ایله آخرنده ثابت
 ایت کائنه فی الحیوة الدنیا دنیا ده ثابت ایتدیکنک کبی اللهم ارحه والحقه
 بنیه محمد علیه الصلوة والسلام یارب بوکا رحمت ایله و پیغمبری محمد
 علیه الصلوة والسلامک زمره سنه وجامعته اولاشدر ولا تضلنا بعده
 دخی اندنصرکه بزلری ضلالتنه براقه ولا تخر منا اجره دخی ثوابندن بزلری

محروم ایتمه و دخی اول اراده حاضر اولانله دیه لر که قرنداشکز ایچون
 مغفرت طلب ایدیک والله تعالیدن تثبیت ایستک منکر و نکیر سوئی وقتنده
 لساتی جواب صحیح ایله انطاق و قلبنه عقائد حقانیه بی الهام و اثبات
 ایتمکی طلب ایدیکز ایمدی بودعالی برکسه یا خود بر فاج کسه او قوسه مینه
 عظیم فائده سی وارد رحنی بعض اهل علم شویله پیوردیکه دفن زماننده
 میت ایچون دعا ایتک یاردم ایتمکدر زیر جاعت اولوب اوزینه نماز قیلحق
 اکا بکر لر که برجاعت بر صاحب کرم پادشاهک قابوسنه جمع اولوب
 برکاهکاره شفاعت ایتمکه و عفوئی طلب ایتمکه بکرز آنک ایچون بعض
 اهل علم پیور مشکره دفتدنصکره بر مقدار حاضر اولان جاعت قبرده
 توقف و مکث ایلسه لر مستحبدرو یوزینه قارشو دعا او قوسه لر مینه
 امداد در امام شافعی دخی بویله پیور مشدر امام حسن حضرت نلری
 پیوردیلر که برکسه مقبره یه وارسه و دیسه که * اللهم رب الاجساد البالية
 والعظام الخرة * یا الله ای چورومش جسدک ربسی وای چورومش
 کیکلرک ربسی * التي خرجت من الدنيا وهي بك مؤمنة * اول جسدلر
 و کیکلرک صاحب لری دبنادن چقد قلری زمان سکا ایمان کتور مشلرایدی
 ادخل علیهم روحانک * انلر رحمت ادخال ایله * و سلامانی ویندن انلره
 سلام ادخال ایله بویله دعا ایلسه موتارک صاغشی قدر دفتزینه حسنات
 یازیلور * قرأت علی القبر * و بوجهلر ایشلردن فارغ اولدقدن صکره
 اوتورهلر فی زمانندفن ایدر ایکن قرأت ایدرلر و دکلده رلر او قویان کاهکار
 اولورقتی حذر کرکدر قرآن عظیم او قویه لر برکسه آداب ایله و تجوید ایله
 و صوت حزین ایله او قویه سائر لری سکوت و سکینت ایله استماع ایلله لر
 نیت خالصه ایله سوره بقره نکل اولن و آخرن او قویه لر عبدالله بن عمر
 رضی الله عنهما باشی اوجنده سوره بقره نکل اولن و آخرن او قومغله و صبت
 ایتمشدر و تبارک ویدی کره سوره اخلاص او قویه لر وفاتحه و معوذتین
 و تکرار اون بر کره اخلاص او قویه لر ابو بکر بن سعید رجه الله تعالی

پیور دیکه زیارت قبورده پدی کره سورہ اخلاص او قومق مسخبر اکر
 میت مغفور اولدیسه مغفور اووز اکر مغفور اولدی ایسه اوقیان مغفور
 اولور مقبره ده برکسه اون برکته قل هو الله احد اوقیوب ثوابی مواتره
 باغشلسه مواتر عذنبده اکا اجر اعطا اولنور دیور وایتده کلسدر و آینه
 المکرسی و سورہ یس و سورہ بقره بی بالتمام اوقریه لر و سورہ ملکی دخی
 اوقریه لر و دیلزلله ایده لر بو اوقود یغیز قرآنک ثوابی بومیتہ باغشلدق
 دنیا لقی ایچون اوقومیه لر النجی حق سبحانه و تعالینک رضا سیچون حسبی
 اوقریه لر بوسوزه کر عه لر ی مقابره تلاوت ایتمک حقه ده چوق اثار واردر
 اهل قبورک عذاب ی تخفیف اولنور و قرأت ایدمه مواتر عذنبده اجر و بریلور
 و غیری کبی ایمدی ابو حنیفه رحمه الله تعالی حضرت نازی مقابره قرآن
 عظیم اوقومغه اذن و یرمشدر لکن امام محمد رحمه الله تعالی حضرت تری
 اذن و یرمشدر مفتی به دخی بو قولدر کفاره صوم و بین قرآن و دعا تمام
 اولدقد نصکره ولی اقریم باخود وصی مختارم اطف ایدوب او باقی قلات
 یوز التمس اجمه تک التمس التمس فقیره و یره لر بو حقیرک کفاره صومنه نیت
 ایده لر یوزن دخی یوز فقیره و یره لر کفاره یمیننه نیت ایده لر لسانله سوبلک
 شرط دکلدر لکن فی زماننا بو قدر اجمه کفایت ایتمز یارم صاع بغدادی
 قاق اجمه ایدر ایسه او بلجه حساب ایدر مصنفک بو کلامدن مرادی تمثیلدر
 غفلت اولتمیه بو مسورتده برکفارت صوم ایدر و اون کفارت یمین ایدر زرا
 برکفارت یمین همان اون فقیره و یریلور و برکفارت صوم التمس فقیره
 و یریلور و بریمضاندہ بر قاق کفارت اقتضا ایدر نسنه واقع اولسه برکفارت
 کفایت ایدر تداخل ایتدیکیچون اما کفارت یمین تداخل ایتمز بالا جاع
 دیمشدر لکن قتیله فتا و استنده شویله ذکر اولندیکه * الایمان بالله اذا کثرت
 تداخلت و ینخرج بالکفارة الواحدة عن عهدة الجميع قال شهاب الائمة هذا
 قول محمد وهو المختار عندی * یعنی حق سبحانه و تعالی به یمین لر چوق
 اولدقدہ تداخل ایدر جمله سندن برکفارت ایله خلاص اولور شهاب الائمة

پیور مشکه بو امام محمد قولیدرو بنم عندمده مختار بودر قول ازاد ایتمکه قادر
 اولان قول ازاد ایده لر والله اعلم تلقین بوجه دذکره مزارمدن
 طاعله لهما بر عالم صالح کسه اخواندن مزارد یاننده قله یوزم مقابله سته
 کجه ایاق اوزره طوره جمع خاطر ایلیه و دیه که با محمد بن مریم و بوقفیره یا احمد
 بن آمنه اوج دفعه بویله دیه امام تقی اربعین کاینده سند بیله تخریج ایتمدر که
 سعید ازدی پیور دیکه ابی امامه رضی الله عنه نک یانته واردم اول روح
 تسلیم ایدر ایدی بکادیدیکه یا سعید بن اولدو کم وقتده بزره رسول کائنات
 صلی الله علیه و سلم نیجه امرایتدیه بکادخی او یلجه ایدیکز پیور دیکه سزدن
 برکسه وفات ایتد کده و دف اولند قدده سزدن بریکز باشی او چند دورسون
 و دیسون یا فلان بن فلان زیر امیت ایشیدر تکراردیسون یا فلان بن فلان
 اول وقتده او تور و تکراردیسون یا فلان بن فلان میت دیر که خی ارشاد ایله
 حق تعالی سکار حجت ایسون اند ذکره ایده ذکر العهد الذی خرجت
 علیه من الدنيا ذکر ایت شول عهدی که دنیادن اول عهد اوزریته
 حقیقتیک ایدی شهادة ان لا اله الا الله عبادته لایق و مستحق کسه یوقدر
 الا الله تعالی و او در دیو شهادتی ایتمکی ذکر ایت وحیده لا شریک له
 الله تعالی واحد در شریکی یوقدر و ان محمد رسول الله تحقیق محمد
 علیه الصلوة والسلام حق تعالینک رسولیدر و ان الجنة حق و تحقیق
 جنت محقق واردر و ان النار حق و نار جهنم واردر و ان البعث حق
 و تحقیق حق سبحانه و تعالینک موتازی بر کور و ب محشره جمع ایتمسی تحقیق
 واردر اولسه کر کدر و ان الساعة آتیة لا ریب فیها تحقیق قیامت زمانی
 کلیجیدر انده شک یوقدر و ان الله یبعث من فی القبور و تحقیق حق سبحانه
 و تعالی مزار کرده اولان موتازی بعث ایدر بویله دید کده منکر و نکیر بر برایتک
 الینه یا شوب بزنه سؤل ایده لیم شول کسه یه که انک حقی و جوابی کا تلقین
 اولنور دیه لر و دخی روایت اولندیکه شبیه بن ابی شبیه رحهما الله تعالی
 شویله پیور دیکه بنم والدیم بکا وصیت ایدوب دیدیکه بنم او غلوم حقان

بن وفات ایدوب دفن اولند و غده مزارم یاننده بطور وب بکا دیه سن که
 یام شبه لا اله الا الله دی دیو تلقین ایده سن دیدی وقتا که وفات ایتدی
 و دفن ایتدک بن دخی بومنوال اوزره تلقین ایتدم صکره اول کیجه
 والده می رؤیاده ~~صکورد~~ بکا دیدیکه ای بنم او غلوم از قالدیکه
 هلاک اولم اگر بکا لا اله الا الله تلقینله امداد ایتدیکه عذابه گرفتار
 اولور ایدم دیدی و الحاصل سلف صالحین قبرا و زنده تلقین و یرمکی
 مستحب کور مشلدر ایهمال اولغیه و انک رضیت بالله ربنا تحقیق
 سن راضی اولدک ایدی حق تعالینک رب اولدیغنه و بالاسلام دینا
 و دین اسلام دین اولدیغنه راضی اولدک و بمحمد علیه الصلوة والسلام
 ندیا و دخی بمحمد علیه الصلوة والسلام حق پیغمبر اولدیغنه راضی اولدک
 و یانقرآن اماما و قرآن کریم مقتدی اولدیغنه راضی اولدک و بالکعبه
 قبله و دخی کعبه شریف قبله اولدیغنه راضی اولدک و بالمؤمنین اخوانا
 و مؤمنلر دین قرینه اهلری اولدیغنه راضی اولدک ربی الله بنم ربم الله در
 لا اله الا هو عبادته لایق بو قدر الا اول واردر و هو رب العرش العظيم
 اول الله ذو الجلال والاكرام عرش عظیمک ربسیدر و اند نصکره و اوج کره
 یا محمد و بوفقیه یا احد قل لا اله الا الله سن دیکه عبادته لایق و مستحق
 بو قدر حق تعالیدن غسیری و اوج کره دخی دیه یا محمد یا احد قل
 ربی الله دیکه ربم الله تعالی در و دخی الاسلام و دینم دین اسلامدر و نبی
 محمد علیه الصلوة والسلام و پیغمبرم محمد علیه السلامدر لطف ایدوب
 بو تلقینلری یا محیه یا محیه یعنی تائی ایله دیه معناسنی فکر ایده رک تبر
 تبر عجله ایله اوقبوب کتیه و ند نصکره ایده رب لاندزه فردا یارب
 سن بونی یا لکر قومه و انت خیر الوارثین یاوب سن مالک لکر خیر لیس سن
 ایشته بو نده تلقین تمام اولدی بو ند نصکره اولادم و اقر پام مزارم
 اطرافنده بر مقبره القلوب مکت ایلمه کوزل اولور زیرا بن انلر ایله انسبت
 ایده رم صکره رجوع ایدملر او او اولرینه کیده لر ایددی میت هنوز

قبره کیر دکده شول غریب الدیار وطنندن واهلندن واولادندن جدا
 دوشمش کسه کبی ملول و محزون قالور برکسه بنی برخیر دعا ایله یاد ایدرمی
 دیو منتظر اولور کر کدر که برقاچ کون خبر دعا ایله یاد ایدم روحی تلاوة
 قرآن و سائر صدقه و احسان ایله شاد ایدم ل اوزریمه یا پو یا یمه ل و چادر
 قورمه ل و بکیمه ل و قندیل یا قیمه ل زیرامعبر کابلرده مکر و هدر دیو
 مصر حدر و حدیث شریفلرده نهی اولمشدر و دخی قبرک اوزرینه
 یا غور یا غنی و روزگار اسمک و بعض حیوانلر باصمق میب ایچون کاهلرینه
 کفارت اولور و اوزرینه اوت بئک دخی کفارت دریمشدر اما نحه الفتا واده
 اکرمیت علادن و مشایخ و ساداتدن ایسه اوزرینه بنا یا مکی مکروه دکلدن
 زیارت ایدنلر احت ایستونلر نیتیه اولور ایسه دیوڈ کراولندن سوز جهور
 علمایه و حدیث شریفلره مخالفدر باشم اوچته بریوک طاش دیکه ل
 بلو و حد اولوب دعا یه تذکره اولسون ایچون مستحجب اولور زیرا روا یلرده
 کلدیکه عثمان بن مظعون رضی الله عنه وفات ایتدگده رسول کائنات
 صلی الله تعالی علیه وسلم مبارک الیه برطاشی کتوروب قبرک باشی اوچته
 قویوب بیوردیکه قرنداشمک قبرنه علامت اولسون واهلندن وفات ایدم فی
 یانه دفن ایدم دیو بیوردی ایدم طاشک اوزرینه میتک اسمعی و بعض
 دعا ل یاز مقده باس یوقدر و دخی قبرم یقبله جق اولور ایسه نعمیر ایدم ل
 اوزرینه طو پراق دوککله کیر و یکی قبرکی اوزرینلو ایدم ل برقاچ قدر
 مرتفع ایدم ل آچوب ایچرودن یا یمه یه ل فاند سزیره ماللرینی اسراف
 ایتمه ل بدعت اولاندن احتراز ایدم ل و دخی بندنصکره حیوته قلان
 اهله واولادمه واهل انصاف اولان اخوانه و آخرت عذابندن خوف
 ایدن مؤمنلره وصیتیم و خیر خواهلریم اولدر که اوزریمه صاعوصاعمه ل
 فریاد و فغان ایله اعلیه لرنه کیم ان الیت یعذب بیکه الحی * مضمونجه
 عذابه سبب اولور افراطله مدح ایتمه لر سیئتی و عیبارینی دخی سو یلمه ل
 حقنه حق تعالیدن مغفرت و رحمت طلب ایدم ل اولدوکم کوننده

ویدی شده و قرقند و بلند طعام بشروب خلقه ضیافت ایتمه ل
اگر اولاد صفاری واریسه ترکدن طعام بشورمك حق یقیدر جائز
اولماز و بوکونلرده طعام ایدوب ضیافت ایتمك بروجهله جائز دکلدن
مکروهدن و علماراضی دکلدن زرامصیت و کدر کونلرنده ضیافت ایتمك
مکروهدن زرا تأسف و حزن کونلریدن و جاهلیتدن قالمشدر اگر میت
وصیت ایدوب ثلث مالندن شوقدر طعام ایدوب فقرا و اغنیایسونلر
دیه اغنیایه اکل ایتمك حرامدر مراد صدقه اولدیغیمون و الحاصل
ضیافت و اظهار سرور ایتمه لکن ثوابی و روح ایچون صدقه چوق
احسان ایدن و فقرایه اطعام ایدن ل الله تعالی قبول ایدن اچیه قادر
اولماز ایه اتکدن و برنج و یاغ و طوز و صوغان و نه قادر اولور ایه ازن
و حوقدن فقیر ل الله تعالی ایچون و یروب ثوابی بو حقیر قلبری ایل
ودلری ایل باعسلیمر میت فائده سی اولدیغی محققدر و دعا رنده بی
اکلر همان اونودوب کتیمر و کاهیجه زیارت قبور ایدن و وجه شرعی
اوزره لکن ادبش لک و ناشرعی بدعت ایتمه ل و دخی اینامه و هبتم
اولدر که دیناده ابو یحکمک زعمله رسوم مدرسلرینه دانشمند اولوب
مبزه سهیه وارمیدن قضا و تدريس طریقته دخول ایتمه ل قاضی عسکر
قابوسنه قضا طلبیمون ملازمت ایتمه ل صکتب فتاوی ده ذکر
اولدیکه رشوت ایل قضا النیه قاضی اولماز و حکم ایدر ایه حکمی
نافذ اولماز و اجاع ایتدیلر که رشوت الدیغی نسنده حکمی نافذ دکلدن
و فاسق کسه نك قاضی اولماسی جائز دکلدن قاضی ویک قابوسنه اختیار ایل
وارمیدن زرقاری انلردن طلب ایتمه ل فی زماننا اکثر طالبر بو نصیحتک
خلافی ارتکاب ایتشلردن و نیجه لری ملازمت و مدوسه نائل اولسه ل
تأسف و حزن ایدوب تحصیل علم ایتدکلرینه پشیمان اولورلر و معموعر
اولمشدر که اگر بویه اوله جفنی بیه ایدک او قومازدق دیرلر بوندن معلوم
اولور که انلرک مر ادلی همان دنیا ایش و قللرنده حب جامه کوز

ابعش فضائل علم شریف و مناقب علما حقنده اولان آیات ربانیه
 واحادیث نبویه بی جوق فکر ایدر تحصیل علمدن مراد الحق رضاء الله
 ودار آخرت اولوق کر کدر الله تعالی به توکل ایدوب علم نافع اول علوم
 مشرعه در تحصیلنه و طالب صادقانه نشرینه و تعلیمه و عمل صالحه
 و تقویاه الی آخر العمر مشغول اولوب و حلالدن سوق اولنندن قاچیدن
 حرامدن احتراز ایدر برکسه دن مال و جهت و منضبه طلب ایتمه
 و من یتق الله هر ککه حق تعالی دن اتقا ایدر ایسه یجمل له مخرجا
 حق تعالی انک ایچون هر طارلقدن خلاصلق قیلار و نجات و بروردیاده
 و آخرتده و برزقه من حیث لا یحسب واکا مأمول ایتمدیکی بردن رزق
 و بربر و من یتوکل علی الله هر ککه حق تعالی ک اوزرینه توکل ایدر ایسه
 فهم و حسبه الله تعالی اکا کافیدر حاجت لری احسان ایدر غیری به محتاج ایتمز
 این دایم تأمل ایله اوقویه لر رزق لری مولای متعال حاضر تارندن طلب
 ایدر هر کسک مرادنی و برن اولدر تم تصنیفه بعون الله تعالی تقریبا
 ۹۷۰ سنه بو ککک تصنیفی تحمیطا طقوز یوز یمشده تلم اولدی و بوشرح
 بیک یوز یمش اوج سند سنک صفر الحیرک اون دوردن بی جمعه ایرته سی
 کونی بعد العصر غام اولدی الحمد لله اول و آخر و الصلوة والسلام علی
 رسوله محمد و علی آله و اصحابه ثابا و علی العلماء العالمین نانا معلوم اولسونکه
 بو مقامده سلف صالحیندن بعض رؤیا نقل اولمشدر که آخرته کتمشدر
 رؤیا زنده کوروب کایلرده یازمشدر شرح الصدورده ذکر اولندیکه
 ابن ابی الدنیا و ابن سعد تخریج ایتمیشلر محمد بن زیاد الالهانیدن عصف
 ابن حریث دیندی عبدالله بن عاذه که اگر وفاتکد نصکره بزره ملاقی اولوب
 آخرتده حالکی بزره خبر و برسرکتر مناسب اولوریدی ایمدی بعد الوقاته
 رؤیاده کورینوب دیدیکه نجات بولدم امار مقداد نقلتد نصکره حق سبحانه
 کاهلری عفوایدز الاشرایشلرده و قبیح عمل زده مشارایله اولانره عذاب
 حاضر در دخی یحیی بن ایوب یوردیکه ایکی کشتی عهد ایتمیشلر نفسی

اول آخرته کبیر ایتسه رؤیاده حالنی خبر ویره وقتا که بری وفات ایتدی
 بریسنه رؤیاده کورندی اول دخی سؤال ایدوب حسن بصری نه حالده در
 دیدی اول دخی دیدی که چنده بر اولو سلطان اولمشدر دیدی ینه رفیق
 سؤال ایدوب ابن سیرین قنده در دیدکده اول دخی دیدیکه ایتدیکی
 درجه لرده ذوق ایدر لکن حسن بصری ایله ابن سیرین اراسنده قتی
 بحوق فرق وارد دیدی ابو بکر الخطیاط پیوردیکه رؤیاده مقبره به واردم
 کوردمکه اهل قبور او تور مشرخت ریحانلر یله تلذذ ایدرل بنم دوستم
 وارایدی آدی محفوظ ایدی انده کوردم دیدمکه یا محفوظ حق تعالی سکا
 نه کونه لطف ایتدی سن اولد کی بکا دیدیکه اهل تقوی ایچون آخرته
 برکونه حیوة حقیقه واردر که اکا اصلا زوال کلز ابو جعفر دیدیکه بشر
 حافی ایله معروف کرخی کی رؤیاده کوردمکه بکا طوغری کلورل سؤال
 ایدوب قاندن کلور سرزیدیم دیدیلر که جنت فردوسه واروب انده کلیم الله
 موسی پیغمبر علیه السلامی زیارت ایدوب کلدک دیدیلر عاصم حربی
 دیدیکه بشر حافی پی رؤیاده کوردم قاندن کلور سن دیدم علیندن
 دیدی احمد بن حنبل نه جانده در دیدم عبدالوهاب ایله حضور معنویده
 ییوب ایچرل دیدی ابن سعد سالم بن عبد الله دن اول دخی انصار دن
 برضحا بیدن روایت ایلدی اول صحابی رضی الله تعالی عنه پیوردیکه بن
 حق سبحانه و تعالی یه دعا ایشدمکه بکا عمر ابن الخطابی رؤیاده کو ستره
 اون یلد نصکره کوردمکه الکنی ایله سیلرایدی درندن او توزی بن دیدمکه
 یا امیر المؤمنین نه کونه زحمتلو نسنه ایشلدک پیوردیکه شمدی حسابدن
 فارغ اولدم اگر حق تعالی بکار حجت ایتیه ایدی ایشیم تمام اولور ایدی
 ابن عساکر اخراج ایتدی ابن یزید دن اول دخی نقل ایتدی که طرابلس
 ناحیه سنده اوج مزار کوردمکه بریسنده بو بیت یازمش ایدی
 وکيف یلذ العیش من هو ضار الی حدیث یبکی الشباب منازل و بریسنده
 بو بیت یازمش وکيف یلذ العیش من هو عالم بان الله الخلق لاشک سائله

فیاخذ منه ظلمه لعباده ويمجزيه بالخير الذي هو فاعله وبريسنده
 بويت يازلس وكيف يلذ العيش من هو موقن بان المنايا بغنة ستعاجله
 ويسليه ملكا عظيما ونخوة وتسكنه البيت الذي هو اهله اول محمله علمادن
 بريسنه سؤال ايلدم بكا ديديكه انلراوج قرنداش ایدی بریسی پادشاه
 مقربی وعسکراوزرینه امیراولورایدی وبریسی بازرکان ومال صاحبی
 ایدی وبریسی زاهدوصالح ایندی اول زاهده اجل کلدی سلطان مقربی
 اولان قرنداشی اکا کلوب خاطرن صورددقه بروصبت ایدرمبسن دیدی
 اولدخی دیدیکه بنم مالم بوقدر بورجم دخی بوقدرلکن وصیتم اولدرکه بکا
 نجهیز ونکفین ودفند نصکره مزارم طاشنه بو کلامی یازه سز و اوج کوندن
 صکره قبرمی زیارته کله سز ما مولدر که برعبرت آله سز انلراو بلجه عمل ایدوب
 اوچخی کونی مزار زیارته واردیلردعا وتلاوتد نصکره بر او او صوت
 ایشتدیلر انلره خوف کلوب ندن اولرینه کتدیلر اول کیجه رؤیاده کوردیلر
 اول قتی صدادن سؤل ایتدیلر دیدیکه قامچی ایله ملک کلوب بکا دیدیکه
 دنیاده برمظلومی کوردک یچون یاردم ایتدک وصکره قامچی ایله اوردی
 اول صوت اول ایدی صباح اولدی اولدخی اموالی وتابعی ترک ایدوب
 زاهد اولدی وقتا کیم اکادخی اولوم علامتلی یرشدی چاره بوله مادی برکون
 بازرکان اولان قرنداشی خاطرن صورمغه کلدی دیدیکه وصیت ایدرمبسن
 دیدکده مالم بوقدر بورجم دخی بوقدرلکن وصیتم اولدرکه بنی قرنداشم
 یاننده دفن ایده سز و بو کلامی طاشنه یازه سز و اوج کوند نصکره مزارم
 زیارته کله سز او مارمکه برعبرت آله سز اولدخی بو بلجه عمل ایتدی
 و اوج کوند نصکره زیارت قبوره کندی دعا وتلاوت ایتدی وبرشدید
 صدا ایشتدی عقلی باشندن کندی حاصلی اوینه کلدی کیجه رؤیاده
 کوزدی دیدیکه آخرته حالک نیجه در جواب وبروب دیدیکه خیر بولدم
 کاهدن توبه ایتک هر دور لوخیری صاحبنه کتورر دیدیکه اول برقرنداشم
 نیجه در دیدیکه اما ملر و صالحلر ایله یله در دیدیکه زم حالمز نیجه اولور

دیدیکه هر گکه برخیرایشلشنه آخرتده ثوابی بولور نعمته وسهاده واصل
 اولور همان حیاتی غنیمت پیلوب سعی ایده کور پس صباح اولدی
 وغفلتن او یاندی توبه ایتدی و کلاهردن ال چکدی طاعته مداومت
 ایتدی و انک بر او غلی یتشدی تا کیم اکا دخی اجل نشانی کلدی دنیادن
 عقبایه دعوت اولندی او غلی دیدیکه بروصیت ایدرمی سک دیدیکه وصیتیم
 اولدر که بنی قرن داشلم یانته دفن ایده سز و طاشمه بو کلامی یازه سز
 و اوج کوند نصکره قبری زیارت ایده سز اول دخی بویه عمل ایتدی
 و او چنی کون زیارت ایلدی و برشید صدایشندی غایت خوف ایتدی
 و اوینه کتدی و باباسنی رو یا سنده کور دی دیدیکه ای او غلم قریسا
 سن بزه کلور سن آخرت احوالی زحمتلودر همان علوم نافعده و اخلاق
 حمیده و اعمال صالحه یه سعی ایده کور و مونک حاضر اول سفر ایده جک
 منزل اوزا قدر حق تدارک کور صا قن بطلالر کی عملدن قاصر اوله آخرتده
 خاسر اوله زرا بطلالر آخرتده پشیمان اولورل عمر زن ضایع ایتد کلرینه
 تادم اولورل کن فائده و یرمز اولوم و قشندنه تداومت منفعت و یرمز ای بنم
 او خولجو غم جد و سعی ایت کیجه و کوند و محله و عمله چالش دائم عمل ایت
 سعی جیل ایت و عمل صالح ایشله دیدی او غلی او بخودن او یاندی دیدیکه
 بنم اجلم قریبدر لاید آخرته کتمک کر کدر چاره یوقدر اولوم و آخرت تدارکنی
 کورنی او چنی کیجه آخرته رحلت ایتدی اول اوج مزار قصه سی غلم
 اولدی بر صالح کشی رو یاده جنته کیردی بر و کسک یلدز کی سرای کوردی
 سوال ایتدی دیدیلر که امام محمد کدر اندن بو کسک بر سرای دخی کوردی
 سوال ایتدی دیدیلر که ابو یوسف کدر دیدیکه ابو حنیفه نك سرای فائده در
 دیدیلر که اول شول قدر بو کسکدر که کور غز قتی چوقی محدثی جشده
 کور دیلر سوال اولندی دیدیلر که چوق صلوات کتورمک سبیلله مغفرت
 اولندق و جنته کیردک صلی الله علی سیدنا محمد و علی آله و صحبه و سلم کلام کره
 الذاکرون و کلام فضل عن ذکره الغافلون ذیل وصایا مصنف رحمه الله

قعالی سابق وصیتله اعمال فرعبه به متعلق احکام شرعبه الحاق ایدوب
 واکا ذیل وصایا دیدی یعنی سابق وصیتله ملحق مسائلد و بیلسی
 واجبد استنجاجاستی ازاله ایتمکه دیرل ایاق یولینه بریوکسک بره
 اوتوردقدنصکره تقاضایی دفع ایتمدکده دبرنی طاش ایله یاترک ایله سلیمک
 سنتدر سیلندیکی طاش تک اولمق مستحبدر بدنه بولاشدر میه اهتمام
 ایله صوایله یومق ادبدر مکرکم نجاست دبرک قیللرینه حوق بولاشمش اوله
 اوله اولسه طاشله سیلمک تجز صوایله یومق لازم اولور خلق یاننده کشف
 عورت ایتمه اگر صائم دکل ایسه دبرنی کوشک طوته ایکی یا اوچ پرماعنک
 قارنی ایله ولا قالک نجاستی ازاله ایده صکره صوایله یقیایه پرماقبرین موضع
 استنجاجان قالد رماق شرط دکلدر وهر بر کره الینی یومق شرطدر صاغ ایله
 صود وکوب صول ایله یقیایه هر کرده صول الینی ییقامق لازمدر امامین
 عندنده اولاد کرنی صکره دبرنی یومق کر کردر امام اعظم قولنده اولاد دبرنی
 صکره ذکرنی یومق کر کردر مقصود اولان نجاستک اثرنی ازاله درنه طریق
 ایله اولور سه اولسون صاغ ایله سیلمک یا یومق مکر وهدر اگر عذر یوق
 ایسه صول ایله کر کردر براسنت بودرکک ایله زیراجن طاقده سته طعامدر
 یاطوار ترسیله زیر امر دارلق زیاده اولور ویا آدم و مطوار ییچک نسنه ایله
 سیلمک مکر وهدر زیر انسان طعامی اولان نسنهیه احترام ایتمک کر کردر
 و مطواره غدا اولان نسنه لازمیدر و سائر لازمی نسنه درخی بویله درودخی
 تلویث ایدن نسنه ایله وکسکین شی ایله سیلمک مکر وهدر قبله یه قارشو
 تقاضا و استنجاجیچون اوتورمق یاردن و یرمک مکر وهدر اگر کشف
 عورت اولوب برحائل یوق ایسه کرک صحراده و کرک خانه سنده اولسون
 یا کونه ویا آیه قارشو اوتورمق مکر وهدر روایتده بویله درکه استر ایتمک
 دیمک بول منقطع اولمق دیمکدر بولاک کسلدیکنه قایبی مطمئن اولنجیه
 دکن توقف ایده ذکرنی صوفی صوایله یا یقه سه بول تیر قطع اولور ناس
 بونده مختلفدر هر کس کندی حالنی یلمور صول ایله ذکرنی دینندن

صیغه تا کیم بولک قطره سی و یا شلخی قالمیه مقصود اولان پاکلکدر
 نوجهله اولور ایسه اولسون ابدستک فرضلری برکزه یوزن بومق یوزد بو
 قبل بتدیکی بردن چکد الله وارنجه طولیدر و بر قولاق یومشا غندن
 بر قولاق یومشا غنه وارنجه عرضیدر قولاق اراسیله صقال باشی اراسی
 بومق فرضدر برکزه ایکی قوللری بومق درسکلریله بیله ابوحنیفه
 و ابو یوسف و محمد رحمهم الله تعالی قوللرنده بویله در برکزه باشنک دورت
 بولکده بر بولکنه مسح ایتک امام اعظم مذهبی بویله در پارمقلربنک اوجی
 مقدار یله مسح ایتک روایت ضعیفه در برکزه ایقلری طوپقلریله بومق
 امام اعظم مذهبی بویله در که درسکلر و طوپقلر یومقده داخل اولور
 ابدستک سنتری اولنده اوج کره اللری بلیکلرینه وارنجه بومق او یغودن
 فانقش اولسون کرک اولماسون اولنده بسم الله العظیم والمجد لله
 علی دین الاسلام دیمک یا خود الحمد لله الذی جعل الماء طهورا و الاسلام
 نورادیه مسواک استعمال ایتک اگر یاننده بولنماز ایسه پارمقلریله ایده
 واغزینه اوج کره صوویرمک و بورشه اوج کره صوویرمک صائم دکل ایسه
 زیاده جد مضغه و استنشاق ایده لر ابدستی الورکن اراسن کسموب
 اولاشدرمق یعنی اعضالنده اولان یا شلق قورومادن ابدستی تمام ایتک
 قولاغنه یا شدن ارتن صوایله مسح ایتک شهادت پارمغنی قولاغنک ایچنه
 ادخال ایدوب و باش پارمغیله طشره سنی مسح ایده و تر بیجه المق ابدست
 حقنده نازل اولان آیت کریمه ده کی تر بیجه اولمق * بسم الله یا ایها الذین
 آمنوا اذ اقمتم الی الصلوة فاغسلوا و وجوهکم * الی آخر الایة اول آیه کریمه
 بودر پارمقلرن خلا للامق خبرده کلدیکه پارمقلریکزی خلا للیکز
 نارجهنم پارمقلریکزی خلا للزدن مقدم اللری و یاقلرنک پارمقلری
 خلا للمق کرکدر برالیله برالینک اوستندن پارمقلرین پارمقلری اراسنه ادخال
 ایدوب خلا لیه صول الیک سرچه پارمغن یاغیک سرچه پارمغندن یا شلیله
 والتندن ایده صول یاغنک سرچه پارمغنده تمام ایده و هر یونان برنی

اوج گره بومق مصنف مرحوم مسحدن اخراج ایتدی زیرامسح بر کره
 اولور و باشنه قابلیومسح و یرمک ایکی اللرینک اوجر پارمغنی باشینک
 اولنه قویه باش پارمقارین و شهادت پارمقارین و آوجلرین قالدیره ایمدی
 بومنوال اوزره قفاسنه طوغری چکه اندنصرکه آیه لرینی ایندیروب باشینک
 یانلرینه چکه باشلد یغی بره کلنجه تمام ایده خبرده بویله کلشدر اولنده
 آبدسته و رفع حدنه امر الهیه به امتثال یا اقامه صلونه نیت ایتک آبدسته
 صاغندن باشلقی مسحه الشدن باشلقی واللرین وایاقلرین بومغه
 پارمقارندن باشلقی هر برعضوی بیقرا یکن ماثور اولان دعالری اوقومق
 ایمدی بعض مستحبلر و آد بلر بومحله سندن عد اولمشدن آبدستک
 مکر و هلری صاغ الیه سومکر مک اوچدن ارتق یا اکسک بومق صاغ
 ال پالک وحر متلونشده استعمال اولمق وصول ال مردار وحقیر نسنه زده
 استعمال اولمق سندر تثلیدن نقصان ایتک سنه محال قدر زاده ایتک
 اسراف قدر کونشده ایصمیش صوایله ابدست المقی مکر وهدر لکن آتشد
 ایصمیش اولسه کراهت یوقدر افضل اولان صرغوجق صوایله المقدر
 صوی بوزینه بک اورمق ابدست آتساننده مالایعنی سوبلک و اراسنی کسوب
 اولاشدر ماقی ترتیجه المقی و سائر سنشلی ترکی ایتک ابدستی بوزنر بونلردر
 اوکدن وارندن چیقان نجاست و یل لکن یل ذکر دن ویا فرج دن چیقسه
 آبدستی بوزماز انجیق امام محمد دن بر وایتده بوزار مقضاة اولان عورتک
 فرج دن مردار و قوقار یل چیقسه مستحب اولان تکرار ابدست المقدر
 برکسه نک دبری قیلده سه یل اولدی یغی معلومی اولسه ابدستی بوزماز اردن
 قورث چیقسه ابدستی بوزار کوه دن چیقان قان وایرن و صار و صوغسلده
 بومانی لازم اولان ردن چیقوب اقرسه ابدستی کیدرا کر چیقسه و اقمسه
 ابدستی بوزلماز مثلاً بول بلندن ذکر یتک قصبه سنه کلوب بیرکسه دلو کندن
 طشره چیقسه و کوزک ایچنده اولان چابندن جراحت اقوب کوزک بر طرفه
 کسه طشره چیقسه ابدستی بوزلماز و بر بولک یاره ایچنده قان وایرن بیرکسه

طشهره چقمقه ابدستی بوزلاز و بر مردار نسته و نجاست کند و برادلدیغی
 محله ایکن اکا نجاست حکمی و برلز و حدندن عد اولتماز و اغز طلوسی
 قوصحق ضبطی کوچ اولق و سو بلمکدن منع ایتک اغز طلوسی قوصمقد
 اگر بلغم دکل ایسه کرکسه باشند کلسون و کرکسه معده دن یوقار و
 چیقسون ابو یوسف قولجه بلغم فارندن کلوب اغز طلوسی اولور ایسه
 بوزار ودخی ابو یوسف عندنده مجلس معتبر در امام محمد عندنده سبب
 معتبر در ملا بر مجلسده بر قاج کره ککر مکله بر قاج کره قوصه مجموعی اغز
 طلوسی اولسه ابو یوسف عندنده ابدستی بوزار امام محمد عندنده بوزلاز اما
 بر ککر مکله بر قاج کره از قوصه مجموعی اغز طلوسی اولسه امام محمد عندنده
 بوزار مجلس کرک بر اولسون و کرک اولماسون یاتوب و یار نسته یه طیانوب
 او یومق اگر اول طباق الفسه دوشه جکلین ایسه ز بر ابو حالد اعضاری
 کوشوب بحدث واقع اولماسی ظن غالب و سبب قوی حاصلدر دلواولق
 جدت وقوعنی فرق ایده مد یکچون تکرار عقلی کلسه تکرار ابدست الملق
 لازمدر او غوغنی بایلق و کندونی غائب ایتک سرخوش اولق یوردرکن
 ایکی طرفه میل ایتک بو حالرده کنشی حدث وقوعنی فرق ایده مز نماز
 ایچنده قاتی کولمک کندیبسی و یاننده کی ایشید یچکلین کولر ایسه ابدست
 کیدر اما کندو ایشید یچکلین اولور سه ابدست بوزلاز لکن نماز باطلی
 اولور اما ایدست اگر غسل ایله اولور ایسه ودخی جنازه نمازنده قاتی
 کولر ایسه و کولن صبی اولور ایسه قتی کولمک بواج صورته ابدستی بوزماز
 جبلفه عورتیله قوجشمق ذکر ی فرجه طوقنوب قالمق او کوندن اولسون
 کرکسه اردندن اولسون ذکر نه و عورته و بر نه یا شمتی ابدستی بوزماز علوم
 اولسون نیم احکامی جله به لازمدر زیر ابدسته و غسله خلفدر صویه عجز
 اولدیغی محله ابدی نیمده نیت لازمدر کیفیت بودر که اللریله بر کره یه
 ضرب ایدر اگر غبار اللرینه بولاشور ایسه سلکر و یوزینه قابیلومح ایدر
 صکره اللریله بر کره دخی یه ضرب ایدر وصول الی بر مقبری باطلریله صاغ

الى پرمقري او جلرندن بدأ ايدوب تا کيم دیرسکینه چکه صول قولنه دخی
 بویه ایده دیرسکله دخی مسح ایتک کر کدر اکر ایکی ضرب ایله قابلیو
 یوزینه و قولرینه مسح اولماز ایسه بر کره دخی ضرب ایله اصلا مسحدن
 خالی قوللرنده و یوزنده بر قالمیه ابدست سز اولانلر و حیضدن و نفاسدن
 کسلن بویه لجه تیم ایدرلر اکر صودن عاجز او اولر ایسه بر میل قدر اوزاق
 اولغله یا خود خسته اولسه ل صوی استعماله قدر تلری اولماسه یا خود قانی
 صووق اولسه که اول صووق کشتی بی طوکدورر یا خود خسته ایدر اولسه
 کر کسه شهر ایچنده اولسون یا خود صوازاو اب اکر ابدسته یا خود غسله
 استعمال ایسه کندینی یا خود دابه سی صو سز قاله یا خود صو باندده
 بر تخی حیوان و یاد و شمان اولغله الماسی مخاطره لی اوله یا خود باندده قوغه
 اولیه یا خود صلوة بخانه وصلوة عبد فوت اولق خونی اولسه تیم جائز
 اولور وقتدن اول ایدر ایسه ده جائز در اما وقتیه و جمعه نمازلی فوقی خونی
 ایچون تیم جائز که در برکسه او یخودن او تاوب کندینی جنابت اولمش
 بولسه ابدست قدری صوا اولسه غسل ایده جک قدری صوا اولماسه تیم
 ایلسون اکا ابدست المی واجب دکلدر تیمدی طیراق و طیراق جنسندن
 اولان نسنه که اتشده کول اولیه تیم اولنور ابدستی یوزان تیمی یوزارودخی
 صوی استعماله قادر اولق یوزار غسلاک فرضلری بر کره اغزنه صو و بر مک
 و بر کره بورنه صو و بر مک و بر کره جمله بدتن یومق ایکندا و حی قدر بر
 قوری قالمیه حتی سنسز اولان کسه ذکر یتک قابوخی ایچی یومق فرضدر
 مفتی به قول بودرودخی کوبکی و فاصق بر لخی و یغنی و فاشنی و جمله صفائی
 و فرج خارجنی و صاج ارالری و قولاق ارالری اهتمم ایله یومق فرضدر
 غسلاک سنتلری اولنده ابدست المی اکر دور دخی بره صو بر بکر ایسه
 یا قنری غسلدن نضکره بویه نیت ایتک کوده سنده نجاست وارا ایسه بول
 و می کی اتی اول یومق کوده سنی قابلیو اوچ کره یومق اول صاغ
 او مزونه صکره ضولنه دخی صکره باشنه و سایر اعضا سنده صو دوکک

و بدتی او نمی بعض قولده واجبد ز دیشلر و قول آخرده سنندن حد
اولمشدر غسلک موجب لری یعنی غسلی ایجاب ایدن نسنه لر شهوتله
منی چیغنیق او یانق ایکن اولسون او یور ایکن اولسون یوکسک یردن
دوشمک ایله و یا خود آغر نسنه فالدرمق ایله و قورقق ایله منی چیغسه غسل
لازم اولماز شهوة و ذفق اولدیغیچون اگر منی بلندن شهوتله ایرلسه و ذکرنی
ایله طوئسه منی تمام اولدقدنصکره ذکرندن طشره شهوتسز چیغسه
امام ابوحنیفه و امام محمد عند لزنده غسل واجب اولور امام ابو یوسف
عند زنده لازم کلز ذکرک سنت اولدیغی بر یا خود اولقداری بر بر عورتک
فرجه یا خود بر کسه نک دبرنه کیرمک انزال اولماز ایسه ده ایکسی نه ده
غسل لازم اولور اگر ایکسیده عاقل و بالغ ایسه اگر بریسی بالغ دکل ایسه
اکلازم کلز او یقودن فالقد قدده دوشکننده و یا طوئنده منی و یا مندی بولمق
احتمال غالب و علامت قویه اولوب احتلامی اونومق و خاطرینه کلمک
ممکن اولدیغیچون کشی اهلبله ملاعبه ایتدکده ذکرندن جبقان نسنیه
مندی دبرل ذکرری اوجده صوبولمق اگر یا تدیغی وقتده ذکرری حرکت
اوزره دکل ایسه احتلامی اونمق احتمال غابدر اگر حرکت اوزره ایسه
مندی اولمق ظن غالبدر حبضی کسملک و نفاسی کسملک جنب و یا حائض
ایکن مسلمان اولان و احتلام ایله و انزال ایله بالغ اولانه غسل ایتمک واجبد
جعه و بیرام غسلاری سنندر نماز طشره سنده کی فر صلیرکه اکا شرط
د برل قصده یا سهوله ترک اولنسه نماز باطل اولور نماز قیلار ایکن عورتن
اورتمک ارک عورتی یعنی عورت بری کوبکی التدن دیری التنه دکندر
کوبک عورتدن دکلدر لکن دیز عورتندر جاریه نک کرک مکاتبه و مدبره
و کرک ام ولد اولسون سیاه اولسون بیاض اولسون دخی بویه در لکن
ارتقدغی ارقه سی و قاری دخی عورتدر حره عورتک هر بری عورتدر لایوزی
دکل ولی و یا ششی و یا قلمی دکل الی از قاسی بر قونده عورتدر و یا قلمی
دخی بر قونده عورتدر صاحبی دخی عورتدر نمازده اورتمک کرکدر

او جلری

او جلری دخی صاقلوب اورتمک لازمدر قوجه دش قار یچقده اولور سه ده
 تنهاده و قرا کو برده ده و کجه ایچنده قبلارایسه ده صا جلری بوتون
 اورتمک کر کدر نیت ایتک نمازه شروع او کجه اراسنده دنیا علی ویمک
 و ایچمک اولیه اکر اولورایسه کیر و نیت ایتک لازمدر افضل اولان نیت
 شروع متصل اولاندر بعضیلر اولکی رکوعدن اول اولورایسه و بعضیلر
 رکوعدن فالقجه و بعضیلر سبحانک او قنور ایکن نیت جائزدر دیمشدر
 و بعضیلر بعدالشروع جائز دکلدر دیدلر شو وقتک فرضنه دیمه اکر
 اول عمل فرض ایسه جعدنک فرضنه دیمه شو وقتک فرضنه دیمه به جعه
 کونده رکعتلرک عددنی سوبلک و تعیین ایتک حاجت دکلدر شو وقتک
 سنتنه دیمه سنت ایسه و تر نمازنده واجب دیمه به همان وتره نیت ایده بیرام
 نمازری دخی بویه در نافله ده نیت ایتدم نمازه دیمک بتر ترا و یچده و مؤکده
 اولان سنتلرده نیت ایتدم نمازه دیمک اولور امامه او یار سه بوندن غیری
 بونینلره امامه او علق نیتی ضم ایدوب او یدم شو امامه دیمک لازمدر
 افضل بودر که امامک تکبیری عقبجه نیت ایتکدر اکر او یدم شوزیده
 دیمه کورسه که امام عمرو ایمش اقتداسنی اسنیاف ایتک لازمدر امامک
 تکبیرندن اول اقتدایه نیت ایلسه اکثر علما جائزدر دیمشدر اکر اندن اول
 تکبیر ایتمز ایسه نیت قلبیه عمله قصد ایتکدر جدا دلیل دیمک
 لازم دکلدر لسانلده ده دیمک بعضیلر مستحیدر دیمشدر و بعضیلر بدعتدر
 دیمشدر مختار اولان بودر که دیرسه دخی ضرر و بوقدر نیت ایله افتتاح
 تکبیرینک اراسن کسمیه بر منا سنسز ایش قار شدیمیه قبله به بونلک
 کعبه دن غیری بلده لاهالسی کعبه مکر مدنک طرفنه توجه ایتک لازمدر
 عیننه اصابت شرط دکلدر اما اهل مکة عین بیت الله اصابت ایتک
 شرطدر قبله به توجهدن عاجز اولانلرک قبله سی قادرا ولدقلری طرفدر کعبه
 مکر مدنک طرفنی خبرو برچی اولمیانلرک اوزرلرینه فحری ایتک لازمدر فحری ایله
 ظن غالبی نه طرفه میل ایدر ایسه اول طرفه توجه لازمدر خطا ایدر ایسه ده

احاده سی لازم دکدر تحریر سر شروع ایدر ایسه نمازی فاسددر
 اصابت ابتد یکنی بیلور ایسه ده مکر بعد الصلوة اصابتی معلوم اوله
 وقتنده قلیق هر بر نمازک بروقتی وارددر و هر بروقتک اولی و آخری وارددر
 و افضل ساعتی وارددر فی سبحانه و تعالی هر وقتی واسع ابتدی که قولله
 کوجک اولیه ابدی صبح نمازینک اول وقتی فجر صادق طلوع عیدر
 آخر وقتی شمس طلوع عیدر هنوز ضیا ظهور و ظلمات دفع اولدیغی افضل
 وقتیدر اولیه نمازینک اول وقتی کونش زواله واردده در و آخر وقتی
 فی زوالدن ماعد اهر سبک کولکه سی ایکی مثلی قدر اوله ابوحنیفه قولنده
 بر مثلی قدر اوله امامین قولنده بودخی ابوحنیفه دن برروایتدر ایکندنک
 اول وقتی ایکی قوله کوره اولیه نک آخر وقتی حقیق دیغی و قندر آخر وقتی
 کونش غروب ایدنجه در اخشامک اول وقتی کونش غروب ایدنیکدر آخر
 وقتی شفق غائب اولونجه دکندر شفق ابوحنیفه عندنده یا ضلقددر
 قرمز یلقند نصره اولور امامین عندنده قرمز یلقدر بودخی ابوحنیفه دن
 برروایتدر یا تسونک اول وقتی شفق غائب اولدیغیدر آخر وقتی فجر صادق
 اولونجه دکندر و زک وقتی یا تسو فرضند نصره در تراویحک وقتی یا تسو
 نمازندن فجر صادق و آنجه در به ضیلر عندنده یا تسو فرضله و تراویحیدر
 و بعضیلر قنده بوتون کیجه در کوده سن و ققتان و سائر اوزرنده اولان
 لباسلری و یا قلی طور دیغی یری والی دکد یکی یری نجاستدن پاک
 ایتک حاصلی نمازده طرر دیغی مکان پاک اوله ابد ست المی اکر صو
 بوله ماز ایسه و یا خود صو اولسه لکن کنندیسی خسته اولسه ابدسته
 استعماله قاراولماز ایسه و یا صو دکرمدن مرضم ارته دیو قورقه تیم
 ایله یوقاریده بیان اولندی اولنده الله اکبر دیمک امام اعظم مذهبنده
 شرطدر حق سبحانه و تعالی نک عظمتنه دلالت ایدن الفاظک بریسه
 نماز شروع ایتک جائزدر مثلاً الله اجل یا اعظم یا خود الرحمن اکبر
 یا خود الاله الا الله دیمک کی امام ابو یوسف شویله یوردیکه نکبر کتور مکه

قادرا و تملیحون همان الله اکبر یا الله الاکبر یا الله الکبیر دیه غیری دیمک جائز
 ذکدر لکن دعا معناسنه اولان کلام ایله شروع جائز دکلدر اللهم اغفر لی
 و از جنی کبی نمازک ایچنده اولان فرضلر که اکار کن دیرلر یو محله ذکرا و لنور
 ایاق اوزده فرض نمازده طور مقی قادرایسه نافله لری و سنترلی عذر سنز
 او تور کن قلیق جائز در واجب اولان نمازده قیام واجبدر و دخی امام اعظم
 عندنده بکی کیدر ایکن عذر سنز فرضی او تورد ایکن قلیق جائز در امامین
 عندنده بلا عذر جائز دکلدر معلوم اوله که اگر کی نکارده واقف اولوب بر
 اوزرینه مستقر اولور ایسه ایچنده نماز قلیق جائز اولور اگر مستقر اولماز ایسه
 اگر باغلو اولوب اندن طشره چتمق ممکن اولسه نماز جائز دکلدر و کی کیدر
 ایکن طشره چتمق ممکن اولور ایسه قراده قلیق لازمدر ایچنده جائز اولماز
 نام یو مسئله دن غافلدر دیمش لبر بر آیت قرآن او قومق ایکی رکعتده
 امامین عندنده اوج آیت قصیره در یا خود بر آیت طویلدر و دخی نافله نک
 ووترک و صباح نماز بنک جیع رکعتلرند قرأت فرضدر دیمش لبر و اویله نک
 و ایکنندینک و اخشام ویتسونک ایکبشر رکعتلرند فرضدر دیمش لبر
 و هر رکعتده بر رکوع اگر مصلی باشنی اگسه و اندن حد اعتداله واصل
 اولسه اگر رکوعه اقرب ایسه رکوعی جائز اولور و اگر قیامه اقرب ایسه
 رکوعی جائز اولماز بر اول قائم عدا و لنور را کع عدا و لنماز بر کسه امامه
 رکوعده ایکن بنشسه قیامدن رکوعی اقرب ایسه اولدینی حالد اول کشی
 قیامده تکبیر ایدوب اقتدایتسه شروعی صحیح اولور زیرانکبیرک شرطی
 محض قیامده واقع اولقدر اگر عجله ایدوب رکوعه اقرب تکبیر ایدر سه
 اقتداسی و شروعی باطل اولور و هر رکعتده ایکبشر سجده ایسدی
 سجده جبهه بی ارضه یا خود ارضه متصل نسنه اوزرینه وضع ایتمکدر
 انک وجه کمالی جبهه نک و بورنک و اللرنک و دیزلرک و یا اقلرک وضع
 اولملریندر بر کسه عذر سنز بالکن جبهه اوزرینه سجده بی اقتصارایتسه
 اتفاقا جائز در لکن قول اظهرده مکر و هدر زیر رسول کائنات صلی الله

علیه وسلم جبهه ایله وائف ایله سجده ایدردی و عذر سزائف اوزرینه
 اقتصار امام اعظم عندنده جائزدر واندن برر وایتده و امامین عندلرنده
 عذر سزائف اوزرینه اقتصار جائزدر و اگر جبهه سنده وائفنده عذری
 اولسه سجده بی ایما ایله ایدر و هر نمازك آخرنده تحیات اوقویه جق قدر
 اوتورمق و دخی ار کانه ترتیب فرضدر مثلاً قیامی رکوع اوزرینه
 تقدیم رکوعی سجود اوزرینه تقدیم ایله ترتیب رعایت کی و ابوحنیفه
 عندنده خروج بصنعه فرضدر یعنی نمازك آخرنده جفمق قصد ایله
 برنسنه ایشلک نمازك واجبری واجبی قصد ایله ترك ایدر سه کراهت
 تحریمیه ایله مکر و هدر اعاده سی واجب اولور نقصانیه جائز اولور
 سهوا ایله ترك ایدر سه سهو سجده واجب اولو ایکی رکعتده فاتحه اوقومق
 امام اعظم عندنده و ضم سوره دن اول اوقومق و تمام اوقومق دخی واجبدر
 امام شافعی رکندریدی امام مالک فاتحه ایله بر مقدار غیری قرآن اوقومق
 فرضدریدی بر سوره و یا اوچ آیت و یا اوزون آیت اوچ آیت مقداری
 فاتحه به قوشمق یونلر واجبدر ایکی اولکی رکعتلری قرأت ایچون
 تعیین ایتمک ایکی سجده بی بر برینک آردنجه ایتمک رکوعده و سجودده
 ور کوعدن فالقوب طوغرلدقده ا کا قومه دیرلر و اولکی سجده دن
 فالقوب طوغرلدقده ا کا جلسه دیرلر اقل مرتبه برکوره سبحان الله
 دییه جک قدر اکلمک ا کا تعدیل ارکان دیرلر امام ابو یوسف و شافعی
 عندلرنده فرضدر امامینک برر وایتنده سنتدر لکن واجب اولسی اقوادر
 ناس بو مسئله دن غافلدر درت و یا اوچ رکعت اولان نمازدرده ایکی
 رکعتن قیلدقد نصکره تحیات اوقو یا جق قدر اوتورمق نماز ایچنده و آخرنده
 اوتوردقده تحیات اوقومق برکوره سلام و برمک نمازك آخرنده اصح
 روایتده واجبدر ابو جعفر هندوانی قوی اوزره سنتدر روایت اولندی
 بر کون براعرانی کلوب رسول الله صلی الله علیه وسلم حضورنده نماز
 قیلدی لکن خفیف قلوب تعدیل ار کانه چوقلق رعایت ایتمدی پس

پیغمبر علیه الصلوة والسلام آنی کورد کده یوردیکه ای کشی قالی بو نمازی
 تکرار قیل اول دخی اولکی کبی تکرار قیلدی ینه امر ایدوب اکا تکرار
 بردخی بو نمازی قیل دیدی حاصل کلام اوچ کره بویه قیلد قده اول
 اعرابی دیدیکه یار رسول الله بکا نماز قلمه سنی تعلیم ایله دیدی پس
 اندن صکره پیغمبر علیه الصلوة والسلام اکا نمازک فرضلرینی و واجیلرینی
 و سائر سنلرینی و آداب لرینی تعلیم ایلدی انک ایچون امام لریمز تعدیل ار کانه
 رعایت ایتمک امر لازمدر دیدیلر و دخی فقها یوردیلر که چان نمازک
 آخرنده سلام و یرد کده السلام علیکم ورحمة الله دیوب حفظه
 ملائکه سنه و دخی جاعتدن یاننده هر کیلر و ارایسه انلره نیت ایلیه و امامه
 دخی نیت ایلیه یالکز قیلار اایسه همان ملائکه یه نیت ایلیه هر انسا نک
 یاننده نعتدار ملائکه واردر دیو اختلاف اولندی بعضیلر بش ملائکه
 واردر دیدی و بعضیلر التمس ملائکه تعیین اولمشدر دیدیلر و بعض
 علما یوز التمس ملائکه واردر دیور و ابیت ایتمیلر سلام و یرد کده انلره
 نیت ایلیه غفلت ایتمه بیرام تکبیرلری او یله نمازینک وایکندی نمازینک
 فرضلرنده قرأنی کرلر و اوقومق کرکسه امام اولسون کرکسه یالکز
 قیلسون اخشام وینسو و صباح و جمعه فرضلرنده امام اولور اایسه قرأنی
 قتی اوقومق لازمدر یالکز قیلار اایسه مخیردر قاتی اوقومق افضلدر
 جاعت هیئته مشابه اولدیغیچون و بعض روایتلرده قاتی چوق ملائکه
 اکا جاعت اولوردیو مذکوردر کیجه قیلنسان نافله رده مخیردر نمازک
 سنلری سنتی ترک ایتمکله نماز باطل اولماز قصده اولسون سهوله اولسون
 لکن عتابه مستحق اولور اکثر کابردیه بویلمه یسان اولندی افتتاح
 تکبیرنده اللهم قالدرمق ارقولاغی بومشاغنه دک بعضیلر ارلر باش پارمغنی
 قولاغنک بومشاغنه دکی برلر دیدی بیرام نمازلرنده دخی بویه در عورت
 چکننه دک مختار بودر قنونده و جنازه دم دخی بویه در سبحانک
 اوقومق اعوذ و بسمله اوقومق بواوچنی کرلر و اوقویه هر نمازده بسمله بی

هر فاتحه اولنده اوقویه سوره اولنده اوقومایه سبحانک ایله اعوذنی انجی
 اولکی رکعتده افتتاح تکبیر ینک آردنجیه اوقویه اعوذ ایله بسمله قرآنه
 تابعدر مختار بودر انک ایچون مقتدی اوقوماز امام اوقور قیامده
 صاع الن صول الی اوزره قویوب کو بکی آنته قومق ارایسه کوکسنه
 قومق عورت ایسه صاع الیله صول الی اوزرندن محکم طوتوب صول
 الی بیلکنی صاع الی باش پارمغیله سرجه پارمغنی برحلقه مثالی باغله یه
 پایجه جک آمین دیمک فاتحه بی اوقودقدنصکره یا امانندن دکلد کدنصکره
 یار کوعه ایندکده وسجده یه ایندکده وسجده دن قالدقدن الله اکبر دیمک
 رکوعده اوچ کره سبحان ربی العظیم دیمک معناسی بنم ربم زماندن
 و مکاندن وجهندن وجسم و جسمانی اولقدن منزهدر شریکی ونظیری
 یوقدر اولق دخی ممکن دکلدر یاراجی اولدراندن غیری یاراجی یوقدر
 اولق دخی ممکن دکلدر عظمت معنویه و کبریا ایله متصفدر دیمکدر ایمدی
 ادنی مرتبه بودر اکسک اولور ایسه مکروهدر تک اولق کوزلدر اگر
 بش کره یایدی کره یادخی زیاده دیرسه افضلدر بعض فقها دیمشدر در که
 امام بش کره دیه تا کیم جاعت اوچ کره دیه بیلهر کوعده اللرین دیزلی
 اوسته قویوب پرمقارین آچوب باشن وار قاسن دوز ایلک رکوعدن
 باشن قالدردقدن سمع الله کن حده دیمک معناسی الله تعالی قبول ابتدی
 جد ایند نلرک جدنی امام ایسه ربنا تک الحمد دیمک امامه اویدی ایسه
 معناسی ای بزم ربم جد انجی سکا مخصوصدر ایکبسن جمع ایتک یالکز
 قیلار ایسه اصم بودر سجده ده اوچ کره سبحان ربی الاعلی دیمک
 معناسی یکدی سجده ده آلتن و بورنن ایکبسن بیلهر یره دکر مک ابوحنیفه
 قننده یالکز بورنی اوزرینه سجده ایتک عذر سز جازدر لکن مکروهدر
 امامین عننده هیچ جازد کلدن آلتی اوزرینه یالکز عذر سز سجده ایتک
 مکروه دکلدر بعضیلم مکروهدر دیدیلر سجده ده الی پارمقارین بربرینه
 دکر مک وقارنن او یلوغندن چکوب قوللرین یردن قالدردق اگر سجده

ایدن ارایسه عورت ایسه قارتی اویلقلرینه یاپشد یروب قوللری یه
 دکر مک ایاق پارمقلری اوجلری دیز قپاقلری اوجلری و یوزی اوزر لینه
 سجده ایتک کر کدر تحیات اوقور کن المری اویلقلری اوزرینه قومق
 یار مقلری کندی حائده اوله نه پک آچه ونه پک یومه دیز لینی طومیه
 تحیات اوقومغه اوتوردفده صول ایاقی اوزرینه اوتوروب صاغ ایاقی
 دیکمک ارایسه اگر عورت ایسه ایکی ایاقلرن صاغ جانبندن چیقاروب
 صول دیزی اوزرینه اوتورمق نمازک آخرنده تحیاتد نصکره صلوات
 دعاسن اوقومق اول صاغنه سلام و یروب صکره صولنه سلام و یرمک
 نمازک مکر و هله ی نمازک ایچنده بوینن اکوب باقق ضرورتسز قفتانندن
 یا کوده سندن برنسنده اوینامق زیر اعشدر سجده یرندن طاش کیدرمک
 ضرورتسز برکه اولور ایسه مکروه اولماز پارماغن چالتمق بوهر بار
 مکر و هدر زیر قوم لوط عملیدر دیمش لر الی بوکره قومق ممنوعدر
 بغدادش قوزمق عذر سز برکه یا ایکی کره بر یرن قاشیق برکنده اوچ کره
 قاشرشه نمازی فاسددر اوقوللغنده ککوب آنکله اکبره وارمادیغی
 قفتانه نماز قلیق یعنی ابولباسی واریکن اسکی پوسکی و ککری پاسلی
 لباسله نماز قلیق آدم یوزینه قارشو طوروب نماز قلیق حائلسز
 و ضرورتسز اوده قارشو قلیق مجوسیه به تشبه اولدیغیچون امامومه
 و قندبله قارشو قلیق مکروه دکدر مشابیه سابقه اولدیغیچون اوکنده
 یا اوستنده یا قفتاننده حیوان صورتی اولق مکر غاینده کوچک سچلمز
 اوله یا باشی کسک ناقص اوله یا خود جانلونسنه صورتی اولیه اول زمان
 مکروه دکدر کرنگ واسمک چان اسمک اقتضایلسه اغزن یومه زیر
 شیطا تیدر دیومرویدر قفتانن آکنه یا باشنه اکوب قوللرن قولتوختندن
 چیقارمق اهل کبابه تشبه اولدیغیچون ایکی اوکجه سی اوزرینه اوتورمق
 ایچکلرین دیکوب کلب کی اوتورمق کوزن یومق یونلر منهیدر باشی
 قبه قلیق تذلل ایچون دکل ایسه اگر زیاده تضرع ایچون اولور ایسه

مکروه دکلدر سجده ده و تحباده الی وایخی بارمقلین قبله دن اکثک زیر
 بارمقلری قوللری طوغرو سنده اوله وایقلری قبله یه طوغری بونلکدر اوچنی
 قوسه یارقه سنی قبله یه قوسه نمازی جاوا لار توجّه تام بولمقد یغیچون ناس
 بومسئله دن غافلدر صرف آردنده یالکر طوروب امامه اویمق اوکنده اچق
 یروار ایکن اگر اچق یارولماسه لایق اولان امامی رکوعه وارنجه منتظر اوله که
 احتمالد که برکسه دخی کله آنکله بیله طوره کلزایسه یالکر طوره اوکدن
 کیرویانه برکسه بی چکمیله زرافانی زمانتا اکثر ناس جاهل اولمغله نمازی فساد
 سبب و محاده یه مؤدی اولور قیبه قرشو نماز قیلق اراده پرده سرنجاسته
 قارشو قیلق حائلسر و مردار قوقو اولان پرده بویه در بر عورتله برابر طوروب
 بشقه بشقه نماز قیلق ایاق یولی تقاضاسی وارایکن قیلق بول و غائط و بل
 ثقلنی کی نماز اثناسنده دخی تقاضا ظهور ایدرایسه بویه در سجده دن
 قالدقدقه دیزین اللرن دن اوکدن قالددرمق سجده ده بریاغن قالددرمق
 ایکنسن قالددرسه مفسددر اوفورمک اگر صوتی ایشیدلر ایسه اگر ایکی
 یا اوج حرف ظاهر اولور ایسه نمازی فاسد اولور امامدن اوکوردی یعنی
 آدن اول رکوعه ایتمک ورکوعدن باشن اوکوردی قالددرمق و اوکوردی
 سجده ایتمک و سجده دن اوکوردی باشن قالددرمق پیغمبر یمز علیه الصلوة
 والسلام پیوردیکه امامدن اول باشنی قالدیرن کشی قور قزیمی باشنی اشک
 باشنه دو نمادن دیو پیوردی سجده یه ایترکن اللرن پرده دیزندن اول قومق
 عذر سز پرده و دیواره طیانوب قالدعماق عذر سز نماز ایچنده آلندن طپراق
 سلکمک عذر سز برسوره آلتق اولکی رکعتده او قودینی سوره نک آردنده
 اولان سوره بی ایکنجی رکعتده او قومیبونک آردنده کی سوره بی او قومق
 لایق دکلدر مکر اوچنی سوره ایله آیه دیمشلا ایکنجی رکعتده اولکی
 رکعتده او قودیفنک اوسنندن او قومق بتون سوره اولسون کرکسه آیت
 اولسون پر رکعتده برسوره بی تکرار او قومق وایکی رکعتده برسوره بی
 قصد ایله او قومق فرضیه غیری او قومغه قادر ایسه نافله ده مکروه دکلدر

ایکچی رکعتہ او قودینی اولده او قودیندن اوج ایت آرتق اولق امام
 اردنده قرآن او قومق بوزیاده مکر و هدر دلبند دوشنه سجدہ ایتک
 عذر سز زراسجدہ ده یرک قاتلغنی بولق شرطدر النشدن یوقاری
 صارغینک کرینه سجدہ ایلسه و آلتی یرہ دکسه جائز دکلدن ایاق اوزره
 طور رکن عصایه یاد یواره طیانق عذر سز کوعه ایندکده و یا قالدقدده
 اللرین یوقار و قالد رmq چکنی و قوللری اچقله قتلق عذر سز او کوندن
 آدم کچمک احتمالی اولان یرده ستره بی ترک ایتک امامک ستره سی جامعته
 کافیدر ستره برارشون مقداری پارمق قاتلغنده اولق کرک و یقین دیکه
 صاغ قاشه یا خودصول قاشی قارشوشنه دیکه مسجده ایلروده یروار ایکن
 کیرو طورmq مکر و هدر او کوندن کچمک جائزدر ایلر و کی صفه وارمق
 ایچون غیرنسه ایچون کچمک کاهدر پیغمبر یمز علیه الصلوٰۃ والسلام
 نماز قیلانک اوسکندن کچمده نقد کرگاه اولد یغنی یکن کسنه بیلیدی
 قرق ییل طورردی صبرایدوب کچمزدی دیو بیوردی آیتلری و تسبیحلری
 یارماغبله صایمق امام محرابده یا لکن طورmq محرابک ایچی کیک اولوب
 بوتون ایچرو کیرسه مکر و هدر اما ایاقلری مسجده ده و سجدہ سی محرابده
 اولسه مکر و دکلدن امام محرابک غیریده قتلق عذر سز امام یا لکن الحقدہ
 طور و بجله جماعت یوکسکده اولق و یا جله جماعت الحقدہ اولوب امام
 یوکسکده اولق بعضیلر آدم بوی و بعضیلر برارشون مقداری یوکسک
 اولق مکر و هدر دیدیلر اما بعضی جماعت امام ایله اولسه مکر و اولماز
 بسمله بی و آمینی جهرله دیمک رکوعه اینرکن قرآنی تمام ایتک انتقالده
 مشروعه اولان اذکاری انتقال تمام اولدقدنصرکه دیمک یعنی تکبیرلری
 یرلزدن آیرمق هرذ کری و قرآنی محلندن غیری یرده دیمک بوابکی کراحتی
 مشتملدر بری محلندن آیرمق و بری محلی اولمیان یرده دیمکدر هر نسنه محلنده
 مستحسندر رکوعک و سجودک تسبیحلرن باشن قالدردقدنصرکه دیمک
 کبی ایکبشر مکر و وارد رکاه صاغنه و کاه صولنه اکمل صلتق خشوعه

منافی و عبت نسته در بر ایاق اوزره طور مق عذر سر بر نسته فوقاق
 قصد له کول و عتبر کی قصد نسته ضرر و بر من * نمازك مفسد لی نماز
 قیلار کن سوز سو یلک قصد له اولسون سهوله اولسون او بور کن اولسون
 او یانق ایکن اولسون آزا اولسون چوق اولسون کولمک کند و ایشیده جک
 قدر نمازی بوزار اما بدستی صیغز واکر غیر ایشیده جکلین اولسه
 ابدستی بیله صنور آه ایتک همزه نک مدیله و انین ایتک و او و ابواه دیمک
 صوله اعلامق اکر مصیبتدن و یا اغریدن ایسه آغری و صیرزی کی
 اما جنت و یا جهنم اکن ایسه و یا آکلدی ایسه ضرر ایتر بوغازن
 آیتلامق ضرر و رتسز اکر مضطر اولور ایسه بوغازند بلغم جم اولوب
 تنفسه مانع اولمق کی و اغسر مق کی نمازی بوزماز صاقر جیمک و باشن
 و یا صقالن طرامق اوچ کره متوالیا اولور سه برز کنده مفسد در قبلن
 قو یار مق کهله اولدرمک بونلرک امثالی عمل کثیر قیلندندر مفسد اولور
 اوچ کره برین فاشیق هر برنده الن قالد رمغله بر کنده ایکی ایاغیله طوار
 دیمک یا بر ایاغیله اوچ کره دیمک بر کنده امام او کنه کچمک ضرر و رتسز
 ایکی صف قدر یوریمک بریدن اما بر صف قدر یوریه و دور سه ینه
 بر صف قدر یوریه ینه دور سه بویه جه نقدر یوریه نمازی بوزماز دیو
 خلاصه ده و غیریده بیان اولندی سجده ده ایکی ایاغن قالد رمق یا لکن
 برینی قالد رسه فاسد اولماز بر عورتله برابر طور مق امامه اوید قده یاردنده
 طور مق اکر امام عورته امامتی نیت ابتدیه و الا عورتک نمازی جاژ اولماز
 بو باده بر قاج شرط واردر اولا ارایله عورت بر امامه او یه ثانی عورت
 اشتها اولور مقوله سندن اوله ثالث نمازل ینک جه تری برابر اوله اربعه ماینلرند
 بر نسته اولبه خامسا هیچ اولماز ایسه بر کن ادا ایده جک قدر برابر طوره
 سادسا جنازه نماز ینک غیر نماز اوله بوصورنده ارك نمازی فاسد اولور
 یوزن و ک و کسن بردن قبله دن آیر مق عذر سر بالکن یوزن آبرسه
 ضرر ایتر امامینک غیر یه فتح ایتک یعنی نماز قیلان کسه نک یاننده

اما مندن غیر کسه قرآن او قوسه بر محله دو رب اشاغبسنی او قومه
 قادر اولسه مصلی ایشیدوب اشاغی طوغری اکا تعلیم ایدوب او قو و ویرسه
 نمازی فاسد اولور اما امام نمازده او قور ایکن حصر اولسه جاعتدن بریسی
 اکا دیو ویرسه استحسانا فاسد اولماز و بعضی را کر امام نماز جائز اوله جق
 مقداری او قودی ایسه اکا قح ایتمک جائز اولماز دخی بونده فقهاک سوزی
 چوقدر صحغدن او قومق مفسددر امام اعظم قنده اما امامین عندنده
 دکدر همان مکر و هدر یک یک صو ایچمک معنی بوزیله جقلین قرآنی
 یا ککش او قومق یعنی قرآنده مثلی اولیه و معناسی تغیر فاحش ایله متغیر اوله
 نمازی فاسد اولور مثلاً * فبعت الله غراباً * برینه غبار ادمک کی یا مدلی
 اولما یوب و معناسی دخی اولیه * یوم تلی السرائر * برینه السرائل کی
 یو محله احوال چوقدر زله القاری یازد قلی محله نظر اولنه او قودی
 قرآنک معناسی بتلیدر که حتی متغیر میدرد کلیدر کلایه سلام الماق قصده
 سلام ویرمک زیر کلام سوبلشمک کی اولور اما آخر نجات صانوب سهوله
 سلام ویرسه فاسد اولماز سجده سهولازم اولور هر نه زمان نمازک واجب لردن
 بری سهوله ترک ایلسه سهو سجده واجب اولور نجات و تشهد التیات
 لله یعنی عبادات قولیه انجق الله تعالی به مخصوصدر والصلوات دخی
 عبادات بدیه اکا مخصوصدر والطیبات دخی عبادات مالیه اکا
 مخصوصدر بو حدیث شریفدر السلام علیک ایها النبی ورحمة الله وبرکاته
 دارینده سلامت وحق تعالینک رحمة عظیمة سی و برکاتی یعنی خیرک زباده
 اولسی سنک اوزر یکه دروسکا واصلدر بو تکرر تعالی کلامیدر السلام
 علینا وعلی عباد الله الصالحین سلامت ایکی جهانده بزم و سائر صالح
 قولرک اوزرینه اولسون بو حدیث شریفدر اشهد ان لا اله الا الله بن
 شهادت ایدرین که الله تعالی بر در شریکی و نظیری یوقدر برادجی انجق
 اولدر اندن غیر برادجی یوقدر اولق دخی ممکن دکدر و اشهد ان محمداً
 عبده ورسوله بن شهادت ایدرین که تحقیقا محمد مصطفی حق تعالینک

قولیدر ورسولیدر بودخی جبرائیلک کلامیدر لیلہ معراجده واقع اولدی
 دیشله صلوات اللهم صل علی محمد یا الله سن محمد مصطفی به تعظیم
 واکرام ایله وعلی آل محمد ودخی محمدک اتباعنه اکرام ایله کما صلیت علی
 ابراهیم وعلی آل ابراهیم ابراهیمه واتباعنه اکرام ایندیکک کی انک حید
 مجید تحقیقا یارب جد وئنا سکا مخصوصدر وعظمت کبریا ایله
 موصوف سین اللهم بارک علی محمد یا الله سن محمد مصطفی به برکات ویر
 یعنی هر خبرنی آرتر وعلی آل محمد ومحمدک اتباعنه دخی زیاده خیرلر ویر
 کما بارکت علی ابراهیم ابراهیم پیغمبره برکات ویردیکک کی وعلی آل
 ابراهیم دخی ابراهیم پیغمبرک اولادنه واتباعنه زیاده خیرلر ویردیکک کی
 انک حید مجید یارب تحقیقا سن محمود سین عظمت وکبریا ایله موصوف سین
 ثنا واستفتاح سبحانک اللهم یا الله تحقیقا سی زماندن ومکاندن وجهتدن
 جسم وجسمانی اولمقدن مزه سین شریکک ونظیرک یوقدر اولمقدن دخی
 ممکن دکلدن یرادی سی سین سندن غیری یرادی یوقدر اولمقدن دخی ممکن
 دکلدن وشانکه لایق اولیان نقصانلردن مزه سین وبحمدک وکمال
 صفاتلری ایله ازلا وابد موصوف سین وتعظیم طریقله سکا جد ایله
 ملابس اولدیغم حالده سکا تسبیح ایده رم وتبارک اسمک وبنک اسم
 شریفک مبارک ومعظمدن وتعالی جدک وبنک شانک وکمال صفاتک
 اولو در ولاله غیرک وسندن غیری تکرری یوقدر قنوت اللهم یا الله
 انانستعینک تحقیق بزجله مؤمنلر جیع امور مهمه مزده یا خود طاعت مزده
 وخیرات مزده یاردمی سندن ایسترز ونستهیدک وسندن امور مستحسنه به
 دلالت ومرادات خیریه ارشاد ایسترز ونستفقرک وسندن جیع معاصی
 صفایر وکاریمز ایچون مغفرت وبارغنی طلب ایده رز ونؤمن بک وسکا
 دائم ایمان کتور رز وتوب البک وتوکل علیک وسکا توکل واعتماد ایده رز
 ونثنی علیک الحیرکله وهر تقدیر خیر واریسه جله سیله سکا ثنا وجد ایده رز
 نشکرک سکا شکر ایده رز ولانکفرک وبنک نعمتلر بکه کفران ایچون

والمشهور في القنوت
 اللهم انا نستعينك ونستغفرك
 ونستهديك ونوئمن بك ونتوب
 اليك ونتوكل عليك ونثني
 عليك الخير كله نشكرك
 ولا نكفرك ونخلع ونترك من
 يفجرك اللهم اياك نعبدوك
 ونصلي ونسجد واليك نسعي
 ونخفد نرجو رجتك ونخشى
 عذابك ان عذابك بالكفار
 ملحق

برروا بئده وتخنك لك كمشدر يعني سكا خضوع وتذل ايدہ رز ونخلع
 رد ومنع واعتبار ومرتبه سندن عزل ايدہ رز ونترك من يفجرك وسكا
 طغيان وفجور ايدناري ترك ايدہ رز يعني كافر لري ومشركرى سومه يز انلره
 غضب ايدہ رز رز راجب في الله وبغض في الله افضل اعمال دندر اللهم اياك
 نعبد يا الله بزر انجق سكا عبادت ايدہ رز سندن غيرى به دكل ولك نصلى
 ونسجد وسنك ايچون نماز قلوب سجدہ ايدہ رز واليك نسعى انجق
 رضا كه وسعادت اخرويه به سعى ايدہ رز ونخفد نرجو رجتك سرعت
 ايدوبد رحكى اومارز ونخشى عذابك وعذابكندن قورقارز ان عذابك
 الجدد بالكفار ملحق بتحقيقا سنك عذابك كافرله واصلدر جد هزلرك
 ضديدر ملحق حاك قححه سيله وكسره سيله اوقونور امام حسن بن علي
 رضى الله عنهما دن وسائر سلف صالحين دن منقول اولان بودعاى دخی
 ضم ايدہ رز اللهم اهدني فين هديت يا الله هدايت اينديك قوللر اراسنده
 بكادخی هدايت وارشاد ايله وعافى فين عافيت جله محنت وبلادن عافيت
 وسلامت ويرديك قوللر اراسنده بكادخی عافيت وسلامت احسان ايت
 وتولني فين توليت صيانت وحفظ اينديك قوللر اراسنده بنى دخی
 حفظ ايت وباركلى فيما اعطيت وبكا اعطا اينديك نعمت لوده خير كثير وير
 وقنى شرما قضيت وير اينديك خلقك شردن بنى حفظ ايله انك تقضى
 ولا يقضى عليك بتحقيقا سن حكم ايدرسين وسكا حكم اولماز وانه لا بدل
 من واليت وتحقيقا سنك حفظ اينديك كسهلر ذليل اولماز ولا يعز من
 عا ديت وسنك سوميوب مغضوب عليه اولان كسهلر عز يز اولماز تباركت
 ربنا وتعاليت اى بزم پروردگار مز سن عظمت مضويه وعلو معنوى
 صفتلر ايله ازلا وابد امو صوف سين اللهم انى اعوذ برضاك من سخطك
 بتحقيقا بن سنك غضبكندن رضا كه صيغورم والتجا ايدہ رز وبمعافاك من
 عقوبتك وعقوبتكندن عفو كه صيغورم واعوذ بك منك وسندن ينه سكا
 صيغورم يعني سندن قورقارم وسندن اميد ايدہ رز بو كمال توحيد ايله

اخلاصی متضمندر * لاحصی ثناء علیک وسکا ثنا کارا ولفه قادر دکم
 انت کما اثبت علی نفسک سن ذات عظیم الشانکه لایق ثنا یتدیکک کی
 ثنا یتدیکه بن قادر اوله هم واول ثناری تعداد ایدهم زیراقوللر عاجز زرد
 مسبعات عشر یعنی اون دورلو وارد واردر که یدیشر کره او قونور اولکی
 فاتحه ایکنی آیه الکرسی اوچنخی قل یا ایها الکافرون دور دخی سورة
 اخلاص بشنخی والتبخی معوذتین سبحان الله والحمد لله ولا اله الا الله
 والله اکبر ولا حول ولا قوة الا بالله العلی العظیم بونلرک معناری بوقاروده
 یکدی سکرنجی اللهم صل علی محمد وعلی آل محمد وسلم طغوزنجی اللهم
 اغفر لی بالله سن بنم ایچون جله کاهلریمه ولوالدی وبابا وآنالریمه
 ولجميع المؤمنين وجله اهل ایمانه مغفرت ایت اللهم افعل بنا وبهم بالله
 سن بزله وسائر اهل ایمانه احسان ایله عاجلا شمدیکی حالده واجلا
 وکله جک حالده فی الدنيا والدين والاخرة امور دنیاده ودینده وآخرته
 مانت له اهل شول احسانی ایله که سن اکا اهل سن ولاتفعل بنا وبهم
 بزله وانلره ایلله یا مولانا مانحن له اهل ای بزم یارد مجیمز بزر اکا اهل
 ومستخفر یعنی کاهلریمزم مقابله سنده بزله عذاب وسؤال ایلله انک خفور
 تحقیقا سن بوتون کاهلری مغفرت ایدیچی سن حلیم عجله ایتیمبس
 جواد بلا عوض نعمت و جنت باغشلیمبس کریم اکرام ایدیچی سن
 رؤف زیاده سبله نهایتسز رحمت ایدیچی سن رحیم سعادت ابدیه
 احسان ایدیچی سن ایمدی دعا لر مستجاب وفانده لری ایکی جهاتده
 مشاهده اولنسنده شک یوقدر حصن حصین وهلی القاری جمع ایتدیکی
 وسائر فحول علمانک اعتبار واراد ایدوب کابلره مطالعه ومداموت ایدلر
 احوال حبض ونفاس عورتلرک ومتأهل اولانلرک وعورتلر اوزلرینه ولی
 اولانلرک اوزلرینه بطلسی واکر غسی اهم والزیم اولان مسائلندن رجض دیو
 بالغه اولان خاتونک مرضی اولیوب مجرد رجندن معتادی اوزره چیقان
 قانه دیرلر نفاس دیو طوطو ووردیغی حالده آفان قانه دیرلر ایددی بوحالده

اولان خاتونلرك احكام مخصوصه لری وارد رنماز ساقطدر قضای لازم
دكلدر واوروجی ترك ایدر صكره قضا ایدر حیضی كورد كده بلوغی یله حكم
اولنوراریله جاع ایتك حرام اولور حلال دین كافر اولور اكر بيله دن ایدوب
صكره یلسه استغفار ایتك واجب اولور اكر حیضك اول وقتی ایسه براتون
صدقه ویرمك آخر وقتی ایسه یارم اتون صدقه ویرمك مستحبدر حیضی
اوج اولدقده طلاق عدتی وار ایسه تمام اولور جاریه نك استبرای تمام
اولور قرآن اوقوق حرام اولور صحفه و آیت یازیلان نسنه له یا بشقی
حرام اولور حج ایچون طواف ایتك حرام اولور مسجد كیرمك جائز اولماز
مكر ضروری اوله كسیلد كده غسل ایتك فرض اولور زیرا حیض مدتی
تمام اولدیغی ساعت طهرله حكم اولنور لكین غسلدن اول جاع ایتك
مستحبدر حیض حالنده تسبیح وتهلیل واوراد و دعا اوقوقی جائز اولور
حیضك اقلی اوج كوندیر كیمه لریله بيله قول مفتی به بودر اكثری اون
كوندر پیغمبر یمز علیه الصلوٰه والسلام حیضك اقلی اوج كوندیر اكثری
اون كوندردیو بوددی اوج كوندن قل فانكلسه یاخود اون كوندن اكثر
اقسه حیض دكلدر اكا استحاضه دیرل نفاسك اقلنه حد یوقدر هر نه
وقت كسیلور ایسه فی الحال غسل ایدوب نماز قیلق كر كدر واوروج طوق
كر كدر بر ساعتده كسیلسه غسل ایتك واجبدرینه تكرار كلسه نفاس
اولور برایکی ساعتده كسیلسه ینه غسل ایتك فرض اولور بوموال اوزره
بك كره دخی اولور ایسه اكثر مدتی چیقمه دكین بویلددر نفاسك اكثر
مدتی فرق كوندیر اكر حیض حالنده فان اوج كوندن اكسكده كسیلسه
حیض صانوب نمازن قیلا دیسه قضا ایدره زیرا استحاضه عذر دكلدر غسل
لازم دكلدر و اكر اوج كره كونه ویا ارتقده كسیلسه غسل لازمدر زیرا
شكسز حیضدر اون كون تمام اولدقده كسیلسه و كسیلسه غسل ایدره
و نمازن قبله زیرا احكام شرعیه به مانع اولماز نفاسده فرق كون تمام
اولیحق غسل ایدره نمازن قبله كسیلرسده زیرا استحاضه در عذر دكلدر

حیض و نفاس کونلرنده هر نه دور لو فان کلورسه صاری و مائی و ترابی
 و پوزنك و غیرى صافی فان حکمنده در صارو اولسون بولانق اولسون
 حیضك اون کونی ایچنده و یا نفاسك قرق کونی ایچنده برایی کون
 فان کسبلسه کسبلم صانوب غسل ایدوب اوروج طوتسه صکره کبر و مدت
 حیض و نفاس ایچنده فان کلسه اول طوتدیغی اوروجی قضا ایتك كرك
 زیرا اول اوروج دکلدر کسبلمده کبر و غسل ایتك كرك عادتندن اول
 کسبلسه لکن اوج کون تمام فان کلد کد نصکره اولسه غسل ایدوب
 نمازن قبله اوروجن طوته لکن اربله یا تمبه یعنی جاع اتمبه تا کیم عادت
 کیم بجه نفاس دخی بویه در اکر عادتنده کسبلسه لکن اون کون تمام
 اولدقده یادخی ا کسبلمده کسبلسه هب حیضدر زیرا عادت برکهر ابله
 تبدیل اولور امام ابو یوسف مذهبنده مفتی به بودر امام ابو حنیفه ابله امام محمد
 مذهب لرنده عادت ایکی کره ابله تبدیل اولور اکر اون کون تمام اولدقده
 کسبلسه اقسه اما اولکی حیضنده عادتی مثلاً بش کون اولسه عادتندن
 ایلروسی حیض اولماز اول کونلرك نمازن قضا ایدنه نفاسك قرق دخی
 حیضك اون کیدر مثلاً بر عورت ابتدا ولادنده بکرمی بش کون نفاس
 کورمك عادت ایلسه ایکنجی نفاسی قرق تمام اولسه یا اکسك اولسه عادت
 اولسی تبدیل اولوب بونك جله سی نفاسدر و اکر قرق کونی کج دیسه عادت
 اول سندن ماعداسی نفاس دکلدر رمضانده ایره یری آغردیغند نصکره
 حیض یا نفاس کسبلسه اول کون بیمه و ایچیمه صاعمله بکره به لکن اوروج
 اولماز قضاسی لازمدر و اکر ایره یری آغردقند نصکره فان کلسه اول کون بیه
 و ایچمه اکر چه ایکند و نصکره ده کور رسه و بالجمله بر عورت ایره یری آغز
 دقدن نصکره کون اینجه هر نه وقتده اولور سه فان کور سه نمازدن و اورجدن
 و از کله و اکر اوج کون اولمادن کسبلسه نمازك آخر وقتنه دك کوبه یعنی تأخیر
 ایلده آخر وقتنده کبر و فان کلور سه نماز قبله و اکر کلر سه ابدست آله نمازن قبله
 غسل لازم دکلدر اکر کبر و صکره فان کلسه کبر و نمازدن و از پنجه کبر و کسبلسه

کبر و نمازك آخر وقتنه دك كويه كار ايسه ابدست آله نمازن قبله اوج كونه دك
 بويه ايله غسل لازم دكلدر يالكر ابدست بتراما اوج كوند نصكره بوموال
 اوزره كسيلسه كبر و هر نمازك آخر وقتنه دك كويه كلز ايسه غسل ايده زيرا
 تمام حيضدر نمازن قبله قان كلور ايسه نمازدن واز كچه بوقباس
 اوزره اون كونه واربجه بويه عمل ايده اند نصكره اون ~~كون~~ تمام
 اولدقد نصكره غسل ايده نمازن قبله قان اقرسه ده نفاس ده دخی حكم
 بويه در لکن انده هر كسيلد كچه غسل لازمدر بر كونده ده كسيلورسه
 قرق كون تمام اولونجه دكين اما نفاس حائنده اوزوج اگر ايرته بری
 اغارمه دن قان كسيلسه نيت ايده طوته اگر قوشلغن يا ايكندود نصكره كبر و
 قان كلسه اول اوزوج اولماز اول كون ييه صكره قضا ايده اگر دوشوك
 دوشورسه پارماغي يا صاحبي و يا اغزي و يا بورني يعني بر عضوي بونك
 امثال بللو ايسه بتون اوغلان طوغر مش كپی نفاس اولور و آنك عدی
 چيقار جاريه ايسه ام ولد او و اولاده تعلیق اولنان طلاق واقع اولور و میننده
 حائث اولور اگر ايتديسه اگر هيچ بری بللودكل ايسه نفاس اولماز لکن اوج
 كون يادخی ارتق اقرسه حيض اولور اگر حيضدن كسيله لی اون بش كون
 و يادخی ارتق اولوبده دوشوردیسه و اگر اوج كونده اكسيكده كسيلسه
 و يادخی حيض كسيله لیدن اون بش كون تمام اولماش اولسه حيض
 دكلدر بورن قانی كيدر زيرا طهر ك اقل مدتی اون بش كوندر مفتی به
 بودر نمازن قبله اوزوجن طوته اربله ياته غسل لازم دكلدر بر عورت اگر
 بدخی طوغر سه ارادن چوق كون كچمدن نفاسی ولد اولدندر عدتی ولد ثانی
 زماننده تمام اولور ايمدی حيضدن و كبه اولدن منقطع اولمقلق
 زماننده اختلاف اولندی بعضيلر عندنده بروقتله موقت دكلدر زيرا
 نسوان طائفه سی بونده برابر دكلدر بوقول مختاردر بعضيلر الی باشند
 حيضدن قالورد بمشله بعضيلر التمش باشند قالورد بمشله دخی اقوال واردر
 اولكي قوله كوره كسيلد كده تكرار قان كورسه حيضدر مطلقه اولسه

آی حساب ایلہ عدت چکر کن تمام اولدن قان اقرسه عدت مذکورہ باطلہ
اولوب حیض ایلہ حساب ایتک کر کدر واکر عدت مزبورہ تمام اولدقد نصکرہ
قان کلسه عدت سابقه تمام وصحیحدر نصیحت تزوج ایتک مراد ایدن اخوانه
اهم والزم اولان بودر که اولاپاک نسب صاحبه سی و اخلاق حیده ایلہ
معروفه و حسن تربیه ایلہ موصوفه اولانه راغب اوله لر کفوی اولیق شرطدر
فقراء اولان اغنیاء اولادینه طالب اولیه اگر فقری زیاده اولوب نفقه و کسوه
وسکنایه قادر اولماز ایسه تزوج اصلاً جائز دکدر واولادی اولانی نکاح ایلیه
زیرا برکسه نک سبب وجودی اولوب آخرتده جنته کیر مسنه سبب اولیق
یر یوک سعادتدر حسن تربیه سی اولیبوب نسبی ادنی کسه بی مزبلده بتمش
چیچکه تشبیه ایتشلر لطیف مشرب و ظریف طبع و حسن طلعت ایلہ
موصوفه اولاندن اولاد دنیا یه کلد کده هر وجه له قره عین پدر و جکر گوشه
مادر اولور جهان ایجره بر درخت منته اوکلستان ایجره بر نهال کل صد برک
بی بها یتددر مکه راغب اوله لر ودخی ربتا هب لنا من ازواجنا
و قدر یاتنا قره عین واجعلنا للمتقین اماما کبی دعا زه مداوم

اوله لر تم الکلام فی هذا المرام

بعون الخالق

العلام

بسم الله طبع هذا الكتاب المستطاب بعون الله الملك الوهاب
فی زمان سلطنة امام المسلمين وقره عین الموحدين مشید سنن
الاجديه مؤید شریعة المحمدیه السلطان الغازی محمود خان
ایده الله العظیم المنان فی اواسط جادی الاخری لسنة ست واربعین
وماثلین والف بمعرفة الحاج ابراهیم الصائب المدير بدار
الطباعة العامرة فی دار الخلافة العلیة صانها
الله وقطانها عن الآفات

والبلدة
القدس

A. or 3276 4^o

Birkewi

<36611438050012



<36611438050012

Bayer. Staatsbibliothek

4° A. or. 3276

شارکی بیکوئی charhi binhovi
cumanontaine de binhovi
imprimé à Turc traité sur
la religion imprimé à Constan
tinople en 1946 de l'heg.
(1831)

